

BIBLIOTECA NAZ.

159

B

10

NAPOLI

BIBL. NAZ.

VITT. EMANUELE III

1 59

B

10

NAPOLI




~~101-9-62~~

NA.

159

B

10.



# BIBLIOTHECA

BREMENSIS

## NOVA

HISTORICO-PHILOLOGICO-

THEOLOGICA

---

CLASSIS TERTIÆ

*FASCICVLVS PRIMVS.*

---




BREMÆ & AMSTELODAMI

Sumptibus Bibliopolarum

G. W. RUMPII & H. VIEROOT.

MDCCLXIII.





*VIRO*  
*PERQUAM MAGNIFICO*  
**HENRICO**  
**K O E H N E N**

*JCTO EXCELLENTISSIMO,*  
*R E I P U B L I C Æ P A T R I Æ*  
*CONSULI,*  
*COGNATO SUO ET FAUTORI*  
*MAXIME SUSPICIENDO,*

*FASCICULUM HUNC*  
*B I B L I O T H E C Æ*  
*BREM. NOVÆ*  
*SEPTIMUM,*

*EA, QUÆ PAR EST, OBSERVANTIA*  
*INSCRIBIT.*

PA-

PACISQUE  
DEIDONO RESTITUTÆ,  
ET  
URBIS PATRIÆ,  
A PEREGRINO QUOVIS MILITE  
TANDEM LIBERATÆ,  
HALCYONIDES,  
INDE  
LIBERTATEM REIPUBLICÆ  
FERE PERDITAM  
ET MORTUAM,  
JAM FELICITER RECUPERATAM  
ET REVIVISCENTEM  
IMPENSE GRATULATUR,  
ET UT  
CLAVUM REIPUBLICÆ PATRIÆ,  
QUEM TER IN PROCELLA  
RECTUM TENUIT,  
BREVI RECEPTURUS,  
QUIETUS IN PUPPI TENEAT,  
SÆPIUSQUE RESUMAT,  
VALIDISQUE  
IN ÆTATE SENECTA ET VIGENTE  
VIRIBUS  
AD REIPUBLICÆ SALUTEM,  
BONO CUM DEO,  
DIRIGAT  
ET  
PROFITIO FRUATUR IN CHRISTO  
NUMINE  
SUMMOPERE IN VOTIS HABET  
EDITOR.

L. B.

S.

NICOLAUS BARKEY

S. TH. D. ET PROF. P. O. ECCLESIASTES

STEPHAN.

**F**avorem eximium, quo Bibliothecam me-  
am Bremensem Novam excepit Respu-  
blica Litteraria, gratissimus agnosco. Sti-  
mulum ille mihi nobilem admovit urgendi  
quantum pote institutum. Credas mihi ve-  
lim ingenae, ampliores jam adparuisse Bi-  
bliothecam, si res per me solum stetisset; mi-  
bique non fuisse integrum, uti constitutum  
erat animo, Classi Secundae subungere Indi-  
cem rerum binis primis contentarum, quam-  
vis ad prelum paratus esset. Hinc ille, quum  
Lectores aliqui duas Classes una ligatura com-  
pingent, jam claudat oportet Classem Quartam,  
qua.

quatuorque Classēs priores, Deo vitam vi-  
resque conservante, comprehendet. Eundem  
ad modum quoque vides Bibliothecam Bremen-  
sem Veterem ad XII. Fasciculos adornasse In-  
dices. Quemadmodum autem Auctoribus  
Symbolarum ad me ablegatarum, sive fidei  
meae adhuc commissarum, Viris summe &  
plurimum Reverendis & Doctissimis pro au-  
xilio, mihi in condita & condenda Bibliothe-  
ca hac praestito, me quam maxime obstrictum  
esse sentio: ita jure meritoque ab aequitate  
Tua L. B. contendo, ut semper memineris  
rarissimum eum esse librum aut tale scriptum,  
vel ab eodem Auctore editum, in quo non medio-  
cra mixta sint Doctissimis. Unde facile colli-  
ges in hac quoque Bibliotheca unam symbolam,  
vel ab eodem Auctore profectam, altera  
esse praestantiolem. Ne vero tempora Tua  
morer, hic Tibi fisto

Se.



S E R I E M  
C O N T E N T O R U M  
F A S C I C U L I P R I M I  
C L A S S I S T E R T I Æ .

I. JO. HENR. VERSCHUIR, *S. Tb. D. & V. D. M. apud Bolswardenses*, *Dissertatio Exegetica, qua Oraculum Bileamiticum NUM. XXIV, 17-20. nova ratione explicatur, ejusque implementum ex historia demonstratur* pag. 1.

II. JO. NICOLAI RICHTERI, *V. D. M. Ernestivillani*, *Observatio ad COL. II, 16. 17. Viri pl. Rev. JOH. THEOPHILI ELSNERI dubiis opposita* pag. 80.

III. ELIÆ PALAIRET, *Reverendissimi in Deo Patri, JOANNI. Bangorii Episcopo à sacris, & in regia D. Jacobi ade Vicarii, Auctores Sacri Classici, & quidem Matthæus* pag. 128.

IV. JO. CAROLI BONNET, *Scholæ apud Taberna-montanos Magistri & V. D. M.* *Observatio Exegetica ad MATH. III. 7.* pag. 165  
V.

V. Series *Professorum* Regiorum in Academia *Upsalensi* nunc quam maxime docentium pag. 172.

VI. Series *Professorum* in Academia Carolina *Lundenſi* pag. 174.

VII. Series *Professorum* Academiae *Aboënsis* pag. 176.

VIII. *Programma Academiae Upsalensis*, à V. C. JOH. J. AMNELL *conscriptum*, quo B. ANDR. KALSENII, *Westmannorum ac Dalecarlorum quondam Episcopi, munificentia laudatur in statutis legatis, præsertim in constituendo Novo S. Theol. Professore Upsalensi, a Røg. Maj. ratihabito, & Auditores ad audiendam Orationem S. V. ASPH, in laudem Beati Episcopi convocantur.* p. 177.

IX. *Programma ab eodem V. C. conscriptum, quo inauguratus est S. V. WALLERIUS, ut Novus Professor Regius & Kalsenianus* pag. 183.

X. Munificencia Nobil. & Ampl. PETRI MOGGII, *Dom. in Renesse laudat* p. 188.

*Vale Lector Benevole, huicque operi in posterum favere perge. Scripsi Bremæ d. 4. Junii a. 1763.*





I.

JO. HENR. VERSCHUIR,

S. THEOL. D.

ET V. D. M. APUD EOLSVARDIENSES

DISSERTATIO EXEGETICA

QUA

ORACULUM BILEAMITICUM

NUM. XXIV, 17-20.

NOVA RATIONE EXPLICATUR,  
EJUSQUE IMPLEMENTUM EX  
HISTORIA DEMON-  
STRATUR. \*

NUM. XXIV, 27-20.

Vers. 17. Video illum, sed non nunc, intueor il-  
lum, sed non propinquum: procedit Stella  
ex Jacobo, & surgit Sceptrum ex Israele, &  
percutiet tractus Moabi, & excindet omnes  
filios tumultus.

v. 18.

\* Mira cum voluptate hanc Dissertationem Amicif-  
Bibl. Brem. Nov. Cl. III. F. I. A fimi

## 2 Joh. Henr. Verschuir Diss. Hist.

Vers. 18. Tum fiet Edom hereditaria possessio, & Seir erit hereditaria possessio hostium ejus; sed Israel faciens robur.

Vers. 19. Et dominabitur (aliquis) ex Jacobo, qui perdet residuum ex urbe.

### §. I.



Israelitarum agmine in itinere versus terram promissam appropinquante ad regionem Moabiticam, rex Balacus ac universus Moabitarum populus, non ignari maximorum facinorum ab Israelitica gente perpetratorum, maximo percellebantur terrore, quippe solliciti, ne regio sua vastaretur ac

fimi VERSCHUIRI legi, quia dudum in ea sui hæresi in hoc vaticinio neutiquam de Messia sermonem esse. Quod rem suam feliciter & non minus doctissime egerit S. v. *Auctor*, fatebuntur quotquot ex Interpretibus Veritatem magis quam præjudicia institutionis aut factionum sequuntur. Utinam tractentur Oracula Divina talibus semper manibus, talique studio! Nexus argumentorum ut possit cognosci, meliusque ponderari, adeoque grata Lectori erit lectio, ut eum ad finem usque adtentum tenebit, nolui h. Dissert. dividere. NB.

Exeg. ad Num. XXIV, 17. 18. 19. 3

ac peregrinis hisce advenis in prædam cederet. Anxie itaque circumspicientibus auxilia ad hoc malum averruncandum, in mentem venit *Bileamus*, divinationibus ac varicinandi arte clarus. Missa legatione, una alteraque, magnis eum invitant muneribus, & permovere conantur, ut Israelitas devoveat, sibi vero addicat victoriam; hac enim facultate Bileamum instructum esse stolide putabant. Bileamus prima vice rogatus venire recusat, sed iterum tentatus, magnis pollicitationibus succumbit, iter ingreditur, lætæ & honorificæ a Moabitibus recipitur, Vaticinandi arte candide utitur; sed minime ex Moabitarum voto. Non enim execratur Israelitas, verum Numinis Optimi Maximi revelationem fideliter proferens, prospera ac felicia Israelitarum fata canit. Magnis allectus promissis iterum iterumque tentat, num Moabitas voti compotes reddere possit; sed identidem a Deo impeditus, lætam omnique ex parte beatam Israeliticæ nationis prædicit fortunam. Hoc bilem mover Balaco regi, se a Bileamo delusum putanti, qui eum propere discedere jubet, cæteroquin male mulctandum. Impetrata tamen denuo regis venia vaticinari pergit, & cum hætenus generalius locutus fuisset, nunc ipsorum Moabitarum, aliarumque gentium vaticinarum ultima fata, ac lethalia vulnera,

#### 4 Joh. Henr. Verschuir Diff. Hist.

ipsis per Israelitas inferenda enarrat, v. 17. 18. & 19. destructionem gentis Moabiticæ & Idumææ prænuncians.

##### §. 2.

Argumentum hujus vaticinii huc reddit: post magnum temporis spatium utraque fata intermedia, orituros unum pluresve illustres Heroas ex Israelis progenie, qui Summa fortitudine præditi vicinos populos, sibi hostiles, & inter eos præcipue Moabitas & Idumæos bello devincant; & tandem ita profligent, ut in posterum omni nocendi vi careant; Imo Idumæos una cum Moabitis, sed post multa demum secula lethaliter ab illustri quodam ex Jacobi prosapia Principe percussos, libertate privatos, nec quicquam præter solam obediendi gloriam reliquum habentes, Israelitis esse inferendos, ita ut una cum iis unum constituent populum, ac perpetua & hereditaria eorum possessio evadant. Prædicatur itaque, tum felicissima Israelitarum conditio & regnum late extensum, tum hostium interitus & subactio.

##### §. 3.

Quæritur jam, quinam sit illustris ille Princeps, *Stellæ & Sceptri* epitheto insignitus, quæ qualisve præclara illa victoria, qui



Exeg. ad Num. XXIV, 17. 18. 19. 5

qui hostes ab eo devincendi, Moabitæ & Idumæi proprie ita dicti, num vero alii, sub eorum nominibus latentes, qualis victoriæ modus, quinam illi filii Sethi, inimici an amici, sintne subigendi, an vero colligendi? Communis fere Christianorum ac Judæorum (a) interpretum est opinio, Messiam, Ejus ortum ex Jacobo, Ejus regnum ac victorias hic prædici. Judæorum hanc in rem testimonia diligentissime sunt prolata. Attamen cum percussio Moabitarum & reliqua proprie & secundum litteram Messiae tribui non possint, hinc Christiani ad sensum *mysticum* confugiunt. Cum vero propria Moabitarum & Idumæorum subactio omnino hoc oraculo quoque comprehendere videatur, & in Davide implementum nacta sit, hinc statuunt multi, varicinium esse *typicum*, quod secundum litteram de Davide, mystice vero de Messia sit intelligendum, in quo etiam assentientem habent MAIMONIDEM, aliosque Judæorum magistros: nec mirum, quem enim illi expectant Messiam, is nullo modo priscis illis populis dudum abolitis, oraculi implementum præstare poterit, proprie & secundum litteram. Hanc sententiam post alios haud ita pridem ingeniose exornavit vir eruditus D. R. BUL-

A 3

L E.

(a) Hinc misere a famosissimo illo Barchocheba delusi sunt.

## 6 Joh. Henr. Verschuir Diff. Hist.

LERIUS in *differtat. Sylloge diff. I.* Sunt etiam, qui *solum Davidem* hic depictum putant. Ita ex veteribus JULIANUS, quem suo more refutat CYRILLUS *I. VIII, p. 262.* ex recentioribus JUNG MANNUS ad *Daniel. tom. II, p. 197.*

§. 4.

Ex dictis constat recepta & communis interpretum opinio, qua hoc oraculum secundum sensum *mysticum* omnino ad *Messiam* respicere putant, imo non nisi *tenuiter* admodum in *Davide*, sed *vere* secundum intentionem Spiritus prophetici deum in *Messia* esse impletum. Vellem sane hanc sententiam firmis inniri rationibus; neminem majori gaudio hic depictum viderem, quam ipsum Dei Filium, Christum Jesum, Optimum Maximum Servatorem, illustrissimum illud sidus ac potentissimum Regem. Verum enim vero, quamvis eo animo oraculum hoc sæpius legerim, relegerimque iterum, iterumque meditationi severæ subjecerim hactenus mihi nullæ, vel probabiles, se obtulerunt rationes, quibus communis opinio mihi persuaderi potuit. Cum ergo id quod quærimus, unice VERITAS sit, cum non iste, quem maxime cuperemus, sensus scriptoribus quibuscunque, multo minus Sacris, sit adscribendus, sed qui ab ipsis scriptoribus intentus fuisse ex omnibus orationis



Exeg. ad Num. XXIV, 17. 18. 19. 7

tionis infitis criteriis liquet; hinc nemo cordatus & S. S. vere amans in sinistram interpretabitur partem, si per firmas rationes demonstrare aggrediar, nihil esse in hoc varicino, ejusque cum superioribus nexu, ex quo Messiam a Spiritu prophetico per Bileamum designatum fuisse liqueat, adeoque temere eo referri. Laudo præstantissimos interpretes, ex pietatis fervore & hic Messiam quærentes, eo magis, quod ipsos Judæorum magistros præstantiores hic duces haberent; attamen, licet animo pio ad optimum sane finem ita instituerint, inconsulto ac temere fecisse videri possent. Si enim Judæis largiamur, Messiae victorias hic prædici, profecto ipsis arma porrigimus, quibus nos profligare possint, cum nullo, ut mihi quidem videtur, modo demonstrari possit, Jesum nostrum ea, quæ hic prædicuntur, præstitisse. Sunt alia bene multa V. T. oracula, Messiam clarissime canentia, omni exceptione majora, in Jesu nostro evidentissime accuratissimeque impleta; quare necesse non est, ut talia circumspiciamus, quæ ne quidem probabilem admittunt demonstrationem. Ne minima quidem danda est occasio hostium cavillationibus. Quis demum ignorat capitalem illum religionis Christianæ hostem, *Celsum*, sub Judæi persona, Christianis pessimum Pro-

## 8 Joh. Henr. Verschuir Diff. Hist.

phetiarum abusum objecisse, & affirmasse  
 Μυρίοις ἄλλοις ἐφαρμοσθῆναι δύνασθαι πολὺ πιθανώτερον τὰ προφητικά, ἢ τῷ Ἰησοῦ. *Vaticinia Prophetarum innumeris aliis probabilius applicari posse quam Jesu!* quam objectionem refutat ORIGENES l. 2. p. 78: edit. G. Spence-ri. Mihi, æque ac POLYBIO *historiar. l. XIII, p. 937.* ΑΛΗΘΕΙΑ videtur μεγάλη θεός, cui soli in S. S. interpretatione litandum sit, nisi velimus τῆς ῥήνους ἔλκεσθαι, καὶ πιστεύειν ἅπαντα. Nullum ad religionis Christianæ hostes devincendos efficacius telum est, quam rationalis S. S. interpretatio, non interpretis arbitrio, sed firmis rationibus aut certe, si rei natura alias non admittat, probabilibus nixa, quam demonstratio accurata oraculorum, eventu certissime probatorum.

### §. 5.

Hac mente, ut ex diverticulo, longiore quidem, sed ob nonnullos necessario, in viam redeam, me ad celeberrimi hujus Oraculi interpretationem bono cum Deo conferam. Ut jam adpareat, nihil me temere affirmasse, age argumenta, quæ pro hac communi opinione producuntur, in medium proferamus, excutiamusque diligenter. *Primum* argumentum ex nexu hujus vaticinii cum præcedentibus petitur. Putant nimirum nonnulli interpretes, ut Doctiss. MIEGIUS, in  
 the-

Exeg. ad Num. XXIV, 17. 18. 19. 9

*thesauro Theol. phil. novo p. 427*, ABARBANE-  
 LEM secuti, Bileamum quatuor distinctis  
 orationibus totidem distinctas Reipublicæ  
 Judaicæ prædixisse ætates. Sed, sint vel  
 maxime 4. distinctæ ætates Bileami vatici-  
 niis comprehensæ, nihil tamen hoc juvabit  
 eorum hypothefin. Errant enim manifesto,  
 cum statuunt v. 5-10. comprehendi sta-  
 tum Judæorum ab occupatione terræ ad  
 adventum usque Messiae, ne dicam periodum  
 hanc nimis esse magnam. Certe, quæ hic  
 exhibentur criteria, neutiquam in totam il-  
 lam Periodum quadrant, sed tantum in flo-  
 rentissimum Judæorum statum: sub Davide  
 maxime, ejus ducuntur lineæ, confer Gen. 49.  
 9. ubi legendus Cl. VENEMA. Absurdum  
 sane foret affirmare, populum Israeliticum  
 ab ingressu in Cananæam usque ad Messi-  
 am gessisse imaginem ferocis ac strenuissimi  
 Leonis a nemine excitandi, regnum eorum  
 fuisse florentissimum, ac conditione gavi-  
 sos omni ex parte beata, ut fit eo in loco.  
 Certum hinc est, Bileamum in genere sum-  
 mam Israelitarum felicitatem, maxime cum  
 respectu ad vicinas & hostiles gentes præ-  
 dicere, quas Israel instar ferocis Leonis de-  
 vinceret sibi que subiceret: quod factum est  
 cum regnum floreret, maxime sub Davide.  
 Sane quomodo Judæorum felicitas ita ex-  
 tolli potuerit post schisma X. tribuum, ma-

xime sub ultimis regibus, non video? ubi, quæso, erat ille ferocissimus Leo, cum exterorum rapinis paterent, cum plane eorum respublica destrueretur, cum relicto patrio solo in triste exilium ire cogerentur, cum restituti in patriam tenui adhuc uterentur fortuna, nihilque a servis distarent? Si quatuor Periodi retinendæ sunt, tertia saltem in Davide, aut florente Reipublicæ statu ante exilium terminanda erit. Nihil ergo ex nexu pro communi sententia concludi potest. Postquam enim Bileamus in genere Judæorum felicitatem prædixisset, nunc in specie in nostro vaticinio canit fata, quæ Moabitis, & cum iis fere conjunctis Idu-mæis, ab Israelitis manebant. Si quis instet & urgeat in nostro vaticinio omnino ultimam Reipublicæ Jud. ætatem fisti, me non valde reluctantem habebit, cum ex mente mea extremo demum tempore plenè impletum fuerit oraculum. Verum nihil inde lucrantur. Quæ, quæso, vis in eo est: Bileam loquitur de extremis Reipublicæ Jud. temporibus, ergo necessario de Messia? Præterea, quod ætates, quas Bileam comprehendisset suis oraculis, omnino male digerant, etiam ex eo apparet, quod primam ætatem cap. XXIII, 8. 9. 10. quæ-runt in statu populi in Aegypto usque ad educationem, & quæ deinceps secuta sunt usque

## Exeg. ad Num. XXIV. 17. 18. 19. II

usque ad ingressum in Cananæam. Sed sic etiam præterita & præsentia cecinisset fata, quod absurdum.

### §. 6.

*Secundo* provocant ad ipsius Bileami verba, quibus affirmat eventum hunc demum existitum בְּאַחֲרִית הַיָּמִים v. 14. Quasi vero illa phrasis tantum ultimum Reipubl. Judaicæ tempus, aut periodum, qua Messias veniret, designaret, qui sane crassus foret error, cum usu suo vel in genere tempus subsequens *indefinitum*, idem quod *postea*, sed post intervallum plurium dierum, vel in specie certæ alicujus periodi annorum *extremam partem*, magis minusve late sumtam denoter. vide Cl. VENEMA *ad Gen. 49: p. 206.* auctoresque ibi citatos. Deinde eo minus hæc me ferit objectio, quod & ipse in interpretatione ad extrema tempora descendendo. Nec dicendum est, *Tertio*, omnia criteria hic occurrentia non quadrare in Davidem. Deinceps demonstrabo perfecte quadrare in Davidem & Maccabæos; nunc sufficit demonstrasse nullo prorsus modo ea Messiae tribui posse, quod solum per se sufficit ad hanc opinionem refutandam. At tamen regeret quis; Bileamus in eo rotus est, ut populi Israelitici felicitatem depredicaret & exaggeret, qui ergo id omittere



## 12 Joh. Henr. Verschuir Diff. Hist.

tere potuit, in quo summa eorum felicitas consisteret, Messiae adventum ejusque regnum. Sed & hoc argumentum vehementer claudicat; nego Bileamo propositum fuisse omnia gentis Judaicae privilegia exhibere, describit tantum ejus felicitatem externam cum respectu ad gentes finitimas, ut ex ipsis phrasibus manifesto apparet, quae populum Judaicum describunt tamquam Deo dilectum, quem ad summum honoris & potentiae culmen gradatim, ringentibus, hostibus, eveheret, cui luculentissimas de hostibus, felicitatis suae obstaculis, victorias concederet. Id etiam suadet occasio horum vaticiniorum, antea jam prolata. Nec quidquam hic Iudaeorum & Christianorum consensus valet; priores enim de Messia externo ac bellicoso Principe somniantes, hunc suum Messiam hic facile invenerunt, hos hic nimis imprudenter securi sunt Christiani.

### §. 7.

Sed ut rem conficiamus, magna cum fiducia dico, nullam hic dari occasionem de Messia cogitandi; oraculum, si hoc admitatur, prorsus intelligi non potuisse, & Bileami intentioni adversari. Nullus 1.) hic Messiae character est; *tituli stellae & sceptri* egregie quidem in Messiam quadrant, ac aliis

## Exeg. ad Num. XXIV, 17. 18. 19. 13

aliis in locis ei tribuntur, sed de eo nulla quæstio est, num seorsim summi in Ipsum conveniant, sed num in hac orationis serie. Non enim habent Messiae characterem distinguentem, possunt ad Eum, possunt & ad alios referri. Unde jam sciemus ad quem pertineant? utique ex nexu & iis attributis ac facinoribus, quæ huic illustri personæ tribuntur; hæc vero talia sunt, quæ oculos mox ab eo avertant, & ad alium Principem fortem ac bellicosum retorqueant. Nam 2) de eo prædicitur, quod percuteret lethali vulnere Moabitas & *filios* מוֹאבִּים, id est, ut deinceps videbimus, omnes populi Judaici hostes finitimas, ipsi graves; qua jam, quæso, ratione Messias dici potest lethaliter percussurus Moabitas, eosque irreparabili ruina obruiturus? Id utique intelligi non potest de conversione Moabitarum spiritualibus armis devictorum: hoc in salutem, non vero in ruinam Moabitis cederet; id etiam non permittunt phrasæ, quæ violentam subactionem per bella & cruenta prælia omnino postulant, ut deinceps ostendam. Quid ergo? an Moabitæ hic sustinebunt figuram hostium Christi ac Evangelii, quemadmodum Babylonii aliæque gentes? an Anchristum hinc exsculpemus? id si alias liceat, hic certe non licet; nihil enim hic occurrit, quod oculos nostros huc flectere cogat, quam gratis assumptæ opinionis studium.

# 14 Joh. Henr. Verschuir Diss. Hist.

dium. Bileamus loquitur ad Balacum, gentis Moabiticæ Regem, ac diserte ei dicit: indicabo tibi אשר יעשה העם הזה רעכך *quid populus hiece faciet populo tuo*, utique *populus hiece* sunt Israelitæ, proprie dicti, *populus Balaci* sunt Moabitæ proprie dicti. Sane, si hoc non proprie & unice ad gentem Moabiticam pertinet, tum equidem omne veri criterium sublatum affirmo. Affirmat Bileamus rotundis ac clavis verbis se prædicturum fata, quæ post magnum temporis intervallum Moabitis a Judæis manerent, nec tamen hæc de populo Moabitico a Judæis male mulctando, saltem non nisi frigide & dilute, essent intelligenda, sed de adversariis Christi, post longam seculorum seriem demum exstituris. Quis non vider Prophetiarum interpretationem hæc ratione fieri arbitrariam & lubricam? Nonne ea ratione omnia ad nostrum beneplacitum torquere poterimus? Nonne Deistæ albis nos deriderent dentibus? Interpretem ita hoc oraculum explicantem rationem rogo, quam utique dare tenetur, cum immediatam inspirationem divinam non habeat; quam, quæso, proferet, cum textus & omnia criteria reclament? Quam improbabilis ergo est, & ab omni ratione destituta, si id dicere liceat de Viro magno, cujus ego eruditionem quam maxime



Exeg. ad Num. XXIV, 17. 18. 19. 15

xime veneror, Cl. COCCÉII sententia, qui per Moabitas ipsos intelligit Judæos, quales fuerunt, cum Evangelium prædicaretur, hac ratione ductus, quod Moabitæ tum in ditione Judæorum habitarent, & circumcissionem suscepissent. Ita alia longe aperitur scena, sed a Prophetæ mente alienissima; sic ipsorum illorum Israelitarum, quorum felicitatem Prophetam canere putabamus, internecionem ac irreparabilem cladem prænuntiat. Bileam falsus erat se Israelitis non posse maledicere, quantopere etiam vellet, quod a Deo benedicti essent, hic tamen totalem eorum ruinam prædixisset, quam hoc non est incredibile? Moabitæ hic clarissime utique a Judæis distinguuntur v. 14., reliqui, qui deinceps recensentur populi, utique proprie & secundum litteram ab interpretibus intelliguntur, Idu-mæi, Amalekitæ, Kenitæ &c. ergo & Moabitæ. Qua, quæso, ratione Judæi Moabitæ dicerentur, an quia Moabitas devincerent & suæ genti infererent? sed ob hanc rationem Moabitæ quidem Judæi, sed non Judæi Moabitæ dici poterant, ut recte Cl. VITRINGA ad *Ies. XV*, p. 461. quem omnino consuli velim. Præterea, an unquam Messias adeo generaliter dicitur Judaicam nationem lethaliter percussurus? in ejus utique salutem ac felicitatem ubique pro-mit-

## 16 Joh. Henr. Verschuir Diss. Hist.

mittitur. Tandem quam belle Bileam locutus fuisset: Dominator aliquis, illustris Heros ex Israele orrus, ! percutiet *Moabitas id est, ipsos Iudæos*; dicam tibi, quid *populus, hicce Israeliticus faciet populo tuo Moabitico* v. 14. id est, *dicam tibi, quali ruina ipse populus Israeliticus obruetur a proprio Principe!*

### S. 8.

Alia adhuc suppetunt argumenta ad communem opinionem penitus profligandam. Amplissima Israelitis promittitur de Idumæis victoria, v. 18. quos etiam plane subactos suæ genti infererent. Hanc utique etiam per illustrem illum Principem, v. 17. commemoratum, obtinerent. Si jam per illum, si non unice, saltem sensu sublimiori Messiam intelligamus, ineluctabili denuo premimur difficultate, cum Messias hæc nunquam præstiterit, & alia quam plurima oracula, deinceps accurate excutienda, de Idumæis proprie dictis eadem prædicant, eaque non Messiae, sed aliis tribuant Heroibus. Respondent tamen hic, qui aliter sentiunt, hanc de Idumæis promissionem hic non proferri, tamquam per Heroem illum, substellæ sceptrique nomine conspicuum, præstandam, sed tamquam signum temporis adventus hujus illustrissimæ personæ,

Exeg. ad Num. XXIV, 17. 18. 19. 17

sonæ, eum tum oriturum, cum Idumæi essent Judæorum hereditaria possessio, quod perfecte in tempus adventus Messiae quadrat. Sed præterquam quod series orationis omnino postulare videtur, ut hæc de Idumæis victoria æque ac reliquæ isti *Stellæ* ac *Sceptro* tribuatur, si eorum responsio valeret, tum hic eventus prius commemorari debuisset. Messias enim venit postquam Idumæi jam dudum fuerunt inserti, ex hac serie vero videri posset, mox post Messiae adventum ipsos demum esse inferendos. Præterea, ne vitiligemus, historia certissime docet, subactionem Moabitum & Idumæorum esse eventus affines, ab iisdem Principibus præstitos. Prælucente itaque historiæ face sine ulla hæsitazione affirmamus per *Stellam* & *Sceptrum* æque Idumæos ac Moabitas esse subigendos, & hanc unicam esse rationem, ob quam promissio de Idumæis priorem proxime sequitur. Cum ergo Messias nec hoc nec illud præstitit, sine ratione de eo hic loci cogitamus. Sed alia, prima specie non improbabili opinio alicui in mentem venire posset, nempe Messiam demum describi v. 19. sub titulo *Dominatoris*. Sic enim omnia limpide fluere, post Moabitas, Idumæos, aliosque vicinos populos devictos, & Judæis insertos veniret Messias illustrissimus ille Dominator ex Jacobo ori-

undus. Nec hanc opinionem admittere possumus. Nullus rursus Messiae Character ibi occurrit, & quod controversiam decidit, attribura, quæ isti Dominatori dantur, in Eum minime conveniunt. *Dominator* ex mea etiam sententia omnino distinctus est ab eo, cujus fit mentio v. 17.; sed vi vocis hic intelligendus *Dominator durus & immitis*, quod si de Messia respectu hostium intelligi posset, nihil tamen in eo titulo est, quod nos ad Messiam ducere possit. Deinde, quo, quæso, tolerabili de Messia sensu dici poterit, eum *perditurum reliquos seu superstites ex urbe*? & si vel maxime, de quo tamen vehementer dubito, phrasi abstracte sumpta, figurato sensu de Messia adhiberi posset, qui, quæso, hic est Messiae Character, quod indicium, quod semper adesse debet, si interpretatio erit rationalis? Porro, hic loci de Messia nullo prorsus modo hæc prædictio intelligi potest; sistitur urique hic Illustris, sed simul severus aliquis Dominus, ex Israele ortus, ejusque Princeps, qui victorias prioris illius Herois v. 17. persequeretur, qui reliquias hostium plane perderet: quis jam sanæ mentis id ad Messiam referret? Denique, Messias urique in salutem humani generis, in piorum solatium promittitur, an ergo credibile de Messia nihil aliud hic prædicari, quam quod terribile

## Exeg. ad Num. XXIV, 17. 18. 19. 19

le & ad ruinam hominum tenderet? perderet quidem regni sui hostes, at non probabile est, si hic demum Messias commemoraretur, id tantum, ac nihil præterea de eo prædicatum fuisse. Sed dicat quis, si Bileamus nihil aliud hic prædicit quam Moabitaram, Idumæorum, aliorumque populorum plenariam subactionem per illustres Israelitarum Principes, cur ergo tam solenni usus est præfatione, ad mentes ad majora audienda erigendas apta nata? Eodem modo rogo, cur v. 3. & 4, ubi utique de exter a Judæorum felicitate vaticinaturus erat, eadem usus fuit? ne jam dicam, hanc præfationem ab superbiæ crimine vix absolvi posse, nec ab ullo alio Propheeta similem fuisse adhibitam.

### §. 9.

Quid ergo tandem de illustri hoc oraculo fier? si non Messias, quis qualisve, qui hic describitur? Omnium tutissima via est consulere historias, num in iis talem illustrem Heroa reperire possimus, in quem omnes characteres, omnia facinora, huic Stellæ, Sceptro & Dominatori tributa, conveniant? Talis enim si ex historia certissime demonstrari possit, apud veritatis & S. S. amantes nullum remanere debet dubium, quin de eo Vates noster, Spiritu divino motus, cecinerit. Nec ab Historia destitu-



imur, namque ea tres illustrissimos sistit Heroas, qui hic in censum venire possint, nempe DAVIDEM, JOANNEM HYRCANUM, ejusque filium, ALEXANDRUM JANNÆUM. Hi omnes maximi fuerunt Heroës, Israelitarum Principes, & egregias de *Moabitis*, *Idumæis*, aliisque vicinis hostibus retulerunt victorias. Hinc jam magna oriri posset hæsitatio, num de uno horum, an de omnibus simul canat vates? & si de uno, de quo potissimum ex hisce tribus? Sensit illam difficultatem magnus ille Prophetiarum interpres, C. VITRINGA, etiam hic reliquis perspicacior, in *typo doctrinæ proph. C. VI, §. 7. p. 130.* Hic vero, inquit, *dubium videri posset, an de Davide, an de Joanne Hyrcano, ejusque filio Alexandro, an potius de Davidis filio, Messia, intelligendus sit vates. Interpretes passim scinduntur in partes duas, quarum altera de Davide cogitat, altera de Messia. Hyrcanum enim aut Alexandrum hoc advocari, hætenus non observavi: quamvis vere, si Dominator ille ex Jacobo, de quo v. 19., qui residuum esset perditurus ex urbe, sit Messias, ut fere omnes consentiunt, isque a priore Principe distinctus: majore cum ratione hic de Hyrcano & Alexandro cogitetur, quam de Davide. Prævalent tamen sententiæ, Judæorum etiam, quæ hic unum Principem, & quidem Messiam intelligunt, nec ego me*

ab

Exeg. ad Num. XXIV, 17. 18. 19. 21

*ab his partibus sejungo*, hætenus Cl. *Vitringa*. Dubium ab eo motum nos removemus, statuendo Bileamum de omnibus hisce tribus simul esse intelligendum; Messia enim hic nullam rationem habendam ex superioribus jam constat. Tantum autem abest, ut Dominator ille ex Jacobo, de quo v. 19. esset Messias, ut is solus sit *Alexander Jannæus*, qui hostes inter Moabitas & Idumæos, aliasque gentes, quos Pater Joannes Hyrcanus reliquerat, plene subegit; ut suo loco in explicatione certissime evincemus. Nunc observasse sufficit, ad omnes hosce tres Principes oraculum certissime esse referendum, & quidem, quæ v. 17. & 18. habentur, ad *Davidem* & *Joannem Hyrcanum*, quorum uterque jure & merito titulo *Stellæ Sceptrique* insigniri potuit, quorum uterque Moabitas & Idumæos profligavit. De  *Davide*  res certissima est, & a plerisque admittitur: de  *Joanne Hyrcano*  non minus certa, adeo ut mirari subeat, neminem ante Cl. VITRINGAM, quantum nobis constat, vel de eo cogitasse. Is plura Davide fecit, ac vim oraculi omnem demum præstitit.  *David*  hosce populos quidem devicit & tributarios fecit, sed  *Hyrcanus*  genti Judaicæ inferuit;  *David*  eos tractavit ut populos, devictos quidem, sed a Judæis diversos;  *Hyrcanus*  ut

eandem cum Judaica gentem, adeoque vere *יִרְשָׁה possessionem hereditariam*; *David* gentilem iis permisit religionem, *Hyrcanus*, quo arctius commercium esset, eos Judaicam recipere & circumcisionem pati coëgit; *Davidis* victoriæ perennem non habuerunt fructum, cum cito rebellaverint sub ejus successoribus, tandemque plane defecerint, sed ab *Hyrcano* devicti deinceps perpetuo ad finem reipublicæ Judaicæ obediētes fuerunt, idem cum Judaico populus, sine reipublicæ forma propria, aut privis legibus. Ex omnibus hisce certissime constat. *Hyrcanum* magis vim oraculi præstitisse, quam *Davidem*, adeoque illum omnino a Spiritu prophetico fuisse designatum. Huc accedit, quod Bileamus omnino posteriora reipublicæ Israeliticæ fata ob oculos haberit; non tantum, quod dicat, hunc eventum demum locum habiturum *בְּאַחֲרִית הַיָּמִים* in extremo dierum v. 14. & v. 17. *video illum sed non nunc, intueor eum sed non propinquum*; sed quod in vaticiniis proxime sequentibus postrema Amalekitarum, Kenitarum &c. fata prædicat. Nec tamen oculi a Davide sunt abstrahendi, cum ejus de hisce gentibus victoriæ adeo sint illustres, ejusque reliqua attributa tam egregie in eum quadrent. Ergo hi duo sunt conjungendi, maxime cum Propheta, epitheta accumulans, non



Exeg. ad Num. XXIV, 17. 18. 19. 23

non obscure significet, non unum sed duos designari; bini tituli binos sistunt Heroas. Hi ergo sub nominibus *Sceptri* & *Stellæ* designantur; de *Dominatore ex Jacobo*, ab his diverso, accuratius ad v. 19. agam.

§. 10.

His præmissis, ad ipsius oraculi explanationem me confero; primo, verba & phrasés, quantum necesse est, examinaturus, dein, sensum realem prolaturus, ac certissimis historiæ testimoniis ejus implementum demonstraturus. Verba Prophetæ v. 17. & 18. hæc sunt: *Video illum, sed non nunc, intueor illum, sed non propinquum; procedit Stella ex Jacobo, & surgit Sceptrum ex Israël, & percutiet tractus Moabi & exscindet omnes filios tumultus. Tum fiet Edom hereditaria possessio (hostium ejus), & Seir fiet hereditaria possessio hostium ejus, sed Israel faciens robur.* Singula, quantum necesse est, excutiamus verba. Primo videamus, quorsum affixum כִּי sit referendum? potest referri ad *populum Israeliticum* in genere, de quo modo locutus erat v. 14.; eodem enim modo Cap. XXIII, 9. אֲרָאנוּ אִשׁוּרָנוּ *video illum, intueor illum*, nempe *Israëlem*, ita quoque v. 13. Quando ergo Propheta dicit: *video illum sed non nunc, intueor illum sed*

*non propinquum, sensus est, video populum Israeliticum, non qualis nunc, sed qualis olim post magnum temporis intervallum futurus est, nempe potentem, felicem, gloriosum, hostibus terribilem, in quo nihil difficile est. Verum nihil quoque obstat, quo minus ad Stellam & Sceptrum referatur hac ratione: video illum illustrissimum Heroa, sed nunc tamen non adest, eminus eum post longa demum tempora adventurum conspicio. Utro modo sumatur, sensus eodem redit. Ex proprietate verbi ראה, in vibrando sita, nihil ad loci nostri intellectum lucramur. Arabicum*

رأى *semper notat videre in speculo, quod hic non male applicaveris; Bileam res futuras quasi in speculo contemplantur. Thema ראו pr. valer recta linea tendere, adeoque maxime adhibetur de re longe dissita, quam intentis & irretortis oculis eminus conspiciamus, quam proprietatem egregie illustravit Doctissimus, mihiq; amicissimus MESTING in diss. philol. de authenticia quorundam cethibim, Groningæ sub summi SCHROEDERI auspiciis edita p. 15. & seq. Sed de quali visione loquitur vates? de visione utrique Prophetica, qua res futuras quasi præsentes contemplantur. Utrum vero Deus hæc res Bileamo quasi in speculo conspiciendas stiterit, ut aliis Prophetis persæpe*

sæpe, an vero tantum hisce verbis significet se mente & animo hæc futura prævidere, nobis perinde est, & ex phrasibus determinari non potest. Voces לא עתה & לא קרוב indicant non statim, sed post magnum temporis intervallum res illas demum futuras, ut per se liquet. In forma futuri, quæ est in verbis *videre*, nemo Hebraice peritus hærebit; ea hic vim *præsentis* habet, uti etiam Cap. XXIII, 9. Non ergo dicit, se post longum temporis spatium hæc res visurum, sed contra has res, quas ipse nunc quasi præsentibus contemplabatur, tum demum vere eventuras; Quod vero duabus usus est phrasibus, idem fere significantibus, id nos ducere potest ad duos potissimum de quibus canit, Principes; nec tamen necessario. Sufficit emphasios gratia eum idem bis enuntiasse, cum, ut magnitudinem & momentum hujus eventus, tum, ut, quam clare & certe eum prævideret, indicaret, ut Cap. XXIII, 9. Attamen, cum aliunde certum sit, duos potissimum Israelitarum Principes menti ejus fuisse obversatos, recte statuitur priori phrasi eum designare *Davidem*, & Israelis conditionem, quæ eo regnante obtineret; posteriori *Joannem Hyrcanum*. De priori dicit לא עתה *non nunc*, indicans ejus adventum non quidem prope adesse, sed tamen tam longe non distare,

B 5                      quam

quam alterius istius; de priori enim dicit tantum eum *nondum* adesse, de posteriori *se eminus eum, non propinquum conspicere*. Præterea observari potest, in phrasibus hisce esse *מרוחק non propinquus*, id est, *quam longissime diffitus*.

## §. II.

Personas illustres, quorum heroica facinora prænuntiat, insignit epithetis *Stellæ & Sceptri*. כוכב Arab. كوكب derivatur a ככב Hebræis ex Arab. restituendo, ubi ככב notat *micuit*, inde כוכב *res, quævis micans*, figurate vero, *Dux, Princeps illustris, vir armatus*, armorum splendore coruscans, quas signif. apud Arab. habet frequentissime, nihilque in omnibus linguis vulgatus est, quam viros illustres *fidera* appellare. (a) Eo sensu hic quoque capiendum esse ex iis, quæ ei tribuuntur, certissimum est. Errant ergo procul omni dubio, qui hic de *propria stella* cogitant, illa nempe miraculosa, quæ tempore natiuitatis Christi apparuit, qui error tamen admo-

(a) Stellis etiam, Cometis nempe Orientales aliique populi magnorum regum, aut regnorum ortum vel mutationem significari putabant. Exempla a Clerico ad hunc locum congesta vide.

Exeg. ad Num. XXIV, 17. 18. 19. 27

modum verustus est; ita jam ORIGENES *contra Cels.* l. 1. p. 45. & 46. Mira autem sunt, quæ Patres de hoc Planeta narrant, vide IGNATIUM *ep. ad Ephes.* §. XIX, ibique COTELERII notam. Cæterum nullo modo hic ad mirabile illud phænomenon respici vel ex eo fit probabile, quod Evang. Matthæus hunc locum non citaverit, cum optimam haberet occasionem, postquam Magorum adventum enarrasset; maxime cum alias fere semper soleant Evangelistæ in talibus casibus V. T. oracula citare, etiam illa, quæ directe eo non pertinent.

De illo sidere adhibet verb. כרך *cujus origo est in volvendo & glomerando.* SCHULTENS ad *Hamas.* p. 399. *Volvi* autem & *glomerari* de iis rebus dici solet, quæ ingruunt motu volubili & per vices continuas atque identidem revolutas: Semper valet *incedere, procedere* motu volubili pr. *glomerare gressus*: eleganter illud etiam dicitur de militibus in prælio concurrentibus, ita VIRGILIUS *Georg.* l. IV, p. mibi 151. de apibus.

*Erumpunt portis, concurritur: æthere  
in alto*

*Fit sonitus: magnum mistæ glomerantur  
in orbem.*

Sed, quod probe notandum, ut Hebr.

כרך



דָּרָךְ, ita quoque Latinum *glomerare* eleganter de *fidere* adhibetur, ut in illo *Poetae*.

*Pleiadum parvo referens glomerabile  
sidus*

ubi *glomerabile* corrupte legitur pro *glomeramine*, ut egregie observavit J. FR. GRONOVIVS *observat. l. 1. Cap. VI, p. 87*. Nostro ergo loco דָּרָךְ כּוֹכַב מִעֵקֶב *votubili motu procedit stella ex Jacobo*, idem est ac ex Jacobi posteritate orietur *illustris Heros*, isque inde *magnifico & vehementi gressu* ad alios, eos bello aggressurus, *procedet*. Exprimit enim דָּרָךְ *gradiendi vehementiam*, ut recte Cl. VENEMA in *not. ad Cl. VITRINGÆ comm. ad Deut. XXXII, p. 38*: Non tantum ergo ortus hujus stellæ ex Jacobo significatur, sed & ejus processus inde ad gentes hostiles, & quidem processus celerrimus ac vehementissimus, cui resisti non potest. Addit vates וְקָם שֶׁבֶט מִיִּשְׂרָאֵל *& surget Sceptrum ex Israele*. Vocab. שֶׁבֶט propr. notat *baculum vel scipionem rectum & protensum*, in acutum desinentem, quo & verberatur & pungitur, ut ex Arab. لُحَاظ pater, conf. SCHULTENSIUS ad *Havir. confess. 5. p. 101*; notat hinc *baculum firmum & robustum*, sumitur quoque pro *bastili* 2 Sam. XVIII, 14. Cum vero tribuum pri-

primores ejusmodi *scipiones*, & populorum rectores supremi *hastis* vel *virgis* robustioribus insigniti essent, hinc tum ad *tribus*, tum ad regiam vel supremam potestatem depingendam transit. Duces quoque exercitus tales baculos olim gerebant, quos Græci *σκήπτρα* vocant, ita *Scholias*te HOMERII ad *Iliad.* Γ v. 218. ubi Uliissi *σκήπτρον* tribuebatur, ἕκαστος τῶν ἡγεμόνων σκήπτρον εἶχεν ἴδιον. erat autem *σκήπτρον*, ut idem *Schol.* ad *Il.* 4 v. 28. βασιλική (adde vel ἡγεμονική) ῥ' ἄεδος. Hinc Reges & Principes dicuntur *σκηπτῆχοι*: ita HOMERUS *Odyss.* θ v. 41.

Σκηπτῆχοι βασιλῆες ἐμὰ πρὸς δώματα καλὰ  
Εἰ ῥ' ἔχῃθε. ———

et duces exercitus; ita apud XENOPHONTEM in *Exped.* *Cyri* l. 1. p. mibi 64. ubi Artapatas dicitur πιστάτος τῶν Κυρῶ σκηπτέχων: ne jam alia congeram. שֶׁטֶף vi sua notat *baculum*, quo verberatur, & *hastam* qua pungitur, adeoque non tantum signum est *majestatis regiae*, sed et *potentiæ dominantis*, quæ hostes prostermit, rebelles punit, & regnum vi defendit, ut egregie quoque observavit Cl. VENEMA in *Comm.* ad *Gen.* XLIX, p. 253. & 254. qui hic inspicere debet. Per Sceptrum ergo hic designatur *Princeps strenuus, bellicosus, hostibus terribilis, potestate & robore munitus ad suos defendendos, hostes*

hostes vero arcendos, imo penitus profligandos. Verbum קָם Arab. قَامَ notat non tantum *stare, surgere*, sed & *insurgere, adversari, magno cum impetu*, & ita hoc loco sumendum, simul nempe, ut in superiore verbo ortus hujus Herois, simul imperus, quo in hostes insurgeret, notatur. Hanc verbi vim jam notavit SCHULTENS ad *Job. p. 24. Et p. 399*. Cæterum origo sita videtur in *fervore*.

## §. 12.

Hic jam accuratius examinari potest, utrum per *Stellam & Sceptrum* Unus idemque Princeps intelligendus sit, an vero plures? Sane si verba & phrasæ per se consideremus, possent illæ de uno eodemque intelligi, adeo ut qui modo כֹכַב מֶשֶׁט dicatur, in quo nihil est consueto Hebræorum stylo adversum. Nectamen propterea reliqui eorundem attributorum & facinorum participes, si qui tales reperirentur, forent exclusi, sed simul comprehenderentur. Licet Propheta proprie de uno tantum locutus fuisset, potuisset tamen sub illo uno & alios similes comprehendere, quod apud Prophetas satis vulgare ac nemini ignotum est. Sed vel ex ipsis tamen Prophetæ verbis vehemens me tenet suspicio,  
Spiri-



Exeg. ad Num. XXIV. 17. 18. 19. 31

Spiritum Sanctum hic non de uno, verum duobus loqui. Quid, an hæc binorum verborum, epithetorum, facinorum accumulatio non prorsus singularis est & admirationem excitare apta? dicit Vares se aliquem videre, qui nondum adest, addit, se eminus aliquem e longinquo conspiciere; ortum & processum illustrissimi Herois sub nomine *Stellæ* canit, & mox meminit *Sceptri* surrecturi; seu *Principis* potentis, vi, strenuitate & robore ad hostes percutiendos muniti. Tandem victorias quoque duplici & distincta phrasi celebrat; postquam dixerat *percutiet tractus Moabiticos*, addit: *Et vastabit omnes filios tumultus*. Præterea singulis vicibus particula, repetitur. Quis hæc attente ad animum revocans, & cum aliis Prophetarum oraculis comparans, in quibus fere semper aliquid altioris indaginis latet, inde non concluderet, Vatem plures, & quidem duos hoc loco indigitare illustres Principes? Quid enim in stylo conciso, qualis quam maxime est Prophetarum, sibi hæc phrasium & epithetorum accumulatio & distincta propositio alias veller, quæ ejus singularis enuntiationis esset ratio? Hinc etiam est, quod multi interpretes hic de duobus, Davide nempe & Christo, cogitant. Habeamus ergo hanc sententiam ex ipsis variis verbis, prout jacent, maxime pro-

probabilem, ut reuera est. Sed quod hactenus probabile erat, certum fit ex eventu. Historia nos certissime docet duos fuisse Israelitarum Principes, qui Characteres hujus Stellæ & Sceptri gesserunt, *Davidem* & *Joannem Hyrcanum*, ut deinceps probabimus. Nec tamen tituli & facinora sunt discerpenda, ac a se invicem sejungenda, ut nonnulli instituunt, quasi v. gr. *Stella* esset *David*, *Sceptrum* vero *Messias*, & ad Stellam tantum pertineret percussio Moabitaram, ad Sceptrum *vastatio*, aut ut illi malunt *congregatio filiorum Seth*; hæc si Prophetæ mens fuisset, sermonem aliter longe instituisset; tum post singulum titulum mox collocasset singulum facinus, isti personæ proprium; tum dixisset: *procedet Stella ex Jacobo, & percutiet tractus Moabi, & surget Sceptrum ex Israele, & vastabit omnes filios Seth*. Cum hunc ordinem non teneat, sed attributa simul exhibeat, & titulos simul; cum facinus hoc aut illud non magis ad unum quam alterum restringarur, certum est, quod uterque utrumque facinus præstaret, quemadmodum ex facinoribus etiam apparet, binos titulos in singulum horum competere, quæ omnia rursus ex historia certa sunt. Summa dictorum est, quod *David* sit *Stella* & *Sceptrum*, item *Joannes Hyrcanus*, & quod uterque & Moabitas

Exeg. ad Num. XXIV, 17. 18. 19. 33

bitas profligaret & filios tumultus vastaret.

§. 13.

Pergamus nunc ad illustrissima illa fascinosa hisce Heroibus tributa, ומחץ פתח ומואב & percutiet angulos seu extremitates Moabi. Verb. מחץ pr. valet hausit, conturbato vehementius vado, & fitula huc illic jactata, indeque translatum est ad vehementem percussione[m], conjunctam cum fusione sanguinis, & facta cruentatione, ut demonstrat Cl. SCHULTENS de defect. p. 70. Ubique frequentatur decruenta cæde hostium, per quam multum sanguinis effunditur, sic Ps. LXVIII, 22. Ps. CX, 5. 6. &c. Est itaque verbum bellicum, indicans cruentam cædem inter Moabitas edendam, ac plenariam eorum subactionem. Vocab. פתח varie redditur, nonnulli arces locaque munita denotari existimant. Sic idem esset quod פנות proprie anguli a th. פנן cujus proprium est in flexu divergente; ubi autem angulus est, ibi est flexus ad aliud lat[us] divergens. Quoniam autem in angulis murorum exstrui solebant turres & alta propugnacula, hinc פנות anguli per Metonymiam dicta sunt propugnacula 2 Chron. XXVI, 15. Zephani, I, 16. ubi ערים הבצירה urbes munitæ & הגבהות פנות propugnacula alta con-

Bibl. Brem. Nov. Cl. III. F. I. C jun-

### 34 Joh. Henr. Verschuir Diff. Hist.

junguntur, vid. et Cap. III, 6. Nostrum autem פֶּתַח & si *extremitatem & angulum* notet, pro *propugnaculo* tamen nusquam, quod scio, occurrit; minus apte etiam diceretur *cruenta caede percutiet propugnacula*. In simili de Moabo vaticinio Jer. XLVIII, v. 45, eodem modo פֶּתַח מוֹאָב ibi eleganter notat *extremos capitis barbaeque crines*, quam notionem manifesto habet Levit. XIX, 27. & XXI, 5. Ignis apud Jeremiam dicitur consumpturus *extremos crines Moabitarum, & crines verticis filiorum tumultus*, hoc est, *omnes crines*. Crines autem ibi notant *opes & vitae praesidia ac ornamenta*, sic etiam clarissime Jes. VII, 20. Nec male ea significatio in locum nostrum quadraret, praesertim, si pro קֶרֶךְ membro proximo legendum sit קֶרֶךְ, quod non improbabile; ita enim uti apud Jerem. *Crines & vertex*, ita & hic conjungerentur, possetque tum nostra phrasis ita verti: *motitanda enssem abscindet crines & ipsum verticem cum magna fusione sanguinis*. Septuaginta Interpretes פֶּתַח legisse videntur, exponunt enim per ἀξνγες, quam versionem alii quoque secuti sunt interpretes, sive *angulos figurate Principes* denotare existimaverint, sive פֶּתַח mutato פֶּתַח in פֶּתַח idem valere ac פֶּתַח putaverint, quod posterius conjicit MIEGIUS in *diff.* supra cita-

Exeg. ad Num. XXIV, 17. 18. 19. 35

ta §. IV, Vertamus nos tandem ad Arabes, illi habent verb. <sup>فأ</sup> ult. <sup>و</sup>. vel <sup>ي</sup>. *fidit, diffidit* gladio; inde <sup>פאה</sup> apud Hebr. *extremitas resecta*, inde *finis, terminus*; *percutet terminos* regionis, idem valet ac totam regionem, qualate patet terminis suis exclusam. Videretur <sup>פאה</sup> etiam laus sumi pro *tractu, plaga*, uti Arab. <sup>فأ</sup> etiam conferri posset <sup>فئة</sup> notans *agmen hominum*. Sive jam red- das percutiet terminos Moabi, sive *tractus* sive *agmina*, sensus fere eodem redibit. Quilibet hic suo fruatur iudicio, cum in genere certissime constet, significari cruentam Moabitarum caedem ac plenariam sub- jectionem.

§. 14.

Sequitur <sup>וקרר כל בני שת</sup>. Vehemens hic interpretum est fluctuatio, tum in definienda genuina vi vocis <sup>קרר</sup>, tum in demonstrandis illis filiis <sup>שת</sup>, qui qualesve fuerint. De utroque videamus. Vulgo <sup>קרר</sup> reddunt *destruere, vastare*, tum quia hunc sensum nexus manifesto postulat, tum etiam conjectura facta ex Jes. XXII, 5. Derivant <sup>קרר</sup> a <sup>קיר</sup> *paries* unde <sup>קרר</sup> esset *destruere parietem*, ita apud Jes. I. c.



מקרקר *destruens parietem*; eodem modo  
 ac א שרש *radix* est שרש *eradicare*, quam  
 observationem solidam vocat Cl. VITRINGA  
 ad *Jes.* & loci nostri sensum sic recte ex-  
 primi & ipse sentio. Sed aliam deinceps  
 vocis nostræ explicationem dedit JAC. AL-  
 TINGIUS, existimans קרקר esse *congrega-*  
*re*, א Chald. קרקר *cucurire*, *glocitare*.  
 Suborta proculdubio est hæc observatio Cl.  
*Altingio* ex hypothesi, de Messia nempe  
 hoc loco agi, ac filios Seth esse *electos*. Sit,  
 inquit *Vitringa*, ad *Jes.* XXII, sua pia me-  
 ditationi laus: *mibi omnino videtur significa-*  
*tio hæc vocis esse novitia, cujus exempla*  
*ex antiquis scriptoribus nullis hactenus pro-*  
*ducta vidi.* Sed Cl. SCHULTENS in *Ani-*  
*madv. phil.* ad hunc nostr. locum hanc *Alti-*  
*ngii* sententiam satis refutavit. Addo inele-  
 ganter hunc bellicosum Principem mox  
 transformari in gallinam, suos pullos gloci-  
 tando congregantem. Ipse *Schultens* tamen,  
 cum sensum retinere veller, putans Vatem  
 loqui de regno a Christo firmando in ter-  
 ris, exponit קרקר *fundabit*, ab Arabico  
 قَرّ cui *firmandi* notio inest. Verum id  
 in hunc locum non convenire videtur, re-  
 quirat nexus hostium subjugationem; mox  
 enim videbimus eos per בני שׂת designari;  
 Ut ergo tandem ex hoc labyrintho nos ex-  
 trice.



Exeg. ad Num. XXIV, 17. 18. 19. 37

tricemus, confugiamus ad Arab. قَاتر med. و.

Hebr. קור, quod propr. notat *secare, incidere*, unde etiam est קיר *paries*, quia locum, quem cingit, *refecat & separat*; plane ut גרר vel גררה a גרר *secare*: inde etiam est notio *fodiendi*, & מקור *scatebra*, quæ effossa terra

elicitur. Ad hanc originem clare respicitur Jes. XXII, 5. קר מקרר *secans parietem*,

porro *incidere, exscindere*, quas notiones illud قَاتر habet. Aptissime etiam transferuntur

ad *excisionem & deletionem* hostium, ad gravem eorum cladem, qua quasi incisi &

fracti, omni ad resistendum robore privantur, atque ita plane subiguntur. Arabic.

verbum etiam notat *circumcidit* sc. *mulerem*, etiam *ex insidiis & occulto captavit*

*prædam*, quæ notio & ipsa est ab *incidendo*, & *fodiendo*. Lat. dicunt per *cuniculos* aliquem

aggredi, ex locis occultis in terra effossis & excisis, ubi insidiatores latere solent. Quem-

admodum ergo חורל est חורל &c. ita a קור est קרר. Ipsum autem illud verb. قَاتر,

unde nostrum derivat Cl. SCHULTENS, etiam inter alia, monente GOLIO, signifi-

cat *imposuit tributum vel simile quid*; item *coëgit ad confitendum*. Non male etiam

conferri posset Arab. كَاتر mutato 3 in ك, *impetum fecit, irruit*, sed ab hisce absteineo.

C 3 Quæ

### 38 Joh. Henr. Verschuir Diff. Hist.

Quæ dixi de origine verbi קרקר a קור Arab.  
 ق sufficiant. Hac ergo ratione lectio re-  
 cepta defendi ac commode explicari pot-  
 est. Nec tamen CLERICI conjecturam,  
 quam etiam amplectitur BULLERIUS,  
 spreverim, is, nempe, loco קרקר ex Samaritani  
 codicis auctoritate forte reponendum conjicit  
 קרקר *verticem*, quæ conjectura confirma-  
 tur ex Jerem. XLVIII, 45. ubi manifesto  
 ad hunc locum alluditur, ut recte Clericus.  
 Verba hæc sunt: *nam ignis egressus est ex*  
*Cheshone, & flamma e medio Sichonis*, quæ  
 devoret פאת מואב וקרקר פני שאון *extremi-*  
*tatem Moabi & verticem filiorum tumultus.*  
*Ignis & flamma fulmen* dicitur, ut Jerem.  
 XI, 16. Hic sub hac figura eleganter latet  
*impetus bellicus*, fulminis instar omnia per-  
 dens. Eodem fere modo Ps. LXVIII, 22.  
 ימחץ ראש איביו קרקר שער

#### §. 15.

Jam videamus, quinam sint illi בני שת  
*fili Seth*, qui lethali clade afficerentur. In  
 diversa abeunt Interpretes, in re obscura  
 pro suo quisque ingenio & de oraculi sen-  
 su sententia conjecturas discrepantes de his-  
 ce *filis Seth* comminiscentes. Nonnulli hic  
 cogitant de *omnibus hominibus*, tamquam  
 Sethi posteris, Caini prole deleta. Alii,  
 absur-

Exeg. ad Num. XXIV, 17. 18. 19. 39

absurdum hinc prodire sensum animadvertentes, putant nomen שׁ fuisse nomen proprium gentis, Hebræis finitimæ, tum satis notæ, aut civitatis in terra Moab, aut denique illustri cujusdam Moabitarum Regis. Hi alii alios refutarunt, quare lectoris patientia non abutar, posteriores tamen conjecturæ priori longe sunt præferendæ, & si nihil aliud sup. éteret, in re obscura admitti possent. Cl. ALTINGIUS, quem sequitur MIEGIUS, existimat בני שׁ esse electos a Serho pio Patriarcha ita appellatos, allusione facta ad distinctionem, quæ olim in mundo antediluviano obrinuit inter Caini Sethique posteros, quorum hi filii Dei, illi hominum audiebant. Verum si hæc Prophetæ mens fuisset, cur non potius Abrahami filios vocavit? Dudum illa divisio, etiam diu ante diluvium, cessarat, & fere oblivioni tradita erat, itaque non poterat non eo sensu esse obscurissima. Præterea, cum Caini stirpe delera, omnes homines nunc filii Sethi essent, utique hac appellatione electi seu fideles designari non poterant, nisi quis vellet omnes homines esse electos. Merito ergo hanc opinionem rejicimus, maxime cum orationis series reclamet, & postulet hostium Israelis epitheton. Cl. VITRINGA ad Jes. XXII, 5. etsi, inquit, baream in phrasi בני שׁ, per quos secundum circum-

C 4

stan-

*stantias loci intelligi puto Idumæos, voce* שׁו *appellative sumpta pro fundamento, sive loco munito, quod illi maxime arcibus ac munimentis suis fiderent. CLERICUS mavult intelligi Moabitas, quamvis incertum sit quare ita dicantur. Ammoritas, Midianitas & Orientales cæteros, ad Euphratem usque pertingentes per Bileamum hac voce designari recte observarunt alii, nec tamen appellationis rationem assecuti. Sed inter conjecturas de forma ac vi vocis eminet elegantissima illa BULLERII, quam exhibet in* *diff. laudata* p. 18.: existimat nempe, שׁו legendum, non שׁו, puncto scilicet ך Schin a dextro latere ad sinistrum translato; שׁו vero hic positum contracte pro שׁוּת, quod *elationem, animi tumorem & superbiam* notat, quemadmodum Job. XLI, 16. Job. XIII, 41. *Moabitas* itaque putat hic dici שׁוּת, quod essent *tumidi, inflati & excellentiæ propriæ opinione superbientes*, confert denique Jer. XLVIII, 45. Laudem sane meretur egregia conjectura, & admitti potest, nec tamen plane ei subscribo. Mihi videtur שׁו pro שׁוּת a שׁוּ pr. *rumpi cum fragore*, ut Cl. SCHULTENSIVS docet ad *Proverbia*; unde transfertur inter alia ad *confusum tumultum* denotandum, ubi audiuntur השׁוּת *clamores*, magno cum strepitu quasi erupti. Idem qui hic dicuntur

# Exeg. ad Num. XXIV, 17. 18. 19. 41

tur בני שת, Jer. XLVIII, 45. appellantur בני שת; est autem שת pr. *fremitus* vel *strepitus undarum* inter se collisarum, & hinc metonymice *ipsæ undæ frementes* Ps. LXV, 8.: veletiam *fragor*, qualis editur, quando magnæ molis structura disrumpitur, & ingenti cum strepitu corrui. Inde porro transit ad denotandum confusum illum *strepitum* ac *tumultum*, qui cieri solet *in exercitu* Jes. XIII. 4. Jerem. LI, 55. Amos. II, 2. ubi de ipsis *Moabitibus* וַתִּבְשָׁל מוֹאב בְּשִׁמְרוֹת מִלְחָמָה & *moriatur Moab per tumultum militarem*, ipsi illi, qui apud Jerem. dicuntur *fili tumultus*, eadem voce per talem etiam interirent tumultum. Cæterum vocab. שת, quod hic contractum in שָׁה, idem plane notat, uti Threnor. III, 47. ubi conjungitur cum שָׁה *calamitosa diffractione* ac *subversione*. Posset etiam שת derivari a שָׁה *imprimere*, inde cum vehementissimo impetu *ingruere*, ut Jes. XXII, 7. וְהַפְּרִישׁוּ שָׁה & *equites ingruendo ingruunt portam versus*. Sic בני שת esset *fili impressionis*, id est, *impressores, aggressores hostiles*, quorum est imperus facere hostiles. Utrō modo capiatur, res redibit eodem: namque designantur tumultuosi, irrequieti, quorum consuetudo est, continuis incursionibus, certaminibus & vexationibus aliis creare molestiam. Qui titulus optime convenit in Moabi-



tas, Ammonitas, Idumæos, aliosque populos vicinos Israelitis semper molestos, uti notissimum; qui omnes itaque, quo minus hac voce comprehensi statuantur, maxime historia id comprobante, nihil obstat. Sunt itaque iidem, qui 2 Sam. VII, 10. בני-עוֹלָה, *filii iniquitatis*, appellantur, ubi Deus per Nathanem hoc promissum dat: *Et ponam locum firmum populo meo Israeli, & plantabo eum, & habitabit secure in eo, & non commovebitur amplius, & non pergent filii iniquitatis ad affligendum eum, quemadmodum in initio.* Ita illos populos appellare Judæis solenne erat, sic οἱ υἱοὶ τῆς πρηνείας dicuntur Maccab. II, 47., quem locum jam citavit BULLERIUS. JOSEPHUS quando victoriam a Davide de Palæstinis reportatam enarrasset *Antiq. l. VII, c. IV. p. 372.* Nemo autem suspicetur, inquit, exiguum Palæstinorum exercitum contra Hebræos venisse, ex celeritate, cladis, & quod nihil magni aut memoratu digni gesserint, ignavos timidosque existisse conjiciens; sed sciat, Syriam omnem & Phœnicem, & præterea alias gentes multas pugnacesque illis auxilium tulisse, bellicque participes fuisse. Quod solum etiam causa erat, cur tam sæpe victi, ac multis myriadibus amissis, denuo bellum cum Hebræis majoribus viribus redintegrarent. Erant itaque Palæstini veluti hydra Lernæa a Davide, altero Hercule, decollanda. §. 16.



## §. 16.

*Tum erit Edom hereditaria possessio v.*  
 18. Verb. ירש propr. valet *nectere*, hinc *heredare*, notione ducta a *cognitionis nexu*. In usu autem non semper significat *hereditatis jure obtinere*, verum persæpè etiam notat *invadere, occupare*, ut *peculium sibi competens, possidere titulo justioris domini*; significat tum vi & armis gentem aliquam subigere, ita ut victoris præmium & quasi *peculium evadat*, Mich. I, 15. Jer. VIII, 10.: sic הוריש *possidendum tradidit* pro *expulit ex possessione hereditaria* Deut. IV, 34. Jos. XXIII, 13. &c. conf. SCHULTENS ad Proverb. XX, 13. Idumæa esset ירשה *possessio, proprium peculium*, & ne erraremus, additur שׂעיר איביו, *Seir*, quod idem ac *Edom*, seu regio Idumæa, a montano Seir ita appellata, *erit peculium hostium ejus*. Idumæa foret *peculium*, sed quorum? non ipsorum Idumæorum; in eo enim nihil singulare, verum *hostium ejus*: ast quinam sunt illi Idumæorum *hostes*? nulli alii quam *Israelitæ*; id docet vaticinii scopus, & propterea mox additur וְיִשְׂרָאֵל &c. Hostes Idumæorum κατ'ἑχοντες dicuntur *Israelitæ*, quod acerrimo & plusquam Vatiniano odio semper hæ nationes se invicem fuerint prosequutæ, æque ac progenitores Jacobus & Esa-

#### 44 Joh. Henr. Verschuir Diss. Hist.

& Esavus, ut ex universa historia clarissimum est. Docetur hic secundum genuinam vim verbi ירש Idumæam ab Israelitis vi armorum ac bello devincendam, ita ut plane subigatur ac eorum fiat peculium, regioni Judæorum accenseatur. Similiter Deus promiserat se Israelitis terram Cananæam daturum מורשה Exod. VI, 8.

#### §. 17.

Sequitur וישראל עשה חיל *Israel faciens robur*, quæ phrasis divitem sensum habet. חיל primo notat *agilitatem* a חיל propr. *verti in banc illamque partem*; quoniam autem agilitas magni in bello usus est, hinc *fortitudinem* exprimit, SCHULTENS ad Prov. XXXI, 29. p. 521. Hinc David, dicitur בן חיל *filius strenuitatis* 2 Sam. XVII, 10., hoc est, *fortissimus heros*, cujus cor ut cor leonis, qui ab hostibus irritatus erat כרוב שכור v. 8. *ursus orbatus*. 2) חיל robur persæpe notat *exercitum* ut 1 Reg. X, 2. Exod. XIV, 28, æque ac δυνάμεις passim apud auctores Græcos. עשה חיל tum significabit *summo studio exercitus comparare*; עשה enim, ut id obiter addam, propr. notat *tegere, operire*, unde per metaphor. *faciendi* notio orta & *elaborandi*, & quidem cum studio, ita ut quis operi incumbat. 3) חיל norat *opes & divitias* Zachar. XIV, 14. Mich. IV, 13. עשה

Exeg. ad Num. XXIV, 17. 18. 19. 45

עֲשֵׂה חַיִּל ergo valet *comparare* & *colligere divitias*. Quam accurate hæc omnia impleta fuerint, suo loco ostendam. In voce יִשְׂרָאֵל ea vis est, ut ea significetur hosce eventus tum futuros, quando universa Judæorum natio hac generali appellatione contineretur, quemadmodum ita fuit usque ad Salomonem, & post exilium Babylonicum.

§. 18.

Sensus ergo hujus oraculi partis, quæ hætenus nos occupatos tenuit, non amplius, nisi me omnia fallant, est in obscuro. Clarissime eo prædicitur 1) ex Israele aliquando prodituros illustrissimos Heroas, magna fortitudine & potentia præditos, bello & secundis præliis præclaros, 2) eos gentes Judæis vicinas ipsisque inimicas, præcipue Moabitas, Idumæos, Ammonitas &c. non tantum devicturos, sed plane subacturos ac dominio Israelitarum subjecturos, adeo ut deinceps iis serviant, ac propriis rebus publicis abolitis cum iis permisceantur, idque futurum post cruenta prælia. 3) Præcipue Idumæos tam arcte cum Judæis uniendos iisque inferendos, ut deinceps pro Judæis censeantur. 4) Israelem tunc temporis fore potentem, divitem, florentem, hostibus terribilem. 5) hunc eventum non cito,

cito, sed post longum temporis interval-  
lum demum futurum, eumque tandem in  
Moabitarum Ammonitarum & Idumæ-  
orum fatum ultimum exiturum: 6) Atque  
ita gentes hæc Israelitis ex Judicio divino  
pœnas daturas propter tumultus, molestias  
& incursationes crebras, quibus per o-  
mnia fere tempora Jacobi posteros vexarant,  
eorumque felicitatem impediverant.

## §. 19.

Genuino oraculi sensu in lucem pro-  
tracto, nunc ejus implementum in historia  
quæramus. Primus, qui se se offert, *Da-  
vid* est, titulis *Stellæ & Sceptri* dignissimus,  
fortissimus Heros, Princeps illustrissimus,  
ampla instructus potentia, suis gloriosus,  
hostibus terribilis, splendore virtutum, mul-  
tis victoriis secundisque præliis clarissimus.  
Is sub divinis auspiciis Israelita a vexatione  
& crebris incursationibus *filiorum tumultus*  
non tantum plene liberavit, & regnum  
Israelis stabilivit, verum etiam ditionis ter-  
minos egregie ampliavit, ac vicinas gentes  
sibi populoque Judaico ita subjecit, ut  
tamquam Servi obedire cogerentur. Præsti-  
tit David potissimum quæ hic prædicuntur,  
cum *Moabitas & Idumæos* subegit. Prius  
narratur 2 Sam. VIII, 2. his verbis: *Et*  
*percussit Moabitas & mensus est eos funiculo,*  
pro-

Exeg. ad Num. XXIV, 17. 18. 19. 47

*procumbere faciens eos in terra, & mensus est duobus funiculis, (uno) ad mortem, & reliquos altero funiculo ad vitam, atque sic facti sunt Moabite Davidis servi, ferentes tributum.* Quod Bileamus dixerat מִחַץ פֶּתִי מוֹאֵב id hic וַיִּךְ אֶת-מוֹאֵב Verb. נָכָה adhibetur tantum de gravioribus vulneribus & plagis, de ictibus omnia perscindentibus, quæque coaluerunt, rescindentibus, lege SCHULTENSIUM ad Job. p. 32 & 306. Aptissime ergo hoc verb. exprimit vim מִחַץ: Bileamus universalem Moabitarum cladem prædixerat voce פֶּתִי: hic disertis verbis universalis & internecina clades describitur, quando David omnes Moabitas, vel eorum viros militares mensus dicitur duobus funiculis, uno ad vitam, altero ad mortem. Ita enim phrasæ capiendæ sunt, non vero ut vulgo fit, quasi duobus funiculis ad mensus fuisset ad mortem: nempe ante לַהֲמִית subintelligendum est אַחֵר, primo dicitur וַיִּמְדַּר שְׁנֵי-חֲבִלִים & mensus est duobus funiculis, dein sequitur אַחֵר לַהֲמִית uno ad mortem, & מִלֵּא הַחֲבֵל לַחַיִּוּת & plenitudinem funiculi alterius ad vitam. Tandem additur, Moabitas inde ab illo tempore fuisse Davidis servos, tributum ferentes. Quis itaque dubitat num David percussisset angulos Moabi? Ipsum verbum מִחַץ David has victorias carmine celebrans de se adhibet

PC.



PF. XVIII, 38. & PF. LX, 10. devictis Moabitis & Idumæis insultans dicit, מואב סיר רחצי *Moab pollubrum meum*, ita vulgo, sed Doctissimus mihiq. amicissimus juvenis H. SYPKENS egregie docuit, verba sic reddenda esse: *Moab est spina conculcationis meæ*. Orientales enim in Stylo sublimi hostes *Spinæ* appellant, quod armis, veluti spinis, horreant & pungant. Verb. רחצי propr. vallet *conculcare, contundere, conculcare spinas* est *profligare hostes*; sic Moab a Davide dicitur *spina conculcationis*, quod populus Moabiticus ab ipso sit devictus, subactus, omniquenocendi vi privatus. Vide ejus *observat. miscellan. ad selecta V. T. loca*, summi SCHROEDERI auspiciis in lucem immissas p. 30. & seq. Metaphoram continuans addit David על-ארום אשליך נעלי in *Idumæam immittebam calceum meum*, significans & hanc veluti spinam, immisso calceo, a se fuisse conculcatam. vide *eund. p. 37*. Plausibilis sane & solida hæc est observatio; Moabitæ & Idumæi Israelitarum respectu vere horridæ erant spinæ: eas David primus conculcavit. Tandem vix dubium viderur, quin David eo loco ad Bileami vaticinium respexerit, maxime cum v. 14. dicat באלהים נעשה-חיל. Quemadmodum Moabitas, ita quoque *Idumæos* domuit 2 Sam. VIII, 14. 1 Chron. XVIII, 12. 13. Imo omnes vicinas & inimicas gentes 2 Sam. VIII, 11.



12. & fecit sibi שם nomen nobile & illustre ut v. 13. subegit כל-בני-שת qui sunt iidem, qui בני עולה audiunt 2 Sam. VII, 10.

§. 20.

His rite perpensis, apud veritatis amantes nullum superesse debet dubium de vaticinio nostro per Davidem implero; nec ramen in solo Davide subsistere possumus. Subactio illa vicinarum gentium durabilis & perpetua non fuit, nec Idumæi tam arcte cum Judæis conjuncti, ut unum eundemque constituerent populum, cum potius ut servi tractarentur. *Moabitæ* post discessionem X tribuum obnoxii manserunt regno Ephraimitico, sed tantum usque ad *Achab* mortem: ab ejus enim filio *Joram* defecerunt 2 Reg I, 1. Cap. III, 4. 5. Joram quidem, in societatem adscitis Regibus Judæ & Idumææ, Moabitas ad obedientiam cogere tentavit, magna etiam affecit clade, sed ramen voti compos factus non est 2 Reg. III, 27. *Idumæi* quoque defecerunt a Joram, Josaphati filio, συγγενῶν cognominis Jorami Israelitarum regis, ut narratur 2 VIII, 20. 2 Chron. XXI, 8. qui & ipse frustra eos sibi denuo subicere tentavit. Imo *Moabitæ* deinceps Israelitas incursionibus infestare ausi sunt 2 Reg. XIII, 20. una  
Bibl. Brem. Nov. Cl. III. F. I. D cum

cum Ammonitis & Idumæis expeditionem, licet infelicem, susceperunt contra Josaphatum 2 Chron. XX. sed feliciorem contra Achasum 2 Chron. XXVIII. 17. Deinde Idumæos magna quidem clade affecit Amazia. 2 Reg. XIV, 7. 2 Chron. XXV: additur enim, quod סלע *locum munitum*; ita appellatum, bello ceperit, eumque vocaverit יקח אל, quam vocem non satis recte intellexisse videntur interpretes, eam reddentes *obedientiam Dei*, vel *expectationem Dei* ex יקח *obedientia* & אל *Deus*. Mihi composita videtur ex יקח, quod idem cum וקח, Arabum وقت *præfinire, determinare* tempus aut locum, & אל *Deus*, adeoque יקח אל valet *præfinivit, determinavit, seu terminum posuit Deus*. Significat Amazia Deum hunc locum tamquam terminum posuisse Judæos inter & Idumæos. Porro cum Nebucadnezar Judæos, regnante Jojakimo rebellantes, subigebat, Moabitæ quoque eos afflixerunt 2 Reg. XXIV, 2. Post exilium Babylonicum, pristinum adhuc obtinuerunt, & præter Syros nullos infestiores hostes habuerunt Judæi, quam Idumæos, Ammonitas & Moabitas. Hinc Deus per Amosum cap. I, II. Idumæis maximas denuntiavit pœnas, quod *fratres suos, Judæos, infectati sint gladio*, & quod *resciderint*; quæ vis est verbi שחת, רחמו *propinquitates suas uterinas*.

Voca-

Exeg. ad Num. XXIV, 17. 18. 19. 51

Vocabul. רחמי ibi non significat *miserationes*, seu propr. *teneritudines*, sed *propinquitates uterinas*, id est, *cognationes fratrum*, uno utero procreatorum, a sing.

רחם uterus. Sic apud Arab. رحم, uterus, & hinc *propinquitas uterina*.

§. 21.

Quod ergo hactenus pleno ac perfecto oraculi nostri implemento deerat, praestiterunt *Maccabæi* Principes, qui hasce inimicas nationes ita prostraverunt, ut in posterum Judæis amplius non fuerint molestæ, quin & assumtis ritibus & religione Judaica, antea exosis, in unam cum iis gentem coaluerint. Ne jam de *Juda* & *Jonathane* eorumque victoriis dicam, JOANNES HYRCANUS vere iis attributis praeditus fuit, quæ in *Stella Sceptroque* requiruntur, & perfecte ea heroica facinora praestitit, eas de Moabitis, Idumæis aliisque inimicis nationibus reportavit victorias, quæ hic prædicuntur. Princeps sane fuit vere Επισφαις, melius eo nomine dignus, quam impius ille Syrorum tyrannus Antiochus, a nonnullis rectius ob res amenter gestas Επισφαις dictus, ut *Athenæus* inquit, *Deipnosoph. l. V. p. 193.* Sive enim vox Επισφαις notet *Illustrem*, talis revera fuit, seu ad *pietatem* respicias, cujus, ut & doctrinæ

respectu ecclesiæ Christi ab ORIGENE dicuntur *Φασηγες ἐν κόσμῳ contra Cels. l. 3. p. 128.* seu *virtutes militares*, vere se *faustum* præstitit *Sidus*; sive *præsentem*, eo sensu quo veteres Deos *præsentēs & conspicuos* appellarunt, quod VALESIIUS asserit ad *Eusebii hist. eccl. l. II, Cap. VI, p. 53.* quatenus Deus per ipsum se quasi conspicuum & præsentem præbuit in gloria sua vindicanda per miraculosa facinora. Solebat Ille, heroico Spiritu divinitus animatus, παραδόξως ἐπιφαίνειν τοῖς πολεμίοις, quæ POLYBII phrasis est l. V, p. 622. Vere quoque ὕψυ *baculus & virga* hostium fuit; vere μακκαβαίος fuit, tamquam a *מך*, *malleus* Syrorum aliorumque hostium: *malleos* enim hosce Principes rectissime dixeris. A Syro macedonum tyrannide ita se liberavit, ut neque ὡς υπήκοος, neque ὡς φίλος ipsis quicquam præstaret. Quantus fuerit ex his JOSEPHI verbis conjicere licet, τριῶν τῶν μεγίστων ἀξίος ὑπο τῆ Θεῆ κριθεὶς, ἀρχῆς τῆ ἔθνης, καὶ τῆς ἀρχιερατικῆς τιμῆς, καὶ προφητείας, συνῆν γὰρ αὐτῷ τὸ θεῖον καὶ τὴν τῶν μελλόντων πρόγνωσιν παρείχεν αὐτῷ τε εἰδέναι, καὶ προλέγειν ἔτι. ὥστε καὶ περὶ τῶν δύο τῶν πρεσβυτέρων αὐτῆ παιδων, ὅτι μὴ μενοῦσι τῶν πραγμάτων κύριοι, προεῖπεν. *Tribus maximis a Deo dignus judicatus principatu gentis, Pontificali bonore & vaticinatione. Familiariter enim cum ipso versabatur Numen, futuro-*

*turorumque præcognitionem & prædictionem ei ita præbebat, ut de duobus suis filiis natu majoribus prædixerit, non rerum Dominos mansuros.*

§. 22.

Hic jam illustrissimus Princeps, expeditione in Syriam facta, *Medabam* sexto mense non sine multo labore & incommodis cepit, *Idumææ* urbes *Adora* & *Marissam* expugnavit, *subactisque*, JOSEPHI verba sunt, *omnibus Idumæis, permisit in regione sua manere, si pudenda circumcidere, Judæisque legibus uti vellent.* Illi vero patriæ suæ amore tum circumcisionem admiserunt, tum vitam in cæteris similiter ac Judæi agere sustinuerunt. Addit: καὶ κείνος αὐτοῖς χεῖρας ὑπῆρχεν, ὥστε εἶναι τὸ λοιπὸν Ἰουδαίοις. Atque eo tempore ipsis contigit, ut deinceps Judæi essent. Quis his lectis dubitaret, num hoc tempore vere & in omni emphasi *Idumæa* facta fuerit ירשה & *Seir* ירשה אִבְיוֹ possessio hereditaria & peculium hostium ejus, id est, Israelitarum? potestne aliquid clarius requiri? Ullane prophetia est, cujus implementum evidentius in historia demonstrari possit? *Idumæa* non tantum devicta est a Judæis, non tantum tributum pendere coacta ut a Davide, sed tota Judaicæ republicæ inserta, non tantum quod ad regimen, sed & mores, *civiles* non tantum,



sed & *religiosos*, adeo ut Idumæi deinceps, nihil quicquam a Judæis differentes, prorsus unum populum, eandem cum ipsis constituerint nationem. Eventus singularis & paradoxus est, quod ipsa illa natio, quæ per omnia tempora internecino in Judæos odio flagraverat, semperque molesta iis fuerat, tandem eo fuerit redacta, ut cum exoso illo populo prorsus in unam gentem coalesceret. Quis hic Dei Omnis scientiam non adorat, qui tot seculis ante hoc Idumæorum fatum clavis verbis per Bileamum prædixit? quis Sanctitatem & Justitiam, qua tandem hostes sui populi profligat? non tantum *Idumæos* subegit Hyrcanus, verum et *Moabitas*; urbs enim *Medeba*, cujus mentionem fecimus, in Moabitide sita est, & eo tempore præcipua ejus urbs erat, ut constat ex Ies. X, 2. ubi leg. Cl. VITRINGA. Alii etiam Judæorum hostes sunt devicti, licet ultimam manum imposuerit, & quicquid pater reliquerat, perfecit *Alexander*, ut suo videbimus loco. Persequamur interim reliqua, phrasi עשה חיל comprehensa. Quam florens & beata hoc tempore Judæorum conditio esse cæperit, non opus est ut nunc demonstrem: alibi id jam præstiti. Quanta excelluerint fortitudine sub ducibus Maccabæis, omnibus quoque notum. *Divitiæ* quoque fuerunt longe  
maxi-

maximæ. Singulare est, quod narrat JOSEPHUS, *Hyrcanum aperto sepulchro Davidis, qui divitiis reges omnes anteibat, tria millia talentorum argenti inde extulisse.* Alibi dicit eum ἀπειρον τι πλῆθος χρημάτων collegisse, (a) hinc maximos etiam aluit exercitus, idque in Joanne nostro singulare: ἐτι πρῶτος Ισδαίων ξενοδοφεῖν ἤρξατο, *quod Judæorum primus externum militem alere cepit,* quod institutum filius ejus Alexander secutus est. Id quod Romanos tempore secundi belli Punici primum fecisse auctor est LIVIUS l. XXIV, cap. 49. quod caput his verbis claudit. *Id modo ejus anni in Hispania ad memoriam insigne est, quod mercenarium militem in castris neminem ante, quam tum Celtiberos, Romani habuerunt.* (b) Apud alias nationes fero ea invaluit consuetudo, ita apud Græcos ut vel ex hoc Comici joco conjicias.

D 4

τὸ

- (a) Sub Alexandri uxore, Alexandra, Judæorum gens adhuc erat valida & τῇ δυνάμει, καὶ τὰ ἐν τοῖς γαστροφυλακίαις χρήματα habebat JOSEPHUS A. l. XIII, C. XVI, imo illa mulier tantos alebat exercitus, ut finitimis tyrannis terrori esset, ibid.
- (b) Carthaginensibus id vitio vertit Scipio apud LIVIUM l. XXVIII, c. XLIV, Athenienses variis in locis a Demosthene traducuntur tamquam ignavi & timidi, quod primi exerci-

τὸ δ' ἐν Κορίνθῳ ξενικὸν οὐχ ἔτος τρεῖς;

V. ARISTOPHANES *Plut. v. 173. conf.*  
 HARPOCRATION in voce ξενικόν. Mortalium  
 vetustissimi in omnibus, quod de opere ru-  
 stico dicit PALÆPHATUS de *incredib. p. 16.*  
 erant αὐτεργοί, & nullos habebant milites,  
 ipsi πανδημῇ in hostes ibant, dein ex suis non-  
 nullos ad militiam feligere, majorem mino-  
 remque numerum pro ratione belli gerendi,  
 tandem invalescente luxu peregrinos milites  
 alere cœperunt. *Maccabæi* locupletes sui  
 temporis Regum consuetudinem in eo imi-  
 tati sunt, ut eo magis hostibus essent terri-  
 biles. Cæterum, quæ hætenus de Joanne  
 Hyrcano narravi, petita sunt ex JOSEPHI  
*Antiq. Jud. l. XIII, Cap. VIII, IX & X.*

§. 23.

Pergamus nunc ad alteram vaticinii  
 partem v. 19. his verbis comprehensam,  
 Tum

ercitum conductum & peregrinum habe-  
 rent, sic v. gr. *orat. I, contra Philipp. §.*  
*VIII*, ubi legenda TOURELLI nota, qui  
 ipsos Philosophos olim militiam frequen-  
 tasse observat. §. IX, *Demosthenes* memi-  
 nit istius exercitus peregrini Corinthi,  
 cujus mentio est apud ARISTOPHANEM, sed  
 fortius præclarus orator pro libertate lo-  
 quebatur quam pugnabat; ipse enim *ἐν*  
*τῇ τάξει ἀποδράς ἀίσχισα* PLUTARCHUS in  
*ejus vita p. 855.*

Exeg. ad Num. XXIV, 17. 18. 19. 57

*Tum dominabitur aliquis ex Jacobo, qui perdet reliquum ex urbe, vel ex Seir.* Prouti in præcedentibus illustrissimi Principes, David & Joannes Hyrcanus, splendidissimis elogiis ornati, eorumque victoriæ de inimicis populis, Moabitis præcipue & Idumæis, sunt delineatæ; ita nunc sistitur *Dominator aliquis ex Jacobo*, qui quicquid hostium supererat, reliquias a prioribus relictas, perderet. Is ex mea sententia est ALEXANDER JANNÆUS, tam clare hic descriptus, ut mirum sit, neminem eum hic deprehendisse. Degener autem iste optimi parentis filius non describitur tamquam *illustre Sidus*, non ut *Rex æquus & Justus*, sed tamquam *Dominator immitis*, qui verus hujus Principis Character est, tam respectu ipsorum Judæorum, quin & propriæ domus, quam hostium, qui reliquos hostes a patre relictos subigeret. Inspiciamus verba textus, וִירָה מֵעַקֵּב, (Verb. per apocopen scriptum est pro וִירָה, *tum dominabitur aliquis ex Jacobo*, isque a prioribus diversus; nam quæ ei tribuuntur plane diversa sunt ab illis, quæ priores illi Heroes præstarent, ut mox videbimus. Verbum וִירָה non satis intellexisse videntur Interpretes, id non de quolibet imperio, sed tantum de *dominio duro crudeli ac immiti* adhibetur: ea vis est in Arab. دُرٌّ, unde دُرٌّ, *durus. immotus*, est autem

tem ejusdem cognationis & originis cum  
 מְרִי & מְרִי, quæ tria verba maxime in dete-  
 riorem partem accipiuntur de vi & pernicie  
 aliis illata, & si *auxilium* norant, semper  
 tale innuitur auxilium fociis latum, quod  
 cum hostium cæde & strage conjunctum est,  
 Origo sita videtur in *calcando, conculcando*, (a)  
 inde *aliquem conculcare*, id est, *opprimere*, inde  
 idea immitis Domini suos cives conculcantis.  
 In S. Scriptura verb, ררה ubique e tiam hanc  
 vim exserit. Levit. XXVI, 17. וררו בכם  
 וְשִׁנְאִיכֶם *imperium immite in vos exer-*  
*cebunt ofores vestri.* Deus ibi comminatur  
 Israelitis, quod, si leges Suas negligerent,  
 tum alia experirentur mala, tum ab hosti-  
 bus *gravioribus plagis percuterentur*; quæ  
 vis est verbi נגף, vide SCHULTENS ad *Pro-*  
*verb. p. 22.*, ita ut cogerentur victi colla dû-  
 ro hostilis imperii jugo subdere, conf. Ezech.  
 XXIX, 15. Jes. XIV, 6. De ipsius Messiaë  
 imperio quoque adhibitum reperies Ps. CX,  
 2., sed inter hostes exercendo, his verbis:  
 ררה בקרב איבך *dominare in medio hosti-*  
*um tuorum*, hostes & rebelles vi subjiceret,  
 in

(a) Genuinam hanc verbi ררה vim erudite  
 demonstravit Cl. SCHROEDER de *vest. mul.*  
*Hebr. p. 378.* quocum conferri potest LET-  
 TE ad *Cant. Debora p. 73.* & in *noviss. ejus*  
*illustrat. p. 67.*



Exeg. ad Num. XXIV. 17. 18. 19. 59

in contumaces iram ac indignationem Suam effunderet Pl. II, 9. nam populus ejus esset עַם נִרְכָּה *populus spontaneus*, ex libero animi motu & generosa indole ei obediens. Hoc verbo etiam exprimitur imperium, quod Deus hominibus in bruta animantia concessit Gen. I, 28., quod, etsi crudele esse non debet, tamen ita recte dici poterat comparatione facta cum dominio inter homines: est enim imperium continens jus vitæ & necis, nec ullum animantium usum excludens. Ut plura excitemus loca opus non est. Et si jam titulus דָּרָה *Dominatoris* sano sensu *Davidi*, *Hyrcao* quin & ipsi *Messiae* tribui potest, tamen nullus character horum Principum in eo est, imo iis dari non potest, nisi diserte ad hostes restringatur. Si quis v. gr. optimum aliquem Principem titulo *duri Dominatoris* absolute insigniret, propterea quod hostes inclementius tractasset, utique maxima eum afficeret injuria. Altercari non lubet, veritas sua se commendat luce: cum series orationis, tum attributa hujus Principis certissime nos ad *Alexandrum Jannæum* ducunt. Is vere *Dominus* erat eo sensu, quo Romanis illud exosum erat, & ab Augusto propterea prudenter rejectum, narrante SÜETONIO in *ejus vita*. Durus ac immitis, imo immanis crudelitatis erat Alexander non tantum in ho-

hostes, sed & in suos. In festo tabernaculorum *sex millia Judæorum interfecit*, sex annos cum propria gente bellavit & ipsorum Judæorum οὐκ ἔλαττον πέντε μυριάδας *non minus quam quinquaginta millia occidit*. JOSEPHUS *Antiq. l. XIII, Cap. XIII, §. 5.* Quare etiam cum tandem rogaret, quid facto opus esset; πάντες ἐβόησαν ἀποθανεῖν αὐτόν, *omnes clamaverunt ut ipse moveretur* *ibid.* Aliud immanis sævitiae exemplum exhibet JOSEPHUS *Ant. l. XIII, Cap. XIV, §. 1.* his verbis; *is vero, sc. Alexander, cum eorum, Judæorum, potentissimos in urbem Betbotmam compulisset, eam oppugnat: capta urbe & iis potitus, Hierosolyma eos adducit, atque facinus patravit omnium immanissimum. Nam dum epularetur in conspicuo loco cum suis concubinis, imperat eorum circiter octingentos in crucem tolli: eisque adhuc viventibus eorum liberos & uxores in ipsorum conspectu jugulat.* Aliud rursus exemplum vide C. XIII, §. 3. Quis ergo miretur eum a Judæis διὰ τὴν τῆς ὁμότητος ὑπερβολὴν Θρακιδαν, *Tbracidam cognominatum fuisse?* Vides ergo notam characteristicam imperii hujus Alexandri rectissime, exprimi verbo תרר! His jam de causis dignus non erat degener æquissimi Principis filius, qui sub splendidissimis *Stellæ Sceptri*que titulis comprehenderetur, atque una cum optimis Principibus Davide & Hyrcano in sce-

nam

nam produceretur: nec tamen prorsus omit-  
 ri poterat, cum ipse, parentis victorias per-  
 secutus, hostes, hoc oraculo commemoratos,  
 plene subegerit, & ea ceperit munimenta,  
 quæ pater relinquere debuerat; præterea  
 Judæorum imperium maximopere auxerit  
 firmaveritque. Cæterum *septuag. Interpre-*  
*tes* alia puncta verbo ירר substituisse viden-  
 tur, vertentes illud ἐξέγερθησεται, quemad-  
 modum etiam Chald. paraphr. quæ ha-  
 bet, *descendet*. Thema tunc erit ירר *descen-*  
*dit*, quod verb. spec. adhibetur de *bellato-*  
*re* in prælia descendente, SCHULTENS orig.  
 l. I, C. 7. §. 28. ita. Sam. XXIX, 4. Jes.  
 XXXIV, 5. Sensus sic bene se haberet, *tum*  
*aliquis ex Jacobo expeditionem suscipiet mi-*  
*litarem*, quod recte quoque in Alexan-  
 drum quadraret: sed lectionem vulgatam,  
 utpote magis emphaticam & accuratam,  
 hic omnino retinendam, & quo dixi modo  
 explicandam censuerim. Supplevi in ver-  
 sione vocem *aliquis*, cum orationis sub-  
 jectum non diserte sit expressum. Israellem  
 proxime præcedentem nemo facile suppe-  
 verit; sic foret: *Israel dominabitur ex Jacobo*,  
 quod memorasse, est refutasse, quilibet vi-  
 det id nullo posse tolerari modo. Alii *Edom*,  
 & de rege *Herode Idumæo* cogitant; hoc  
 orationis seriei est adversum: sic incerta fo-  
 ret Prophetæ oratio; præterea Herodi nul-  
 lus

lus in hoc vaticinio locus esse potest, nam omnino requiritur, ut hic dominator ex *Jacobo ortus sit*, æque ut antea, *procedet Stella ex Jacobo*, dein, cum modo Idumæorum plenaria subjectio promissa sit Israeli, incommode nunc Herodes *Idumæus* tamquam Judæorum dominus introduceretur: id etiam adversum est vaticinii scopo, qui est felicitatem Israelitarum efferre: tandem nullo tolerabili sensu Herodes dici potest *perdisse reliquos ex urbe*. De iisdem hic cogitare, qui tamquam *Stella & Sceptrum* descripti erant v. 17., multo quidem foret tolerabilius, sed ob attributorum diversitatem tamen, omnino hunc ab illis diversum statuo; priores Moabitas & Idumæos plane subigerent, præstitit id David & luculentius Hyrcanus, hic *reliquias perderet*, qui character, prælucente historiæ face, nos certissime ad *Alexandrum Jannæum* ducit: ne jam repetam, quæ de verbo *רדה* dixi.

## §. 24.

Quidnam jam præstaret hic Dominator *והאביר*, inquit vates, *שריד מעיר*. Thema *אבר* propr. valet *secari, refecari*, quæ potestas est in Arab. *وَبَدَّ* eodem cum *أَبَدَ & بَدَّ* *disgregari, separari*; pr. *אבר* de *arbore excisa* adhibetur, inde æque ac Latin. *exscindere* sumitur pro *totali ruina*, seu *interne-*  
*eina*

Exeg. ad Num. XXIV, 17. 18. 19. 63

*cina clade delere*; ita passim in S. S. occurrit, quare moras nonnecto, nec etiam reliquos verbi usus, a summo SCHULTENSIO ex hoc fonte derivatos, persequor. Tantum observo verb. **אבר** cum **מן** constructum saepe idem esse ac *fugare*, sic gentem **אבר מארצו** valet eam itae terra sua fugare ut deleatur: de hoc usu legatur Cl. J. W. SCHROEDER ad Ps. X, p. 317. hinc **אברים** sunt *exules* Jes. XXVII, 13. Vocabul. **שריר** descendit th. **שרר** Arab. **شَرَّ**, quod propr. valet *perforando consuere*, ut recte observavit Doctiss. juvenis G. R. NANNINGA in *diff. phil. ad quaed. V. T.* loca sub Cl. SCHROEDERI auspiciis Groningae edita p. 33; hinc **שריר** videtur notare *assumentum*, *partem assutam*, & inde in genere parrem, quae ad totum pertinet & de eo reliqua est. Saltem, quicquid etiam de hac originatione sit, de qua contendere nolim, id certum est **שריר** in usu significare *superstitem*, *reliquum* Num. XXI, 35. Jes. I, 9. Jerem. XLIV, 14. &c. eum qui cladem & ruinam evadit; quod hic mihi sufficit. (a) Additur **מעיר** ex urbe, integra phrasis **שריר מעיר האבר** significat *superstites*, *reliquos excindere, delere, aut fugare ex urbe*. Romani dicerent *belli reliquias*

(a) **שריר** passim notat eum qui ex communi clade elapsus est SCHULT. ad Job. p. 527. ita & apud Arab. LETTE in *noviss. Cantici Deborahae illustr.* p. 67.



## 64 Joh. Henr. Verschuir Diff. Hist.

*as delere*, quæ LIVII *phrasis est, debellare.*  
 שריר *reliquos* cum memoret vates, sponte  
 intelligitur eos ita dici cum respectu ad cla-  
 dem modo memoratam; descripserat tota-  
 lem cladem Moabitarum & Idumæorum,  
 nunc addit, post illam cladem aliquem Isra-  
 elitarum Principem deleturum reliquos. Qui-  
 libet intelligit eum loqui de iis qui ex istis  
 hostibus invicti adhuc supererunt. Additur  
 מעיר *ex urbe*, עיר hic collective sumen-  
 dum est pro *urbibus*, in quo nihil difficile;  
*Ilyrcanus* nempe, etsi Idumæos, Moabitas  
 aliosque hostes devicerat, tamen multæ ad-  
 huc urbes munitæ illarum nationum resta-  
 bant, quæ hætenus ipsi obedientiam nega-  
 bant; has vi cepit Alexander, & sic resi-  
 duos ex urbibus delevit, vel eos ejiciendo  
 & fugando, vel ad obedientiam cogendo  
 impositis etiam præfidiis militaribus. Forte  
 unam etiam præ reliquis insignem urbem  
 demonstrare voluit Vates, de quo nihil cer-  
 ti affirmaverim. Res in genere satis ex histo-  
 ria constat. Sic JOSEPHUS de Alexandro  
*Antiq. l. XIII, Cap. XIII, p. 672.* καταστρε-  
 ψάμενος δὲ τῶν Ἀράβων Μωαβίτας καὶ Γαλααδί-  
 τας εἰς φόβον ἀπαγωγὴν, κατέρριψε καὶ Ἀμαθύν-  
 τα &c. *Cum Moabitas & Galaaditas, qui  
 Arabes sunt, subegisset, ut inde tributum ex-  
 igeret, demolitus est etiam Amathunta: &  
 ejusdem libri Cap. XV, 8. 4. catalogum ex-  
 hibet urbium Syris Idumæis, Phœnicibus &  
 Mo-*

Exeg. ad Num. XXIV, 17. 18. 19. 65

Moabitis ademtarum tam per Hyrcanum quam Alexandrum. *In mediterraneis ad Idumæam Adora, Marissam, Samariam, montem Carmelum, & montem Itabyrium, Schytopolim, Gadara, Gaulonitidem, Seleuciam, Gabala. Moabitidas etiam tenebant Judæi Essebonem, Medaba, Lemba, Oronas, Telithonem, Zara, Cilicum vallem, & Pellam.* Ex ultima expeditione, in qua triennium consumserat, domum reversus, antea tantopere exosus, magno cum gaudio exceptus est *διὰ τὴν εὐπρωγίαν*, ob res feliciter gestas *ibid. §. 3.* Cum dictis quæso nunc compara, quæ reliqui Intre pretes *de deletione reliquiarum ex civitate conjecerunt.* Sunt qui sub voce *יְע* omnes omnino civitates comprehendunt, per Dominatorem hunc Messiam intelligentes; qui hic dicitur omnes de civitatibus perditurus, quod omnes ex infidelibus fideles fierent; alii cogitant de urbe Roma gentili, per Messiam devincenda: quæ æque facile negantur quam affirmantur, cum nulla probabili ratione nitantur: vera sententia prolata & demonstrata reliquæ sponte corruunt, quare tempore non abutar. Multo rectius alii de Idumææ civitatibus a Davide subactis cogitarunt. Cl. MIEGIUS per urbem hic intelligit Hierosolumam, Judææ metropolim, κατ' ἐξοχὴν ita dictam, vel potius ipsam, Judæorum rempū-  
Bibl. Brem. Nov. Cl. III. F. I. E bli

*blicam*: per *residuum ex urbe*, id quod priscæ potestatis & auctoritatis in ea superfuit tempore Messiae: *perdere residuum ex urbe* ipsi est quantulascumque reliquias illas peritus abolere, eversa totaliter Judæorum republica, quod recte putat vel ad Herodem vel ad Christum transferri. Sed gratis assumpta hypothesis virum eruditum fecellit; non hic de Judæis eorumque clade sed Idumæis ac Moabitibus agitur: nullus hic Messiae, nullus Herodi locus: nihil in toto oraculo obvium, quod vel levissimam occasionem de Hierosolyma cogitandi præbet, tamquam delenda; contra Hierosolymam hic contemplamur Imperatricem, ac reliquarum gentium ac urbium dominam: qua dixi ratione phrasis *האכיר שריר מעיר* recte explicatur. Si quem tamen illud *מעיר* ita absolute positum paululum offendat, is cogitet unam forsitan ex hac voce litteram per librariorum errorem esse omissam, & *מעיר* positam pro *משעיר* ex *Seir*, ut v. 18. quemadmodum Num. XX, 16. quoque pro *שעיר* occurrit *עיר*, quæ capitalis Cl. VENEMÆ emendatio est, in critica etiam, quod in nostræ ætatis Theologis rarissimum, felicissimi, vide *Comment. ad Malach. p. 56.*

§. 25.

Ita oraculi sensu illustrato & ex impleto confirmato, id unum de *Alexandro*

Exeg. ad Num. XXIV, 17. 18. 19. 67

dro nostro adhuc quærere luber, quid ipsum & patrem *Hyrcanum* moverit ad religionem Judaicam propagandam? cur Moabitas & Idumæos religionem ritusque Judaicos recipere coëgerint, cum de Davide nihil simile occurrat? Occasionem huic instituto dederat *Antiochus Epiphanes*, vi & armis Judæos a patria religione ad Græcanicam perducere conatus, rationibus ductus Politicis, ut facilius cum Syris in unam gentem coalescerent. Hoc exemplo edocti *Maccabæi* devictarum gentium possessionem religionis communione sibi firmam facere studuerunt. Interim facile credo, *Joannem Hyrcanum*, virum pium, non tam hac prudentia civili, quam quidem religionis zelo motum, tanto studio religionis propagationi incubuisse, stimulum forte addentibus Pharisæis; sed Alexandrum nullius fere religionis hominem, (uti & Aristobulum (a)) ut parentis institutum sequeretur nihil movit aliud, quam modo memorata ratio Politica. Ab hac enim prudentia hunc, acris sane ingenii virum, minime fuisse destitutum, vel clarissime apparet ex callidissimo, quod moribundus uxori dedit, consilio,

E 2

quo

(a) Qui Ituriam debellavit, ejusque incolas etiam ad circumcissionem & observationem legum Judaicarum coegit. JOSEPHUS Antiq. l. XIII, c. XI, §. 3.

quo ipsi auctor erat, ut se in Phariseorum, qui sub religionis larva latentes apud plebem immensum quantum valebant, insinueret gratiam, ut JOSEPHUS refert *Antiq. l. XIII, Cap. XV, p. 675*. Qua arte utinam multorum Principum mentes semper non fuissent imbutæ & fascinatæ. Verissime dicit POLYBIUS in *excerpt. de virt. & vitiis p. 1383*. ἀναγκαζόμενοι ταῖς τῶν πραγμάτων μεταβολαῖς συμμετατιθεσθαι, τὴν ἐναντίαν τῇ φύσει πολλὰ κίε μφάινουσιν διαθεσιν ἐνίοι τῶν δυνατῶν πρὸς τὰς ἐκτὸς, ὥστε μὴ οἶον ἐλεγχεσθαι τὰς φύσεις διὰ τούτων, τὸ δ' ἐναντίον ἐπισκοτεῖσθαι μάλλον. *Plerique Principes pro inclinationibus ac mutationibus temporum flectere se ac convertere coacti, sæpe numero longe diversum ab ingenio suo institutum foris ostendunt: quare tantum abest, ut hujusmodi factis eorum animus prodatur, quin potius absconditur.* (a) Ita rum fecit Alexander, qui, licet capitalis Phariseorum hostis, tamen eorum amicitiam, tamquam regni firmamentum, uxori commendavit. Eri autem magna in Principibus virtus est τῷ καιρῷ δελεεῖν ac subditorum ingeniis se accommodare, tamen quantus sæpe sit ejus regulæ

(a) Optime noverat Aratus, vir prudentissimus, τοὺς βασιλεῖς φύσει μὲν εὐδία γομζοντας ἐπὶ ἐχθρὸν, ἔτι φίλον, ταῖς δὲ τῶ σὶ μφίροντας ψήφους αἰὶ μίτρῶντας τὰς ἐχθρὸς καὶ φίλους. POLYBIUS l. 2, p. 186.



Exeg. ad Num. XXIV, 17. 18. 19. 69

gulæ abusus omnes norunt Sed quærat quis, utrum talis propagandæ veræ religionis ratio, qualem secuti sunt Maccabæi, a Principe bono animo & zelo instituta, uti verbi gr. a *Carolo Magno* sec. 8. *Saxones & Hungari* ad Christiana sacra recipienda sunt compulsi, utrum illa, inquam, licita sit, & Joannis Hyrcani exemplo etiam defendi possit? Respondeo candide, ut hominem ingenum decet, multum interesse *persecutionem* inter *Epiphanicam & Maccabæorum* institutum. *Antiochus* ferro, igne & summa vi Judæos cogere tentabat, *Maccabæi* contra devictis nationibus optionem dabant, utrum mallent regiones patrias deserre, an vero religionem murare. Si bellum hisce populis illatum fuit justum, quemadmodum iustissimum fuit, quis neget victori integrum fuisse hanc aut similem devictis præscribere conditionem? Forte verus rigidior Oeconomia hic etiam aliquid permittebat. In se tamen omnis vis & coactio in religione illicita est, homines tantum facit hypocritas: iudicium enim nostrum nullo modo cogi potest. Præterea, cum religio peculiaris sit uniuscujusque hominis ad Deum relatio, nulli mortali in eam jus est, modo quiescere sine factione nec læsa ullo modo obedientia legitimis magistratibus aut officiis civibus debitis exerceatur: modo contra

tra summi imperantis jussu tumultuose non diffeminetur. Non magis verum Dei cultum quam falsum violenter propagare licet: ea enim exceptione semel admissa, nullus persecutionum finis erit, quum quisque sibi veritatem tribuit. A Christianis ullo prætextu persecutiones in re religionis palliari summum maximeque detestandum nefas est, cum ipse Christus Dominus ejusque Apostoli se strenue iis opposuerint, expressis verbis omnem vim prohibuerint: cum Spirituali ac rationali hujus religionis genio prorsus adversæ sint. Sic suo exemplo horrendas martyrum pœnas probant. Ecquid enim mali fecerunt Romanorum Imperatores, cum Christianos, publicam tunc religionem deferentes, adhibita vi ad eam denuo compellere tentaverint, si in immorigeros exemplum statuerint, si ipsi illi Christiani, nunc rerum Domini, simile quid aut prorsus idem moliantur, imo quod multo pejus est? *Romani* enim Christianos tantum, religionem a publica & Gentili toto cœlo differentem & ad ejus ruinam tendentem exercentes, in ipso ortu violenter opprimere aggrediebantur: *Christiani* vero in ejusdem religionis socios, sed in nonnullis dogmatibus aut ritibus a se dissentientes, in propria sua sæviunt viscera; *Romani* in Christianos, qui immanium criminum, etsi falso, pos-

itu.

Exeg. ad Num. XXIV, 17. 18. 19. 71

stulabantur: *Christiani* in suos fratres, qui in conscientia ad nonnulla dogmata aut ritus privos se obligatos sentiunt, in vita innocuos, quin excellenti virtute conspicuos, animadvertunt severe. Rectissime ergo *Protestantes* qui dicuntur, se ab omni vi in re religionis alienos profitentur; nam si vel maxime ab uno alteroque hic peccatum fuisset, pessime tamen instituunt, qui id toto cætui imputant. Et utinam Dominus omnibus Spiritum mitem, lenem & verum inspiraret! utinam omnes *Christiani*, quas contraxere, maculas tandem eluerent! utinam a Pharisaico fermento purgati ad priscam religionis simplicitatem & sinceritatem redirent! sed hæc hæctenus. Ad *Maccabæos* redeo, etsi ille religionis propagandi modus, eo quidem tempore magis excusandus, minime probandus est; Deus tamen mirifica Sua Providentia rem ita direxit, ut ita Suæ religionis gloriæ confunderet. Nihil enim religioni Judaicæ gloriosius fere excogitari potest, quam quod illæ gentes, quæ vatiniانو odio eam semper persecutæ fuerant, nunc eo essent redactæ, ut ipsam illam religionem amplecterentur. Erat præterea in hac conversione præludium quasi & præparatio conversionis omnium gentium, sublato discrimine, per Evangelium.

Sic verum & genuinum oraculi Bileamici sensum, ut equidem opinor. protraxi in lucem, ejusque implementum ex historia demonstravi: nunc eundem per similia vaticinia, post multa intermedia secula eosdem eventus sub *Maccabæis* canentia, magis confirmare ac corroborare mihi animus est. Primus prodeat ZEPHANIA, qui *cap. II, 8. & seq.* Dei verbis atrociam Moabitarum & Ammonitarum crimina contra Judæos commissa atro notat carbone, & terribilem iis plenariæ vastationis & ruinæ denunciat pœnam, tandem in fine v. 9. addit שְׂאֵרֵית עַמִּי יִבְזוּ וְיִתֵּר גּוֹי יִנְחָלוּ *reliquiæ populi mei diripient eos & reliquum gentis meæ possidebunt eos.* Reliquiæ populi mei, inquit Deus: *populus Dei* certe sunt Israelitæ, *reliquiæ ejus populi* sunt Judæi ex exilio Babylonico in patriam reduces, vide v. 7, illi jam *diriperent Moabitas.* Verb. בּוֹז propr. *humi traxit*, dein *deripuit*, cui Gr. Σουλᾶν perfecte respondet, notat *contumeliose tractare*, & *opibus spoliare*, conf. VERNEMAAD *Dan. XI, p. 233.* Qui jam id fecerunt? nulli alii Judæorum, quam qui sub Principibus Maccabæis floruerunt. Gentes illas variis præliis profligarunt, contumeliose tractarunt ac spoliarunt *Judas & Ionathān*

Exeg. ad Num. XXIV, 17. 18. 19. 73

*natban*, vid. JOSEPHUS *Antiq. jud. l. XII, Cap. VIII*. Sed sequitur majus promissum, יתר בני *reliquum gentis meæ*, iidem qui modo dicti erant שארית עמי, *possidebunt eos*, Hebr. ינחלום *cernent eos sibi hereditatem perpetuam, proprium peculium*, quæ vis est verbi נחל. Hoc præstiterunt Joannes Hyrcanus & Alexander, ut ex superioribus liquet. Attende nunc convenientiam, quod *Bileam* verbo ירש, id *Zephania* verbo נחל exprimit, *Bileam* quidem directe de Idumæis, sed una comprehendens Moabitas & Ammonitas, qui populi tempore Maccabæorum inter se fuerunt permixti. Deinde v. 11. sic pergit Propheta: *formidabilis Jehova contra illos, nempe Moabitas & Ammonitas, sane tabefaciet omnia numina istius terræ; tum incurvabunt se ipsi quisque ex loco suo, omnes oræ illarum gentium*. Hic clare prædicitur illos numinibus falsis rejectis, propria & gentili religione deserta, amplexuros veri Dei cultum seque. Ei incurvatueros, id quod supra sub Maccabæis factum fuisse vidimus. Eleganter Deus dicitur *tabefactus* numina istius terræ, id est, *sensim* & quasi *tabe aboliturus*. Ultima verba sunt אִי הַגּוֹיִם כָּל *omnes oræ illarum gentium*. Vocem אִי, quæ vulgo *insulam* notat, red-do *oram*, propr. est *flexus* a th. אִי *flectere*. Hinc significat *oram extremam* regionis,



quæ undique circa eam cum flexu circumducitur, conf. Cl. VENEMA ad *Dan. XI*, p. 135. Sæpe quidem notat spec. *oram* regionis *maritimam*, & hinc tandem *insulam*, sed & sæpe accipitur de *ora* & limitibus terræ continentis *Jes. XX*, 6. *XLI*. 5. In hoc loco *יָם* sunt extremi limites terræ Moabitarum, qui per synecdochen sumuntur pro universa eorum regione, æque ut *כָּל גְּבוּל*, regio vero per Metonymiam pro *incolis*. Cæterum quod hic *יָם*, id Bileamo *יַמֵּי*. Singulare est in *Jonathane*, quod Dagonis templum una cum hominibus, qui eo confugerant, *Azoti* incendio delevit, & quod JOSEPHUS eum multis onustum spoliis Hierosolumam fuisse reversum his verbis scribit. *Ἀνέβρεψεν ἐκεῖθεν εἰς ἱερουσόλυμα, πολλὴν ἐπαγόμενος λείαν, ἣν ἐλασεν ἐκεῖθεν νικήσας τὸς πολεμίους*. Sed hæc ad Philistæos pertinent, de quibus *Zephanja* *hujus cap.*, v. 4. & *seq.*

## §. 27.

Nunc AMOSI de *Idumæis* prædictionem expendamus, quæ habetur cap. IX, 12. Nempe postquam v. 8. destructionem & ruinam *regni peccantis*, id est Ephraimi & Iudæ, v. 9. dispersionem & afflictionem per Assyrios & Babylonios tamquam causas ejus efficientes memorasset, v. 10. ostendit.

Exeg. ad Num. XXIV, 17. 18. 19. 75

diffet hanc procellam maxime in impios ac profanos incubituram, v. 11. aliam aperit scenam, & promittit Deum post exilium Babylonicum res Judæorum collapsas ita instauraturum, ut ad pristinam sub Davide felicitatem redirent, his verbis: **ביום ההוא אקים את - סכת דוד הנפלת** *illo die erigam tentorium Davidis collapsum. Tentorium Davidis est regnum Davidis*, non quod Davidis posterij rursus in throno collocarentur, sed id ipsum regnum, quod olim Davidis fuerat, quod illo regnante gloriosum ac felicissimum erat, nunc vero *collapsum*, tenue & afflictum, Deus illo tempore denuo erigeret ac confirmaret, inque eo fere statu collocaret, quo fuerat regnante Davide. Phrasis *illo die* non exprimit Periodum exilium statim sequentem, sed tempus in genere post captivitatem Babylonicam, quo latiore sensu sæpe apud Prophetas obvium est. Additur - **וגררתי את - פרציהן והרסתיו אקים ובניתיה כימי עולם** *& obsepian rupturas eorum, & partes destructas ejus instaurabo, & ædificabo illud sicut diebus pristinis.* Quæ nunc sponte intelliguntur & in hunc sensum exeunt, Deum populum Judaicum ex statu vili & afflictio non tantum liberaturum, sed & felicitate, rerum omnium copia, plena libertate, quin & gloria, ac magna potentia ita ornaturum & mactaturum, ut eorum conditio

tio eam sub Davide fere æquaret: quemadmodum sub Maccabæis factum fuisse novimus, etsi plenissimum implementum per Messiam præstandum non excludo. Jam sequitur promissio de Idumæis tunc subjugandis v. 12. his verbis: למען יירשו את-שארית **אדום** adeo ut hereditaturi sunt reliquias Edomi. למען propr. valet ad responsum, sæpeque notat finem propter quem aliquid fit, sed hoc loco rectius redditur adeo ut, ita ut non finis indicetur, propter quem Davidis tentorium erigendum erat, sed eventus atque effectus hujus erectionis, ita sumitur Obadj. v. 9. Verb. ירש antea jam satis exposuimus. Propheta memorat שארית reliquias Edomi, ut significaret Idumæos multis cladibus bellicis ita esse debilitandos, ut ipsorum tandem non nisi tenues reliquiae superessent. Jam vide mihi quaeso convenientiam Bileamum inter & Amosum. Is dixerat, tum erit Edom ירשה & erit Seir hostium ejus, nempe Israël, Hic יירשו reliquias Edomi, uterque uno eodemque verbo utitur ad rem eandem denotandam. Nec tantum Idumæos bello subigerent, sed & כל-הגוים omnes gentes illas vicinas & inimicas, quas Bileam sub uno generali nomine filiorum tumultus complexus fuerat. Sequitur **אשר נקרא שמי עליהם** super quibus nuncupabitur nomen meum. Super gentes nuncupatur

## Exeg. ad Num. XXIV, 17. 18. 19. 77

paratur nomen Dei, quando de Deo cognominantur, ita urgentes Dei appellentur, Dei-que imperio sint subjectæ. Quæ phrasi non tantum significatur, eas in Judæorum, inter quos Deus singulari modo imperium tenebat, ditionem redactum iri, sed multo potius illas veram religionem, cultum veri Dei, assumpturas, quemadmodum Idumæi & alii populi tempore Maccab. fecerunt. Sensus sublimior in conversione gentium ad Evangelium firus cum litterali rursus apte conjungitur. Sed OBADJAM audiamus, testem omni exceptione majorem, v. 17. dicit: **וירשו בית יעקב מורשיהם** & *bereditabunt domus Jacobi loca sua bereditaria.* Ferri potest illa versio, nec tamen genuinam mentem satis exprimere videtur, Malim ita: *subigent subactores suos, vel possidebunt eos, qui ipsos ex possessione violenter expulerunt;* quam vim verb. **ירש** sæpe habere supra notavi. **מורשיהם** mihi est *particip. in Hiphil* conf. *Jerem. XLIX, 2.* Sic sentis maximum acumen in dictione Prophetæ, qui v. 15. Edomo dixerat: *quemadmodum fecisti, fiet tibi confotum tuum, illud malum, quod tu aliis confovisti, & cumulare in eos congefisti, redibit in caput tuum.* Hinc mox v. 18. domum Jacobi comparat cum igne, Josephi cum flamma,

ma, & Esavi cum *Stipula*, quæ ab illo igne & flamma ita combureretur, ut non amplius esset שריר לבית עשו, *residuus domo Esavi*: quod eodem fere modo dixerat Bileam: והאכיר שריר מעיר, *maxime si legamus משעיר, perdet residuum ex Seir*. Deinde rursus v. 19. ירשו הנגב את-הר עשו, *tamquam proprium peculium obtinebunt regionem australem, montem Esavi & reliqua, quæ ibi memorantur, loca*. Tandem ועלו מושעים בהר ציון, *tum Servatores adscendent in montem Zionis*. מושעים propr. sunt *Amplificatores*, qui titulus Characterem augustorum Maccabæorum Principum egregie exhibet, qui populum Judaicum non tantum ex summis angustiis in spatiosum libertatis campum eduxerunt, sed & ditionis & imperii terminos, devictis hostibus longe lateque extenderunt; ac amplificaverunt: Illi adscendent in montem Zionis, id est, ex bello reduces & victores magnam cum pompa revertentur Hierosolumam, regni metropolim, ibi solium & tribunal erecturi, e quo devictis etiam gentibus jura dicant, ut indicatur sequenti phrasi לשפט שם עשו את-הר עשו *ad judicandum montem Esavi*. Hisce peractis regnum erit Jehovæ. Leviori sensu regnum intelligitur Theocraticum, cujus olim signum fuisse videtur corona illa αἰς τὴν Μαουσῆς τοῦ Θεοῦ ἔγραψε, cui Moses nomen Dei inscripsit, ut auctor est JOSEPHUS

An-



Exeg. ad Num. XXIV, 17. 18. 19. 79

*Antiq. Jud. l. VIII, Cap. III, §. 8.*, hoc tempore rursus magis, cum Regnum & summum Sacerdotium penes unam eandemque personam esset, conspicuum; sed sublimiori regnum Dei spirituale per Messiam erigendum, quod eximie in N. T. dicitur ἡ βασιλεία τῶν κρανῶν, vel τῆ Θεῶ. Sic Propheta suam orationem in Messiae adventu, qui tempora Maçcabaica exciperet ac proxime sequeretur, terminat. Sunt præterea alia adhuc varicina, eadem Moabitarum, Idumæorum ac Ammonitarum fata clarissime prædicentia, nemini non nota; sed cum hæcenus prolata abunde sufficiant, in iis acquiesco.

F I N I S.





II.

JOANNIS NICOLAI RICHTERI  
OBSERVATIO\*)

AD

COL. II, 16. 17.

VIRI PLURIMUM REVERENDI

JOANNIS THEOPHILI ELSNERI  
DUBIIS OPPOSITA.

§. I.

**C**um ea sit Theologiæ typicæ ratio, ut  
nullos agnoscat & admittat typos,  
nisi vel ex disertis S. S. oraculis & probabi-  
li horum explicatione haustos, vel ex aliis  
di-

\*) Non dubito quin Apologia hæc pl. Rev. & Doctissimi RICHTERI, qui ex *Rhebornensi* transiit ad Ecclesiam *Ernestivillanam* prope *Bipontum V. D. M.* cuivis Erudito & mansueti Lectori gratissima erit, & vel ipsi, contra quem directæ est, pl. Rev. & Doctissimo ELSNERO, tum ob judicii, quod ubique testatur, acumen, tum quod Doctissimi Adgressoris modestiam, comitatem & amo-

dictis, quibus quidem haud ita clara & expressa eorum deprehendimus vestigia, saniori tamen ratiocinio erutos: non erit facile, qui curatiorem horum locorum, quos typorum fontes plerumque existimamus, posteriorum imprimis, considerationem improbet atque damnet. Efficit enim hæc disquisitio, modo adhibita mentis acie instituat, ut Theologiæ Typicæ limites, aliis latiores, aliis angustiores, magis magisque definiantur, neque adeo aut ulterius, quam par est, extendantur, aut arctioribus circumdantur cancellis. Quum igitur in his dictis insigniorem sibi vindicent locum hæc Pauli Apostoli verba, Col. II, 16. 17. exstantia, quæ ab Interpretibus typorum toties adduci solent: merito in quæstione existit, utrum illud revera tradant, quod plerumque in eis quærunt; atque adeo omnia, quæ

amorem veritatis plane adæquat. Altercationes enim Eruditorum hoc modo recipiatæ, ubi alter alteri verba dat minime aculeata sed plena existimationis & amoris, nec ex tripode pronunciat, tantum abest ut nauseam creare possint, ut potius cum voluptate legantur. Imo quemadmodum ex collisione filicum ignis, ita ex tali altercatione Veritas prodire consuevit. Judicent autem eruditi, quisnam horum Amicorum palmam reportaverit. ? N. B.

quæ Apostolus v. 16 enarrat, in typorum numerum referenda sint. Aliud ego quidem statuebam, atque aliam propterea horum verborum expositionem proponebam, æquis & eruditis hujus *Bibliothecæ* Lectoribus dijudicandam. Qua in re cum veritatis studio unice ductus sim, optaverimque, ut perspicaciores vel dubia mea, modo id mererentur, solverent, vel meliorem solidioremque proferrent interpretationem: non potui non impense lætari, cum viderem Virum pl. Reverendum, IOHAN- NEM THEOPHILUM ELSNERUM, Pastorem Ecclesiæ Fratrum Bohemorum Bero- linensium dignissimum, *Classis* hujus Bibl. *primæ*, *Fasciculo tertio*, N. III. hanc ope- ram suscepisse, atque ea quidem humani- tate, ut vel hoc solo nomine dissensus do- ctissimi Viri mihi jucundissimus esse possit. Sed & alia sunt, quæ mihi in hac disquisitio- ne admodum placuerunt. Quamquam enim ab hoc meo leniore Adversario adhucdum in plerisque dissentio; effecit tamen doctis- simis suis dubiis & objectionibus, ut opi- nionem meam, acriori examini subjectam, hic illic paululum immutare, aliisque ar- gumentis confirmare valeam. Quo igitur eodem ordine incedam, quem ipse Vir pl. reverendus recte elegit, & dubia exposi- tioni meæ opposita eadem, qua Ipse usus est,

est, humanitate expendam, dicam *primum*,  
utrum argumenta mea, quibus vulgarem  
hujus dicti Apostolici interpretationem im-  
pugnare audebam, objectionibus eruditis-  
simi ELSNERI corruisse arbitrer; *tum* ea,  
quæ Idem contra meam ipsius expositio-  
nem attulit, breviter examinabo; *denique*  
de nova Viri pl. rev. interpretatione pauca  
adiiciam.

§. 2.

Animus mihi præcipue fuit ostendere,  
verba Apostoli, το δε σωμα του Χριστου, non  
denotare *Antitypum*, qui sit in Christo, sed  
*Ecclesiam*, corpus mysticum Servatoris.  
Quod ut probarem, viam mihi primum  
muniebam breviori disquisitione, utrum  
priora verba, α εσι οκια των μελλοντων, ad  
omnia referri queant, quæ comma 16. com-  
plectitur. Qui enim notionem *antitypi* as-  
sumunt, quæ communis est omnium inter-  
pretatio, uno ore contendunt, singula,  
quæ commate 16. proponuntur, *esum*, *po-  
tionem*,  *festa*, *novilunia*, *Sabbatha*, umbram  
dici futurorum, eorumque corpus sive An-  
titypum in Christo Ipsiusque regno quæ-  
rendum esse. Ego vero hoc temere asseri  
dicebam; esum enim carnis portionemque  
vini non fuisse futurorum typum, sed pla-  
citis Essenorum tribuendam esse ab his re-  
bus



bus abſtinentiam ; Apoſtoloque, ſi ad ea omnia reſpexiſſet, dicendum fuiſſet, α̃ εἴς ΠΑΝΤΑ, quemadmodum v. 22. expreſſe dicitur. Hæc vero oppugnavit Vir pl. reverendus. Primum enim reſpondet, Pronomen relativum α̃ vix tantummodo ad poſtremam Apoſtoli vocem ſαββατων (quod ego in ſequentibus maxime urgebam) referri poſſe, ſiquidem Apoſtolus Coloffenſibus ſuis non tantum a Sabbathis Iudæorum, verum etiam a reliquis allatis v. 16. inſtitutis veteris Oeconomiae ſeſe abſtinere juſſit, eo quod hæc omnia umbra tantummodo fuerint. Eſſet, quod huic Erud. ELSNERI aſſerto accederem, ſi certum eſſet evictumque, his noſtris verbis primario *avocare* voluiſſe Apoſtolum Coloffenſes ab obſervatione earum rerum, quas enarravit. Id vero eſt, de quo ego quidem valde dubito. Mea enim ſententia ex primario ſuo ſcopo id agit Apoſtolus, (ſicut ex ipſis verbis & loco parallelo Rom. XIV. probaveram) ut ipſis inculcet, nullius audienda eſſe iudicia; neque enim ulli licere, ipſos in tali cauſa *condemnare*: μη οὐκ τις ὁμας κρινεται. Annon etiam ex ipſis verbis ſatis clarum eſt, Coloffenſes ex Gentibus, quibuſcum maxime colloquitur, illa omnia non obſervaffe; carnem ergo comediffe, vinum bibiſſe, neque Iudæorum more feſta, novilunia, ſabbatha, cultu

cultu sacro profecutos esse ? Sed erant inter ipsos ex Iudæis, qui singularem externæ pietatis speciem præ se ferebant, atque hos ad abstinentiam a carne & vino, ad observationem festorum, neomeniarum, sabbathorum adducere studebant, nullamque cum ipsis, nisi paria secum agerent & sibi dicto audientes essent, consuetudinem habere volebant. Hos quidem Apostolus corripit ; horum illicitum & injustum ceteros a fictitia sua pietate adhuc alienos condemnandi morem damnat ; hos supremum Servatoris dominium violare dicit ; his clarius & apertius v. 18. 19. larvam detrahit. Alium igitur verborum Apostolicorum scopum, ac pl. ven. ELSNERUS ceterique Interpretes, mihi repræsentant. Nam ex horum sententia avocare voluit Apostolus Colossenses ab observatione illorum institutorum ; ex mea vero id primario tantum his verbis agit, ut *condemnantes* reprehendat, nec ipsorum *judicium* audiendum esse edoceat. Recte me hoc statuere, particula οὐ, quæ verba nostra proxime cum priori commate connectit, satis reddit probabile & indubium. Deum, ait Apostolus, principatus & potestates, h. e. in cathedra Moïsis sedentes, auctoritate & potestate sua jubendi judicandique exuisse. Ex hoc argumentatur : ΜΗ ΟΥΝ ΤΙΣ ὑμᾶς κρίνεται, i. e. hoc illu-

stre beneficium, hanc illustrem prærogativam novæ Oeconomiae, multo minus quenquam ex vobis, illam auctoritatem nullo jure sibi vindicantem, vobis eripere ne pariamini; hujus judicia & condemnationem nihili facite, cetera. Consequitur quidem hinc quodammodo, nec jugum suscipiendum esse, cum ex legis Mosaeicæ præceptis tum ex placitis humanis consistens, quod hi homines Colossensibus imponere cupiebant. Sed hoc verbis nostris probandi non erat primarius Apostoli animus. Quod ad legem Leviticam attinet, hujus abrogationem v. 14. jam demonstraverat. Quod ad dogmata humana, his demum a v. 20. omnem omnino vim obligandi abjudicat. Et num credamus, Apostolum sibi iterum probandum sumere, falsum esse & humanum inventum dogma, *μη γεννη*, v. 21, 22, si jam verbis nostris, quod Interpretes volunt, ostendisset, interdictum *της βρωσεως και ποτιω* nullius esse auctoritatis? Nam hoc *γεννασαι* cum *esu* illo & *potione*, idem omnino esse, nemo facile dubitaverit. Probandum ergo primum fuisset Viro pl. reverendo, cum ego quidem alium mihi scopum repræsentaverim, in hoc me falli maxime, nec ab assumpto a ceteris scopo recedendum fuisse. Quod nisi factum est, nihil probat obiectio.

§. 3.

*Essenorum* vero placitis interdictum *της*  
*σφαρμακων & ποτων* tribuendum esse, ego qui-  
 dem assereram, negat autem Adversarius  
 meus humanissimus: *satis enim constare,*  
*ait, antiquis Israelitis haudquaquam licuisse,*  
*omnibus sine discrimine vesci; notam esse le-*  
*gem de puris & impuris animantibus, nec*  
*ignotum esse prohibitum, quo Naziræi Dei ab*  
*omni omnino vino sese abstinere jussi sunt?*  
 Nota hæc esse, doctiss. ELSNERO facile  
 concedo. Nec mihi hæc ignota fuerunt,  
 quanquam verba Apostoli de eis non expli-  
 cuerim. Verum enim vero causam meam  
 jam egit Vir summe Venerandus & Cele-  
 berrimus, NICOLAUS BARKEY, doctissi-  
 mus hujus *Bibliothecæ* Editor, cujus Præ-  
 ceptoris ad bustum devenerandi singularis in  
 discipulum benevolentia & innumera bene-  
 ficia nunquam ex animo meo excident. Is  
 vero ex nexu & scopo hujus capitis de-  
 monstravit, de Philosophorum Ascetico-  
 rum inter Iudæos & gentes placitis Aposto-  
 lum agere (a). Loquitur enim v. 8. de phi-

F 4

lo-

- (a) Negavit hoc non ita pridem doctissimus  
 CHRISTIANUS ELIESER GENSELIUS, ad  
 Coloss. II, 8. *seqq. pauca differens*, cujus ipsum  
 scriptum ad manus me non habere magno-  
 pere doleo. Fortasse enim ea prolaturus  
 sum, quæ GENSELIUS jam impugnavit.

loſophia inani & fraudulenta, quæ ex humanis traditionibus ſeu placitis hominum cum elementis mundi, h. e. Levitica lege, conjunctis conſiſtat, doctrinæque Evangelicæ repugnet. Complectitur ergo hæc Philoſophia ſeu religio b), quam vitare Apoſtolus jubet, cum τὴν παραδοσιν τῶν ἀνθρώπων, τὴν ταπεινότητα τοῦ κοσμοῦ, quorum combinationem κενὴν ἀπάτην nominat. Quænam vero ad utramque dogmatum hujus philoſophiæ claſſem pertineant, id ipſe Apoſtolus a. v. 9. uſque ad finem capitis ſatis clare & prolixè oſtendit. Docet primum, totam Eccleſiam, latiffime patentem, tanquam corpus cum Capite ſuo, Chriſto, conjunctam eſſe, cujus etiam Coloffenſes membra ſint; inſimulque Servatorem caput eſſe omnis principatus & poteſtatis, v. 9. 10. c): in hoc igitur ſuo Capite eminentiſſimo

b) Cf. cel. KYPKE *obſervatt. ſacr.* ad h. 1.

c) Commata hæc duo 9 & 10, omnibus procul dubio inſequentibus viam ſternere debuerunt. Illa igitur ſi male expoſuerimus, in his quoque aberrare nos oportebit, nec verum ratiocinii Apoſtolicæ nexum deprehendemus. Egi jam paucis de eis in diſp. *de termino donorum munerumque extraordinariorum ex verbis Pauli Eph. IV, 12. 13. eruto*, præſide ſummæ Vener. & Cel. NICOLAO BARKEY Bremæ publice ventilata. Oſtendi §. XX, τὸ πλῆρωμα τῆς Θεότητος ſive τοῦ Θεοῦ eſſe



mo Gentiles credentes circumcisos esse, v. 11, circumcisionemque hoc minus ab ipsis

F 5

po-

esse nomen frequentius occurrens *totius ecclesiae*, quæ dicitur *κατοικεῖν ἐν χριστῷ σαρκί*, h. e. cum Christo ut Capite, tanquam membra unius ejusdemque corporis, conjuncta esse, unamque personam moralem constituere. Gentiles quoque, Evangelio fidem habentes, hujus prærogativæ, integræ ecclesiæ competenti, participos factos esse, docetur proxime sequentibus verbis: *Et estis* (vos Gentiles) *in illo completi*, i. e. quoniam tanquam membra ecclesiæ cum Christo ut Capite conjuncti estis; illud, quod vobis per vos ipsos deest, obtinuistis. His addit Apostolus: *qui Caput est omnis principatus & potestatis*. Sed quo fine addit? Credo, ut edoceat, credentes novæ œconomix nullis amplius, ut in priori œconomia, Iudicibus, seu legis exactoribus vindicibusque, sed proxime soli Servatori subjectos esse. Itaque priora verba viam muniunt ad ea, quæ v. 11-14. dicuntur; hæc vero, quæ Apostolus prudenter adjecit, v. 15. ulterius declarantur. Ex eo, quod fideles membra Christi sunt, consequitur primum, circumcisionem ab ipsis postulari non posse; imputatur enim eis mors, sepultura & resurrectio Servatoris. Considerantur ob hanc imputationem tanquam jam mortui, qui corporis exuvias deposuerunt, tanquam resuscitati & in futuro viventes sæculo, ubi circumcisio locum habere nequit. Consequitur porro ex eo, quod fideles membra Servatoris existunt, ipsos Levitica lege non

am-

postulari posse, cum mors, sepultura & resurrectio Servatoris ipsis imputetur, & propterea in iudicio divino habeantur tanquam mortui jam & resuscitati, neque adeo in hoc amplius, sed in futuro sæculo viventes. His duo consequentia addit Apostolus, quæ libertatem & a lege cæremoniali & a iugo auctoritatis iudicii que humani in rebus conscientiæ demonstrant. *Deus deletit chirographum, nobis contrarium, e medioque sustulit,*

amplius obligari. Considerantur enim in iudicio divino tanquam cruci cum Christo affixi, qui ergo morte ab hac lege liberati sunt, quippe ad hunc tantummodo mundum & ad hanc vitam pertinente. Consequitur denique ex eadem veritate, fideles liberatos esse a iugo iudicii auctoritatisque humanæ in rebus conscientiæ. Quum enim Servator etiam caput sit omnis principatus & potestatis auctoritate sua exutæ; tantum abest, ut talibus iudiciis, quales in œconomia veteri obtinuerunt, fideles etiamnum subditi, ut potius solius Capitis sui eminentissimi & legi & iudicio subiecti sint. Optandum esset, ut ea, quæ ex hac conjunctione membrorum cum Capite in epistolis Pauli hic illic deducuntur, accuratius dilucidiusque, quam vulgo, exponantur, & in ordinem concinniores redigantur. Non dubito, multis locis lucem inde haud contemnendam accensum iri, quam tenebrarum nube circumfundunt. qui hæc dicta sensu tantum mystico exponunt.

*stulit, cruci affixum.* Quid hoc edocetur, nisi libertatem a lege cærimoniali ob mortem Servatoris nostri nobis esse a Deo concessam? *Exiit quoque principatus & potestates*, h. e. eos, quibus in cathedra Moſis ſedendi & in rebus ad Moſaicam legem pertinentibus iudicandi potestas commiſſa erat, auctoritate ſua privavit. Quemadmodum igitur v. 14. probatur, legem cærimonialem abrogatam eſſe, neque ullam jam vim obligandi habere; ita v. 15. demonſtratur, Chriſtianos nullis amplius iudicibus ſpirituallibus, quales tempore legis conſtituti erant, ſubjectos eſſe, ſed ſoli Servatori & Capiti ſuo, cujus membra ſunt. Ex hoc, uti ſupra jam monui, prono alveo fluit, quod verbis noſtris Apoſtolus proponit, ſcilicet non audienda atque nihili facienda eſſe eorum iudicia, qui ipſos condemnarent, quod ratione eſus, potionis, feſtorum, neome-niarum ac ſabbathorum paria ſecum agere recuſarent.

Hic vero pedem pauliſper figere & diſquirere juvat, utrum hæc omnia, quorum Apoſtolus mentionem hic facit, ad legem cærimonialem pertineant. De feſtis, neomepiis ac ſabbathis, de quibus infra quædam adnotabimus, nullum eſt dubium. Ergo hic tantum de *eſu & potione* quæſtio exiſtit. Cum vero vox *βρωσις* actionem edem-  
di,

di, non ipsum cibum, quī βρωμα dicitur, & ποσις actionem bibendi, non ipsum potum, qui πομα audit, denoter; quæritur primum, quænam voces ad has subaudiendæ sint. Hoc vero ipse docet Apostolus loco vere parallelo Rom. XIV, quo collato præcipue *esum carnis & potionem vini* intelligi debere patet. Num vero ad *omnem* omnino carnem, an tantum ad carnem *impurorum animantium* respiciatur; in hoc quidem ab humanissimo meo Adversario dissentio, dum hic posterius, ego vero prius contendimus. Nec certe video, quid me ab hac mea sententia abducatur. Quid enim clarius esse potest verbis Apostoli cap. cit. v. 21: Καλον το μη φαγειν κρεα, μηδε πειναιον? Aliter locutus esset Apostolus, si homines intellèxisset, hoc tantum atque illo carnis genere vesci recusantes. Quid? quod eosdem, qui olera tantum comedebant, atque eos, qui omnibus sine discrimine vesciebantur, diserte sibi invicem opponit v. 2: ος μεν πισευει φαγειν παντα, ο δε ασθενων λαχανα εσθιει. Quamvis, quæso, de causâ de illis dicere potuisset Apostolus, ipsos nonnisi olera comedere, si tantum ad carnem impurorum animantium respexisset? In subsidium quoque vocare licet Tit. I, 14. 15. Quis enim lectis his verbis non videt, Paulum abstinentiam a cibis, quos

quos hominem polluere credebant, inter quos præcipue caro, referre ad Judaicas fabulas & præcepta humana? Confer. & 1 Tim. IV, 3. 4. Quodsi igitur hæc abstinencia a carne aliisque cibis ad fabulas Judaicas placitave humana pertinent, licetne eam ad Leviticam legem referre, solamque vetitam impurorum animantium carnem intelligere? Patet hinc, interdictum *της βρωτης* tanquam fabulam Judaicam & præceptum humanum ei Judæorum Sectæ adscribendum esse, quæ nulla plane carne nullisque cibis, quibus animam pollui credebatur, vesceretur. Hos vero, num Phariseos aut Sadducæos fuisse existimemus, an solos potius Essenos? Idem de *πνευ potione vini* dicendum. Spectabat hoc interdictum, si ad Leviticam legem referatur, ad solos Naziræos, sed observante Cel. hujus *Bibliothecæ Editore*, nec inter Judæos paucissimos, nec facile inter Colossenses quaerendos. Non potest igitur hoc loco nostro ex eadem lege explicari, quippe ubi de hominibus agitur, integram sectam constituentibus, aliosque in castra sua traducere cupientibus, quod Naziræis tribui nequit. Hos ergo Judæos, qui vino utendum non esse docebant, quos esse credamus, nisi solos Essenos, si eos aut Phariseos fuisse aut Sadducæos dicere nolumus? Et quanquam  
huic



huic suo præcepto humano nomen legis, ad solos Naziræos spectantis, forsan prætenderunt; probabile tamen videtur, illud primario ex Philosophia illa dimanasse, quæcum Leviticam legem conjungebant.

Iidem Esseni exactissimam festorum, Neomeniarum, Sabbathorum observacionem postulabant, de qua hic nihil monendum est. Tribuitur etiam ipsis v. 18. *ῥησκειὰ τῶν ἀγγέλων* d). Denique & abstinentiam

- d) Altius indagari meretur, utrum hæc *ῥησκειὰ τῶν ἀγγέλων*, quod alii volunt, sit cultus ipsis Angelis exhibitus, an vero, quod alii statuunt, sanctitas Angelos imitari cupiens. Doct. GENSELIUS priori expositione, quam Anglus eruditissimus, PEIRCIUS, & ex hoc cel. MICHAELIS exornavit, rejecta, posteriorem stabilire annixus est scripto jam cit. Hoc non lecto nec allatas rationes dijudicare licet. Vereor tamen, ut hæc illis, quibus prior adstructa est, prævaleant pondere. Equidem arbitror, si voces *ταπεινοφροσύνη* & *ῥησκειὰ τῶν ἀγγέλων*, non sine gravi ratione hic conjunctæ, ex mente GENSELII exponantur, Apostolum neutiquam hæc ipsa taxaturum fuisse, quod tamen facit. Quis sanus, multo minus Apostolus, rejiciat damnetque animum demisse sentientem, atque ad sanctitatem Angelorum adspirantem? Ergo dubium non est, Apostolum ad plane singularem *ταπεινοφροσύνην*, reprehensione dignam, respexisse. Hæc in eo constitisse mihi videtur, quod

## Apologia ad Col. II, 16. 17. 95

tiam a matrimonio ab iisdem præceptam, & verbis v. 22. *μη ἀψη* indicatam esse, hoc minus dubito, quum ipse Apostolus ea ita exponat loco parallelo 1 Tim. IV, 3. Iam ergo si paucis dicere velimus, quænam sint dogmata illius Philosophiæ, quam ex elementis mundi & placitis humanis combinatam Apostolus vitare jubet: præceptum circumcisionis, observatio festorum, neomeniarum & sabbathorum ex Levitica lege; at interdictum esus & potionis & matrimonii, cultusque Angelis præstitus ex placitis humanis desumpta erant.

§. 4.

Quodsi igitur interdictum *της βουτας*  
& *ποσις* placitis Essenorum humanis tribuen-

quod crederent, hominem adeo a Deo remotum ac tantæ humilitatis esse, ut ipsi, nullo interveniente, ad summum Numen accedere & preces fundere non liceat. Ex hac *ταπεινοφροσυνη* pullulavit cultus Angelorum, quem propterea in eo constituisse existimo, quod horum spirituum intercessione & ministerio opus esse arbitrabantur, si summo Numini animum tuum aperire velis, adeoque eos tanquam mediatores precatoresque venerabantur. Ex hac vero *γενεαλογια* fictæ Angelorum *Genealogia* ortum suum duxerunt, 1 Tim. I. 4; ad quas Apostolus præcipue digitum intendisse videtur verbis: *α μη ιερων συβατιων.*

buendum est; per se patet, illud minime ab Apostolo tanquam *umbram futurorum* considerari e). Quin alia restat via, qua hoc ab  
 obje-

- e) Existimat quidem pl. rev. ELSNERUS in not. a, *si mihi Hebr. IX, 10. in mentem venisset, me vix dubitare potuisse, Apostolum hic ad antiquas Israelitarum leges caerimoniales respexisse, non ad placita humana.* At hæc obiectio nihil omnino probat. Possum enim eadem via incedens dicere: Si Adversario meo humanissimo Tit. I, 14. 15. & 1 Tim. IV, 3. 4. in mentem venisset, vix ac ne vix quidem dubitare potuisset, Apostolum hic ad dogmata humana respexisse, non ad legem caerimoniam. Sed videamus, ne quid præteream, utrum hic locus nostro vere parallelus deprehendatur. Loquitur hic Apostolus de oblationibus & sacrificiis, quæ conscientiam hominis consummare non potuerint, ac tantum *βρωματα καὶ πομολα*, variis lotionibus & sanctificatione carnis consistentia, hominibus imposita fuerint. Quænam vero hæc *βρωματα καὶ πομολα*? Nihil nisi cibi & potus, quibus in sacrificiorum oblatione aut fertis & libaminibus fruebantur; ut adeo minime Apostolus hoc loco ad discrimen illud ciborum purorum & impurorum, abstinentiamque Naziræorum a vino respiciat. Agit enim toto hoc capite de tabernaculo seu templo, deque iis, quæ in hoc peragi solebant, ad Christianos ex Iudæis loquens, qui totius cultus Levitici non ita facile oblivisci poterant, & præter cetera etiam sacrificia necessaria putabant. Sed in hac nostra ad  
 Co-

objectione Erud. ELSNERI vindicare ac tue-  
ri valeo. Quærere enim possum ex Viro  
pl. reverendo & ex ceteris, qui esum & po-  
tionem umbram seu typum fuisse existi-  
mant, utrum τῆς βρωσὶς *esum omnium animan-*  
*tium sine discrimine*, an tantum *animantium*  
*purorum* significare credant. Si postero-  
rem eligas conceptum: *nemo vos iudicet in*  
*esu animantium purorum*; hic sensus prove-  
niet, nisi verbis viam inferre velimus: ne-  
mo vos condemnet, quod nonnisi pura ani-  
mantia, in lege permessa, comeditis. Quis  
vero hunc sensum ferat? Sic enim ipse  
Apostolus observationem legis cærimonia-  
lis non improbaret. Solus igitur prior con-  
ceptus

Colossenses epistola atque hoc speciatim ca-  
pite, cujus locum explicare annitimur,  
mentionis sacrificiorum, nulla deprehendi-  
mus vestigia, neque adeo Apostolus *sacri-*  
*ficia* tanquam dogma illius Philosophiæ, ex  
conjunctione Leviticæ legis placitorumque  
humanorum ortæ, considerat. Quod qui-  
dem, ni fallor, novum exhibet argumentum,  
nonnisi de Essenis agi, quippe qui externæ  
sanctitatis quam sacrificiorum studiosiores  
erant. Cf. cel. CONR. IKENII *Antiquitt.*  
*hebr.* P. I. Cap. VI. §. V. Locus igitur,  
quem Doct. ELSNERUS in subsidium vocat,  
neutiquam probare mihi videtur, nostro  
etiam, de quo agimus, loco vocibus  
βρωσὶς καὶ ποτὶς ad leges cærimoniales re-  
spici.

ceptus assumi potest: *nemo vos iudicet in esu omnium animantium sine discrimine*; hoc est: nemo vos condemnet, quod posthabita lege cærimoniali, a qua morte Servatoris liberati sumus, omnium sine discrimine animantium carne vescimini. Sed quid jam, ex sententia Doct. ELSNERI ceterorumque Interpretum, de hac *βρωσις* omnium ciborum Apostolus prædicat? Hoc docet, *eam esse umbram* seu typum. Quod vero falsum esse non est, quod doceam. Talis enim esus in Oeconomia legis non existit, neque adeo ad umbram futurorum referri potuit. Atque idem de *ποσις* moneri potest. Quum hæc potionem vini significet, id dicit Apostolus: *nemo vos iudicet in potione vini*, hoc est, nemo vos condemnet, quod vino modice utimini. Quid vero jam iterum de hac *ποσις*, salva, quam impugno, sententia, Apostolus asserit? *Hæc potio vini est umbra*. Hanc expositionem nec Adversarius meus Doctissimus, nec ceteri Interpretes, quorum sententiam tuetur, admittere queunt. Dicant igitur necesse est, hanc *ποσις* esse legem, Naziræis vini potione interdicentem. Sed nec male ferent, hunc conceptum assensu meo me comprobare non posse, cum nullo prorsus nitatur fundamento. Vera igitur scripsisse etiamnum mihi videor, cum contenderem, verba, &



ἐστὶ σκῆμα τῶν μελλόντων; non posse ad omnia antecedentia referri, hoc magis, cum Apostolus alioquin dicturus fuisset: αἱ ἐστὶ ΠΑΝΤΑ, quemadmodum v. 22. Existimat quidem Vir pl. Venerandus, hoc additamento v. 17. non opus fuisse, sicut v. 22, quippe ubi a commate 18. usque omnia repetenda sint. At pace Ipsius dixerim, voces αἱ ἐστὶ πάντα clarissime tantum ad proxime præcedentia pertinere: μὴ αἴψῃ, μὴδε γεύσῃ, μὴδε θίγῃς. Neque enim de cultu Angelorum v. 18, neque de homine caput non tenente v. 19, neque de præceptis mundi v. 20, sed tantum de iis, quæ ex placitis Essenorum non tangenda, non gustanda, non contrectanda erant, dici poterat, quod sint εἰς φθορὰν τῇ ἀποχρησεῖ. Quodsi igitur Apostolo opus visum est, ad tria hæc verba, quæ tamen proxime præcedebant, diserte dicere: αἱ ἐστὶ ΠΑΝΤΑ; quid nostro, de quo disputamus, loco adjectione hujus vocis non opus fuisse dicamus, quippe ubi Apostolus de pluribus loquitur?

§. 5.

Iam ad ea pergo, quæ pl. rev. ELSNERUS §. suo 4. mihi opposuit. Ego quidem statuebam, non absque causa Apostolum dicere αἱ ἐστὶ, in *presenti*, non *præterito*: hoc enim eum indicare aut saltem con-

cedere, ea, de quibus loquitur, non solum fuisse, sed etiam adhuc esse, & porro fore typum; proptereaque ipsorum Antitypum dici non posse in Christo Ejusve regno apparuisse. Ipse ego haud diffiteor, infirmum fore hoc argumentum, nec multum roboris adlaturum esse, nisi alia adessent, quæ eidem probabilitatem conciliant. Eadem igitur de causa ejus hic defensionem fuscipere mihi liceat. Regerit verò ad illud Vir pl. reverendus, *propterea Apostolum loqui in præsentì tempore, quia tunc, cum hæc scriberet, instituta veteris Oeconomiae, v. 16. memorata, adhuc durabant, & post destructum templum Hierosolymitanum demum penitus abrogata sunt.* Specie quidem hoc dubium non caret; astamen vario modo dissolvi poterit. Edocet clarissime ipse Apostolus v. 14, *Deum chirographum nobis contrarium, h. e. legem cærimoniam, delevisse e medioque sustulisse, cruci affixum.* Annon hæc satis dilucide ostendunt, instituta Leviticæ legis jam morte Servatoris nostri abrogata fuisse? Quis facta solutione & deletio chirographo hoc tamen jure perdurare contendat? Nisi igitur Apostolum sibi ipsi contradicentem tibi fingere velis; dicere non facile poteris, cum instituta illa tanquam talia considerare, quæ tum adhuc jure durarunt; scripsissetque mea quidem sen-

sententia, nisi aliud intendisset : *quæ omnia usque ad mortem Christi umbra fuerunt, in Ipso vero iam corpus adest.* Destructio templi Hierosolymitani efficiebat quidem, ut lex Levitica ex more veteri non amplius observari potuerit, utque homines Christiani ex Iudæis jam hoc libentius omnibus illis cærimoniis nuncium mitterent. Sed certe Apostolus nusquam hunc legis finem terminumque fixit, cum eam ubique tanquam suo jam tempore abolitam abrogatamque consideret : quanquam fuerint, qui ipsi in hac re contradicere ausi sunt. Et quid ? Si usque ad destructionem Hierosolymorum & Templi instituta illa perdurarunt, vel jure perdurarunt, vel minus. Si jure ; cur ab observatione illorum Apostolus Colossenses avocavit ? Si nullo jure ; non erant amplius, sed fuerant umbra, cum tamen Paulus diserte dicat : *αἱ εἰσι σκια.* Quin ex eadem hyporhese reddere debes voces *των μελλοντων* eorum, *quæ futura sunt*, non vero, quæ futura erant. Si vero tum, cum Apostolus hæc scriberet, nondum plenarie apparuerant ista *μελλοντα*, sed partim adhuc futura erant ; quam, quæso, de causa iterum eos ab observatione institutorum illorum avocavit ? Sed dicas hic : jure quidem hæc omnia jam abrogata fuisse, & præclare egisse, qui liberationem ab hoc jugo agnoscentes

res tantummodo ad normam Evangelii vitam suam instituerint : at animos multorum Iudæorum, quanquam in Christi castra transissent, præjudicata tamen opinione impeditos hoc beneficium non agnovisse, donec temporis successu & præsertim destructione templi in meliorem sanio remque sententiam ducti fuerint ; quæ quidem cum in omnibus radices egisset, tum demum instituta illa actu cessasse. Quis vero credat, Apostolum ad hanc opinionem Evangelio contrariam his nostris verbis se accommodasse, cum tantopere eam eradicare studuerit f) ?

Provocat quidem Vir eruditissimus ad Hebr. IX, 13, ubi de sanguine taurorum dicatur, quod *ἁγιάζει, sanctificet*, in præsentem, quanquam Antitypus omnium sacrificiorum jam apparuerit. Ex hoc igitur confectui existimat, Apostolum instituta legis cæri-

- f) Conferri meretur Angli eruditissimi, GEOR-  
GII BENSONIS, Abhandlung von der Abschaf-  
fung des Ceremonialgesetzes, quæ existat in  
Ejusd. Paraphrastischen Erklärung und Anmer-  
kungen über einige Bücher des Neuen Testa-  
ments, atque explicationi epistolæ ad Ti-  
tum adnexa est. Plura hic deprehendens le-  
ctu dignissima, quæ sententiam meam con-  
firmant. Hac de causâ breviorẽ hic esse  
mihi licuit.



cærimonialis non ut actu abrogata, sed in posterum abroganda considerare. At pace Ipsius dixerim, hujus loci & nostri, de quo disputamus, insignem esse differentiam. Loquitur hic Apostolus ad Christianos ex Iudæis, quorum relapsus in Iudaismum metuendus fuit. Comparat sanguinem Servatoris cum sanguine taurorum, ostenditque, quanto ille hoc sit præstantior, cum hic nihil efficiat ac præstet, nisi sanctificationem carnis, adeoque eis, qui sacrificare pergant, externa tantum bona ac privilegia conciliet; ille vero conscientiam purget ab operibus mortuis, ad serviendum viventi Deo. Poterat igitur Apostolus tempore præsentis uti. Iudæus enim, qui, oblato jam Servatoris sacrificio, sacrificia offerebat, horum sanguine purgabatur, sed externe tantum g). Neutiquam igitur Apostolus his verbis docet, sanguinem taurorum tum adhuc Typum fuisse. Qui enim hoc dicere potuisset, cum clarissime edoceat, in sanguine Christi profuso ejus Antitypum deprehendi? Sed nostro loco diserte dicit, illa, quorum mentionem facit, etiam *in præsentis esse* umbram seu typum.

G 4

§. 6.

- g) Cf. cel. MICHAELIS Entwurf der typischen Gottesgelahrtheit p. 24. 25. 53 sq. ubi de externis bonis, ex sacrificiis ad sacrificantes redundantibus, egregie & nervose disserit, dictumque nostrum illustrat.



## §. 6.

De voce *σκια* nulla nobis est controversia; neque enim ex hac, sicut ex duabus antecedentibus, dubium movere poteram. Sed ad vocem *των μελλόντων* denuo diversæ sumus sententiæ. Ego enim contendebam, omissum hic nomen substantivum non ex ingenio addendum, sed ex antecedentibus, si nihil obster, repetendum esse. Nihil autem arbitrabar impedire, quo minus vocem *σαββατων* intelligere possis; quod & articulus *των* postulare mihi nunc videtur. Quodsi enim ad nomen *determinatum* in antecedentibus obvium non respexisset Apostolus, scripsisset modo: *αἱ ἐστὶ σκία μελλόντων*; saltem articulus non sine emphasi adpositus esse mihi videtur, quam vero emphasin in communi horum verborum interpretatione non deprehendes. Quæ pl. rev. ELSNERUS §. 5. huic meæ observationi opposuit, cum modo ad §. suum 3. provocaverit, non est, quod operosius impugnem. Quodsi enim omnia, quæ v. 16. enarrantur, umbram seu typum fuisse dici non potest, certe nec voces *των μελλόντων*, quæ Viri Doctissimi est sententia, ad omnia illa referri poterunt. Et quid? Si nomen omissum tam facili negotio ex ingenio suppleri potuit, cur illud *αγαθων* Hebr. X, 1. pari modo non omisit Apostolus? At hic non præ-

præcedebat, quod ad voces των μελλοντων intelligi poterat: ideoque ipsum nomen vere intellectum prudenter addidit. Quid ergo jam convenientius, utrum ex ingenio, aut quod perinde est, ex hoc loco των αγαθων supplere, an ex ipsis Apostoli verbis των σαβεβατων reperere? Conspirat quidem hic locus cum nostro dicto h); sed ad solven-

G 5

dam

- h) Non possum, quin de consensu hujus loci cum nostro paucula verba adjiciam. Dicitur *lex umbram habere futurorum bonorum, non ipsam rerum imaginem*. Constat, quod & pl. rev. ELSNERUS recte adnotavit in not. b, *εικαν* a re pictoria desumptam esse, neque quidquam indicare, nisi adumbrationem, seu rudiorum obscuriorumque rei repræsentationem, *εικονα* vero ipsam imaginem elaboratam & absolutam. Itaque significat Apostolus, habere quidem legem figuram futurorum bonorum, sed obscuriorem & & minime perfectam; adeoque ipsam lucidam & absolutam imaginem neutiquam in ea quærendam esse. Hæc vero ubi deprehenditur, nisi in Evangelio? quippe quod nobis futura bona, ad quæ sacrificio Christi, semel oblato, patefactus est aditus, non amplius obscuriori adumbratione, sed perspicua imagine repræsentat. Quænam igitur hæc μελλοντα αγαθα? Num ea, quibus jam in hac terra fruuntur fideles? At sic non amplius imagine delectarentur, sed ipsis rebus depictis, & imagine non amplius opus esset. Hinc dubium non est,
- futu-

dam quæstionem, quale nomen subaudiendum sit, nisi e longinquo petere velimus, quod proxime adest, adhiberi non poterit.

## §. 7.

De quo vero §. 6. Vir pl. reverendus adversus me disputavit, id paullo prolixius discutiendum est, cum hic tot tantosque Viros adversarios habeam. Ego enim, quæ veterum plurimorum fuit sententia, Sabbathum futuræ demum in cælo quietis typum esse asserbam; unde dici non posse colligebam, ejus Antitypum in Servatore jam apparuisse. Quis vero est, qui nesciat, quantopere hæc quidem Sabbathi explicatio recentiorum multis displiceat? Videamus primum, quæ Doct. ELSNERUS opposuerit. *Addubitandum non est, ait, in Christo, seu potius ecclesia Ejus antiqua Iudæorum Sabbath*

*futura hæc bona esse eadem, quæ cap. VIII, 5. τα επουρανία, & cap. X, 34. κρείττον ὑπαρξίς ἐν οὐρανοῖς καὶ μένουσα dicuntur. Hæc lex Mosaica obscure, Evangelicæ vero doctrinæ perspicue repræsentat. Iam consensus huius loci cum nostro dicto planus est & dilucidus. In utroque enim τα μελλόντα ea sunt, quæ nondum apparuerunt, sed futura esse pergunt. Nondum apparuit, quid futuri simus; scimus vero, quando apparuerit, nos similes futuros esse Deo: videbimus enim Eum, sicut est, 1 Ioh. III, 2.*

*batba cærimonialia implementum nacta & irrita facta fuisse, siquidem Oeconomia veteris fæderis, quoad sanctificationem Sabbathorum Israelitis multa imperaverit, quæ in Oeconomia novi fæderis revera sublata sint, ut res ad legem cærimonialem spectantes.* Concedo, ea, quæ lex Levitica die sabbathi ad amissum atque omni rigore observare jubebat, temporibus novi fæderis sublata esse. Cum enim integra hæc lex morte Servatoris nostri irritata facta sit; nullæ omnino cærimonix ipsius excipiendæ sunt. Num vero inde consequitur, ipsius Sabbathi jam apparuisse Antitypum? Quodsi enim ita argumenteris: quidquid ad legem cærimoniam spectabat, & in Oeconomia nova revera abrogatum est, ejus Antitypus vel in Christo, vel in Ejus ecclesia jamjam apparuit; tum jure mihi expetam, ut nexum hujus propositionis, si pote, demonstres. Quippe nullo prorsus fundamento hæc argumentandi ratio nititur. Multa enim sunt ad legem cærimonialem pertinentia, atque hodie abrogata, quæ implementum suum adhuc exspectant, & in posterum demum obtinebunt. Neque quidquam probavit Vir pl. Reverendus, nisi eo ritu & cultu Sabbathum post mortem Christi non observandum esse, quem lex cærimonialis Iudæis imposuerat. Caveamus vero, ne duram  
illam

illam seu molestam & lætam solatiique plenam ejus faciem commisceamus. Illa quidem evanuit, cum fideles novæ Oeconomix, soluto redemptionis pretio, non amplius in continuo mortis metu versentur. Hæc vero num pari modo disparuerit, non docuit humanissimus meus Adversarius, neque, quod vellem, ostendit, qua ratione aut in Christo aut Ejus ecclesia jamjam impleta sit. Non dubito tamen, Ipsum nonnisi eam amplecti, quam insigne illud & Gættingensis Academiæ & totius orbis litterarii Decus, cel. MICHAELIS proposuit & ornavit, explanationem Sabbathi typici, ad eamque præ ceteris forsân ablegasse. Fatendum quoque, hanc singulari veritatis specie non destitutam esse, sicuti tantum non omnia, quæ ab hoc maxime eximio & acutissimo Philologo proficiuntur. Quæ quidem unica causa est, cur hujus potius quam reliquarum mentionem hic faciam, eaque modeste proponam, quæ illi obstare, meam vero sententiam confirmare mihi videntur. Quod si enim de probabiliore expositione dubitandum est, quanto magis de ceteris?

Docet vero cel. & eruditiss. MICHAELIS i), *Sabbathum generatim significasse, colli Deum unum, qui creationem celi & terræ ab-*

i) Vid. Ipsius *Compend. theol. typ.* jam cit. p. 121 sq.



*absolverit, septimoque die ab operibus Suis quieverit.* Mallem ego hæc potius convertere ac dicere, Sabbathum generatim in memoriam revocasse, Deum unum, absoluto creationis opere, septimo die quievisse, ac propterea sancta veneratione colendum esse. *Quies* enim Creatoris præcipuum & palmarium hic est, quod vero secundum Celeberrimi Viri hyporhesin minus esse videtur. Qua vero de causa Deus sapientissimus voluit & jussit, ut hujus Suae quietis continuo recordarentur mortales? Annon sufficiebat, hos operis creationis indefinenter memores esse, Eumque apud animum suum hoc reputantes sanctissime colere? Disquirendum igitur est, quidnam hac Sua quiete, cujus mortales die Sabbathi inprimis recordari debebant, significare Deus voluerit. Docet id Apostolus Hebr. IV, ubi *introitum in requiem Dei credentibus certo futurum* tanquam Antitypum Sabbathi considerat. Quænam vero hæc requies Dei sit, in quam fideles suo tempore introducendi sunt, de hoc quidem non omnibus eadem est sententia. Intelligit cel. MICHAELIS libertatem a cultu Levitico, seu quietem ab operibus legis. *At cultus Sabbathi*, inquit, *qui proprie quiete a gravi labore præstabatur, illum præfiguravit cultum, quem olim ultimo tempore Deo cæli & terræ præstitura erat*  
*Eccle-*

*Ecclesia, qui observatione gravium officiorum non absolvitur, sed in quo nobis, abrogata servitute legis Leviticæ, ab operibus nostris quiescendum est.* Supponit hæc expositio, non præscriptum institutumque fuisse Sabbathum, nisi concessio Israelitis in deserto manna: quod, licet a multis acriter defensum sit, minime tamen, collatis utrimque argumentis, verosimile videtur. Egregie hoc & satis copiose in aprico posuisse mihi videtur celeberrimus, dum viveret, Theologus Bremensis, CONRADUS IKENIUS, in *Dissertt. suis de institutis & cerimoniis Legis Mosaicæ ante Moysen*; quem cum compilare nolim, hoc tantum addo, neuiquam probabile videri, Deum solorum Israelitarum causa, modo ad adumbrandam mutabilem cærimoniam, sex dierum spatio opera sua absolvisse, septimoque, quem hac de causa sanctificaverit, quievisse. Quis sibi facile persuadeat, hoc Dei exemplum, (finem enim Creatoris in eligendo hoc tempore fuisse exemplum ab hominibus imitandum, Sacris litteris satis dilucide edocemur) non ad sublimius quid & excellentius spectasse, neque adeo, sicut creatio ad totum humanum genus pertinebat, hoc Dei exemplum omnibus mortalibus imitandum esse? Quod vero si verum est, quod IKENIUS

## Apologia ad Col. II, 16. 17. III

NIUS alique k) de antiquissima hac Sabbathi origine argumentis non paucis adstruxerunt, quibus quid solidi opponi queat, ego quidem non video : corrue quoque ea Sabbathi explicatio, quæ quietem hoc die observandam quietem ab operibus legis facilemve cultus divini tempore novi fœderis rationem significasse docet. Neque enim mihi persuadeam, Deum, antequam tulit legem ipsam, hujus abrogandæ instituisse typum. Posito etiam, non ita certa & indubia esse argumenta, pro cana illa Sabbathi antiquitate militantia; alia tamen sunt, quæ huic expositioni contrariantur. Instituiamus enim comparisonem Typi & Antitypi huic expositioni conformem, quæ plenarie sic se haberet : quemadmodum Deus sex diebus cælum & terram absolvit, septimoque die quievit ; ita etiam exantlato labore, quem lex cærimonialis imposuerat, ab operibus hujus legis cessandum & quiescendum est. Sic igitur creationis opus Oeco-  
no-

k) e. g. pl. rev. IOH. GOTTLIEB JACHMANNI  
*Diff. de Sabbatho ante legem Mosaicam existente*, Lipsiæ A. 1748. publice ventilata.  
 Conferri quoque meretur WILLIAM COOKE  
*Untersuchung der Religion und Tempel der Patriarchen und Druiden*, a cel. IOH. PHIL.  
 CASSEL in sermonem vernaculum translata, p. 18. sqq.

nomiam veterem adumbrare debuisset, laboremque in observatione caerimoniarum fuscipiendum, quo quidem finito in quietem transcundum fuerit. Hunc vero creationis Antitypum admittamus? Nonne igitur eodem jure nobis dicere licebit, nec quietis Divinae Antitypum in cessatione ab operibus legis quaerendum esse? At dicas, sex illos dies ad opus creationis adhibitos nihil omnino significasse, sed nonnisi septimum. Huic vero asserto Sacrae litterae repugnant, quippe quae testantur, sicut Deus sex diebus caelum & terram creaverit, ita & mortalibus per totidem dies operandum esse; & quemadmodum Ille septimo die quieverit; ita & his ad exemplum Dei septimo die quiescendum esse. Quum ergo laborem & quietem disjungere non liceat, quo plenariam totius Antitypi ideam nobis formemus; hoc quoque expositioni illi, quam impugnare audeo admodum contrariatur, quod operans & quiescens unus idemque sit necesse est, cum idem Numen & creaverit & quieverit: id vero iterum ex eadem sententia dici nequit. Quibus enim quiescendum est, Christiani essent: qui autem operari sunt; Iudaei fuissent. Accedit, Apostolum loco supra citato Hebr. IV. diserte tradere, Sabbathum significare introitum in requiem *Dei*. Hoc enim signifi-



ficatur sine dubio, eos, qui in Sabbathum anitypicum introducuntur, quietis sive beatitudinis Divinae participes factum iri. Nam quietem *Dei* eam Apostolus dicit, qua ipsum fruitor beatissimum Numen, quo certe quietem ab operibus legis referre non licet.

Quum igitur ea explicatio Sabbathi, quae ceterarum a mea diversarum optima & speciosissima est, non immotis fundamentis niti videatur: certe nec video, qua ductus causa a sententia mea, quam pl. rev. ELSNERUS impugnavit, discedam. Alia quidem Sabbathi facies fuit in oeconomia patriarchali, alia in oeconomia legis, atque alia jam in Novi Foederis oeconomia; sed nulla in adumbrato beneficio differentia. Qui in prima vixerunt homines oeconomia legem praegressa; sancto hoc Sabbatho, seu quiete a labore cultui divino impendenda, edocti sunt, futuram esse futuro saeculo quietem ab omnibus laboribus, molestiis, ærumnis in hac vita subeundis, ubi nullis agitati curis soli Numinis æterni cultui vacabunt: adeoque Deum non tantum ut Creatorem & praesentem Benefactorem, sed & praecipue ut futurum post exitum ex hac vita Benefactorem sancta veneratione colendum esse. Quemadmodum igitur labor per sex dies hebdomadis ad exemplum Dei suscipiendus molestiarum & laborum



rum hujus vitæ emblemata fuit: ita quies hos dies infecuta futuram in cælo quietem præfiguravit. Postquam autem lex promissioni superaddita fuerat; accesserunt quidem singularia quædam, antea non usitata: sed his significatio Sabbathi non abrogata atque irrita facta, sed tantum propius in his atque illis determinata fuit. Si conjecturæ aliquid hic dare mihi liceat; non absque sapienti consilio in ipso initio concessi manna Sabbathum solemniter ratione denuo inculcarum esse mihi videtur. Quum enim hic cibus de cælo delapsus die sancto colligi non potuerit, sed superiori die collectus Iudæis comedendus fuerit; quum & ne sacrificia quidem mactare, & lignum in altari Iehovæ accendere hoc die licuerit: videor mihi hic deprehendere veritatem maximi momenti adumbratam, jam in hac vita querendum esse panem cælestem, Christum, si ex Eo vivere in æternum velis, Ioh. VI, 51; nullum pro æretice peccare perseverantibus post hanc vitam reliquum fore peccatis expiandis sacrificium, Hebr. X, 26; adeoque in hoc vitæ curriculo verum Servatoris sacrificium Deo offerendum, summoque Numini hodie serviendum esse, si olim in sanctam Ipsius requiem admitti velis. Nec prætereundum est, Sabbathum fœderis Sinaitici signum constitutum esse, Exod.

## Apologia ad Col. II, 16. 17. 115

Exod. XXXI, 13. 16. 17. Quo cum Deus Israelitas sanctificaverit, h. e. a reliquis gentibus educatione ex Ægypto in Canaanem ut Suum segregaverit populum; Sabbathum hoc quoque beneficium Divinum in memoriam ipsis continuo revocare debebat. Nec mirum. Nam hoc beneficio a tot tantisque laboribus miseriisque liberati erant atque in terrestrem quietem ducti. Quanquam vero Sabbathum & hanc significationem tempore oeconomiae legalis induit, primaria tamen & originaria significatio neutiquam hac accessione sublata fuit. Neque enim requies, in quam per Iosueam ducti fuerant Iudæi, primo sensu ea erat, quam Sabbathum pollicebatur, sed quies fidelibus in hac terra viventibus adhuc futura; quæ fide obtineretur, incredulitate negligitur, Hebr. IV, 8-12. Quid! quod hac transductione ex Ægypto & deserto in Canaanem ipsa in coeleste Sabbathum, coelestemque Canaanem ingrediendi ratio clarius depicta atque adumbrata fuit. Jam enim patebat, non per Moesen ejusque legem, sed per Antitypum Iosueæ, verum Dei populum in cælum olim transductum iri; & quemadmodum corpora incredulorum in deserto ceciderunt, & soli credentes in Canaanem ingressi sunt: ita etiam iis, qui voci Evangelii, ad castra Servatoris & per hunc ad

H 2

qui.

quietem cœlestem vocanti, fidem denegant, in verum Canaanem & *αναπαύειν* illam Dei ingredi non licebit, sed iis tantum, qui Evangelio obtemperant. Ex his jam pater, utrum in oeconomia novi fœderis Sabbathum penitus abrogatum esse existimem. Abrogatum esset, si boni adumbrati jam-jam participes facti essemus, & Antitypus apparuisset. Adfuit quidem, qui introitum in quietem Canaanemve cœlestem paravit: sed sollemnis & simultanea Israelis spiritualis in eam introductio ultimo demum hujus ævi die futura est. Qui libertatem a Christo partam tam late extendunt, ut & observationem Sabbathi eo referant, sola hanc oeconomia legis præceptam fuisse nullo fundamento supponunt. Neque profecto exinde, opinioni suæ robur concilient, quod dies hic festus ab Apostolis in primum hebdomadis translatus sit. Aliud enim est, transferre, aliud abrogare: nec ignoræ sunt causæ, quibus ducti leviozem hanc & in re ipsa nihil variantem immutationem Christi legati susceperunt. Pater quoque ex hætenus dictis, unde nostrum Sabbathum auctoritatem suam seu vim obligandi potissimum habeat. Non ex lege per Moysen lata, sed ex Dei exemplo, quo toti humano generi in creatione mundi prævit, cujusque Ipse sine dubio jam primis hominibus Interpres existit.

§. 8.

Quod doct. ELSNERUS. §. 7. proposuit, præterire licet, cum ipse concesserit, non vilipendendum esse, casum secundum poni: το σωμα του χριστου; cum ex vulgari interpretatione dicendum fuisset: το δε σωμα ο χριστος vel εν τω χριστω. Ipse idcirco confitetur mecum, hanc omnino deferendam, aliamque commodiorem magisque idoneam posteriorum verborum expositionem querendam esse. Quod vero ultimo loco dubium inde formaveram, quod nullum plane existat argumentum, vocem σωμα, frequentius licet occurrentem, in epistolis Pauli, vel ceterorum Apostolorum, pro antitypo poni; quod argumentum unicum ex opposito sumtum corruat, si demonstretur, aliam quoque notionem huc quadrare; quod eadem vox eodem hoc capite bis designet Ecclesiam, nec minus locis parallelis, in Epistola hac & ad Ephesios passim obviis, unde hunc significatum mittendum non esse arbitrarer, nisi primum probetur, consequi ex eo aliquid, quod aut cum connectione, aut scopo aut aliis rebus consistere nequeat: hoc, inquam, dubium hic intactum reliquit Vir pl. reverendus, atque infra demum §. 10. aperuit, quid sentiat.



Expensis igitur obiectionibus, quas humanissimus ELSNERUS argumentis meis, quibus vulgarem horum verborum interpretationem impugnare audebam, opposuit; jam ea, quæ contra meam ipsius expositionem artulit, quam fieri potest brevissime examinabo. Sunt vero duo, quapropter expositionem meam rejiciendam esse scribit: 1) *quia omnem omnino Typi & Antitypi rationem in sermone Apostolico remoueat, cum tamen vox græca σκια tale quid nobis suppeditet, & particula δε, quæ anthithesin indicare solet, idem confirmet.* Nescio, cur humanissimus meus Adversarius adeo generatim pronunciet, me nullam prorsus Typi & Antitypi rationem habere, cum tamen de Sabbatho id satis dilucide & diserte docuerim. Sed corrigit se Ipse vir pl. rev. in not. b, atque id tantummodo male habet, quod in ceteris rebus nec Typum nec Antitypum agnoscam; Sabbathique significationem male exponam. Multa, quæ hic responderi poterant, in antecedentibus jam occupata sunt, quæ hic non repero. Alia tantum adiungo, quibus hic locum destinaveram. Atque id primum vellem, doct. ELSNERUS me edocuisse, quidnam βρωσις & ποσις & novilunia adumbraverint, quod in



in Christo & Ejus regno impletum sit. Sed hanc operam supervacaneam ratus est, *quia multi viri docti id jam pridem perspicue docuerint*. Utinam hac generaliore responsione acquiescere possem! At quæ vulgo de his rebus scripserunt, neutiquam ita comparata sunt, ut convictionem pariant. Quod ad *Cibum* pertinet; posito tantisper, ad interdictum impurorum ciborum respici; neminem novi, qui meliorem sanioemque ejus explicationem tradiderit, quam Ill. MICHAELIS in peregregio suo *Compend. theol. typ.* p. 85. seq. Sed Ipse de eadem quodammodo dubitat, atque adeo hoc minus ægre feret Vir Eruditissimus, si alii de ea dubii sunt & incerti. Equidem arbitror Ipsum Deum interdictum impurorum ciborum exposuisse clarissime. Act. X, 10-16, 28. Annon enim ex his verbis satis dilucide apparet, cibos impuros emblemata fuisse gentilium, qui in oeconomia legis impuri & profani habendierant a Iudæis, quorum confortio & consuetudine facile contaminari possent? Quod igitur Petrus animalia impura mactare & edere a Deo jussus esset; hoc perspicue edocebatur, non jam amplius gentes impuras habendas, sed his pari modo ac Iudæis in ecclesiam patere aditum. Quis vero sibi persuadeat, in visu illo Petri cibos impuros significationis fuisse diversæ

ab illa, quam Deus originarie cum illis conjunxerat. Quodsi ergo interdictum horum ciborum tantum emblema fuit fugiendi gentilium commercii; quis illud umbram fuisse existimet, cujus ipsum corpus in Christo aut Ejus ecclesia apparuerit?

Iam videamus, quid de *Potu* sentiendum sit. Posito, quod pl. rev. ELSNERUS contendit, ad abstinentiam a vino Naziræis præceptam respici; quid hæc significavit? Quem typum Viri docti in ea monstrarunt? Ill. MICHAELIS lib. cit. p. 101. *Naziræus*, inquit, *tanquam lugens vini abstemius esse debuit*. Quid probabilius hac expositione, quid sanius? Ergo hæc abstinentia continuæ Naziræorum tristitiæ & mœroris emblema fuit. Num vero hujus tristitiæ Anti-typum in ecclesia Christi deprehendimus? Quis ergo sibi persuadeat, Apostolum hoc interdictum ad *σχια των μεθοντων* referre?

De *Festis & Neomeniis* ut multa dicam, non opus est. Quum enim *es* & *potio* ad umbram futurorum non pertineant; ratio plane non ad est, cur jam a vocibus *εσμεν* & *εσθης* typos recenseri existimemus; sed longe convenientius est, ut via tutissima incedentes Sabbatha tantum hic umbram vocari dicamus. Non nego, hæcque illa festa Typum fuisse. Id tantum nego, Apostolum nostro loco id nos docere. *Noviluniorum*  
Anti-

Antitypum ill. MICHAELIS lib. cit. plane intactum reliquit: ex quo jure meritoque suspicari licet, Virum doctissimum pari modo dubitasse, num figuram futurorum habuerint. Legi relegique GEORG. LUD. RHODII diff. *de Noviluniorum apud Hebræos sacris*, ubi hæc materies dedita opera pertractatur. Sed discessi ab hac lectione minime convictus: neque enim Viri beate defuncti in minutissimis typum quærendi ratio arridere mihi potuit.

Quum ergo intricatiorem nodum non solverit doct. ELSNERUS, sc. qua ratione esus & potio & novilunia in ecclesia Christi nacta sint implementum: sane nec ægre ferre poterit, quod in his rebus Typi & Antitypi rationem removerim. Aliud vero de Sabbathis mihi statuendum fuit, quippe quæ Paulus umbram futurorum esse diserte affirmat. Sed alia jam quæstio existit, utrum vox *σκια* horum *Antitypum* denotet. Hoc ego negaveram, Adversarius vero meus ex voce *σκια* & particula *δε*, quæ antithesin indicare solet, contrarium asserti mei patere arbitratur. At ex sola voce *σκια* nihil, mea quidem sententia, exculpi potest. Notat enim *adumbrationem*, qualem pictores, imaginem picturi, delineare solent. Cum hæc notio omnium consensu voci *σκια* Hebr. X, 1. tribuenda sit, quis neget, eam & hic ap-

plicandam esse, nisi quid obstat. Quid vero obstat? Nihil, credunt, nisi vocem *σῶμα*, quæ, uti particula *δε* satis clare edoceat, umbræ illi opponatur. At ejusmodi oppositionem ego quidem in his verbis non video, sed longe aliam, hanc scilicet: nemo vos condemnet in -- negotio -- Sabbathorum: quæ quidem Sabbathatha umbra etiamnum sunt futurorum Sabbathorum; sed Ecclesia est Christi; h. e. quamvis verum sit, quod illi, qui vos condemnant, inprimis prætendunt, Sabbathatha futuræ quietis etiamnum typum esse; minime tamen jus ipsis exinde derivare licet, vos condemnandi, cum Ecclesia Christi sit, quæ Ipsi immediate subiecta nullos præter Eum iudices agnoscit. Conspirat hæc expositio, uti prolixius ostenderam, cum loco vere parallelo Rom. XIV, ubi Apostolus eodem argumento, a supremo Servatoris dominio desumpto, eorum linguam compressit, qui in membra Christi in causâ earundem rerum illicitum ferre iudicium haud erubescabant. Itaque nec ex voce *σκια*, nec ex particula *δε* consequitur, *το σῶμα* significare *Antitypum*. Et quamam, quæso, de causâ opuserat, posteriora hæc verba addere, cum jam prioribus Antitypum Apostolus satis clare indicaverit? Dicens enim: *οἱ εἰσι σκια τῶν μελλόντων*, hoc ipso luce clarius significat; hæc  
μελ-



μελλοντα esse ipsum Antitypum. Si dicas, Apostolum posterioribus verbis tantum indicare voluisse, ubinam hæc futura quærenda sint; tum aliter, ut ego quidem arbitrator, animum suum expressisset. Dixisset procul dubio: αἱ εἰς σκία, το δε σωμα του χριστου, vel αἱ εἰς σκια των μελλοντων, ταυτα δε του χριστου; vel, το δε σωμα τουτου του χριστου. Quum igitur prioribus jam verbis & Typum & Antitypum proposuerit Apostolus, annon jure suspicari licet, voci σωμα alium significatum tribuendum esse? Præsertim cum notio *Antitypi* nullo prorsus nitatur fundamento, nisi quod eam ex opposito elucere perperam contendunt. At *corpus Christi* ecclesiam toties appellari, quis ignorat? Quis igitur frequentissimum hunc significatum hic quoque locum habere non suspicetur; præsertim cum & v. 9. & 19. vox σωμα eadem plane significatione occurrat. Sed fefellit, nisi ego fallor, Interpretes illa opinio, ubi umbra sit, ibi & corpus esse debere, haud cogitantes, σκιαν etiam adumbrationem denotare, seu primas lineas, quas pictores ducere solent, cujus oppositum hic non est σωμα sed εικων.

§. 10.

Alteram objectionem inde petiit Vir pl. venerandus, quod Apostolus procul dubio dixisset:

υμεις



ὑμεῖς γὰρ ἐσὶ τὸ σῶμα τοῦ χριστοῦ; si expositio mea locum habere posset. Sufficiet, si ad hæc paucis respondeam, Paulum particula γὰρ procul dubio usurum fuisse, nisi simul ad objectionem primariam, quam οἱ κείνους illi prætendebant, sc. Sabbathata typum esse futuræ quietis, respexisset. Concedit igitur quidem, quod isti imprimis ratione horum Sabbathorum in ore gerere solebant, ut iustitiam iudicii sui in alios lati probarent. Sed ostendit simul, jus propterea ipsis minime competere, in eos ferendi iudicium, qui in ecclesiam, cuius Servator solus Dominus & Iudex, tanquam membra recepti sint. Hoc nexu particula δὲ & posuit & debuit uti Apostolus. Quod vero non dicit: ὑμεῖς ἐσὶ τὸ σῶμα τοῦ χριστοῦ; id propterea non factum, quoniam Colossenses non totum corpus, sed tantum pauciora ejus membra fuerunt. Constat enim, sæpissime integram tantummodo ecclesiam illustri hoc nomine insigniri.

## §. II.

Iam denique ad propriam doct. ELSNERI, quam §. II. in medium protulit, interpretationem deveniendum est. Convenit hæc quidem cum vulgari horum verborum expositione, quatenus omnia v. 16. memorata in typorum numerum refert, & in


in regno seu ecclesia Christi impleta esse vult; sed posteriora Apostoli verba alia ratione exponit. 1) Nam ex Viri pl. rev. sententia ellipsis statuenda est, qua suppleta ita verba se habent: το δε σωμα του χριστου εστι σωμα. Fatendum omnino est, hac ratione difficultatem non minimam, qua vulgaris opinio premitur, sublatam esse. Quum enim differant Christus & Ejus regnum; dicere non potuisset Apostolus, corpus esse in Illo, si in hoc solo quærendum sit. Num vero omnis omnino nodus hac Viri venerandi expositione solutus sit, longe alia quæstio est. Non repeto, quæ in antecedentibus uberius adstruxi. Hæc enim si fundamento non carent, quod Lectoris judicio commissum sit; certe nec omnia illa in Typorum numero haberi, nec posteriora Apostoli verba de Antitypo eorum exponi poterunt. Duo hic tantum colophonis loco adiicio, quæ cum vulgarem, tum maxime pl. rev. ELSNERI explicationem suspectam reddunt. Primum quidem admodum dubito, dici commode potuisse το ΣΩΜΑ της βρωσεως, της ποσεως, εορτης, της νεμενίας, των σαββατων. Concedo, σκιαν ejusmodi rebus haud inconcinne adscribi posse; sed tunc non um.

- 1) Simile tamen aliquid habet auctor observat. XIII, T. VI. observatt. Hal. q. 114. cf. WOLFIUS ad h. l.

umbram, qualis a corpore formatur, sed adumbrationem aut rudiorē figuram, plenioris & absolutæ imaginis capacem, hoc vocabulum significat, Probetur igitur hæc locutio, nec solum ex arte oratoria, via perquam facili, excusetur. Loca a Wolfio ex Auctoribus græcis adducta nihil probant. Neque enim est quæstio, utrum Græci *οικον* & *σωμα* tanquam opposita coniungant; sed an eodem significato de similibus rebus has voces adhibeant. Alterum, quod maxime doct. mei Adversarii sententiæ adversatur, hoc quidem est, Apostolum, si vocem *σωμα* duplici significato induisset, eam non semel, quod facit, sed *his* positurum fuisse. Grata fuisset hæc repetitio, nec tantum grata, sed & maxime necessaria, si alium sensum his verbis tribuere non debebamus. Rarissima reor esse exempla, quibus una eademque vox duplici significato eodem commate adhibetur: sed plane nullum proflare crediderim, cuiusmodi hic statuitur, ubi vocabulum, quocum duplex notio coniungenda, semel tamen omissum est. Taceo, expositionem pl. rev. ELSNERI non ab omni contradictione immunem mihi videri. Patet hoc ex Paraphrasi ipsius verborum Apostolicorum, quam partim afferro: *Ne quis igitur vos ju-*  
*dicet*

*dicet in cibo — utpote quæ omnia sunt umbra futurorum bonorum, corpus vero, umbra hacce antiqua prædictum seu adumbratum, est Christi corpus, ecclesiæ, sive vos fideles Colossenses & omnes confessores Christi. Ergo Antitypus illarum rerum jam sunt futura bona, jam fideles in oeconomia nova. Sed futurorum bonorum & fidelium magnam esse differentiam. non est, quod doceam.*





## III.

## ELIÆ PALAIRET, \*)

REVERENDISS. IN DEO PATRI, JOAN-  
NI, BANGORII EPISCOPO A SACRIS,  
ET IN REGIA D. JACOBI ÆDE  
VICARII

AUCTORES  
SACRI CLASSICI  
MATTHÆUS.

Cap. I, v. 18. Μησευθείσης γὰρ τῆς μητρος  
αὐτοῦ Μαρίας τῇ ἰώσηφ, πρὶν ἢ συνελθεῖν αὐ-  
τοὺς, ἐυρέθη ἐν γαστρὶ ἔχουσα.) Notandum voculam  
Γὰρ redundare. Sic & apud alios. *Ari-*  
*stoph.* *Plut.* act. 2. sc. 3. p. 40. Κατηγορεῖς γὰρ  
πρὶν

- \*) Nomen Reverendi & Doctissimi PALAIRETI  
in Republica litteraria, præsertim quoad  
Litteraturam Græcam & Criticam Novi Te-  
stamenti adeo inclytum est ex observationi-  
bus ejus Philologico-Criticis in Sacros No-  
vi Fœderis libros, emissis Lugduni Batavo-  
rum 1752, dum Pastorem Ecclesiæ Gallicæ  
Tornacensem agebat, ut nullus dubitem  
quin quæ ad vindicandum stylum librorum  
Sacrorum Classicum, hic immensa ad invi-  
diam usque lectione Scriptt. Græcorum &  
inde-



πρὶν μαθεῖν τὸ πρᾶγμα. *Accusus, priusquam  
anquisiveris rem meam. Item Aeschyl.  
Agam. v. 14. Φόβος γὰρ ἀνδ' ὕπνου παρασταεῖ.  
Metus somni vice mihi adstat: ubi Schol. πε-  
ρισσὸς ὁ γὰρ.* Similiter *Enim* redundat apud  
*Plaut. Cas. Act. 2. Sc. 6. v. 20. Dicam ENIM,  
mea mulsa, de istac Casina huic nostro villico  
gratiam facias,*

Redundat insuper verbum εὐρεθῆναι in  
hoc loco, εὐρεθῆ ἐν γαστρὶ ἔχουσα, pro 'Ἐν γασ-  
τρὶ εἶχεν. *Euripid. Hec. v. 269. Ἀδικοῦσα θ'*  
*ἡμῶν ἔδεν ἡττον εὐρεθῆ: pro ἡδίκησε. Injuriosa  
non minus quam nos fuit. Sic Dionys. Ha-  
licarn. p. 431. Ἐὰν δὲ φενακίζων ὑμᾶς εὐρε-  
θῶ, χεῖραθε ὅ, τι βούλεσθε: pro ἐφενάκισα.  
Si vos deceperim, tractate me, prout volu-  
eritis.*

Notanda ellipsis in πρὶν ἢ συνελθεῖν αὐ-  
τοὺς. Sc. εἰς ἐμιλίαν. Nobis præit *Diodor.  
Sicul.*

indefessa cura protulit, Viri in hoc studi-  
orum genere exercitati cum voluptate ex-  
cepturi sint. Lucubrationes omnes, quæ  
Evangelia absolvunt, ad prelum paratas fi-  
dei meæ jam commisit Cel. Auctor, pede-  
dentim Deo volente, Bibliothecam hanc  
exornaturas. Ut ceteros quoque N. F. li-  
bros ita feliciter animo & corpore vegetus  
absolvere possit. multaque luce Sacra Ora-  
cula illustret, est quod amice & caudide  
voveo. N. B.

*Sicul.* l. 3. p. 227. Συνελθοῦσαν εἰς ὁμιλίαν αὐτῷ λαθρα, καὶ γενομένην ἔγκυον, ἐπγνώσθῃαι - - ὑπὸ τῶν γονέων. *Clam cum venisset in congressum cum eo, prægnans facta esse deprehenditur a parentibus.*

*Vs.* 20. Ταῦτα δὲ αὐτοῦ ἐνδυμηθέντος - - τὸ γὰρ ἐν αὐτῇ γεννηθὲν ἐκ Πνεύματος ἱσιν αἰγίς.) *Hipparchus* in *Opuscul. Mytholog.* p. 671. Διὸ ταῦτα μὲν ἐνδυμηθέντες - - ἐν ἐνδυμῳ διάζομεν γενναίως φέροντες τὰ προσπίπτοντα. *Qua propter hæc animo volventes - - bono animo vivemus, fortiter ferentes quæ acciderint.* Τὸ γεννηθὲν est *Infans*. Ita quoque usurpavit *Atbenagoras* *Legat.* p. 135. Ἐκτιθέναι μὲν τὸ γεννηθὲν. *Exponere infantem.*

*Vs.* 22. Τοῦτο δὲ ὅλον γέγονεν, ἵνα πληρωθῇ τὸ ρηθὲν ὑπὸ τοῦ κυρίου.) ὅλον pro πᾶν. Sic ὅλαι pro πᾶσαι dixit *Herodian.* l. 7. p. 330. Οὐσίαι τε ὅλαι πλουσίων ἀνδρῶν διηρπάγησαν. *Bonaque omnia divitum direpta fuerunt*, Ultima phrasis occurrit apud *Dionys. Halicarn.* l. 7. p. 437. Ἐδήλωσαν αὐτῷ τοὺς ἐν τῇ βούλῃ ρηθέντας λόγους ὑπὸ τοῦ Μαρκίου: *Indicavit ipsi verba dicta in curia a Marcio.*

*Vs.* 23. Ὁ ἑς μεθερμηνεύμενον.) *Dionys. Halicarn.* l. 4. p. 270. Τοῦτο μεθερμηνεύμενον - - συμβάλλας ἢ προβούλλας δύναιται δηλῆν. *Quod, si interpretari velimus, consules sive proconsules significat.* Item *Diodor.* l. 1. p. 16. Τὸ δ' ὕγρον ὀνομάσαι λέγουσι τοὺς παλαιούς ὡς

άνην, ὁ μεθερμηνευόμενον μὲν εἶναι τροφήν μητέρα  
*Humorem priscos oceanum vocasse ajunt,*  
*quod ex interpretatione alimonia mater est.*

Cap. II, v. 1. μάγοι ἀπὸ ἀνατολῶν παρεγένοντο εἰς Ἱερουσόλυμα.) *Optime Camero* verit priora verba *Magi orientales.* Eodem sensu occurrit præpositio Ἀπὸ apud *Matth. c. 21. v. 11. Actor. c. 10. v. 23. & c. 17. v. 13. Damagetus* in *Antholog. Gr. l. 1. epigr. 6. p. 4. Ἀπὸ Μεσσαῖνας - - εἰμι παλαισῶς. Ἀ Μεσσανά - - luctator sum.* Idem ibid. l. 4. c. 8. epigr. 9. p. 449. Εἶη τον' ἀπ' Ἀργεος ἀνέρα νικᾶν. *Liceat virum Argivum vincere.* Alteram quoque phrasin exhibet *Philosfrati* *Apoll. epist. 75. p. 408. Εἶκος εἰς πόλιν - - παραγενέσθαι. Par erat in urbem - - venire.* Item *Antonius Liberal. c. 20. p. 158. Παραγενομενος δὲ εἰς Βαβυλῶνα. Cum venisset Babylonem.*

Vf. 2. Καὶ ἦλθομεν προσκυνῆσαι αὐτῷ.) Non opus est ut cum aliis *Codd.* legamus προσκυνῆσαι αὐτον. Proba est lectio, in qua frustra Hebraicam constructionem somniant *Leusdenus, Pasor, Wessius & alii.* Eodem modo loquitur elegantiss. *Aelian. hist. animal. l. 10, c. 24. quidē Accipitre, quem Tentyritæ colunt, ait: Ταῦτη τοι καὶ προσκυνοῦσι. Hunc quoque adorant.* Insuper velim notari, particulam καὶ ante ἦλθομεν. plerumque languide *Et verri.* Redde potius, *Propterea, Quare, Ideo.* Sic & apud *Longum Pa-*  

I 2

sto-

floral. l. 3. p. 86. Γαλήνη δὲ ἦν, καὶ ἐρέσσειν ἰδὼ-  
κει. *Malacia erat, quare remigare visum fuit.*  
Adde *Philodemum* in Antholog. Gr. l. 7.  
epigr. 89. p. 608

Ἐξιδί μαρτυρίην γὰρ ἔρως μόνος οὐκ ἐφίλησεν  
Ἐμπνεν, καὶ τύκτην κλείε, Φιλαινί, θύραν.

*Exi: testimonium enim solus amor non  
amat*

*Vivum: quare affabre factam claudē,  
Philæni, januam.*

Item *Anacreont* ode 26. v. 9.

Τέρπει μέ κ' Ἀφροδίτα,  
καὶ πάλιν θέλω χορεύειν.

*Delectat me Venus,  
Quare iterum volo saltare.*

*Vs. 3. Α'κούσας δὲ Ἡρώδης - - ἐταράχθη.)*

Pro Α'κούσας δὲ τοῦτο. vel ταῦτα. *Xenoph.*  
*Ephes: l. 2. p. 25. Α'κούσας ὁ λεύκων δακρύων*  
*ἐπλήσθη. Auditis. (sc. his) Leucor lacry-*  
*mis oppletus est. Plenius loquitur Aelian.*  
*var. hist. l. 12. c. 9. Τοῦτο ἐκεῖνος ἀκούσας - -*  
*ἀπῆλθεν - - τῆς πατρίδος. Ille, hoc audito - -*  
*cessit patria. Et Anacreon ode 3. Ε'λέησα,*  
*ταῦτ' ἀκούσας. Misertus sum, his auditis.*

*Vs. 4. Καὶ συναγαγὼν πάντας - - ἐπυνθάνε-*  
*το παρ' αὐτῶν ) In συναγαγὼν suppleis ταῦτό.*  
*Polyæn. l. 4. p. 337. Συναγαγὼν (sc. εἰς ταύ-*  
*τό.)*



τὸ τοῦ φίλου. *Coactis* (sc. *in unum*) *amicis*,  
Integre loquitur *Plutarch.* apud *Stobæum*  
Serm. 149. p. 516. Τοὺς φίλους συναγαγὼν εἰς  
ταυτό, διελύσατο τὴν φιλίαν πρὸς αὐτοὺς *Amicis in*  
*unum coactis*, *amicitiam cum illis dirupit*.  
Adde pro altera phrasi *Dionys. Halicarn.*  
l. 9. p. 617. Ἐντολὰς αὐτοῖς δόντες πυνθάνεσθαι  
παρὰ τῶν ἡγεμόνων, πότερα κοινῇ γνώμῃ τὰ ληστῆρια  
ἔξαποσέλλουσιν. *Injungentes illis rogare prin-*  
*cipes populi, num communi consilio latrocinia*  
*emitterentur.*

*Vf.* 6. καὶ σὺ Βηθλεεμ, γῆ Ἰέρδα - - ἐν τοῖς  
ἡγεμόσιν Ἰέρδα.) Frustra sunt alii *Codd.* qui  
pro γῆ Ἰέρδα legunt. τῆς Ἰερδαίας. Hic γῆ po-  
nitur pro Πόλεις. Eodem sensu occurrit  
*Matth.* c. 10. v. 15. & c. 14. v. 34. ut &  
apud Septuaginta Interpretes *Jeremiæ.* c.  
34. v. 22. καὶ ἐπιστρέψω αὐτοὺς εἰς τὴν γῆν ταυτην.  
*Et ipsos redire faciam in hanc civitatem.*  
Adde *Aeschyl.* Sept. contra Theb. v. 105.

τί ῥέξεις; προδώσεις.

Ταν' σὰν γὰρ;

*Quid facies? prodetne tuam urbem?*  
ubi *Schol.* τὸ γὰρ per πόλιν rectissime exponit

Jam ostendimus, per τοῖς ἡγεμόσιν, *Primarias*  
*civitates Judæ* intelligendas esse. Adde  
*Dionys. Halicarn.* l. 1. p. 7. qui de urbe *Roma*  
loquens, ita pergit, τὴν ἡγεμόνα γῆς καὶ  
θαλάσσης ἀπείσης πόλιν, ἣν νῦν κατοικοῦσι Ρώμαι.



οι, παλαιότατοι τῶν μνημονευομένων λέγονται καταχεῖν Βαρβαροι Σικελοί. *Urbem terræ marisque totius ducem, quam nunc Romani habitant, primi omni in memoria tenuisse dicuntur Barbari Siculi.*

*Vf. 7.* Ἀάθρα καλέσας αὐτούς.) *Nimium conspicui erant Magi, quam ut hæc verba de simplici vocatione ad colloquium intelligerentur. Καλέσας elliptice ponitur pro καλέσας ἐπ' ἄρισον, vel ἐπὶ δεῖπνον, vel ἐπὶ ἐστίασιν. Ita quoque absolute loquitur Plutarch. de Garrul. p. 511. Εἰ καλέσας αὐτόν; ἔγωγε εἶπεν. Invitastine ipsum? omnino, inquit. Et Xenoph. Memor. l. 2. p. 600. Οὔποτε θύοι, ἐκάλει. Quoties rem sacram faciebat, invitabat. Plenius habent alii. Aristoph. Avib. p. 614. Τους' πρεσβεις ἐπ' ἄρισον καλῶ. Legatos ad cœnam voco. Item Dionys. Halicarn. l. 2. p. 122. Καλεῖν αὐτούς ἐπὶ δεῖπνον. Vocare ipsos ad cœnam. Ut & Appian. Alexandr. de bell. Civ. l. 1. p. 678. Ἐπὶ ἐστίασιν ἐκάλει Νωρβανόν τε καὶ τοὺς συνόντας. Ad epulum vocat Norbanum, & qui cum eo erant.*

*Vf. 8.* Καὶ πέμψας αὐτούς - - εἶπε - - ἀκριβῶς ἐξετάσατε περὶ τοῦ παιδὸς.) Sic Achill. Tat. l. 6. p. 385. Τότε μὲν οὖν εἰπὼν ἐξετάσειν περὶ τῶν εἰρημένων. Tum vero affirmans, se anquisitum in ea, quæ dicta fuerunt. Ceterum heic loci πέμψας, ut monuit magnus Grotius, pro

pro προπέμφας ponitur. Sic *Aeschyl. Eum.*  
v. 12.

Πέμπουσι δὲ αὐτὸν, καὶ σεβίζουσιν μέγα.  
*Deducunt autem illum, & cohunt magnopere.*

*Vs. 9.* Οἱ δὲ ἀκούσαντες τοῦ βασιλέως ἐπε-  
ρεύθησαν, καὶ ἰδὼς ὁ αἰσὴρ - - ἔση ἐπ' αὐτῷ οὐ ἦν τὸ  
παιδίον.) *Hic ἀκούσαντες verterem Obtempe-*  
*rantes.* Ita quoque accipitur, *Matth. c. 18.*  
v. 15. Ἐὰν σε ἀκούσῃ. *Sitibi obtemperaverit.*  
*Et Marci, c. 6. v. 20.* Καὶ ἀκούσας αὐτοῦ πολ-  
λὰ ἐποίησεν. *Et obtemperans ipsi multa faciebat.*  
Sic *Aelian. var. hist. l. 3. c. 16.* Ὅτι λυσίτε-  
λέστρον ἐστὶ τῶν Ἀθηναίων ἀκχεῖν. *Utilius esse*  
*Atheniensibus obtemperare.* Item *Homer. odyss.*  
η. v. 11.

Θεὸς δ' ὥς δῆμος ἀκούεν.

*Et veluti Deo populus obtemperabat.*

Adde *Hesiod. ἐργ. v. 213.* Σὺ δ' ἀκούε δι-  
κης. *Tu vero obtempera iustitiae:* ubi *Tzet-*  
*zes,* ἀκούε.) παιδόμενος ἔσοι. Notandum in-  
super pro ἔση in aliis *Codd.* ἐσαῖθη reperiri,  
quod merum glossema est Amanuensium,  
qui forte non intellexerunt ellipsin, quae  
hic obtinet. ἔση ponitur pro ἔση ἑαυτὸν, *Col-*  
*locavit se.* Sic *Herodian l. 4. p. 178.* In al-  
tera parte nobilissimorum & patriciorum pu-

*erorum* χορὸς ἔθηκε. sc. ἐαυτὸν: *chorus collocavit*, sc. se.

Vs. 13. Φεῦγε εἰς Αἴγυπτον - - τοῦ ἀπολέσαι αὐτὸ. *Antonin. Liberal.* c. 28. p. 224. "Εφυγον πάντες εἰς τὴν Αἴγυπτον. Pro τοῦ ἀπολέσαι in quodam *Cod.* legitur τοῦ ἀποτεῖναι.. Est glossa. *Herodian.* l. 6. p. 275. Ἐπυνθάνοντα τοὺς οἰκείους ὑπὸ Γερμανῶν ἀπλωλότες. *Audiebant suos a Germanis occisos esse.*

Vs. 14. Παρέλαβε - - νυκτός.) Statuit *Pasor* in *Lex.* νυκτός adverbialiter poni. Quis tales nugae non stupet? Datur ellipsis pro Διὰ νυκτός, vel Νυκτός ἐπιστάσης. *Polyæn.* l. 1. p. 79. Νυκτός ἐπεπλέων. *Nocte navigans.* *Pleinius Anacreon* ode 8. Διὰ νυκτός ἑγκαθεύδων. Et *Aelian.* hist. animal. l. 9. c. 13. Νυκτός δ' ἐπιστάσης ἀδήλων ἀπολαύσκειν. *Nocte oborta, se invicem fruuntur.*

Vs. 15. Ἔως τῆς τελευτῆς Ἡρώδης.) Τελευτή, *Finis*, sc. βίης, vel ζωῆς. *Diogen. Laërt.* l. 2. c. 10. Μετὰ τὴν Σακράτους τελευτὴν. sc. βίης, vel ζωῆς. Addit *Philostrat.* vita Apoll. l. 1. p. 36. Τελευτὴν ὑποπτεύσας τοῦ βίης. *Finem suspicatus vitae.* Et incertus Auctor in *Antheolog. Gr.* l. 1. c. 90. epigr. 2.

Ὡς ζωῆς ἀόριστος ἐν ἀνθρώποις τελευτή.

*O vitae indefinitus inter homines finis!*

Vs. 16. Ἐθυμώθη λίαν.) Verbum hoc semel tantum occurrit in N. T. *Lucilius* in *An-*

Antheolog. Gr. l. 2. c. 32. epigr. 2. τῷ πα-  
τρὶ θυμῳθεῖς. *Callimach. epigr. 25.*

— — Ἀνδρὶ δὲ ἰππεῖ  
θυμῳθεῖς. — —

*Vf. 18. Καὶ οὐκ ᾔθελε παρακληθῆναι.) Pri-*  
*mo observandum καὶ poni pro "H, Quæ.*  
*Sic occurrere solet apud Sacros & Profanos*  
*Auctores. Matth. c. 11. v. 16. & 17. Ὁμοί-*  
*αῖσι παιδαρίοις - - καὶ λέγουσιν. Similis est pu-*  
*eris - - qui dicunt, ubi ex mera glossa qui-*  
*dam Cod. apud cl. Wetsten. pro καὶ legit αἰ,*  
*quam lectionem Syrus Interpres securus est.*  
*Similiter Matth. c. 15. v. 30. Καὶ ἐθεράπευσεν*  
*αὐτοὺς. Qui sanavit eos. Item c. 24 v. 39.*  
*καὶ ἦεν ἅπαντας. Quod (diluvium) abstulit*  
*omnes. Adde Aelian. hist. animal. l. 1. c. 1.*  
*καλεῖται τις Διομήδεια νῆσος, καὶ ἐρωδίας ἔχει πολ-*  
*λοὺς. Vocatur quædam Diomedea insula,*  
*quæ ardeas habet multas. Et Lucian. opp.*  
*T. 3. p. 247. Μετὰ σέ δέ ὁ Ἀδείμαντος ἦν - - καὶ*  
*με - - παρέπεμψε χειραγωγῶν. Post te vero*  
*Adimantus erat - - qui me - - manu preben-*  
*sum ducebat.*

Ucinde Οὐκ ᾔθελε vertendum esse, *Non*  
*potuit*, jam ostendimus. Ulterius patebit  
ex sequentibus. *Pausan. l. 3. p. 277. de*  
*simulachris quibusdam loquens ait: ταῦτα*  
*θάλασσα ἀποκινεῖν οὐκ ἔδδει.* *Hæc mare detur-*  
*bare non potest. Sic Aristoph. Avib. v. 582.*

introducitur quendam dicentem, Οὐκ ἐθέλησει  
μὰ Δι. *Non poterit per Jovem*; ubi Schol.  
Οὐκ ἐθέλησει) ἀντί τού, Οὐ δυνήσεται. Sic & So-  
lon in Poët. Gnomie. p. 137.

Οὕτω δὲ μόσιον κακὸν ἔρχεται οἴκαδ' ἐκίεω,  
Αὐλείοι δὲ τ' ἔχειν οὐκ ἐθέλουσι θύραι.

*Sic publicum malum cuiuslibet aedes occupat,  
neque vestibulares illud possunt excludere fores.*

Vs. 19. Τελευτήσαντος δὲ τοῦ Ἡρώδου.) In τελευ-  
τήσαντος supple αἰῶνα, vel βίον, vel τὸ ζῆν. Ellip-  
tica exempla passim occurrunt. Plene loqui-  
tur Herodot. l. 1. Πρὶν ἂν τελευτήσαντα καλῶς τὸν  
αἰῶνα πύθωμαι. *Priusquam praeclare eum fi-  
niviſſe ævum suum reſcivero.* Item Dionys.  
Halicarn. l. 1. p. 39. Ἐκεῖ ἰλέγουσι τελευτήσαι  
τὸν βίον. *Illic dicunt eum finiviſſe vitam.* Nec  
non Artemidorus Oneirocrit. l. 1. c. 60. p.  
51. τὸ ζῆν τελευτήσαντες ἀφίξονται: *Finita vita  
abibunt.*

Vs. 20. τὴν ψυχὴν τοῦ παιδὸς.) Elegans  
periphrasis, pro τὸ παιδίον. Ita quoque in  
aliis locis, ut Actor. c. 14, v. 2. γὰρ ψυχὰς  
τῶν ἐθνῶν, pro τὰ ἔθνη. Rom. c. 2. v. 9.  
ἐπὶ πᾶσαν ψυχὴν ἀνθρώπου, pro ἑπὶ πάντα ἄν-  
θρωπον. Similiter Antipbilus in Antholog.  
Gr. l. 1. c. 35. epigr. 2.

-- — Ψυχὰς ἀνδρῶν κερθέσιν ηρεθίσας:

*Animas hominum lucris inescati:*

Pro



Pro Ἀνδρας. Item *Euripid. Hecuba* v. 84.

Ποῦ πότε θείαν Ἑλένου ψυχάν

..... εἰσίδω; -- -- --

*Ubi tandem divinam Heleni animam*

-- -- *conspiciam?*

pro θείον Ἑλένον. Hinc ibi *Paraphrast.* θείαν Ἑλένου ψυχὴν) περιφραστικῶς ἀντί τῆ τόν Ἑλένον.

*Vs.* 23. Κατώκησεν εἰς πόλιν -- -- ὅτι Ναζωραῖος κληθήσεται.) Primo εἰς πόλιν, pro ἐν πόλει. Ea permutatio præpositionis frequentissima est. Sic *Ioann.* c. 1. v. 18. Ὡς εἰς τὸν κόλπον, pro ἐν τῷ κόλπῳ. Adde *Diodor. Sicul.* l. 3. p. 226. Εἰς ὅρος (pro ἐν ὅρει) ἐκθεῖναι. *In monte exponere.* Similiter *Pindar.* olymp. ode 10. v. 1231 & 1233.

-- -- Ἴδε πατρίδα

βαθύν εἰς ἔχεται ἄτας -- --

-- -- *Vidit patriam*

*Profundo in gurgite calamitatis* -- --

pro ἐν βαθεῖ ἔχεται. *Dionys. Halicarn.* l. 2. p. 132. Ἀπέφαιναν νῆς τὴν βούλην: pro ἐν τῇ βούλῃ. *Declaravit in Senatu.* Idem apud Latinos obtinet. *Aul. Gell. Noct. Artic.* l. 1. c. 19. *Libri tres in sacrarium* (pro in sacrario) *conditi Sibyllini appellati.* Itemque *Plaut. Cas.* act. 2. Sc. 3. v. 26. *Ubi in lustra* (pro in lustris) *jacuisti?*

Dein-

Deinde τὸ κληθήσεται pro ἔσεθαι poni jam post alios ostendimus. Hæc pauca insuper habero. *Euripid. Alc. v. 331.*

- - Καὶ θανούσ' ἐμὴ γυνή  
Μὲν κεκλήσθ' - - -

- - *Et mortua mea uxor  
Sola eris* - - -

Necnon *Aeschyl. Sept. contra Theb. v. 933.*

Δυσδαίμων σφὶν αἱ τεκούσας  
Πρὸ πασῶν γυναικῶν, ὀπίσας.  
Τεκνογόνοι κέκληνται.

*Infelix quæ eos peperit  
Pro omnibus feminis, quotquot  
Proliferæ fuerunt.*

Cap. III, v. 2. Καὶ λέγων - - ἡγγικε.) *Nimis languide λέγων vertitur dicens, cum potius altiori voce clamans significet. Sic Matth. c. 27. v. 29. λέγοντες, χαῖρε. Clamantes, Salve! Sic & apud Dionys. Perieget. v. 702. & 704.*

Καὶ μετὰ Ἀθηναίων ἱερὸν χορὸν ἐσήσαντο,  
Εὐοῖ Βάκχε λέγοντες - - - -

*Atque cum Lenæis sacram choræam duxerunt,  
Euoë Bacché! clamantes* - - -

Eodem sensu usurpatur τὸ Dicere apud *Latinos. Ovid. Fast. l. 4. v. 456.*

*Me*

- - *Me miseram! filia, dixit, ubi es?*

ubi alii *Codd.* ex mera glossa pro *dixit* legunt *clamat*.

Merito cl. *Homborgius* vertit, τὸ ἡγγικε, *appropinquat*; præteritum enim pro præsentī ponitur. Sic *Ioann.* c. i. v. 34. μαρτυρήκα, pro μαρτυρῶ. Et c. 5. v. 45. εἰς ὃν ὑμεῖς ἠλωίκατε, pro ἠλωίζετε. Adde *Xenophon.* *Ephes.* l. 2. p. 26. ἔχω μὲν - - τὴν εὐνοίαν τὴν σὴν, καὶ σέργεσθαι διαφερόντως, ὑπὸ σου πεπίστευκα. *Novi equidem benevolentiam tuam, & me eminenter a te amari confido.*

*Vsf.* 5. Τότε ἐξεπερεύετο πρὸς αὐτὸν Ἱεροσόλυμα καὶ πᾶσα ἡ Ἰουδαία.) Eodem modo loquuntur *Exorici.* *Philostrot.* vita *Apoll.* l. 4. p. 147. Οὕτως ἐς τὸ ἱερόν τοῦτο ξυνεφοῖται ἡ Κρήτη. *Ita ad hoc templum confluebat Creta.* Item *Appion Plistonices* apud *Aul. Gell.* Noct. Attic. l. 7. c. 9. Διεχεῖτο δ' ἄρα ἡ Ῥώμη καὶ πᾶσα Ἰταλία θεᾶσθαι ἱχθύν. *Confluebat igitur Roma & tota Italia ad videndum piscem.*

*Vsf.* 9. Καὶ μὴ δόξητε λέγειν ἐν ἑαυτοῖς.) Pro καὶ μὴ λέξετε ἐν ἑαυτοῖς, solet eleganter pleonastice usurpari verbum δοκεῖν. Sic *Lucæ* c. 22. v. 24. Τίς αὐτῶν δοκεῖ εἶναι μείζων; pro ἐστὶ μείζων. 1 *Cor.* c. 7. v. 40. Δοκῶ δὲ καὶ γὰρ πνεῦμα θεοῦ ἔχειν; pro καὶ γὰρ ἔχω. Item ibid. c. 11. v. 16. Εἰ δὲ τις δοκεῖ φιλόνεικος εἶναι; pro φιλόνεικος ἐστὶ. *Galat.* c. 3. v. 4. Εἰ τις δοκεῖ

αἴτιος;

ἀλδος πεποιθέναι ἐν σαρκί: pro πέποιθεν ἐν σαρκί.  
*Hebr. c. 4. v. 1. Δοκῇ τις ἐξ ὑμῶν ὑσερηκέναι:*  
 pro ὑσερηκῇ. *Ibid. c. 12. v. 11. Οὐ δοκεῖ χαρᾶς*  
*εἶναι: pro Οὐ χαρᾶς ἐστίν. Sic & Euripid. Alc.*  
*v. 82.*

- - - Πείθου λόγοις  
 Ἐμοῖσιν εἴπερ ὄρθά σοι δακῶ λέγειν.

- - - *Obtempera verbis*  
*Meis, si quidem recta tibi dico:*

pro ὄρθά σοι λέγω. *Similiter Chariton. l. 4.*  
*p. 73. Ὁς δὴ καὶ μέγιστος εἶναι δοκεῖ: pro μέγιστος*  
*ἐστίν. Qui sane maximus est.*

*Vs. 10. Ἦδη δέ καὶ.) i. e. Quin etiam.*  
*Sic Xenoph. Ephes. l. 1. p. 5. Ἦδη δέ καὶ τῶν*  
*παρθένοις ὠρεπέντων καταφρονούσα. Quin etiam*  
*ea, quæ virgines decent, despiciens. Item*  
*Diogen. Laërt. l. 8. c. 1. Ἦδη δέ καὶ εἰς παροι-*  
*μίαν ἐχώρησεν. Quin etiam in proverbium*  
*cessit.*

*Vs. 12. Οὐ τὸ πῦρον ἐν τῇ χειρὶ αὐτοῦ.) Sc.*  
*ἐστίν. Eadem ellipsis occurrit apud Philostrat.*  
*Icon. p. 888. Πηλεὺς δὲ οὗτος ὠροβέβληται φοιν-*  
*ικῶν φάρος, μάχαρκα δὲ αὐτῷ - - ἐν χερσίν. Sc.*  
*ἐστίν. Peleus autem iste purpureum pallium*  
*promittit, & gladius ipsi - - in manibus.*  
*Sc. est.*

*Vs. 14. Διεκώλυεν αὐτὸν - - καὶ σύ ἔρχη πρὸς*  
*με;) Non opus est in Διεκώλυεν emphasia*  
*quandam statuere cum Beza; quasi esset,*  
*Ob-*

*Obnixè prohibuit.* Significat simpliciter *Prohibuit.* Sic *Dionys. Halicarn.* l. 9. p. 610. Τους ὑπὲρ αὐτοῦ δεῖσθαι παρεσκευασμένους διεκώλυε. *Eos, qui pro ipso deprecari parabant, prohibuit.* Et *Diodorus Sicul.* l. 5. p. 346. de Tyrrhenis loquens; qui coloniam in insulam quandam mittere moliebantur, loquens, addit: Διεκώλυσαν αὐτοὺς Καρχηδόνιοι. *Prohibuerunt eos Carthaginenses.*

Simili emphasi τὸ Καὶ σὺ usurpatur apud *Aelian.* var. hist. l. 9. c. 20. qui narrat, cum Aristippus, oborota tempestate, turbaretur, quosdam dixisse, καὶ σὺ δέδοικας ὥς οἱ πολλοί; *Et tutimes quemadmodum vulgus?*

*Vf.* 15. Πρέπον ἐστίν.) Similiter *Lyfias* orat. 18. p. 318. Νῦν δὲ πρέπον ἐστὶ καὶ ὑμᾶς ἀκοῦσαι μου. *Nunc autem decet, vos me quoque audire.* Et *Sophocl.* apud *Stobæum Florileg.* tit. 110. p. 459. Ἐστὶ θρηνεῖσθαι πρέπον. *Lugeri decet.*

*Vf.* 17. Οὗτος ἐστὶν ὁ υἱὸς μου ἀγαπητός, ἐν ᾧ εὐδόκησα.) Ἀγαπητός est *Unicus.* Ita & *Matth.* c. 12. v. 18. Ἴδου ὁ παῖς μου - ὁ ἀγαπητός μου. Similiter apud *LXX.*, qui vocem Hebræam, quæ *Unicum* significat, per ἀγαπητός exprimunt, ut *Ierem.* c. 6. 26. & *Genes.* c. 22. v. 2. Λάβε τὸν υἱὸν σου τὸν ἀγαπητόν. h. e. *unicum.* Patet ex *Aquila*, qui pro τὸν ἀγαπητόν usurpavit τὸ μονογενῆ. Adde *Diodor. Sicul.* l. 1. p. 83. qui notat Aegyptios regem



regem suum fato functum per aliquot dies lugere, καθάπερ ἀγαπητοῦ τέκνου τελευτήσαντος: *Quasi unicus filius mortuus esset.*

Deinde observandum τὸ Εὐδόκησα hic pro præfenti Εὐδοκῶ, citra *Hebraismum*, quem quidam invira minerva somniarunt, usurpari. Similiter *Matth.* c. i. v. 20. Ενθυμηθέντος: & c. γ. v. 46. Ἀγαπήσατε: pro quibus alii *Codd.* legunt Ενθυμουμένου, Ἀγαπάτε, quæ meram glossam redolent. Simili modo Aoristi occurrunt apud Exoticos. *Aelian.* hist. animal. l. i. c. 2. Ὅταν θῆλυ συλλάβωσιν, ἔδῃσαν (pro δέδωσι) καὶ ἐπιτύρουσιν. *Cum femellam comprehenderunt, ligaverunt* (pro ligant) ἔ' trabunt. Id. ibid. c. 3. Ἀτρεμοῦντος μὲν ἔχει τὴν ἄγρην, κινήθέντος δὲ ἀνεχώρησε: pro ἀναχωρεῖ. *Si immotus maneat, hunc prædam sibi facit, si vero moveatur, discessit:* pro discedit. Adde *Sophocl. Aj. flag.* v. 536.

Ἐπῆνεσ' ἔργον καὶ πρόνοιαν ἦν ἔθου.

*Laudavi factum, ἔ' diligentiam, quam adhibuisti.*

*Pro Laudo.* Patet ex *Schol.* Ἐπῆνεσα) ἀντί τοῦ Ἐπαινῶ

Cap. IV v. i. Εἰς τὴν ἔρημον.) Sc. χώραν. Addit *Diodor. Sicul.* l. 4. p. 263. Ποῦν κατὰ τὴν ἔρημον χώραν. *Multa per desertam regionem,*

*Vs. 2.*

*Vs. 2.* Ὑσερον ἐπέλασε.) Pro χρόνῳ ὕσερον.  
*Diogen. Laërt.* l. 6. c. 1. ὕσερον δὲ παρέβαλε  
 Σωκράτι. Tandem se Socrati applicuit. Ple-  
 nius loquitur *Antonin. Liber.* c. 4. p. 30.  
 χρόνῳ δ' ὕσερον - - ἐλθεῖν. Tandem vero - - ve-  
 nisse. Et *Acbill. Tatius.* l. 8. p. 479 χρόνῳ  
 δὲ ὕσερον χαρίζεται τὸ χωρίον τῇ Ἀρτέμίδι. Tan-  
 dem vero donat agrum Dianæ.

*Vs. 3.* Οἱ λίθοι οὗτοι.) Hic *Hebraismum*  
 repperit *Camero.* Frustra est. *Cinnamus.*  
 l. 4. p. 301. Ὅσις δὲ ὁ λίθος οὗτος - - ὁ λόγος  
 ὁξὺς διηγήσεται. Qualis autem hic fuerit la-  
 pis - - sequens narratio ostendet. Item *Dio-  
 nys. Halicarn.* l. 3. p. 183. Ταῦτα διαπραξά-  
 μενος ὁ βασιλεὺς οὗτος. Cum hæc perpetrasset  
 hicce Rex.

*Vs. 4.* Οὐκ ἐπ' ἄρτῳ μόνῳ ζήσεται ἄνθρωπος.)  
 Eandem phrasin exhibet *Isocrat.* Panathen.  
 p. 370. Οὐκ ἀγαπῶ ζῶν ἐπὶ τοῖς. Non con-  
 tentus sum ex his vivens.

*Vs. 5.* Τότε παραλαμβάνει αὐτὸν ὁ διάβολος.)  
*Beza* vertit παραλαμβάνει, acceptum transtulit,  
 & inter *Hebraismos* refert, ubi verbum al-  
 terum altero comprehenditur. Nugæ!  
 Παραλαμβάνειν est secum assumere, secum du-  
 cere. Sic *Antonin. Liberal.* c. 21. p. 84. Πα-  
 ραλαβὼν τὴν κόρη. secum ducens puellam.  
 Item *Xenoph. Ephes.* l. 3. p. 40. Παραλαβὼν  
 δὲ αὐτὴν τὰ μὲν πρῶτα κατὰ κλεισον εἶχε. secum  
 ducens ipsum, primo occlusum tenuit.

*Vf. 6.* Ὅτι τοῖς ἀγγέλοις αὐτοῦ ἐντελεῖται περὶ σου - - μὴποτε προσκόψῃς πρὸς λίθον τὸν ποδὸς σου.) Prior phrasis occurrit apud *Achill. Tat.* l. 6. p. 391. Ἐγὼ δὲ ἐντειλαμένος αὐτοῖς περὶ τῆς Λευκίππης - - τὴν ψυχὴν εἶχον ἐπὶ τρυπῆς ἐλπίδος καὶ φόβου. *Ego autem, cum praecepissem illis de Leucippe - - angebar animo spe metuque.* Altera apud *Appian. Alexandr. de bel. Syr.* p. 190. ubi narrat, Seleucum, cum Babyloniam obiret, προσκόψαι πρὸς λίθον, καὶ τοῦ λίθου ἀνασκαφέντος ἀγκυραν ὀφθῆναι. *Offendisse ad lapidem, & lapide effosso anchoram apparuisse.*

*Vf. 12.* Ὅτι Ἰωάννης παρεδόθη.) δς. εἰρκτῇ, vel εἰς τὸ δεσμωτήριον. Patet ex *Cinnamo* l. 2. p. 67. Δια τοῦτο ἀποψηφισθεῖς - - εἰρκτῇ παρεδόθη. *Propter hoc condemnatus - - carceri traditus est.* Et ex *Dionys. Halicarn.* l. 11. p. 726. Παραδοθεὶς εἰς τὸ δεσμωτήριον, αὐθήμερον ἀποθνήσκει. *In carcerem traditus eodem die moritur.*

*Vf. 13.* Τὴν παραθαλάσσιαν.) Est inter ἅπαξ λεγόμενα hæc vox. *Palæphat. de Incredibil.* p. 36. Ἐληζέτο τὰ παραθαλάσσια χωρία. *Deprædabatur ad mare sitas regiones.* Adde *Diodor. Sicul.* l. 12. p. 509. Πολλὴν γῶραν τῆς παραθαλαττίας δηώσας. *Multam regionem maritimam incurfans.*

*Vf. 15.* Πέραν τοῦ Ἰερδάνου.) *Dionys. Halicarn.* l. 1. p. 22. narrat Tyrrenum in Italiam delarum expulisse Pelasgos, non ex omni-

omnibus urbibus, sed ex iis, quæ πέραν ἦσαν τοῦ Τιβέριος: *trans Tiberim erant.*

Vs. 16. Ὁ καθήμενος ἐν σκότει - - ἐν χώρᾳ καὶ σκία θανάτου.) Jam ostendimus in verbo Καθῆσθαι *Lugendi* latere significationem. Sic *Herodot.* l. i. p. 19. de Croeso dicit: Ἐπὶ δύο ἔτεα ἐν πένθει μεγάλῳ καθῆτο τοῦ παιδὸς ἐσε-  
ρημένος. *Duos annos in luctu magno sedebat fi-  
lio orbatus.* Possumus etiam *Habitandi* si-  
gnificationem admittere. Patet ex *Lucæ* c. 21. v. 35. Ἐπὶ πάντας τοὺς καθημένους ἐπὶ  
πρὸς ὧν πάσης τῆς γῆς. Item ex *LXX.* ut 2.  
*Reg.* c. 18. 8. edit. Complut. Ὅτε ἐκαθήμην  
ἐν Γεδσὲρ; pro quo, quod merum glossema  
est, legitur in Vaticano exemplari, Ἐν τῷ  
οἰκῆν με ἐν Γεδσὲρ. Denique notetur Hendia-  
dys in verbis Ἐν χώρᾳ καὶ σκία θανάτου, pro  
Ἐν χώρᾳ σκιῶδει θανάτου, *In regione umbrosa  
mortis.* Sic 1 *Tim.* c. 3. v. 15. Στύλος καὶ  
ἑδραίωμα, pro Στύλος ἑδραῖος. Adde *Syrach.*  
c. 7. v. 18. Ἐκδίκησις ἀσεβῶνς πῦρ καὶ σκώληξ,  
pro πυρῶδης σκώληξ. *Punitio impii est ignis  
et vermis,* pro ignitus vermis.

Vs. 17. Ἀπὸ τότε.) Sc. χρόνου. Plenius  
*Dionys. Halicarn.* l. 3. p. 176. Ἐν τῷ τότε συνε-  
βη χρόνῳ. *Tum temporis accidit.* Et *Isocrat.*  
*Orat. amartyr.* p. 600. Ἐν τῷ τότε χρόνῳ ποιῆσαι.  
*Tunc temporis fecisse.*

Vs. 18. Παρὰ τὴν θάλασσαν.) Alii *Codd.*  
pro Παρὰ legunt Περί. Proba est lectio.



*Aelian. var. hist. l. 3. c. 1.* Παρ' ἐκάτερα δὲ τοῦ ποταμοῦ αἱ διατριβαὶ εἰσιν. *Ad utrumque latus fluvii sunt recessus. Item Homer. Il. α. v. 34.* Βῆ δ' αἰκίαν παρὰ θῖνα. *Ibat autem tacitus prope littus: ubi Moschopol. παρὰ θῖνα.) παρὰ ἰνταῦθα τὸ πλησίον.*

*Vs. 24.* Καὶ προσήνεγκαν αὐτῷ πάντας τοὺς κακῶς ἔχοντας, πικίλαις νόσοις καὶ βασάνοις συνεχόμενους.) *Dionys. Halicarn. l. 9. p. 583.* Τοιούτοις συνεχόμενοι κακοῖς οἱ ὑπατοὶ πέμπουσιν. *Tabulis constricti malis, consules mittunt. Et Diodor. Sicul. l. 3. p. 196. de pediculari morbo loquens, ait: Ὁ συνεχόμενος τῷ πάθει, βιαιότερον ἀμύττει τοῖς ὄνυξι. Qui morbo isto constrictus est, violentius se lacerat unguibus. Priori autem formula utitur Philippides in Stobæi Florileg. tit. 145. p. 471.*

Οὐ χαλεπὸν ἐστὶ τῷ κακῶς διακειμένῳ  
εἰπεῖν - - - μὴ κακῶς ἔχει.

*Non difficile est male jacenti  
Dicere - - - ne male te habeas.*

*Vs. 25.* Καὶ ἠκολούθησαν αὐτῷ ὄχλοι πολλοί.) *Dionys. Halicarn. l. 11. p. 703.* ἠκολούθει δ' αὐτῷ πολὺς μὲν ἐπαίρων ὄχλος. *Sequebatur ipsum sodalium multitudo magna. Id. ibid. p. 719.* ἠκολούθει δ' αὐτοῖς καὶ ἄλλος ὄχλος δημοτῶν οὐκ ὀλίγος. *Sequebatur et eos alia plebijorum multitudo band pauca.*

Cap.



Cap. V. v. 1. 'Ανέβη εἰς τὸ ὄρος, καὶ καθίσαντος αὐτοῦ προσῆλθον αὐτῷ οἱ μαθηταί.) Ponitur eis τὸ ὄρος pro eis τί ὄρος, *in aliquem montem*. Sic 1. *Thess.* c. 4. v. 6. 'Εν τῷ πράγματι, pro 'Εν τινι πράγματι. Similiter 'Ο pro τίς usurpavit *Aelian.* var. hist. l. 1. c. 25. εἰ δὲ τῷ δοκεῖ. *Si alicui visum fuit*. Et *Diogen. Laërt.* l. 6. c. 5. Παρακαλῶν περί τοῦ. *Intercedens pro aliquo*. Item *Diodor. Sicul.* l. 1. p. 27. Ταύτην δὲ ὑπὸ τοῦ δήποτε φθαρεῖσαν ἔγκυον γενέσθαι. *Hanc autem ab aliquo scilicet vitiatam prægnantem evasisse*. Nec non *Libanius* epist. 227. 'Αν ὑπὸ τοῦ παίηται. *Si ab aliquo ledatur*.

Structuram, quæ in ultimis verbis prostat, imitantur Exotici, pro καθίσαντι αὐτῷ προσῆλθον. *Philostat.* vita Apoll. l. 3. ὑποβιζαμένου δὲ τοῦ Ἀπολλωνίου, κατέϊχεν αὐτὸν. *Assurgente Appollonio; retinuit ipsum*. Item *Polyæn.* l. 6. p. 546. Παιδὲς γεννηθέντος, αὐτῷ μέλων ὄνομα τίθεσθαι. *Nato filio, ipsi nomen impositurus*.

Vs. 6. Διψῶντες τὴν δικαιοσύνην.) Διψᾶν est *Cupere*. Hinc *Suidas* 'Εδίψησεν exponit per 'Επεθύμησεν. Quare & apud *Eustath.* ad II. a. p. 254. edit. Florent. Πολυδιψιον explicatur per Πολυπάθητον, *Valde concupitum*. Adde *Aelian.* hist. animal. l. 1. c. 5. Τὴν ὀρεμῶν ἀποθερίσαι διψῶν. *Chordam consumere cupiens*. Et *Antipatr.* in Epigr. inedito. 'Ιδρῶ διψῆ-

διψήσασα πιεῖν τὸν. *Sudorem cupiens bibere tuum.* Subjunge ex Latinis *Cicer.* ad *Quint.* Fr. l. 3. epist. 5. *Nec honores sitio.* Et *Tuscul. Quæst.* l. 5. c. 6. *Ardentius sitire voluptates.*

*Vs. 9.* Εἰρηνοποῖ.) *Vox hæc ἀπαξ λεγόμενη est.* Occurrit apud *Dion. Cass.* l. 44. p. 266. Γυμνός. ὁ εἰρηνοποῖς. *Nudus, pacificus.*

*Vs. 11.* καὶ διώξωσι -- ἐνεκεν ἐμοῦ.) *Hic Διώκειν est Accusare. Proprie Persequi in judicio, idque elliptice pro Διώκειν τὴν δίκην, & adhuc plenius, pro Διώκειν κατὰ τὴν δίκην.* *Aristoph.* *Equit.* act. i. sc. 2. p. 308. *Διώξωμαί σε δειλίας:* pro *Διώξωμαί σε τὴν δίκην.* *Persequar te (sc. in judicio) ob timiditatem:* ubi *Schol.* *Διώξωμαι* κατηγορήσω. *Isocrat.* de *Permut.* p. 478. *Ἱεροσυλίας ἕτερον διώκων.* *Sc. τὴν δίκην.* *De Sacrilegio alium persequens.* *Sc. in judicio.* *Plenius Id. adv. Call.* p. 558. *Ἐκεῖνος δὲ ἐχθρὸς ὢν Καλλιμάχῳ τῶ νῦν ἐμέ διώκοντι τὴν δίκην, ἀπηντήσεν ἀργύριον φέροντι.* *Ille vero inimicus Callimacho, qui me nunc persequitur in judicio, obviam factus fuit, argentum ferenti.* *Adde Homer.* *Il. α. v. 173.*

-- Οὐδέ σ' ἔγωγε  
*Δίσσομαι εἵνεκ' ἐμεῖο μένειν, --*

-- Neque ego te  
*Rogo gratia mei manere, --*

*Vs.*

Vf. 12. Ὅτι ὁ μισθὸς ὑμῶν πολὺς . . οὕτω γὰρ ἐδίωξαν τοὺς προφῆτας τοὺς πρὸ ὑμῶν.) Πολὺς pro Μέγας. *Aelian. var. hist. l. 1. c. 19.* Αἰτίαν τῆς ἀπωλείας γενέσθαι τὴν πᾶλιν τρυφήν. *Exitii causam fuisse magnum luxum.* Et *Polyæn. l. 2. p. 143.* Αἰτίαν ἀγῶνι πᾶλιν. *Prædam agens magnam.*

Post verba τοὺς πρὸ ὑμῶν, supplem. ὑπάρχοντας. *Cod. Cantabrig. & Irenæus.* Est merum supplementum. Possis & βεβιωκότας, vel γενομένους supplere. Patet ex *Diodoro Siculo l. 15. p. 4.* Οἱ μὲν γὰρ πρὸ αὐτῶν βεβιωκότες . . τὴν τηλικαύτην κατεκτήσαντο δόξαν. *Nam qui ante hos vixerunt . . acquisiverunt tam insignem gloriam.* Adde *Dionys. Halicarn. l. 4. p. 235.* Πάντες οἱ πρὸ αὐτοῦ γενόμενοι βασιλεῖς. *Omnes, qui ante ipsum fuerunt, reges.* Elliptice autem loquitur *Diodor. Sicul. l. 1. p. 75.* Χρηστότητι πολὺ διαφέρων τῶν πρὸ αὐτοῦ. Sc. βεβιωκότων, vel γενομένων. *Benignitate multum præstans iis, qui ante ipsum.* Sc. *vixerant.*

Vf. 14. Πόλις . . ἐπάνω ὄρους κειμένη.) h. e. sita. Sic *Philostrat. vita Apoll. l. 3. p. 137.* Πόλιν δὲ ἐπ' αὐτοῦ κεῖσθαι Πάτταλα. *Et ad id (ostium) urbem Pattalam sitam esse.* Et *Dionys. Perieget. v. 335.*

. . . Ἐν δὲ οἱ ἄκρῃ  
Στηλάων Ἀλύβη κείται μία, . .

- - - *In ea autem promontorium  
Columnarum Alyba sita est una.* - -

*Vsf.* 15. Οὐδέ καί σοι λύχνον - - - καὶ λάμ-  
πι.) Nova sententia est, quare οὐδέ hic  
idem est ac οὐ, *Non.* Ita quoque reperitur  
& apud alios. *Dio Cass.* l. 41. p. 174. Πε-  
ρί γὰρ τούτων οὐδέ ἔξεσι τινε ἀρχὴν πύθεσθαι τι. *De*  
*is enim non licet cuiquam omnino consulere*  
*quid.* Sic & *Libanius* epist. 39. p. 19. Καί  
γὰρ αὐτὸ ὄνομα ἄλλως οὕτως ἐστίν, ἀλλ' ὄντως ἐπι-  
σάμενος ἄγειν. *Non enim is nomen mentitur,*  
*sed recte instituere didicit,* Similiter *Nec*  
*pro Non* usurpavit *Plaut.* *Mostell.* act. I.  
Sc. 3. v. 83. *Nec recte si illi dixeris.* Item  
*Cicero* ad *Famil.* l. 10. epist. 1. *Furium*  
*nostrum tanti ate fieri - - nec miror.*

Notandum præterea καὶ ante λάμπι,  
poni pro ἵνα *Ut*, quemadmodum & v. 29.  
Καὶ μὴ ἔλον τὸ σῶμα βληθῇ εἰς γειναν. Item  
c. 6. v. 33. Καὶ ταῦτα πάντα. c. 13. v. 15.  
Καὶ ἰάσωμαι αὐτούς. Adde *Marc.* c. 4. v. 12.  
Καὶ ἀφεθῇ. *Ioaniz.* c. 4. v. 34. Καὶ τελειώσω  
αὐτοῦ τὸ ἔργον. *Actor.* c. 1. v. 8. καὶ ἔσεσθαι  
μοι μάρτυρες. *Hebr.* c. 12. 9. Καὶ ζήσομεν.  
*Apocal.* c. 1. v. 6. Καὶ ἐποίησεν ἡμᾶς βασιλεῖς  
Subjunge *Ioel.* c. 3. v. 3. Τὰ ποτάμια ἐπώ-  
λυν ἀντὶ τοῦ οἴνου. καὶ ἔπινον. h. e. ut biberent.  
Item. *Libanium* epist. 355. p. 174. Πείθων αυ-  
τον ὅς ἀρκεῖτε γελάσαι καὶ φιλεῖν τὴν κεφαλὴν, καὶ  
τὸ ἔγκλημα λέλυται. *Persuadens tibi, suffi-*  
*cere*



*cere si videas & osculeris caput, ut accusatio solvatur.*

*Vs. 16. Οὕτω λαμψάτω τὸ φῶς ὑμῶν.)*  
*Οὕτω* hic per *Propterea* vertendum est, uti  
*Lucæ*, c. 24. v. 26. *Καὶ οὕτως, Et propterea.*  
*Item. Rom. c. 1. v. 15. Οὕτω τὸ κατ' ἐμὲ &c.*  
*c. 6. v. 11. Οὕτω καὶ ὑμεῖς, &c. 1 Cor. c. 15.*  
*v. 44. Οὕτω καὶ γέγραπται. Apocal. c. 3.*  
*v. 16. Οὕτως, ὅτι χλιαροὺς εἴ.* Similiter  
*Theognis v. 191. pravas pravorum matrimo-*  
*niorum sequelas memorans, ait:*

*Οὕτω μὴ θαύμαζε γένος - - αἰσέων*  
*Μαυροῦθαι - - -*

*Propterea ne mirere - - cives*  
*Deperire - - -*

Denique quemadmodum heic loci φῶς  
 dicitur λαμπρῶν, sic & Ἐπιλάμπειν *Homero*  
*hym. in Mercur. v. 140. Φῶς ἐπέλαμπε σελή-*  
*νης. Lux splendebat lunæ.*

*Vs. 17. Καταλῦσαι τὸν νόμον.) Diodor.*  
*Sicul. l. 13. p. 567. Ὅτι τοὺς ἰδίους αὐτὸς κατα-*  
*λύει νόμους. Quod ipse proprias leges solvat.*  
*Item Dio Cass. l. 56. p. 573. Τὸν νόμον, τὸν*  
*περὶ τῶν μὴ γαμίντων - - καταλυθῆναι ἠξίουν.*  
*Legem in conjugii expertes latas - - antiqua-*  
*ri rogarunt.*

*Vs. 23. Ἐὰν οὖν προσφέρῃς τὸ δῶρόν σου.)*  
*Jam ostendimus οὖν redundare. Sic & apud*



*Aeschyl.* Agam. v. 533. Καὶ γὰρ οὖν πρέπει.  
*Et enim decet.* Sic & *Igitur* redundat apud  
*Plaut.* Capreiv. act. 4. sc. 2. v. 91. *Igi-*  
*tur olim si advenissem, magis tu tum istuc di-*  
*ceres.* Notandum insuper τὸ δῶρον poni pro  
 τὴν θυσίαν, ex usu τῶν LXX. Sic *Genes.* c.  
 14. v. 5. ex *Mf. Clem.* Ἐπὶ τοῖς δώροις αὐ-  
 τοῦ οὐ προσέχε: pro quo in exemplari *Vatic.*  
 legitur Ἐπὶ ταῖς θυσίαις.

*Vs.* 25. μήποτε σε παραδῶ ὁ ἀντίδικος τῷ  
 κριτῇ, καὶ ὁ κριτὴς σε παραδῶ τῷ ὑπηρέτῃ, καὶ εἰς  
 φυλακὴν βληθήσῃ.) Omnes hujus versus for-  
 mulae prostant apud Exoticos. *Aphthonius*  
 p. 88. Πῶς ἂν οὐ διαίψει τὸν μοιχὸν ἀνελεῖν, ἢ πα-  
 ραδοῦναι τοῖς κρίνευσιν: *Qui igitur non intererit*  
*adulterum occidere, vel tradere judicibus.*  
*Item Heliodor.* l. i. p. 25. Οἱ δὲ τῷ δημίῳ πα-  
 ραδιδόναι -- ἐδοκίμαζον. *Alii carnifici me tradere*  
*censebant.* Et *Lucilius* in Antholog. Gr. l.  
 2. c. 37. epigr. i. p. 234, εἰς φυλακὴν βλή-  
 θεις -- ὡμολόγησε Φόνον. *In carcerem conje-*  
*ctus -- fassus est caedem.*

*Vs.* 32. Παρεκτὸς λόγου πορνείας.) Elegans  
 Gracismus, uti jam ostendimus, pro Πα-  
 ρεκτὸς πορνείας. Sic & *Julian.* orat. i. p. 14.  
 Καὶ οὐδὲν διάφορον προσῆν εἰς παιδείας λόγον (pro  
 εἰς παιδείαν) τοῖς ἡγεμόσι. *Nec insigne quic-*  
*quam ad virtutis rationem (pro ad virtutem)*  
*principibus erat.*

*Vs.*

*Vs.* 23. Ἀποδώσεις δὲ τῷ Κυρίῳ τοὺς ὄρκους  
 σκ.) Ἀποδώσεις, *Reddes. h. e. Persolves.*  
*Eodem sensu apud Diodor. Sicul. l. 4. p. 293.*  
 τοῖς μεγάλοις θεοῖς τὰς εὐχὰς ἀποδοίτας - - ἀναθεῖ-  
 ναι τὰς Φιάλας εἰς τὸ τέμενος. *Magnis Diis vo-*  
*ta cum persolvissent, phialas reposuisse in fa-*  
*no. Simili modo Reddere, pro Persolvere*  
*usurpavit Propert. l. 2. eleg. 21. v. 59.*

*Tu quoniam es, mea Lux, magno demissa*  
*periculo,*

*Munera Dianæ debita redde choros.*

*Vs.* 34. Μὴ ὀμόσαι ὁλως.) *Supple θέλε-*  
*τε. Ne jurare omnino, Sc. velitis. h. e. Ne*  
*juretis. Sic Demonax apud Stobæum serm.*  
*44. p. 150. Ἐνητοὶ γεγονῶτες μὴ φρονεῖν (sc.*  
*θέλετε) ὑπερ θεοῦς. Mortales cum sitis, ne*  
*sapere (sc. velitis) supra Deos. Item Ae-*  
*schyl. Prom. vinc. v. 711. Οἷς μὴ πελάζειν.*  
*Quibus ne propinquare, sc. vetis. ubi Schol.*  
*μὴ θελε πλησιάζειν.*

*Vs.* 38. Ὀφθαλμὸν ἀντί ὀφθαλμοῦ.) *Si-*  
*mili structura utitur Antipater in Antholog.*  
*Gr. l. 6. c. 11. epigr. 2. Ἀπέτισεν -- ἀνθ' αἵμα-*  
*τος αἵμα. Luit pro sanguine sanguinem. Et*  
*Aeschyl. Choeph. v. 310.*

Ἀντί δὲ πληγῆς Φονίας Φονίαν

Πληγὴν τινέτω. - - -

*Pro mortifera plaga mortiferam*

*Plagam sustineat. - - -*

*Vs.*

Vs. 43. Αγαπήσεις τὸν πλησίον σου.) Ut constet antirrhesis, quæ hoc in versu obtinet, videtur ita debere verti, *Diliges amicum tuum*. Eodem sensu ὁ Πλησίον usurpavit *Symmachus* in *Proverb.* c. 6. v. 1. Ἐὰν ἐγγυήσῃ σὸν πλησίον. *Si sponderis pro amico tuo*. Ibi *septuaginta* pro σὸν πλησίον adhibent σὸν φίλον.

Vs. 46. τινὰ μισθὸν ἔχετε.) *Achill. Tat.* l. 5. p. 345. Μισθὸν τῆς αἰχμῆς ἔχουσι. *Mercedem flagitii obtinent*. Item *Antipbilus* in *Antholog.* Gr. l. 1. c. 40. epigr. 5. p. 89.

- - - Ἐξ ἁλὸς εἰς γῆν

Νηξάμενος, Φόρτου μισθὸν ἔχω θάνατον.

- - - *E mari in terram*

*Enatans, transvectionis mercedem habeo mortem.*

Vs. 47. Καὶ ἐὰν ἀσπάζεσθε τοὺς ἀδελφοὺς ὑμῶν μόνον, τί περισσοῦ ποιεῖτε.) *Primo* jam ostendimus Ἀσπάζεσθαι heic loci significare *Benevolo & amico prosequi animo*. Ita quoque occurrit apud *Aristoph.* *Plut.* v. 743. Τὸν πλουτὸν ἡσπάζοντο: ubi appositissime *Schol.* ἡσπάζοντο.) ἡγάγον ἐφιλοφρονοῦντα. Deinde videtur per τοὺς ἀδελφοὺς intelligendos esse *amicos*, quare in aliis *Codd.* legitur τοὺς φίλους, quod meram glossam redolet. Eodem quoque sensu reperitur hæc vox apud τοὺς *LXX.*  
in

in *Cantico Salomon*. c. 5. v. 2. Μεθύσθητε ἀδελφοί. h. e. *amici*, ut pater ex textu Hebræo.

Cap, VI, v. 4. Αὐτὸς ἀποδώσει σοὶ ἐν τῷ Φανερώ.) Αὐτὸς. h. e. *sponte*, *ultro*. Ita & *Ioann.* c. 16. v. 27. Αὐτὸς γὰρ ὁ πατὴρ φιλεῖ ὑμᾶς. *Spon- te enim pater diligit vos*. Ubi vide quæ de- dimus. Adde *Oppian.* Hal. l. 4. v. 125. qui sic de scaris: Ἐς βρόχον αὐτοὶ ἵενται. *In la- queos sponte deveniunt*. Id. *Cyneg.* l. 2. v. 80. Ἐπὶ δῆλον αὐτὸς ἰκάνει. *Contra hostem spon- te venit*. Ulrimam phrasin habet *Dionys.* *Halicarn.* l. 2. p. 99. Τοὺς τραχήλους ἀπέκο- τον ἐν τῷ Φανερώ. *Cervices amputabant in propatulo*. Item *Diogen.* *Laërt.* l. 6. p. 656. Ἀνδρὶ ἐν τῷ Φανερώ συνεγένετο. *Cum viro in pro- patulo congregiebatur*.

Vs. 6. Κλείσας τὴν θύραν.) *Philodemus* in *Anthol.* Gr. l. 7. epigr. 89. p. 608. Κλείε Φιλαμὶ θύραν. *Claude Philæni januam*.

Vs. 7. Ἐν τῇ πολυλογίᾳ.) *Vox* semel le- sta in N. T. occurrit apud *Heliodor.* l. 5. p. 254. Το γὰρ σενὸν τοῦ καιροῦ πολυλογίαν οὐκ ἐπιδέχεται. *Non enim angustia temporis pro- lixitate verborum admittit*.

Vs. 13. Εἰς τοὺς αἰῶνας.) Formulam hanc merito ab *Hebraismi* labe vindicavit cl. Au- ctor. *Parerg. sacr.* p. 26. Supple ἅπαντας. Pater ex *Isocrate* Hel. laud. p. 347. Πάσῃδρον εἰς ἅπαντα τὸν αἰῶνα κατισήσατο. *Affessore in omne sæculum constituit*. Elliptice dixit *Ant-*



*Antipater* in Anthol. Gr. l. 4. c. 27. epigr. 9. p. 505. Εἰς αἰῶνας, "Ομηρε - - αἰδῇ. *In secula, Homere - - celebravis.* Sic etiam apud Latinos, teste *Iustino* l. 2. c. 4. *In ævum*, pro *In omne ævum* occurrit. Confer *Horat.* carm. l. 4. od. 14. v. 3.

*Vs.* 26. τὰ πετεινά τοῦ οὐρανοῦ.) h. e. *aëris.* Sic c. 16. v. 3. Στυγνάζων ὁ θυμῶν, pro quo ex mera *Glossa* alii *Codd.* legunt *ἀνθρ.* Sic *Alcæus* in Poët. Lyric. p. 394. Τεῖ μὲν ὁ Ζεὺς, ἐν δ' οὐρανῷ μέγας χειμῶν. *Pluit quidem Iupiter, & in aere magna est procella.*

*Vs.* 28. καταμάθετε.) Verbum hoc semel in N. T. occurrens habet *Diodor. Sicul.* l. 4. p. 295. Τοὺς Ἀργοναύτας - - καταμάθοντας τὸ πῦρ - - ὁρμήσαι δρόμῳ πρὸς τὴν πόλιν. *Argonautas - - cum conspexissent ignem - - cito cursu tendisse ad urbem.*

*Vs.* 29. Περιεβαλετο.) *Polyæn.* l. 4. p. 344. οἱ δὲ κυάνεα - - περιβέβληντο. *Alii coeruleis - - amicti erant.* Et *Dionys. Halicarn.* l. 4. p. 216. Ἑορτήτα πινυράν περιβεβλημένους. *sordida veste amictus.*

*Vs.* 34. Ἀρετὸν - - ἡ κακία αὐτῆς.) Pro Ἀρετὸν πρᾶγμα, vel χρεῖμα. Sic *Libanius* epist. 9. p. 3. Φροντὶς καλὸν. Sc. πρᾶγμα, vel χρεῖμα. *Cura præclarum est, sc. negotium.* Item *Dio Cass.* l. 56. p. 573. Ἀρετὸν (sc. πρᾶγμα, vel χρεῖμα) γυνὴ σωφρων. *Optimum*



*num (Sc. negotium) est mulier pudica. Similiter. Anacreon ode 56. v. 12.*

Ἱερὸν γὰρ ἐστὶ Φαίβῃ

Κιθάρῃ - - -

*Sacrum enim est Phœbi*

*Cithara - - -*

pro Ἱερὸν πρᾶγμα, vel χρῆμα. Plenius alij locuti sunt. *Synēsius* apud *Suid.* τ. ι. p. 691. οὐ γὰρ ἐστὶν ἀλήθεια πρᾶγμα ἐγκείμενον. *Non enim est veritas negotium obvium.* Et *Lucian.* adv. Indoct. p. 392. Σκόπει τοίνυν, ὡς Ἱερὸν χρῆμα ἢ συμβουλή. *Proinde considera, quam sacrum sit negotium consilium.*

Cap. VII. v. 5. \*Εκβαλε - - καὶ τότε διαβλέψεις.) Præcedente Imperativo subsequitur Futurum διαβλέψεις, pro Imperativo διάβλεψον, monente *Bebelio* de Phr. N. T. §. 10. Sic quoque plane apud *Epictet.* Enchirid. c. 40. Τάξον τινὰ ἥδη χαρακτηρῶ σαυτῷ καὶ τύπον, ὃν φυλάξεις (pro φύλαξον) ἐπιτε σαυτοῦ ὦν, καὶ ἀνθρώποις ἐντυγχάνων. *Præscribe jam formam quandam tibi & legem, quam custodies (pro custodi) cum tecum es, vel cum hominibus congregaveris.* Adde *Libanum* epist. 125. p. 102. Διεξελθὼν, ἃ συνοιδᾷ σοι, γυμνὸς ἐφην, πρεῶς, καὶ πενιαν οὐ μέμψῃ: pro μέμψου. *Enarrans ea, quorum tibi confcius sum, nudus dixi, proficiscere, & paupertatem tuam non accusabis, pro accusa.*

*Vs.*

*Vs. 11.* Οἶδατε - - δίδοναι) Ex elegantiori Græcismo, pro Διδότε, *Datis*. Jam aliquot exempla dedimus. Adde *Libanium* epist. 158. p. 78. Ὁ δὲ ἄρχοντας ἀγαθὸς οἶδα θαυμάζειν: pro θαυμάζει. *Ille autem magistratus bonos suspicit.*

*Vs. 13.* Εἰσελθετε διὰ τῆς σενῆς πύλης.) *Apollodorus Gelous* apud *Stobæum* Serm. 38. p. 128.

- - - Οὐδὲ εἷς

Τέκτων ὀχυρὰν οὕτω ἐποίησεν θύραν,  
Δι' ἧς γαλὴ καὶ μοιχὸς οὐκ εἰσέρχεται.

- - - *Ne quidem unus*

*Faber munitam adeo fecit januam,*  
*Per quam felis & moechus non ingredi-*  
*antur.*

*Vs. 24.* Οικοδομήσει τὴν οἰκίαν.) Sic *Dio Cassius* l. 55. p. 556. Ὁ δὲ Αὐγέσας, τὴν οἰκίαν οἰκοδομήσας, ἐδημοσίωσε πᾶσαν. *Augustus autem domum ædificatam publicam omnino fecit.*

*Vs. 25.* Καὶ ἐπνευσαν ἄνεμοι, καὶ προσέπεσον τῇ οἰκίᾳ ἱκεῖν. - - τεθεμελιώτω γὰρ ἐπὶ τὴν πέτραν.) Pro Προσέπτων alii *Codd.* legunt προσέπηξαν. Optima est lectio recepta. *Dio Cassi.* l. 48. p. 386. Ἄνεμος μέγας προσπέσων πολλὰς τῶν νηῶν - - προσήραξε. *Vebemens ventus irruens multas navium - - allisit.* Et *Polyen.*

l. i. p. 89. Ἀνέμου προσπεσόντος ἡπαμμεγέθους.  
*Vento irruente valde magno.* Ceterum τεθε-  
 μελίωτο, omisso augmento, pro ἑτεθεμελίω-  
 το. Id Græcis frequentissimum est. Item  
*Polyæn.* l. i. p. 7. ἵππον ἑπειος ποιήσεν, pro  
 ἐποίησεν. *Equum Epeus fecit.* Nec non *Bi-*  
*on.* Idyl. 3. v. 6. τὸν ἔρωτα διδάσκον, pro ἐδί-  
 δασκον. *Amorem docebam.*

*Vs.* 27. Ἡ πτώσις.) *Bistantrum* heic lo-  
 ci, & *Lucæ* c. 2. v. 34. *Heliodor.* l. 9. p.  
 413. Ὡς ἐχθαμαλωτέραν γινέσθαι τῆς λίμνης τὴν  
 πῶσιν. *Ut ruina stagno inferior fieret.* Id.  
 p. 421. Κατὰ τὴν πῶσιν κυλινδθέντων. *In rui-*  
*na devolutis.*

*Cap.* VIII. v. 1. Καταβάντι δὲ αὐτῷ ἀπὸ  
 τοῦ ὄρους.) *Dionys.* *Halicarn.* l. i. p. 65. κα-  
 ταβάντες ἀπὸ τοῦ Παλαντιῆς τῆς κορυφῆς. *De-*  
*scendentes a Palantini vertice.* Et *Appian.*  
*Alexandr.* de bel. Parth. p. 283. καταβαίνου-  
 σι - - ἀπὸ λόφων. *Descendunt - - a collibus.*

*Vs.* 3. Καὶ ἐκτείνει τὴν χεῖρα.) *Dio, Cas-*  
*fius* l. 42. p. 212. Ἐκτείνει τὴν χεῖρα - - τὴν  
 γνὴν - - κατεφίλησε. *Extendens manum - - ter-*  
*ram - - osculatus est.*

*Vs.* 18. Ἀπελθεῖν εἰς τὸ πέραν.) *Incertus*  
*Auētor in Anthol. Gr.* l. 2. c. 13. epigr. 22.  
 p. 206. Μέλων εἰς τὸ πέραν ἀπίναι. *Cis tran-*  
*siturus.*

*Vs.* 19. Καὶ προσελθὼν - - εἶπεν αὐτῷ.)  
*Serinus* apud *Stobæum* *Serm.* 145. p. 483.  
*Bibl. Brem. Nov. Cl. III. F. I.* L. Πρὸ-

Πρόσελθὼν δὲ τις τῶν Λυδῶν, ὃ βασιλεῦ, εἶπεν,  
πάντων ἐπὶ γῆς καλῶν ὁ ἥλιος τοῖς ἀνθρώποις αἰτίας.  
*Accedens quidam Lydorum, o rex, dixit,  
omnium in terra bonorum autor est homini-  
bus sol.*

*Vs. 22.* Θάψαι τοὺς νεκροὺς.) *Aelian. var.  
hist. l. 4. c. 1.* Τοὺς νεκροὺς ἐν βύρσαις θάπτουσι.  
*Mortuos in pellibus sepeliunt. Et Sophocle  
Antig. v. 248.*

- - Τὸν νεκρὸν τις ἀρτίως  
θάψας βέβηκε; - -  
- - *Mortuum quis jam  
Sepeliens abiit?* - -

*Vs. 24.* Σεισμὸς μέγας ἐγένετο - - αὐτὸς δὲ  
ἐκάθειδε.) *Aelian. hist. animal. l. 11. c. 19.*  
Νύκτωρ γίνεται σεισμὸς. *Noctu terræ motus fit.*  
Notandum Δὲ, ante ἐκάθειδε, *Attamen* si-  
gnificare. Sic & apud *Libanium* epist. 18.  
p. 5. Σοὶ τῆς ἀρχῆς ὁ χρόνος τὰς οἰκίας πεποίηκε  
πόλεις, ἀδικοῦντι μὲν οὐδέναι, λαμβάνοντι δέ. *Ti-  
bi præfecturæ tempus ex domibus urbes com-  
paravit, neminem quidem lædenti, attamen  
accipienti.*

*Vs. 25.* ἤγειραν αὐτὸν, λίγοντες, κύριε,  
σῶσον ἡμᾶς, ἀπολύμεθα.) *Primo ἤγειραν. Sc.  
ἐξ ὕπνου. Meleager in Antholog. Gr. l. 7.  
epigr. 9. p. 583.* Σύγκοιτον ἐγείρας, *Sc. ἐξ  
ὕπνου. Postquam conjugem excitaveris. Sc.  
e somno. Plene Homer. Il. E. v. 422.* ἐξ ὕπ-  
νου



του - - εικῆας ἐγειρη. *E somno - - domesticos excitet.* Deinde ἀποκλύμεθα significat *In pereundi periculo sumus.* Similiter Incertus Auctor in *Antholog. Gr.* l. 7. epigr. 200. p. 630.

Εἰ τοὺς ἐν πελάγει σώσεις, Κύριε, καὶ ἐμὲ τὸν ἐν γῇ

Ναυηγὸν Φιλίης σώσον ἀποκλύμενον.

*Si eos, qui in pelago sunt servas, Venus, me quoque in terra*

*Naufragum amicitiae serva, cum in pereundi periculo sim.*

Vs. 32. Κατὰ τοῦ κρημνοῦ.) *Dionys. Halicarn.* l. 9. p. 596. Κατὰ κρημνοῦ βαλεῖν. *De præcipitio dejicere.* Et *Epictet. Enchir.* c. 61. Κατὰ κρημνοῦ - - Φέρεσθαι. *De præcipitio - - ferri.*

Vs. 33. Ἀπὸ ἡγγελίας πάντα, καὶ τὰ τῶν δαίμονιζομένων.) *Primo Ἀπὸ ἡγγελίας πάντα, Sc. τὰ συμβεβηκότα. h. e. Quæ contigerunt.* Additur *1. Maccab.* c. 4. v. 26. Ἀπὸ ἡγγελίας πάντα τὰ συμβεβηκότα. Deinde pro καὶ τὰ τῶν δαίμονων legitur in *Cod. Cantabrig.* κατὰ τῶν δαίμονιζομένων, quasi sensus esset, *annuntiarunt omnia de Dæmoniis.* Optima est recepta lectio, & necessaria. Hic καὶ notat *Præcipue, Præsertim.* Ita quoque *Marci* c. 16. v. 7. Καὶ τῷ Πέτρῳ. *Præcipue Petro.* Et *Actor.* c. 1. v. 14. Καὶ Μαρίᾳ. *Præcipue Ma-*




164 Eliæ Palaiet Obl. in Matth.

*Mariae.* Adde 3 Reg. c. II. v. I. Καὶ ἔλαβε γυναῖκα ἀποτρίας, καὶ τὴν θυγατέρα Φαραώ. h. e. *præcipue filiam Pbarao.* Et Herodot. l. 2. c. 66. Συρέονται πᾶν τὸ σῶμα, καὶ τὴν κεφαλὴν. *Raduntur toto corpore, præcipue capite.*

*Vsf.* 34. Πᾶσα ἡ πόλις ἐξῆλθεν.) *Sic Urbs dicitur ξυνελθεῖν, apud Philostrat. vita Apoll. l. 6. c. 34. p. 272. Ξυνελθοῦσα δὲ ἡ πόλις ἐκέντευεν ὑπὲρ τῶν μεγίστων. Congregata vero urbs ei supplicaverat de rebus maximi momenti.*

*Cetera in Matthæum ad Fasciculi sequentis N. I. reservavimus.*





## IV.

JOH. CAR. BONNET,

SCHOLÆ APUD TABERNAMONTANOS

MAGISTRI ET V. D. M.

OBSERVATIO EXEGETICA

AD

MATTH. III, 7.

§. 1.

**V**ariis hujus loci interpretationibus, quas singulas adferre & impugnare, cum longum, tum usus foret perexigui, novam superaddere liceat; si vero nova est, quam egomet nondum legi. Multa enim veterum recoquuntur, quæ nova putantur ab illis, qui ea iterum propinant. Sed vel vetus sit mea Observatio, vel aliquid novitatis habeat; si modo vera est. Age vero, ne præfari videar, rem proponam.

§. 2.

Narrat divus Evangelista Matthæus, quod & Lucas cap. III. 3. seqq. iisdem fe-

L 3

re

re verbis memoriæ tradit, extitisse Joannem Baptistam, qui Iudæos, ut pœnitentiam agerent, adhortatus sit, neque id eum irritò fecisse conatu: Magnam enim confluisse hominum multitudinem, Hierosolymam inprimis atque Jordani incolentium ripas, qui peccata sua confessi, adeoque quam ille postulaverat, pœnitentiam agentes, ab eo baptizari voluerint. Hujus numeri multos de Pharisæorum ac Sadducæorum grege fuisse, adjicit solus Matthæus, innuit tamen idem & Lucas, dum eos ὄχλους, i. e. *mixtas diversarum sectarum turbas nominat*. Quos quidem tanto accedentes numero, ἐπὶ τὸ βαπτισμα αὐτοῦ i. e. eo fine, ut, prægressa jam pœnitentia, a Joanne baptizarentur, lætus adspiciens Baptista, γεννήματα, ait: ἐχιδνῶν, τίς ὑπέδειξεν ὑμῖν φυγεῖν ἀπὸ τῆς μέλλουσας ὀργῆς; h. e. *Propagines viperarum, quis ostendit vobis effugere iram futuram?*

## §. 3.

Disquirimus *primum*, quos Ioannes γεννήματα ἐχιδνῶν appellaverit? Deinde, quisnam sensus sit additæ quæstionis?

*Viperarum progenies* illam, quæ & multos Pharisæorum ac Sadducæorum comprehendebat, turbam; non autem, quod quidam volunt, exclusis Pharisæis atque  
Sad.

Sadducæis, alios esse, qui a Luca c. III, 7. ἔχλοι εἰ ἐκπρευόμενοι βαπτισθῆναι nominantur, quippe qui ab illa mixta nostra turba, collatis locis, minime diversi deprehenduntur, naturalis vocum series abunde confirmat. Hos vero, simulata pietate, vel hostili animo venisse, vel etiam illos Sacerdotes fuisse atque Levitas, quos d. Ioannes Evangelista, cap. I, 19. Hierosolyma missos esse retulit, ut, quisnam sit Ioannes B., cognoscerent; quæ singula alii alique statuunt, id tantum discriminis habere videntur, ut aliud alio falsosimilius sit, unumque longius a veritate recedat atque alterum.

## §. 4.

Quod si enim hostili eos animo accessisse dixeris; vocula *ἐπὶ* contra vertenda foret, ad quod satis respondit *Raphelius*. Si illos vero ficta sanctitate adfuisse contenderis, simul concedas oportet, & reliquos omnes, quotquot præter Phariseos atque Sadducæos aderant, ejusdem hypocrisicos fuisse reos, eoque subsequenter Baptistæ increpationem, (si quidem increpatio foret,) meruisse: ἔχλας enim alloquitur Luc. d. 1. Quis autem tales haud pœnitentes a Ioanne, ejus rei optime gnaro, baptizatos fuisse affirmaverit? Quid multa? Ellipsis illa duriuscula est, & maximopere, ut demon-

stretur, opus habet. Quid? quod Ioannes admonet eosdem, ut fructus ferant huius suæ μεταβολῆς αἰτίας. Qui vero resipuerunt, soli resipiscentiæ fructus edere possunt, neque hi hypocritæ sunt. Non autem intelligendos esse legatos Iudæorum Hierosolymitanorum quos Io. Ev. cap. I, 24. ex Pharisæis fuisse scriptum reliquit, cum ex eo liquet, quod non simul Sadducæos etiam legatorum aliquos fuisse narratur, cum quod multos huius generis hominum adfuisse legimus: nam pauci legatorum munere funguntur; turbas légare, risum movet: tum universa utriusque historiæ series maximam earundem innuit differentiam,

### §. 5.

Dices: qui hos quæso *Viperarum progenies* appellat Baptista, qui vera atque haut fucata ornatu probitate, animoque vere pœnitente aderant, ut baptismatis symbolo jamjam peccata sua abluta quasi & a Deo sibi condonata esse certiores fierent, & confirmarentur? Certum est, quod respondeam. Appellatio hæc, num ob præjudicatam opinionem, num aliam ob causam? adhuc indigni aliquid pœnitentium hominum persona continere videbatur. Sed ego quidem, impiorum ac perditorum parentum filium, illo-



illorum vero moribus abstinentem dici, non vituperationem esse, sed potius laudi posse verti, duxerim. Notandum enim est, non ipsos *viperas* nuncupari, sed *progenies viperarum*. Harum vero compellationum maximam differentiam esse, non est, quod dubitemus, ubi, quod divus Evangelista noster c. XXIII, 33. commemoravit, contrulerimus: quo in loco Salvator Optimus haud pœnitentes Pharisæos atque Scribas ὄφεις, γενήματα ἐχιδνῶν alloquitur. Hi nempe & improborum fuerunt filii, & ipsi majorum premebant vestigia. Illaudabli uti parente minime dedecori ducitur, dummodo tute virtutum ac pietatis laudem consequaris. Quisquis vero mali corvi malum est ovum, habet, cujus se pudeat,

## §. 6.

Interrogat Baptista: τίς ὑπέδειξεν. κ. τ. λ. Sensus facilis videtur. Mirabatur Ioannes, tantopere sibi applaudi, totque reperiri, qui ipsi dicto audientes, peccata sua confiteantur & abhorreant, quoque id baptismatis usu publice testentur, certatim accurrant, cum neutiquam id sperandum videretur, si quidem propago sint majorum corruptis moribus, atque perditissimorum, qui viperæ magis, quam homines dici mereantur. Ideoque mirabundus, simulque

lætus, *quisnam fuit*, interrogat Vir sanctus: *qui indicavit vobis & exemplum*, (ὁ δειγμα) quasi præivit, ut jam pœnitentia acta effugiatis iram futuram? Miror sane, tanta vos frequentia ad me confluere; vix ac ne vix quidem eos me audituros esse credideram, quorum majores quoscumque ad se missos Prophetas tantopere persecuti, omneque bonum abominati sunt: præcipue quod ad illos inter vos pertinet, qui præterea iis sese manciparunt hæresibus, quæ nullam salubrem admittere videbantur admonitionem. Qui igitur fit, ut tantopere meam superetis spem atque opinionem? Quare, ita pergit Baptista commate subsequenti, cum res præter opinionem, ac perpetuam gentis vestræ consuetudinem cecidit, *edite jam fructus*, qui hac vestra resipiscencia digni sunt, eique conveniunt: re ipsa *μετανοίαν*, mentis ac studiorum vestrorum immutationem, adeo a majorum studiis differentium, testamini; neque enim sufficit, quod ore pœnitere vos peccatorum vestrorum confitemini; factis comprobare oportet, cet.

## §. 7.

At dubium moves ex Luc. VII, 29. 30., ubi relatum legimus, universum populum baptizari voluisse a Ioanne, exceptis tantum Pharisæis ac Legisperitis. Habeo, quod

quod respondeam. Pharisei non opponuntur Legisperitis. Alii enim Legisperiti Sadducei erant, alii Pharisei, alii denique Esseni. Sensus igitur est: Pharisei iique Legisperiti s. præcipue illi, qui ultra Phariseorum vulgus sibi sapere videbantur, aspernabantur Baptistam. Neque enim hic omnes & singulos Phariseos putari inde facile colligere potes, quod hinc inde aliquos illorum, licet omnium paucissimos, resipuisse deprehendimus. Phariseos E. absolute poni vides; quia, si horum ingentem numerum, (aliæ enim sectæ ab iis numero longe superabantur,) baptizatorum vero miram respicias paucitatem, fere nullos baptizatos fuisse & pœnitentiam egisse affirmare posse videmur. Præcipue quod ad illos pertinet, qui supra plebis suæ sectæ faeces eminere volebant. §. 8.

Quod si ita rem concipias, L. B., evanescere simul videbis illud dubium ex Matth. XXIII, 33. cujus Vir doctissimus *Fr. Spanhemius P.* in Dub: Evang. Part. III. p. m. 115. seq. meminit; omniaque conspirabunt amicissime. Cæterum tuum esto iudicium de qualicunque hac mea observatione. Vbi indigna quidem, quæ adoptetur, at quæ legatur tamen digna visa fuerit; satis habebō, & quō Tecum meliora in posterum communicem, operam dabo.





V.

SERIES  
PROFESSORUM REGIORUM  
IN ACADEMIA  
UPSALENSIS

NUNC QUAM MAXIME DOCENTIUM

*Theologi.*

**M**ATTHIAS ASP, S. Theol. D. Prof. Primarius  
& Archi-Præpositus.

GABRIEL MATHESIUS, S. Th. D. & Prof. O,

LAURENTIUS HYDREN, S. Th. D. & Prof. O

NICOLAUS WALLERIUS, S. Th. D. & Prof. O.

& Kalsenianus. \*)

JOHANNES J. AMNELL, S. Th. Prof. O.

*Juris Consulti.*

DANIEL SOLANDER, J. U. D. Juris Patrii & Re-  
mani Prof. O.

ANDREAS BERCH. Jurispr. Oecon, & Comm.  
Prof. O.

NICOLAUS RISELL, Juris Publ. præsertim Suec:  
Prof. O.

*Medi-*

\*) Quam honorificum sit Nomen *Kalseniani* Professoris, cum Venerabili hominum pari, ex quo originem suam ducit, tum Viro max. Reverendo NIC. WALLERIO, hunc titulum gerenti, sequentia probabunt Programmata Academiæ Regiæ Upsalensis, quæ amicitiae & liberalitati S. R. Amnellii debeo. N. B.

*Medici.*

CAROLUS LINNÆUS, M. D. sacræ Regiæ Majestatis  
Archiatr, Medic. & Botan. Prof. O. & Eques  
Aur. de stella Polari.

SAMUEL AURIVILLIUS, Med. Reg. Anat. & Me-  
dic. Practicæ Prof. O.

*Philosophi.*

PETRUS EKERMAN, Eloquentiæ Prof. O,

JOHANNES IHRE, Reg. Canc. Consiliarius, Elog,  
& Polit. Prof. O. & Skytt. & Eques Aur. de  
stella Polari.

MARTINUS STROEMER, Astronomiæ Prof. O. *Abiit  
bic Caroli coronam universæ illic Informationi pu-  
blicæ præesse jussus.*

LAURENTIUS DAHLMAN, Moral, & Polit. Prof. O.

JOHANNES GOTSCHALK WALLERIUS, Chemiæ,  
Metall. & Pharm. Prof. O.

JONAS MELDERCREUTZ, Matheseos Inf. Prof. O,

CAROLUS FR. GEORGII, Historiarum Prof. O.

CAROLUS AURIVILLIUS, Poeseos Prof. O.

CAROLUS ASP, Logices & Metaph. Prof. O.

SAMUEL DUREUS, Physices Prof. O.

BIRGERUS FRONDIN, Regiæ Bibliothecæ Aca-  
demicæ Præfectus Ord.

JOHANNES LÆSTBOHM, Oeconomix Practicæ.  
Prof. O. & Borgstrœmianus.

ERICUS HESSELGREN, Linguarum Orient. Prof. O.

DANIEL MELANDER, Astronomiæ Prof. O.


JOHANNES FLODERUS, Græc. Litt. Prof. O.

FRIDERICUS MALLET, Astronomiæ Observator.

GUSTAVUS ANTONIUS BOUDRIE, Academiæ  
Regiæ Secretarius.







SERIES  
PROFESSORUM IN ACADEMIA CAROLINA  
LUNDENSI

*Theologi.*

**A**MBROSIIUS WESTRING, S. Th. D. & Prof. Prim.  
nec non Templi Cathedralis Præpositus. \*).

JONAS WÆHLIN, S. Th. D. & Prof. O.

CAROLUS JESPERUS BENZELIUS, S. Th. D. &  
Prof. O.

GUSTAVUS ERNESTUS a BILDSTEIN, S. Th.  
D. & Prof. O.

*Juris consultus.*

LARS JOHAN COLLING, Juris Patrii & Rom.  
Prof. Reg. & Ord. Affessor Extr. Acad.  
Elect. Mog. Scient. Util.

*Medici.*

GUSTAVUS HARMENS, M. D. Med. & Phil. Ex-  
per. Prof. O.

EBERHARDUS ROSEN, R. C. M. Affessor: Med.  
Pract. Prof. O.

*Philosophi.*

SVEN BRING, Hist. Prof. Reg. O. & Ac. R. EE.  
LL. M.

JOHAN NELANDER, Jur. nat. & Moral. Prof.  
Reg. O.

Jo<sup>a</sup>

\*.) Hic nū fallor, ante aliquot menses mortuus est.

in Academ. Carol. Lundenſi. 175

LARS LIEDBECK, Matheſeos Prof. Reg. O.

SVEN J. MUNTHE, L. L. OO. & Græcæ Prof.  
Reg. O.

JOHAN CORYLANDER, S. Th. D. & Bibliothecarius.


LARS LAUREL, Phil. Theor. Prof. Membrum  
Acad. Scient. Suec.

JOHAN. H. BURMESTER, Eloq. & Poſeſeos Prof.  
O.

ERICUS GUSTAVUS LIDBECK, Hiſt. Nat. Prof.  
Reg. O. Director Plant. Scan. & mem-  
brum Acad. Scient, Suec.

CLAUDIUS BLICKERT TROZELIUS, Oecon.  
Prof. Reg. & O.

JONAS WÆHLIN, M. D., Regius Medicus &  
Chemiæ Prof. O.



# 176 Index Professorum Aboënsium



## VII.

### INDEX

### PROFESSORUM ACADEMIÆ

### ABOENSIS

#### *Theologi.*

SAMUEL PRYSS, S. Theol. D. & Prof. prim. & Archipræpositus.

JOHANNES TILLANDER, S. Theol. D. & Prof. O.

CAROLUS ABRAHAMUS CLEWBERG, S. Th. P. O.

#### *Juris Consultus.*

OLAVUS PRYSS, J. D. & Prof. O.

#### *Medicus.*

JOHANNES LECHE, M. D. & Prof. O.

#### *Philosophi*

ALGOTHS & SCARIN, Histor. & philos. Civilis Prof. O. nec non Acad. Bibliothecarius.

HENRICUS MASSEL, Eloquentiæ Prof. O.

CAROLUS MESTERTON, S. Th. D. & Philos. primæ & Rationalis Prof. Reg. & O.

PETRUS KALM, Oeconom. Prof. O. & horti Acad. Præfectus.

JACOB. GADOLIN, S. Theol. D. & Physices Prof. O.

ISAAC ROSS, S. S. Lit. Prof. Reg. O.

MARTINUS JOHANNES WALLERIUS, Mathef. Prof. Reg. & O.

PETRUS ADRIANUS GADD, Director Oecon. Reg. nec non Chemiæ Prof. O.

#### *Extraordinarii.*

WILHELMUS ROBERTUS NÆEF, S. Theol. Adjunctus & Poeseos Prof. Extra O.

JACOBUS J. HAARTMAN, Philos. & Hist. Litter. Prof. Reg. & Extra O.



## VIII.

VIII.

MAGNIS\*)

LITERARUM PATRONIS, HOSPITIBUSQUE

CVJVSQVŒQVE ORDINIS,

PATRIBUS ITEM AC CIVIBUS

ACADEMICIS ET URBICIS,

RECTOR ACADEMIÆ UPSALENSIS,

JOHANNES J. AMNELL,

GR. LIT. PROFESSOR REG. ORD.

S. ET O.

Pleraque licet vaga sint ac volatica in hominum ritibus, ut quos. non in secula aut lustra, sed in annos, in menses atque dies, desultoria levitate, mutari cernimus; sic tamen fateamur, oportet,

\*) Programmata hæc duo seq. satis ostendunt Reverendissimū quondam Episcopi, ANDRÆ KALSENII, nec minus Nobilissimæ ejus Conjugis ELISABETÆ LEMOINE insignia in Academiam Upsalensem, Sueciam, quin & in rem totius Christianæ Ecclesiæ merita. Dignissimus ergo erat, cui Summa Regis sententia nunquam intermorituram memoriam decerneret, & hunc in finem constituta Professio Theologica *Regia & Kalseniana* monumentum ære perennius erigeretur. Ita jam quotannis *Angli* suum celebrant BOYLEUM. & STOLPIUM suum

Bibl. Brem. Nov. Cl. III. F. I. M

Bel.

tet, tacito populorum consensu, quorundam sal-  
tim institutorum non æque commutabilem ac va-  
riam esse rationem: haut dubie, quod ista, præ  
ceteris, nullo non tempore sua commendarit &  
manifestior utilitas, & naturalis quasi condecen-  
tia. Quid justius, quidve consonum magis, quam  
ut civibus, de publica re immortaliter promeritis,  
quorumque insigniori operæ fructum etiam ube-  
rem acceptum relaturi sint posteris, suus post fata  
habeatur honos? Et quid ex usu magis esse possit,  
quam ut τὸ τῶν θανόντων γέρας conspicati, qui sunt  
in vivis, ad eximia defunctorum decora honeste  
æmulanda accendantur? Hinc est, quod non heri  
demum aut nudius tertius cœperit, nec vero de-  
fierit postmodo funebrium laudationum mos hone-  
stissimus. Ita prius multo in Hellade increbuisse  
ἐπιταφίης λόγους, quam quidem certior historia Græ-  
ca incipiat, nos edocet PHILOSTRATUS, quando  
in *Heroicis* suis, jam tum ætate belli Troici ritum  
huncce Grajis usitatum, *Mnesthei* confirmat exem-  
plo, *Ajacem* Telamonium funebri sermone cele-  
bran-

*Belga*, suumque *Sueci* gratissimo animo ΚΑΙ-  
SENΙUM venerantur. Celebrant itaque & hunc  
Virorum Pietate & Liberalitate illustrium  
*Ternionem* exteri, divitesque ἄλλοι sin-  
gularum gentium & provinciarum se pati-  
antur his exemplis, in omne ævum memo-  
randis, excitari, ut talibus vel similibus  
Institutis commoda sanctioris religionis,  
vel aliarum scientiarum, quin etiam Academi-  
arum aut scholarum promoveant, & ubi  
publici rerum gerendarum nervi deficiunt,  
veluti in terris truculento bello tot annos  
exhaustis, religioni, & Academiis Scho-  
lisque publicis munificentia sua succurrant.  
N. B.



brantis. Nec vero sine delectu singulari designatos olim in Græcia Rhetoras, qui sepulcorum hominum decora resque egregie gestas e cathedra suggestove decenter exponerent, annalium produnt monumenta. Sic apud *THUCYDIDEM*, in horum funere, qui bello ceciderant Peloponnesiaco, αἰὲρ ἡρμῆιος ὑπὸ τῆς πόλεως, ἐς αἰ γνάμη το δοκῇ μὴ ἀξύνιτος εἶναι, καὶ ἀξιώματι προήκη, λέγει ἐπ' αὐτοῖς ἐπαινοὺς τὸν πρέποιτα — προσλθὼν ἀπὸ τῶ ὄψιματος ἐπὶ βῆμα ὑψηλὸν πεποιημένον, ὅπως ἀκούοιτο ὡς ἐπιπλείστοι τῶ ὄμιλῳ. Grajorum discipulos atque imitatores Romanos haut fero eundem hunc adoptasse morem, satis commonstrat funebris in *Brutum* oratio *Valerii Poplicolæ*, quam in hujus vita memorat *PLUTARCHUS*. Et hac quidem ex parte adeo non leves mobilesque exstiterunt vel Græci deinceps ac Latini, vel, qui hodie florent, populi cultiores, ut, per tot secula, a majoribus ad festos nepotes derivatus hic mos, demumque & a gentibus, Christiana sacra amplexis, studiose servatus, apud nos perennet etiamnum, neque in posterum facile sit desiturus.

Quintus agitur annus, ex quo Reip. sacrae, civili, literariae, permultis Sibi nominibus jam diu devinctissimæ, supremum dixit vale, Deo reddendam pie placideque efflans animam, magnæ, dum vixit, in S: M R: M M: TEM fidei VIR, Vestmanorum ac Dalecarlorum EPISCOPUS, & Sacri Synedrii Arosiensis PRÆSES Celebratissimus, Reverendissimus DOCTOR, DOMINUS ANDREAS KALSENIUS; quem aliquanto post, in S. æde dictæ sedis Episcopalis honorificentissime tumulatum, inter acerbissimos planctus, uti par erat, dilaudare non prætermiserunt, indulgentissimo orbatæ Ephoro, Musæ Arosienses. Cum his paria omnino sensere Upsalenses nostræ, Magni VIRI in literatum orbem universum, atque in hanc inprimis

## 180 Programma Upsalense

mis Academiam; ingentia promerita per silentium veneratæ hætenus, nunc vero etiam palam loquunturæ; loquunturæ, inquam, in præsens, quæ, donec perstabit res Academica, loqui non abisset, quibus nos decedentes trademus lampada, Patrum Civiumque nostratum posteritas. Non meum est, huic perituræ tradere chartulæ vitam illustri *VIRI*, quam victuris literarum monimentis mandavere jam alii, alii mox mandabunt. Id unum, quod nunquam satis dicitur, ego nunc dicam: Hunc Nostrum non sibi vixisse ac suis, sed Patriæ, sed Ecclesiæ, sed Camenis; Quem & gravissimum Præfulem, causarumque Sui fori arbitrum, juris atque ordinis longe servantissimum, & bonorum artium æstimatorem ac Patronum munificentissimum, novimus omnes, qui domi nostræ non sumus hospites. Probe viderat prudentissimus *VIR*, nusquam defore Marones, ubi Mæcenates fuerint; nec vero cum ingenuis artibus harumque alumnis satis belle agi, si quando Pallas *laudatur & alget*. Hinc Ille non adprobatione sola, non consilio, non cohortatione monitove suo, (quamquam id etiam,) sed re sua, sed præsentissima ope, juvit Musas ac sublevavit. Ita suas illas Sætrenses acidulas Academicæ Regiæ Upsalensi proprias esse jussit Noster, una cum rei salutaris illic gerendæ nervo, pecunia videlicet, his, quibus opes fortuna, natura sanitatem corporis negavit, alendis curandisque pie dicata. Nempe, quum emissum jamdiu videret e Machaonum Upsalensium scholis numerosissimum examen Medicorum, Aulae Regiæ, provinciis, urbibus & agris, Academiis denique datorum; eorumque non jam in Belgio, sed in Svecia, in Academia patria, Doctoratus adeptorum insignia: his illius scientiæ incrementis nobiscum lætatus Noster, quam studiosissime id egit, ut, nova experiendi opportunitate concessa, apud nos  
& in

& in cœpto flore perfisteret, & ultra provehere-  
 tur ars medica. Nec tamen sibi judicavit satis **VIRI**  
 summe benefici pietas, quæ ad corporis valetu-  
 dinem conferant, studia insigniter promovisse, nisi  
 novo etiam, eoque maxime salutari instituto, gra-  
 viores sumtus suos requirente, mentis sanitati con-  
 sultum iretur. Ordinariam loquor **S. Theologiæ**  
**Professionem Regiam & Kalsenianam**, ab optimo  
**LEGATORE**, dum vita fuit, sapienter ordinatam,  
 & demum post **Ipsius excessum**, vergente superio-  
 ri anno, a **S. R. M. TE** clementissime confirmatam;  
 qua prænotiones Theologicæ adversum empæctas,  
 ratione vel plane non usos, vel abusos turpiter, sobrie  
 solideque vindicentur. Sed ea de réalias. Superest  
 unum, quod adjiciam. Ut propemodum non de-  
 siderent in vivis **VIRUM** hunc, ceteroqui multo  
 desideratissimum, nostræ Camenæ, superstes facit  
**VIDUA** Nobilissima, sui sexus rarum decus, **DINA**  
**ELISABET LEMOINE**; quæ a probata Sibi  
 voluntate morientis **MARITI**, vel gravioribus,  
 quæ ingruere dein videbantur, impedimentis, ne  
 transversum quidem unguem dimoveri se passa,  
 nulli curæ, sumtui nulli parcit, dummodo cum  
 suavissimo Coniuge, quemadmodum per omnem  
 vitam, ita post hujus etiam fata, unum penitus  
 atque idem sentire Sibi sit integrum. Quam-  
 obrem amborum **CONJUGUM** bene merentissimo-  
 rum cognatas sociare laudes, sui semper officii  
 noster ducet Helicon; Sed vero, quæ levissime  
 adtigi, copiose persequetur & ornate, delectus a  
 Senatu Academico Orator primarum in dicendo  
 partium, Isque futurus adeo, si quis alius, com-  
 munis nostri in Reverendiss. **b. m. EPISCOPUM**  
**amoris & observantiæ**, nunquam intermorituræ,  
 gravissimus facundissimusque interpres, Vir Maxi-  
 me Reverendus & Amplissimus, **Dn. Dr. MATTHI-**  
**AS ASP**, Reg. & Ordin. **S. Theol. Profess. Celeber-**  
**rimus;**

## 182 Programma Upsal. Primum.

rimus; publice dicturus pro rostris CAROLINÆ ædis, crastini diei hora X antemeridiana. Quam vellemus, ut in parentalibus hisce venerari coram liceret Academiae Regiæ CANCELLARIUM Illustrissimum, S. R. M. TIS Regnique Sviogoth. SENATOREM, Reg. Collegii Nomothetici PRÆSIDEM, R. R. que O. O. EQ. ac COMMEND. Excellentissimum COMITEM, DN. CAROLUM EHRENPREUS; Quem, præterquam quod Ipse fœvit in dies nostro bene facere Heliconi, paria suscipientibus aliis, inque his KALSENIANÆ liberalitati, maximum statuere pretium, nostrum neminem præterit. Cum vero nobis in præsens oporteat esse satis, vel absenti maximo Mæcenati nostro probari Musarum Upsalensium in beatos EVERGETÆ Manes pietatem; mirifice nos reficit concepta animis fiducia, fore, ut, quæ Tua erga τὸν Μανασίτην fuit amicitia, quæque in chorum nostrum est indulgentia singularis, Regni Sviogothici ARCHIEPISCOPE & Athenæi Regii PROCANCELLARIE Eminentissime, Reverendissime PATER, Dn. Dr. HENRICE BENZELI, sollemnibus hisce funereis magnus intersis Μουσικήταις. Te vero etiam, pro summa, qua in Parnassium agmen es, facilitate, GUBERNATOR Uplandiarum, ac R. O. de Stella Polari COMMENDATOR, Perillustis & Generosissime BARO, Dne CAROLE VON GROOTH; Vos item, cujuscunque dignitatis HOSPITES, illustrem ac perhonorificam præsentiam Vestram funebri huic officio commodetis, quam studiosissime rogo quæsoque. Vestram denique, PATRES Civesque, frequentiam, non est, quod sollicitus ambiam; ut quos, tacente me, pia caussa ad panegyryn hanc exsequialem per se sit invitatura. P. P, Upsalis, VI Maji, MDCCLV.





## IX.

LITERARUM PATRONIS,  
HOSPITIBUS,  
PATRIBUSQUE AC CIVIBUS  
ACADEMICIS ET URBIBUS

R E C T O R

ACADEMIÆ UPSALENSIS,  
JOHANNES J. AMNELL,

S. ET O.

Sanioris Philosophiæ in Theologia usus uti nullo non tempore longe patuit, ita longissime patet latissimeque nostro hoc seculo, quo quidem Divinissimam lacessunt veritatem solito plures adversarii, atque in his non modo quibus falsa, sed & quibus nulla est religio. Unde factum, ut, quæ prius etiam utilissima fuerunt sanctioris litteraturæ subsidia, nunc denique necessaria omnino evaserint. Est, quocum decertent hodie nostri, *Monstrum horrendum, informe, ingens, cui lumen ademptum*; idque, Lernææ instar hydræ, πολυκέφαλον. Atheismus utpote, cum ceteris in confinio positus erroribus. Sunt vero etiam ex hostibus, qui eximie liberales sibi videantur, quando existere Deum ita largiuntur, ut Divinam rerum omnium conditarum curam & custodiam vel pernegent, vel certe vocent in dubium; Deistæ, Fatalistæ, neque multum ab his recedentes quidam διεισδυτικοί. Accedunt Irreligionarii non unius generis,



ris, & Antiscripturarii; Naturalistæ item, qui rationem Divinarum rerum faciunt reginam, quique ne famulam quidem esse sinunt, Pictistæ & Herrnhutiani. Denique sunt, qui in amplectendis erroribus ita cunctentur, ut interim æque dubia iisdem sit ipsa veritas; Scepticos loquor, quique, his fere vicini, religionum *ἀδιαφορίαν* irreligiose tuentur, & cogitandi libertatem licentiose crepant, Indifferentistas. Taceo reliquam Fanaticorum turbam ac Pseudochristianorum,

- - *non mihi quos numero comprehendere fas est.*

Ergo quis ambigat, quin sanctiorum literarum alumni, ut ad Theologicas *ἀκροασεις* veræque religionis vindicias rite accingantur, multa opus sit præparatione in his potissimum partibus, quæ demonstrandæ religionis Christianæ veritati viam aperiant, & instar fundamenti reliquam piorum dogmatum molem sustineant? In explanandis ejuscemodi veritatibus sitæ sunt *Prænotiones*, quas vocant, *Theologica*, superioris quidem ævi doctoribus haut neglectæ, sed recenti demum ætate operosius excultæ a summis magistris, qui, compendiaria & generali Theologiæ revelatæ protheoria, systematis jam diu præmitti solita, non contenti, prænotiones illas in justæ scientiæ formam redigere cœperunt. Quod quidem institutum ita se probavit jam pridem Civi inter Britannos nobili ac præclare docto, ROBERTO BOYLE, eximio sui sæculi suæque gentis ornamento, ut de suo ære annum stipendium liberalissime addiceret Theologo, octo quotannis habituro lectiones, quibus Christianæ religionis veritas adversum Atheos, Paganos, Judæos, Muhammedanos, cet., adfereretur: id quod præstitit egregie, cui muneris hoc datum erat, Vir percelebris, RICHARDUS BENTLEY, cujus de *Stultitia Atheismi* conciones octo, MDCXCII recitatæ, & Anglorum vernacula, & per interpretes, Latina

tina aliisque dein linguis, non sine magno eruditum adplausu, in lucem prodire. Ceterum BOYLEO nec sincera pietate, nec serio disciplinæ sanctioris provehendæ nisu, nec verò munificentia insigni concessit Reverendissimus b. m. Episcopus Arosiensis, Dn. Dr. ANDREAS KALSENIUS, Academiæ Regiæ Upsalensi amplissimam legans pecuniæ summam, unde annum redeat salarium novo Professori Theologo, prænotationibus, quas dixi, quæque ex his pendent, veræ religionis adversum tot hostes vindiciis, peculiarem datur operam. Ut vero Magni hujus Viri supremæ voluntati, bonis piisque omnibus acceptissimæ, primo quoque tempore fieret satis, incredibili studio egit Vidua Conjux Nobilissima, & Ea quidem liberalissimi pientissimique Mariti æmula, Dna ELISABET LEMOINE; Cujus devotissimis precibus id Clementissime dedit S. R. M: Tas, ut ex hoc tempore Facultati Theologicæ Upsalensi accedat novus ille *Professor Ordinarius Regius & Kalsenianus*, cui communia jura sint ac privilegia cum ceteris ejus Facultatis ad hanc Academiam, Regia constitutis auctoritate, Doctoribus publicis: idque ea lege, ut non stata solum hora in acroaterio Academico prænotationes Theologicas publice tradat, sed & opusculum aliquod, prælectionum suarum argumento lucem feneraturum, in annos singulos typis divulget. Huncce in modum, posteaquam de novo instituto sentia sua subjectissime aperuerat jussus Academiæ nostræ Senatus, Clementissimeque super hæc admissum erat consilium Cancellarii ad Regiam hanc Academiam Illustrissimi, S. R. M:is Regnique Senatoris, Reg. Collegii Nomothetici Præsidis, O. O. que R. R. Eq. & Commendat. Excellentissimi Comitibus, DNI CAROLI EHRENPREUS, Qui neque heic ardentiori suo de Academia immortaliter promerendi studio deesse

*Bibl. Brem. Nov. Cl. III. F. I. N*      fe

## 186 Programma Upsalense

se voluit; S. R. M. sententia Clementissime lata d. XX Decembr. superioris anni, æternam esse jussit B. Legatoris memoriam, quam tradat posteris *monumentum ære perennius*, Professio Theologice Regia & Kalseniana. Id vero minime silendum, quod, cum S. R. M. Nobilissimæ Kalsenice Viduæ Clementissime jus concessisset & facultatem novum hunc Professore Theologum denominandi, Hæc, supremo b. Conjugis desiderio convenienter, devotissima commendatione sua muneri huic admovendum voluerit illum, quem quidem ipsum, tamquam multiplicibus conspicuum promeritis, atque ad hæc inprimis nova munia datum factumque, non potuisset non subjectissime commendare Senatus Academicus, si suarum id jam fuisset partium. Virum loquor Maxime Reverendum Amplissimumque, Philosophiæ Theoreticæ in Academia nostra hucusque Professore, Dn. Dr. NICOLAUM WALLERIUM; quem diplomate Clementissime dato d. XIV Jan. hujus ineuntis anni novam arduamque provinciam illam adire jussit PATRIÆ PATER *Augustissimus, Serenissimus Princeps*, ADOLPHUS FRIDERICUS, Suegothorum REX Potentissimus. Itaque, quod tum Christiano cœtui, tum literato orbi universo, tum vero inprimis Ecclesiæ & Academiæ patriæ felix sit, auspiciatum & salutare! primi Professoris REGII & KALSENIANI inaugurandi sollemnia indicturus, Vobis, Patres Conscripti, veteranum sisto Collegam exploratissimæ fidei, WALLERIUM Nostrum; cumque Philosophum pariter ac Theologum, editis compluribus limatissimi ingenii monimentis, domi forisque celeberrimum: qui, posteaquam scientias Philosophicas, quæ novo muneri jam capeffendo necessarium substernunt fundamentum, mira cum laude sua, novennium hec tradidit, jam demum in Theologorum referendus


dus ordinem. latioreni campum pristinis, deliciis,  
 in multiplicem cœtus Christiani usum converten-  
 dis, apertum post hæc inveniet. Quæ vero duce  
 optimo jam diu gavisa es, Lectiss. Juventus Aca-  
 demica, in posterum quoque veterem agnosces Ma-  
 gistrum, veritates, quas de rebus Divinis & sana  
 ratio suggerit & sanior revelatio, junctim Tibi-  
 met inculcaturum. Quum autem in eo jam sit,  
 ut nova adeat munia Vir Maxime Reverendus, de-  
 signatus S. Theologiæ Professor Ordinarius Regi-  
 us & Kalsenianus, crastinæ lucis hora X anteme-  
 rid. in acroaterio majori Carolino, pererudita ora-  
 tione, *naturalismo* *pro de Christianorum* iturus obvi-  
 am; qua decet, animi reverentia abs Te petimus,  
 Reverendissime Pater, Regni Sviogoth. Archie-  
 piscopo & Regii hujus Lycei Procancellarie Emi-  
 nentissime, Dn. Dr. HENRICE BENZELI, digneris  
 pro singulari, quo & in saluberrimum illud no-  
 strum, Professionis institutum, & in Theologum pariter  
 nostrum, ferri Te novimus, studio & favore, exo-  
 ptatissima præsentia Tua huic panegyri præcipuum  
 decus addere. Tu quoque, Liber Baro Perillustris  
 & Generosissime, Gubernator Uplandiarum, &  
 R. O. de Stella Boreali Commendator Splendidis-  
 sime, Dnè CAROLE VON GROOTH, quæ Tua est  
 in Helicon nostrum, & in Celeberrimum WAL-  
 LERIUM, propensior voluntas, hisce interesse  
 velis sollempnibus, qua par est, observantia rogo  
 atque obtestor. Vos itidem, cujuscunque lociat-  
 que ordinis Hospites, Patres item ac Cives Aca-  
 demici & Urbici, faciles Oratori nostro ac fre-  
 quentes adeste. Ille vero etiam, perorata gravi  
 causâ, omnibus ac singulis nostrum vota præbit  
 ardentissima, pro Patria, PATRIÆQUE PA-  
 TRE & MATRE Clementissimis, itemque pro  
 AUGUSTA DOMO. junctis animis nuncu-  
 ganda. P. P. Upsalis, VIII Maji, MDCCCLV.



## X.

MUNIFICENTIA NOBIL. ET AMPLISSIMI  
 PETRI MOGGII,  
 DOMINI IN RENESSE,  
 DUM VIVERET, NOMINE NOBILISSIMORUM  
 ET PRÆPOTENT. ORDINUM ZELANDIÆ  
 AD POTENTISSIMOS ORDINES  
 FŒDERATI BELGII DELEGATI,  
 LAUDATA.

Insigniorem Excellentissimi MOGGII Liberalitatem & Munificentiam, propensiusque Ipsius studium haud exiguum divitiarum Illi concessarum partem conferendi in emolumentum Reipublicæ, cujus ex primariis Civis fuit, Sacræ & Litterariæ vel Civilis, hac occasione, post laudatam *Kallenii* Liberalitatem. silentio penitus præterire nefas foret. Is enim ante paucos annos ad hos similesve usus, instituto in omne ævum memorando, exære suo, nî fallor, Summam 420000 florenorum Belgicorum legavit, commisitque Instituti hujus laudandi rationem & curam Nobilissimis & Præpotentibus Zelandiæ Ordinibus. Habent igitur *Zelandi* mei inter majores suos MOGGIUM; Virum munificentissimum, Ternioni Virorum Liberalissimorum, præcedentibus Programmatis memoratorum, omnino æquiparandum, & jure meritoque associandum, cujus insignia hac in parte promerita quotannis celebrent. Quid de liberalissimo hoc legato *Moggiano* statuerint, Nobilissimi & Præpotentes negotii hujus arbitri, nondum in comperito est; quamprimum autem id rescivero, L. B. communicabo. N. B.





# BIBLIOTHECA

BREMENSIS

## NOVA

HISTORICO-PHILOLOGICO.

## THEOLOGICA

---

- CLASSIS TERTIÆ  
*FASCICVLVS SECVNDVS.*

---



*BREMÆ & AMSTELODAMI*

Sumptibus Bibliopolarum

G. W. RUMPII & H. VIEROOT.

MDCLXIII.



THE UNIVERSITY OF CHICAGO

LIBRARY

500 EAST 57TH STREET

CHICAGO, ILL. 60637

TEL. 733-4131

1000

1127000

1000

1127000

1000

1127000

**VIRO  
VENERABILI  
HERMANNO VENEMAE**

**THEOLOGO FRANEQUERANO**

**ET**

**HISTORIAE ECCLESIASTICAE  
PROFESSORI CELEBRATISSIMO,**

**CUI**

**QUAM MULTA DEBEANT**

**HISTORIA SACRA ET PROFANA,**

**VATICINIORUM SACRORUM**

**LIMATIOR EXEGESIS**

**ET**

**CRITICA SACRA,**

**AUCTORITATEM HUMANAM EXUENS,**

**ET NON MINUS SUPERSTITIONI**

**QUAM PROTERVÆ LIBERTATI**

**MODUM PONENS,**

**HAUD IGNORAT ORBIS LITTERATUS,**

**OCTAVUM HUNC**

**BIBLIOTHECÆ**

**BREM. NOVÆ**

**FASCICULUM**

**SACRUM FACIT,**

**PRO**

PRO LUMINE MANIFESTO,  
QUO  
CANTICA PSALMORUM,  
ET VATICINIA IACOBI,  
DANIELIS ET MALACHIAE  
COLLUSTRAVIT,  
PUBLICE GRATIAS AGIT,  
UTQUE NON SOLUM  
COMMENTARIIS,  
QUI IAM PRELA EXERCENT,  
IN RELIQUOS PSALMORUM  
ET IEREMIAE LIBROS,  
SED ETIAM  
ALIIS QUAMPLURIMIS SCRIPTIS,  
ORACULA DIVINA ILLUSTRANTIBUS,  
VEL HISTORIAM SACRAM  
DILUCIDIUS EXPONENTIBUS  
ORBEM CHRISTIANUM  
SIBI DEVINCIRE PERGAT,  
ET, SI POTE,  
EX DIVITE QUOQUE SUA PENU  
BIBLIOTHECAE HUIC  
FAVEAT,  
CUM VOTO  
OMNIGENAE FELICITATIS,  
ENIXE ROGAT

EDITOR.

ELENCHUS  
OPUSCULORUM  
FASCICULI SECUNDI  
CLASSIS TERTIÆ.

I. ELIÆ PALAIRET, *Continuatio Aucto-  
rum Sacrorum Classicorum*, & quidem  
MATTHÆI pag. 189.

II. JOANNIS CHRISTOPHORI HAREN-  
BERGII, *Spicilegium Primum ad  
Diatriben de Pericopis Biblicis recte  
constituendis.* pag. 239.

III. EIUDEM *Spicilegium Alterum*  
pag. 284.

IV.



IV. HENRICI HEISEN, *Professoris*,  
*Bibliothecarii & Pædagogiarcbæ Bre-*  
*menfis*, dissertatio philologica prior,  
*qua το εκ πίστεως Paulo, cæterisque Pri-*  
*mis Evangelii Præconibus, το δε eis*  
*πιστιν eorum Auditoribus vindicatur.*

pag. 334.

V. BENIAMINIS KENNICOTT, *Relatio*  
*de Collatione Hebraicorum Codicum*  
*Manuscriptorum Veteris Testamenti.*

pag. 380.



L. ELIÆ



I.

ELIAE PALAIRET,  
CONTINUATIO  
AUCTORUM SACRORUM  
CLASSICORUM

ET QUIDEM  
*MATTHÆI.*\*)



ap. IX. v. 2. Καὶ ἐμβαῖς εἰς τὸ πλοῖον.) *Polyæn.* l. I. p. 60. Εἰς τὰς τριήρεις ἐμβαίνειν. *Triremem conscendere.* Et Incertus Auctor in *Antholog. Gr.* l. 2. c. 13. epigr. 22. p. 260. Εἰς πρεσβύτερον ἐμβαίνει. *Navem trajēctoriam conscendit.*

Vj.

\*) V. Fasciculi præcedentis p. 128.

*Bibl. Brem. Nov. Cl. III. F. II.* O

Vf. 11. Διάτι μετὰ τῶν πλυνῶν - - ἐοῦται ὁ διδάσκαλος ὑμῶν;) Non tantum apud Judæos, sed etiam apud Græcos aliosque male audiebant *Publicani*. Unde *Musonius* apud *Stobæum* Serm. 16. p. 58. narrat, Theocritum, cum rogaretur, quænam essent sævissimæ feræ, respondisse: Ἐν μέν τοις ὄρεσιν ἄρκτοι καὶ λέοντες. ἐν δὲ ταῖς πόλεσιν πλυναὶ καὶ συκοφάνται. *In montibus quidem ursi & leones, in urbibus vero publicani & sycophantæ.*

Vf. 12. Οὐ χρεῖαν ἔχουσιν οἱ ἰσχυρόντες ἰατροῦ.) *Diodor. Sicul. l. 5. p. 315. ἐπερωτῶσι τίνες εἰσι, καὶ τίνων χρεῖαν ἔχουσιν. Sciscitantur, qui sint, & quibus opus habeant.* Item *Diogen. Laërt. l. 2. c. 12. Δοκεῖς μοι χρεῖαν ἔχειν ἱματίῳ καινοῦ. Videbis mihi opus habere veste nova.* Deinde verbum ἰσχυεῖν, est *Bene valere*, & opponitur τῷ Κακῶς ἔχειν. *Hippocrat. aphor. Sect. 2. §. 8. Ἦν ἐκ νόσου τροφὴν λαμβάνων τις μὴ ἰσχύη, σημαίνει ὅτι πλεονετροφῇ πὲρ σώμα ἐνδέεται. Si a morbo cibum quis capiens, non bene valeat, indicat copiosiori cibo corpus indigere.*

Vf. 13. Ἐλεον θέλω, καὶ οὐ θυρίαν.) Ver-te, *Misericordiam gratam acceptamque habeo, sed non Sacrificium.* Primo verbum θέλειν eo sensu occurrit apud *Athenagoram* p. 5. Θυσίας καταγουσιν. αἳ ἂν ἐθέλωσιν ἀνθρώποι. *Victimas offerunt; quas gratas acceptasque babuerint homines.* Deinde καὶ ἐν, pro

pro *sed non*, etiam occurrit apud alios. Sic  
*Muscæus* vs. 232.

- - Ἦδη κυανόπεπλος ἀνέδραμε νυκτὸς ὁμίχλη.  
 Ἀνδρασιν ὕπνον ἄγουσα, καὶ οὐ πιδέοντι Λεάν-  
 δρω.

- - *Jam atrata cucurrit noctis caligo*  
*Viris somnium afferens, sed non amanti*  
*Leandro.*

Ceterum pulchre in legibus suis obser-  
 vat Pythagoras, notante *Diodoro Siculo* l.  
 12. p. 491. *incolas debere inter alia ἔχειν δέ*  
*καὶ τὴν ψυχὴν καθαρὰν πάσης κακίας, ὥς τῶν θεῶν οὐ*  
*Χαιρόντων ταῖς τῶν πονηρῶν θυσίαις πὲρ δαπάναις,*  
*ἀλλὰ ταῖς τῶν ἀγαθῶν ἀνδρῶν δικαίαις πὲρ κα-*  
*λῆς ἐπιτηδεύσεσι; habere quoque animos ab*  
*omni vitiorum labe purgatos; Siquidem Dii*  
*non sacrificiis ἔ' impensis pravorum, sed ju-*  
*stis ἔ' honestis bonorum virorum moribus gau-*  
*deant.*

*Vs.* 15. Ἐφ' ὅσον.) χρόνον addunt ex me-  
 ra ellipsis restitutione varii *Codd.* Sic *Phi-*  
*lostrat.* vita *Apoll.* l. 2. p. 61. Ἐφ' ὅσον τῷ  
 ἀνθρώπῳ δοκεῖ. *Quamdiu homini placet.* Et  
*Achill. Tat.* l. 5. p. 295. Ἐφ' ὅσον ἡ ψυχὴ  
 καλεῖται. *Quamdiu anima ferverescit.*

*Vs.* 18. λέγων. ὅτι ἡ θυγάτηρ μου ἄρτι ἐτε-  
 λεύτησεν.) Frequenter Ὅτι post *Dicendi*  
 verba redundare solet: sic noster c. 9. vs. 33.  
 Λέγοντες. ὅτι οὐδεποτε ἐφάνη οὕτως ἐν τῷ Ἰσραὴλ.  
 Item *Marci* c. 1. vs. 15. καὶ λέγων. ὅτι πε-

πλήρωται ὁ καιρὸς. Et vs. 37. & 40. Adde c. 3. vs. 11. & 21. Similiter *Diodor. Sicul.* l. 14. p. 660. Εἰσαχθέντες δ' εἰς τὸ συνέδριον εἶπον, ὅτι λέγει βασιλεὺς Ἀρταξέρξης. *Introducti autem in senatum dicunt, dicit rex Artaxerxes.*

Notandum turpiter se dare plerasque versiones, vertentes τὸ ἑτελεύτησεν, *Mortua est.* Eam autem non mortuam fuisse, patet ex *Marci* c. 5. vs. 23. ubi puellæ pater dicit, ὅτι πρὸ θυγάτριόν με ἐχάτως ἔχει. Vertendum igitur ἑτελεύτησεν, *In moriendi periculo est.* Sæpius hæc *Periculi* notio obtinet in verbis. Sic *Matth.* c. 8. vs. 25. Ἀπολύμεθα. *In pereundi periculo sumus:* ubi, quæ dedimus, vide sis. Item *Lucæ* c. 5. vs. 6. Διερχόμενοι. *In rumpendi periculo erant.* Et c. 8. vs. 42. Ἀπεθνήσκειν. *In moriendi periculo erat.* Idem apud profanos Auctores in usu est. i. *Maccab.* c. 1. vs. 5. de *Alexandro:* Ἔγνων ὅτι ἀποθνήσκει. *Novi, quod in moriendi periculo sit.* Adde *Cicer.* de *Div.* l. 2. c. 66. *Quum Ptolomæus familiaris ejus in prælio telo venenato ictus esset, eoque vulnere moreretur. i. e. in moriendi periculo esset.*

Vs. 21. Σωθήσομαι.) Sc. ἐκ τῆς νόσος. *Diodor. Sicul.* l. 1. p. 30. de *Iside* loquens, observat multos a medicis, propter morbi difficultatem desperatos, ὑπὸ παντὸς σώζεσθαι.

Sc.



Sc. ἐκ τῆς νόσου. *Illius ope liberari.* Sc. a morbo. Plenius Id. ibid. p. 93. Ὑπὲρ τῶν παιδίων - ἐκ τῆς νόσου σωθεντων. *Pro liberis - a morbo liberatis.*

Vf. 35. Ἐν τῷ λαῷ.) *Perperam in aliis Codd. omittitur illud ἔν.* Denotat *Coram.* Sic *Dio Cassius* l. 54. p. 260. λέγω δὲ ἐν εὐδοσίῳ. *Loquor enim coram consciis.*

Cap. X. v. 1. Ἐξουσίαν πνευμάτων.) h. c. *Potestatem in Spiritus.* Citra necessitatem varii *Codd.* κατὰ πνευμάτων legunt. Eodem modo loquuti sunt *Veteres.* *Herodian.* l. 5. p. 248. τὰς τῶν ἔθνων ἐξουσίας ἐνεχείρισε. *Populorum potestatem tradebat.* & l. 3. p. 144. Διελών - τὴν τοῦ ἔθνους ἐξουσίαν. *Dividens gentis potestatem.*

Vf. 8. Δωρεὰν ἐλάβετε, δωρεὰν δότε.) *Xenoph. Ephes.* l. 1. p. 20. Δυνησόμεθα δὲ αὐτοὺς - λαβεῖν δωρεὰν. *Hos poterimus - accipere gratis.* Adde *Dionys. Halicarn.* l. 4. p. 206. τὴν δὲ Ὀχρίσιαν - δίδωσι δωρεὰν τῇ ἑαυτοῦ γυναικί. *Ocrisiam vero - dono dedit uxori.*

Vf. 16. Ἐγὼ ἀπέπεμψα ὑμᾶς - ἐν μέσῳ λύκων.) *Pro eis μέσον.* *Exempla jam dedimus;* Quibus adde *Ammonium* vita *Aristot.* p. 2. Στελλεται ἐν Ἀθήναις: *pro eis Ἀθήνας.* *Venit Athenas.* Id. p. 4. Ἐπανέρχεται - ἐν Μακεδονίᾳ: *pro eis Μακεδονίαν.* *Redit*

in Macedoniam. Plura qui velit, adeat cl. Schraderum ad Musæum p. 266.

Vs. 17. Ἀπὸ τῶν ἀνθρώπων.) Optime vidit Lucas Brugens. τῶν poni pro πύτων: Ab his hominibus. Sic Matth. c. 27. vs. 28. Ἀπὸ τῶν δύο. h. e. πύτων, inquit Schmidius. Similiter πύς pro πύτης occurrit apud Aristoph. Avib. p. 560.

Καίνα πυθώμεθα πύς δέ, τίνας ποτε,

Καὶ πύθεν - - -

Et interrogemus hos, quinam sint,

Et unde - - -

Vs. 22. Ἔσεθε μισούμενοι ὑπὸ πάντων.) Aelian. var. hist. l. 10. c. 22. Μισηθεῖς ὑπὸ Ἀλεξάνδρου. Alexandro invisus. Et Euripid. in Jone v. 596.

- - - Τῶν μὲν ἀδυνάτων ὑπὸ

μισησόμεθα - - -

- - - A tenuioribus quidem

Odio habebimur - - -

Vs. 23. Ὅταν δὲ διώκωσιν ὑμᾶς.) Egregie vim verbi διώκειν post Erasim. Schmid. ex Herod. enucleavit cl. Rabbelius, qui ostendit, significare, aliquem eo adigere, ut urbem relinquere, & in exilium abire cogatur. Sic Polyæn. l. 5. p. 455. Οὕτω τοὺς βλασφημοῦντας μαθῶν, οὓς μὲν ἀπέκτεινεν, οὓς δὲ ἐδίωξεν. Ita cognitis obtrectatoribus, hos interfecit, illos exilio mulctavit. Id. l. 8. p. 759. Παῖμαί τοι Κορίθ-  
λανον

ῥανον ἰδίωξαν. *Romani Coriolanum exilio mul-*  
*stavunt.*

Vs. 21. Καὶ μὴ φοβηθῆτε ἀπὸ τῶν ἀποκτεινόν-  
των - - τὸν δυνάμενον ἢ ψυχὴν καὶ σῶμα ἀπο-  
λέσαι.) Simile ferme quid de *Furiis* dici-  
tur apud *Dionys. Halicarn.* l. 8. p. 507. ubi  
Coss. aliquis Romanorum dicit: *Credo ter-*  
*ribiles istas Furias, quæ, ut tu quoque, Mi-*  
*pnuci, monuisti, facinorosis sunt implacabi-*  
*les, τότε μοι παρακολουθήσιν, ψυχὴν τε καὶ σῶ-*  
*μα αἰκίζόμενας: Tunc me subsecuturas esse,*  
*ut animam & corpus excrucient, si prodide-*  
*ro eos, qui me servarunt.* Priorem phrasin  
habet *Theophrast.* charact. c. 26. φοβῆται  
ἀπὸ ἐνυπνίου τις. *Metuit sibi ab aliquo somnio.*  
Sic & *Catullus* carm. 16. v. 9. *Verum a te*  
*metuo.*

Vs. 29. Ἄνευ τοῦ πατρὸς ὑμῶν.) *Homer.*  
*Odyss.* ο vs. 300. Οὐκ ἄνευ θεοῦ ἔπτατο δέξιός  
ἄρως. *Non sine Dei nutu volavit dextera avis.*  
Adde *Aeschyl.* *Perf.* vs. 164.

Ὅν (ὄλβον) Δαρείος ἤεν οὐκ ἄνευ θεῶν πνὺς.  
*Quam (felicitatem) Darius intulit non*  
*sine Deorum alicujus nutu.*

Vs. 30. Ἡριθμημένοι εἰσι.) *In numero*  
*sunt.* h. e. *Curæ cordique sunt.* Sic *Dio*  
*Cassius* l. 56. p. 587. ἐπίγει ὁ συνάραχον αὐτοῦ  
Γαῖος Καπίτων ἢ πάνιν τεχνάδως ἠριθμεῖτο. *Quan-*  
*doquidem ipsius collega Cajus Capito tantum*

*obiter curabatur.* Eodem sensu occurrit τὸ ἐναριθμεῖσθαι apud *Euripid.* Oreste vs. 622.

Εἰ τοῦ μόν' ἐχθρὸς ἐναριθμῇ.

*Si meam inimicitiam curas.*

ubi *Schol.* ἐναριθμῇ) ἀντί τοῦ φροντίζῃ, καὶ ἐν φροντίδι ἔχει. Hinc Ἀνήριθμος *Is est, qui non curatur, qui despectus est,* apud *Sophocl.* Aj. flag. vs. 607. Μίμνω ἀνήριθμος: Ubi *Schol.* ἀνήριθμος) ἐν οὐδενὶ ἀριθμῷ πατρί-  
μενος, ἀλλὰ παρερίμμενος.

*Vs. 35.* Διχάσαι ἄνθρωπον κατὰ τοῦ πατρὸς αὐτοῦ.) Quis non ridet plerasque Versio-  
nes vertentes τὸ ἄνθρωπον per hominem? Au-  
titheſis verborum ostendit esse *filium.* Ita  
quoque hæc vox occurrit apud τοὺς LXX.  
*Deuter.* c. 22. vs. 30. Οὐ λήψεται ἄνθρωπος  
τὴν γυναῖκα τοῦ πατρὸς αὐτοῦ. *Non capiet filius*  
*uxorem patris sui.* Et *Sirach* c. 3. 13. Ἦγά-  
ρ δέξαι ἀνθρώπου ἐκ πρὸς πατρὸς αὐτοῦ. *Gloria*  
*enim filii ex honore patris sui est.*

*Vs. 39.* Ὁ εὐρὼν τὴν ψυχὴν αὐτοῦ ἀπολέσει  
αὐτήν.) Primo notandum verba Ὁ εὐρὼν,  
non solum esse vertenda, *qui servaverit,*  
sed etiam pressius, *qui servare voluerit,* ut  
pater ex *Marci* c. 9. vs. 35. quæ *Volendi*  
significatio in aliis quoque verbis obtinet.  
Sic *Matth.* c. 26. vs. 18. Ποιῶ τὸ πάσχα, *Vo-*  
*lo celebrare pascha.* Item c. 13. vs. 58. Οὐκ  
ἐποίησεν, *Noluit facere.* Et c. 3. vs. 14. Διε-  
κώλυεν, *Prohibere volebat.* Adde *Ioann.* c. 9.

VS.

vs. 27. Καὶ οὐκ ἤκούσατε, *sed nolulistis intelligere.* Sic & apud Sophocl. Aj. frag. v. 1147.

Δίκαια γὰρ τὸν δ'εὐτυχῆν κτείναντά με;

*Æquumne est, ut is, qui me occidere voluit, prosperet?*

Item Sophocl. Trachin. vs. 1210. οἶα μ' ἐργάσαι; *Qualia mihi facere vis?* Pater ex Schol. ἐργάσαι) θίλεις ἐργάσασθαι. Denique Lucan. l. 1. vs. 351.

*Detrahimus dominos urbi servire paratæ;* ubi appositissime Scholiast. exponit *Detrahere* per *Detrahere* volumus. Denique phras. ἀπὸ λύνειν ψυχὴν reperitur apud Aebill. Tat. l. 3. p. 213. ἵνα μὴ τὴν ψυχὴν μόνον ἀπλῆσῃ, ἀλλὰ καὶ τὴν ταφὴν. *Ut non solum animam amitteret, sed etiam sepulturam.* Ita quoque Plaut. Amph. act. 1. Sc. 1. v. 85. *Animam amittunt, priusquam demigrent loco.*

Vs. 41. Μισθὸν - - λήψεται.) Dionys. Halicarn. l. 2. p. 106. Μισθὸν τῆς προδοσίας λαβοῦσα. *Mercede proditionis accepta.* Et Antipbilus in Antholog. gr. l. 3. c. 10. epigr. 5. Ὅφρα λαβοῖ μισθὸν ἐφημέριον. *Ut accipiat mercedem diurnam.*

Cap. XI. Vs. 4. Εἶπεν αὐτοῖς. πρὺθέντες ἀπαγγεῖλατε τῷ Ἰωάννῃ ὃ ἀκούετε καὶ βλέπετε.) Simile ferme quid dicit Scipio apud Polyæn. l. 8. p. 727. Cum comprehendisset aliquot Carthaginensium speculatores, eos more Romano plectere noluit, sed exercitum



universam circumire jussit ; quo facto, ἀπαγγείλατε, εἰπὲν, ἃ παύσατε, πρὸς τὸν πέμψαντα ὑμᾶς. *Renunciate, inquit, ea quæ vidistis, ei qui vos misit.*

*Vs.* 7. ἤρξατο - - λέγειν.) Pro ἔλεγε, *Dicebat.* Solet ita plus vice simplici verbum ἄρχεσθαι ante aliud verbum redundare. Vid. c. 12. v. 1. Καὶ ἤρξαντο τίλλειν, pro καὶ ἐπύλον, c. 16. v. 22. ἤρξατο ἐπιτιμᾶν, pro ἐπιτίμησε. *Marc.* c. 6. v. 7. Καὶ ἤρξατο αὐτοὺς ἀποσείδειν, pro καὶ αὐτοὺς ἀπέσειδεν. *Luc.* c. 3. v. 8. μὴ ἄρξῃτε λέγειν, pro μὴ λέγετε. *Joann.* c. 13. v. 5. ἤρξατο νίπτειν, pro ἐνίπτειν. *Actor.* c. 1. v. 1: Ὃν ἤρξατο - - ποιῆν καὶ διδάσκειν, pro Ὃν ἐποίησεν καὶ ἐδίδασκεν. cf. c. 18. v. 26. c. 19. v. 8. Similiter apud τοὺς LXX *Genes.* c. 2. v. 13. Ὃν ἤρξατο ὁ θεὸς ποιῆσαι, pro ἐποίησε. *I. Paralipom.* c. 1. v. 15. Οὗτος ἤρξατο εἶναι γίγας, pro ἦν γίγας. Idem apud Latinos obtinet. *Phædr.* 1. 2. 25. *Corripere cepit singulas :* pro *Corripuit.* Et *Terent. Andr.* 5. 1. 2. *Satis periculi cæpi adire :* pro *adii.*

*Vs.* 10. Ὃς κατασκευάσει τὴν ὁδὸν σου.) *Diodor. Sicul.* 1. 2. p. 128. Κατασκευάσει ὁδοὺς πολυτελεῖς. *Paravit vias magnis impensis.* Item *Libanius* epist. 62. p. 32. Κατασκευάζων ὁδὸν τινα βαρὺθροῦ χαλεπωτέραν. *Parans viam barathro tristiores.*

*Vs.* 12. ἀρπάζουσιν αὐτήν.) *Dionys. Halicarn.* 1. 1. p. 81. Ταῖς ἀρχαῖς ἀρπάζοντες μάλλον

λοι ἢ λαμβάνοντες. *Imperium rapientes magis quam accipientes.* Et *Appian. Alexandr. de bel. Syr. p. 187.* Τῆς αἰχῆς ἀρπαζομένης ὑπὸ ἀλλοτρίων. *Imperio ab alienis rapto.*

*Vs. 18.* Ἦλθε γὰρ Ἰωάννης μὴτε ἐθίων, μὴτε πίνων.) *Pro Ἰωάννης γὰρ μὴτε ἔθιεν, μὴτε ἔπινεν.* Iam ostendimus verbum ἔρχεσθαι quandoque redundare. Sic apud *Dion. Cass. l. 48. p. 362.* αὐτὸν τε ἐκείνον παρ' ὀλίγον ἤλθον ἀπεχρήσασθαι: *pro παρ' ὀλίγον ἀπεχρήσαντο.* *Ipsum parum absuit quin interficerent.* Adde *Nicarchum in Antholog. Gr. l. 2. c. 6. epigr. 5.*

Εἰς Ῥόδον εἰ πλεῖστοι τις Ὀλυμπικοὶ ἤλθον ἐρω-  
τῶν.

*pro ἐρώτησε. Rhodum an navigaret aliquis Olympicum interrogavit. Similiter Sedulius carm. l. 2.*

- - - *Agnus*

*Ecce Dei veniens peccatum tollere mundi: pro tollens. Sic ibis carpere, pro Carpes dixit Propert. l. 6. 33.*

*Seu pedibus terras, seu pontum carpere remis*

*Ibis, & accepti pars eris imperii.*

*Vs. 25. Νηπίοις.) Sc. τέκνοις. Plene Dionys. Halicarn. l. 2. p. 110. ἔχουσιν - - τέκνα νήπια. Habentes - - infantes liberos. Et Homer. II. ζ. vs. 94. Αἶκ' ἐλεήσει - - νήπια τέκνα. Si miserata fuerit - - infantes liberos.*

*Vs.*

*Vs.* 26. Ναὶ ὁ πατήρ.) Nominativus pro Vocativo, ὦ πατήρ. Sic *Libanius* epist. 218. p. 104. Ἄγε εἴν' ὦ φίλος (pro φίλε) ἰῶ τὸ θραῦμα. *Agedum*, o amicus (pro amice) medere huic vulnere.

*Cag.* XII. *Vs.* 5. Ἀναίτιοι εἰσι.) Bis tantum hic & *vs.* 7. occurrit hæc vox. Usurpavit *Aeschyl.* *Choephor.* *vs.* 873. Ὅπως δοκῶμεν τῶν δ' ἀναίτιαι κακῶν εἶναι. *Ut videamur horum insontes malorum esse.* Et *Dionys.* *Halicarn.* l. 1. p. 63. Ἐφη παντὸς ἀναίτιος εἶναι τοῦ λεγομένου. *Dixit se totius dicti insontem esse.*

*Vs.* 9. Καὶ μεταβάς ἐκεῖθεν ἦλθεν εἰς τὴν συναγωγὴν αὐτῶν.) Eodem fere modo loquitur *Cinnamus* l. 4. p. 149. Ὁ δὲ ἐκεῖθεν μετέβη, καὶ ἐπὶ Βάριν ἦλθεν. *Ille autem - - - prætergressus inde ad urbem Barin venit.*

*Vs.* 11. Ἐὰν ἐμπεσῇ εἰς βόθυνον.) *Dio-gen.* *Laërt.* l. 1. c. 1. narrat Thalerem astra intuentem, εἰς βόθρον ἐμπεσεῖν. *In foveam incidisse.* Incertus Auctor in *Antholog. Gr.* l. 2. c. 5. epigr. 7. Ἐμπίπτως ἀλμυρον εἰς πέλαγος. *Incidens in salsum pelagus.*

*Vs.* 12. Ὡς ἐξεσι.) Ὡς pro οὖν, *Igitur.* Similiter apud alios. *Liban.* epist. 27. p. 12. Ὡς θαρσύνῃ ἰδίῃ γράφε. *Igitur animum sumito & scribe.* Et *Diodor. Sicul.* l. 11. p. 408. Ὡς μὴ νόμιζε - - ὑπὲρ τῆς ἰδίας ἐλευθερίας ἦτιον.

ἡτίον κινδυνεύουσιν. *Igitur ne putes - eos pro sua libertate minus periclitaturos esse.* Item *Dionys. Halicarn.* l. 8. p. 508. Πολέμου καὶ εἰρήνης αὐτοὶ κύριοι. ὥς ἐκ παρὰ τούτων αἰτεῖσθε εἴτε ἀνοχὰς, εἴτε διαπραγὰς. *Bellicis & pacis hi arbitri sunt; igitur ab iis petite vel inducias, vel pacem.*

*Vs. 16.* ἵνα μὴ φανερὸν αὐτὸν ποιήσωσιν.) *Dionys. Halicarn.* l. 2. p. 124. Αὐτὰ δὲ - - - φανεράν δυνάμενα ποιῆσαι πᾶσαν τὴν προαίρεσιν τοῦ ἀνδρὸς - - ἐρῶν. *Illa autem quæ possunt viri propositum manifestum facere - - dicam.* Sic *Id.* l. 3. p. 141. Τοῦτο δὲ φανερὸν αὐτοῖς ποιῶν. *Hoc autem ipsis manifestum facere.*

*Vs. 19.* Ἐρίσει.) Verbum semel tantum lectum habet *Philonides* apud *Stobæum Florileg.* p. 141. Ἄπαν ἐρίζεις, καὶ συνεῖς οὐδὲ ᾧ. *De omnire disceptas, quamvis ne bilum quidem intelligens.* Et *Aristid.* t. 1. p. 148. Ὑπὲρ τῆς πόλεως θεοὶ - - ἤρισαν. *De urbe Dii - - disceptarunt.*

*Vs. 20.* Ἔως ἂν ἐκβαλῇ εἰς νίκος τὴν κρίσιν.) Conf. in h. l. Observationes nostras, ubi ita hæc verba explicanda statuimus: *Usque quo exploderit victoria sua (h. e. resurrectione) iudicium capitale.* Sc. crucis, quod subiturus erat. Ostendimus verbum Ἐκβάλλειν, inter alia, significare, *Explodere, Exsibilare, & ita Ejicere;* quod scil. a theatro desumptum sit, ubi quicquid spectatoribus displicebat, dice

dicebatur ἐκβάλλεσθαι. Eodem sensu usurpavit *Libanius* epist. 217. p. 104. τὸ δὲ ὅλως ἐκβαλὴν τὰς χάριτας οὐχ ἑλληνικόν. *Charitas autem prorsus explodere Græcos non decet.*

*Vs. 25.* Πᾶσα πόλις ἢ οἰκία μεριεθεῖσα καθ' ἑαυτῆς οὐ σαθρῆται.) Idem exprimit *Appianus Claudius* apud *Dionys. Halicarn.* l. 9. p. 560. Μίαν εἰναλέγων τῆς ἐξουσίας τοῦ ἀρχαῖα κατάλυσιν, εἰάν σωσιάζουσι πρὸς ἀλλήλους οἱ ἄνδρες. *Unani esse dicens collegii dissolutionem, si inter se diffideant viri.*

*Vs. 30.* Ὁ μὴ ὢν μετ' ἐμοῦ.) h. e. *Qui a partibus meis non stat. Qui partes meas non sequitur.* Sic *Dionys. Halicarn.* l. 7. p. 420. Καὶ ἦν ὁ δῆμος μετ' ἐκείνου. *Et stabat populus a partibus ejus.* Et *Isocrates Panegy.* p. 148. Πόλεων τὰς πλείους οἱ μεθ' ἡμῶν ὄντες ἔχουσι. *Civitates plurimas possident, qui a partibus nostris stant.*

*Vs. 36.* Ἀποδώσουσι περὶ αὐτοῦ λόγον.) Alii *Codd.* pro περὶ legunt ὑπὲρ. Proba est recepta lectio. Patet ex *Diodoro Siculo* l. 12. p. 502. Ζητῶ πῶς ἂν δυναίμην ἀποδοῦναι πᾶν περὶ τούτων λόγον. *Apud me considero, quomodo possim de his rationem dare.*

*Vs. 37.* Καὶ ἐκ τῶν λόγων.) Καὶ hic significat *Vel*, unde ex mera *Glossa* alii *Codd.* legunt ἢ. Sic & *Marci* c. 4. v. 27. καὶ καθέυδει ἢ ἐγείρεται. h. e. *Vel surgit.* Item *Philipp.* c. 4. v. 16. Ἀπᾶς καὶ δις. h. e. *vel*



*vel bis.* Adde *Athenagor.* p. 2. Καὶ οὐδεὶς αὐτῶν νόμῳ ἢ φόβῳ δίκης - - μὴ σέβειν τὰ πύτριά εἰργάζεται. *Et nemo eorum, lege vel metu pænæ - - ut a majoribus suis accepta instituta colere pergat, absterretur.* Denique ἐκ τῶν λόγων recte vertitur, *Propter verba.* Simili sensu τὸ Ἐκ occurrit apud *Aeschyl.* *Agamn.* v. 1232. Ἐκ τῶν δὲ ποινῶν Φημι βουλεύειν πᾶσι. *Propter hæc aliquem dico meditari pænas.* Ita quoque *Et pro Vel* usurpatur Latinis. *Tibull.* i. 10. 49.

*Illæ velim rapida Volcanus carmina flamma*

*Torreat, & liquida delet amnis aqua.*

*Vs.* 40. ἐν τῇ καρδίᾳ τῆς γῆς.) *Verte simpliciter In terra.* Καρδία redundat, uti & *Jonæ* c. 2. v. 4. Ἀπέριψάς με εἰς βάθην καρδίας θαλάσσης. *Abjecisti me in profundates maris.*

*Vs.* 41. Ἄνδρες Νινευίται· - καὶ ἰδε, πλείον ἰώγα ὧδε.) Simili pleonasmo loquitur *Palladas* in *Antholog.* Gr. l. i. c. 83. epigr. 2. Ἐπληνές ἐσμεν ἄνδρες. *Et Dionys.* *Perieget.* v. 362.

ἀγχι δὲ Λευκανοὶ καὶ Βρένιοι ἄνδρες ἔασι.

*Prope vero Lucani & Brentii viri sunt.*

Ultimam formulam usurpavit *Aeschyl.* *Chæph.* v. 57.

- - - Τὸ δ' εὐτυχῶν

Τὸ δ' ἐν βροτοῖς θεὸς τίς, ἢ θεῶν πλεον.

*Pro-*

- - - - *Prosperere agere,*  
*Hoc inter mortales Deus est, & plus*  
*quam Deus.*

*Vs. 42, Βασίλισσα.)* Vox proba, quæ frustra ab aliis impetita fuit. *Heraclit- de Incredibil. p. 71. Συνουσίας ἀρέχθαι τὴν βασιλίτσαν. Coitum appetivisse reginam. Et Aelian. var. hist. fragm. p. 770. Τριμορυσία βασίλισσα. Triplicem galeæ cristam gerens regina.*

*Vs. 44. Ἐπιστρέψω εἰς τὸν οἶκον μου.) Alii Codd. Ἐπιστρέψω legunt. Proba est lectio recepta, pro Ἐπιστρέψω ὀπίσω εἰς τὸν οἶκον μου. Appian. Alexandr. de bel. Parth. p. 265. Ἐπιστρέψεν εἰς τὴν Ἰταλίαν. In Italiam reversus est. Plene habet Aelian. var. hist. l. I. c. 6. Ἐπιστρέψασαι ὀπίσω εἰς ἡθῆ. Revertentes ad sua loca.*

*Vs. 45. Ἐπὶ αἰτέρα πνεύματα - - καὶ γίνε-ται τὰ ἔσχατα - - χειρονα.) Ἐπὶ αἰτέρα significat hic Plures spiritus. Sic i Reg. c. 2. v. 5. Στείρα ἔτεκεν ἐπὶ αἰτέρα. Sterilis peperit plures h. e. πλείους, uti vertit Symmachus. Deinde in Ἐσχατα supple αὐτοχρήματα, vel κακὰ. Plene Aristid. t. I. p. 192. Δίχεται - - Θηβᾶς ἐπὶ τοῖς ἔσχατοις αὐτοχρήμασι. Recipit - - Thebanos in extremis miseriis. Item Ioseph. Oper. t. 2. p. 3. Ὁ περὶ τῶν ἐσχάτων κακῶν κίνδυνος. Miseriæ extrema discrimen. Simili pravo sensu Ultima bella dixit Sabinus epist. l. v. 22.*

*Men.*

*Mendaci celantur robore Achivi,  
Et Phrygas in miseros ultima bella fe-  
runt.*

Cap. XIII. v. 1. Ἐν τῇ ἡμέρᾳ ἐκείνῃ.)  
Omnes Versiones prave dant ἔν, *In*, cum  
vertendum sit *Post*. Ita quoque occurrit  
apud τοὺς LXX. *Ecclesiast.* c. XI. v. 1. Ὅτι ἐν  
πλήθει ἡμερῶν εὐρήσεις αὐτόν. *Etenim invenies  
post multitudinem dierum.* h. e. *post mul-  
tos dies.* Et *Esaia*, c. 16. v. 14. Ἐν τρισὶν ἔτι-  
σιν -- ἀτιμασθήσεται ἡδοξά Μωάβ. *Post tres an-  
nos -- contemnetur gloria Moab.*

Vs. 2. Ὅχλοι πολλοί, ὥς αὐτόν -- καθήσθαι,  
καὶ πᾶς ὁ ὄχλος ἐπὶ τὸν αἰγιαλὸν εἰσέκει.) Primo  
notanda ellipsis, pro ὄχλου οὕτω πολλοί, ὥς.  
*Turbæ adeo multæ, ut.* *Sophocl.* *Antig.*  
v. 1369. Γνώμης γὰρ οὐκ ἀπείρος (pro οὕτως  
ἀπείρος) ὥς αἰμαρταίνειν. *Sapientia enim non  
est destituta (Sc. adeo) ut peccet.* Plenius  
loquitur *Aeschines* Orator apud *Stobæum*  
*Serm.* p. 231. Οὕτως ἰσχυρὸν ἐστὶν ἀλήθεια, ὥς  
πάντων ἐπικρατεῖν τῶν ἀνθρώπων λογισμῶν. *Adeo  
validum quid est veritas, ut superet omnes  
humanas cogitationes.* Item *Diodor. Sicul.*  
l. i. p. 38. Ἡ κατάφορα -- οὕτως ἐστὶν ὀξεὶα καὶ  
βίαιος, ὥς δοκεῖν μηδὲν βέλους διαφερεῖν. *Im-  
petus -- adeo concitatus ὅς violentus est, ut  
a sagittæ impetu nihil differre videatur.* Ul-  
timam phrasin levi differentia ἰσχυρὰ Mo-  
Bibl. Brem. Nov. Cl. III. F. II. P schus

*schus Idyl. 2. v. 48. Ἐσσαν ἐπ' ὄφρους αἰγία-  
λοιο. Stabant in supercilio littoris.*

*Vf. 5. Ἐπὶ τὰ πετρώδη -- διὰ τὸ μὴ βάθος  
ἔχειν.) Τὰ πετρώδη. Sc. χωρία. Addit Phi-  
lostrat. vita Apoll. l. 3. p. 136. Τελευτῶν --  
εἰς χωρία πετρώδη. Desinens -- in loca petro-  
sa. Ultima verba illustrat Diodor. Sicul. l.  
3. p. 221. Τῆς θαλάσσης βάθος ἔχουσας -- βρο-  
μῇ μεγάλῃ παραπλησίον ἦχον ἔξισι. Mari pro-  
funditatem habente -- magni instar fremitus  
sonum edit.*

*Vf. 15. Ἐπαχύνθη γὰρ ἡ καρδία τοῦ λαοῦ  
τούτου -- μήποτε ἰδῶσι τοῖς ὀφθαλμοῖς, ἢ τοῖς  
ὣσιν αἰκούσας.) Verbum Παχύνεσθαι, quod  
proprie ad corpus pertinet, eleganter ad  
mentem transfertur. Apud Philostrat. vita  
Apoll. l. 1. p. 10. dicitur Apollonius reje-  
cisse ἐμφύχους βρώσεις, ὡς -- τὸν νοῦν παχυνού-  
σας; animalium esum, ut -- qui mentem  
redderet pinguem. h. e. stupidam, stolidam.  
Hinc Παχὺς, Pinguis, absolute ponitur, pro  
Παχὺς τὴν διάνοιαν, Pinguis mente. h. e. Stu-  
pidus, stolidus. Vide Aristoph. Nub. act.  
3. sc. 1. coll. Herodiano l. 2. p. 97. Voca-  
bulum autem Καρδία, Cor, de Intellectu ci-  
tra Hebraïsmum usurpari, ostenderunt  
Pfochen. Diatr. §. 127. Anna Fabri ad Ana-  
creont. ode 2 v. 6. & cl. Elsner. obs. sacr. ad  
h. l. Eodem sensu voce Cor usus est Clau-  
dian. Eutrop. l. 2. v. 47.*

*Adco.*

... Adeone retusi

*Quisquam cordis erit?* - - -

Denique merito duas ultimas formulas ab Hebraismo contra *Bezam* aliosque vindicavit doctiss. *Georg. Vindic. l. 3. c. 4. p. 357.*

*Homer. Il. μ. v. 442. Οἱ δ' οὐασι πάντες ἀκούον.*  
*Illi autem auribus omnes audiverunt. Id. ibid. ε. v. 27.*

... Ἀλέξανδρον - -

Ὀφθαλμοῖσιν ἰδὼν - -

... Alexandrum - - -

*Oculis cernens.* - - -

*Vf. 17. Πολλοὶ κροφῆται - - ἐπιθυμῶν*  
*ἰδεῖν.) Πολλοὶ pro Πάντες, uri recte Eutbymi-*  
*us ad h. l. monuit. Ita quoque Rom. c. 5.*  
*15. Οἱ πολλοὶ ἀπεθάνον. Ibid. v. 19. Ἀμαρτω-*  
*λοὶ κατεσθῆσαν οἱ πολλοί. Lucian. Op. t. 1.*  
*p. 44. Μάρτυρα γὰρ τε παραστήσασθαι πρὸς πῶς πη-*  
*λούς ἐθέλω. Te enim testem apud omnes siste-*  
*re volo. Similiter Πολλὰ pro Πάντες dixit*  
*Euripid. Hec. v. 279.*

Ἦ δ' ἀντι πολλῶν ἐστὶ μοι παραψυχή.

*Hæc pro omnibus rebus est mihi solatium.*

Ita quoque videtur *Multis pro Omnibus*  
*usurpasse Horat. carm. l. 1. ode 24. v. 9 Multis*  
*ille bonis flebilis occidit. Adde Liban. epist. 119.*  
*Ἐγὼ δὲ σέ ἐστι θυμῶν ἰδεῖν, ἡθύν ἰδὼν. Ego te videre*  
*desiderans, gavisus sum videns. Et Xenophont.*



*Ephef. l. i. p. 4.* Ἀνθία τὴν Ἀβροκόμην ἐπιθυμεῖ  
ιδεῖν. *Antbia Abrocomam cupiebat videre.*

*Vf. 20.* Μετὰ χαρᾶς λαμβάνων αὐτὴν.) Λαμβάνειν hic significat *cum obsequio amplecti*. Ita *Maxim. Tyr. diff. 37. p. 362.* Ἐπικινεῖ τις φιλοσοφίαν; ἢ οὐ λαμβάνει. *Laudat quis philosophiam? atqui non amplectitur.* Eodem sensu πὲρ *Accipere* occurrit apud *Flor. l. i. c. 2.* *Hæc omnia quasi monitu Deæ Egeriæ, quo magis Barbari acciperent.* Prior phrasıs occurrit apud *Polyæn. l. 5. p. 456.* Συνθεόντες μετὰ χαρᾶς. *Concurrentes cum gaudio.*

*Vf. 29.* Ἄμα αὐτῷ.) *Antonin. Liberal. c. 41. p. 326.* Ἄμα αὐτῷ ἐπὶ τὴν αἰλώπεκα βῆ-  
ναι. *Cum ipso contra vulpem exire.* Et *Ho-  
mer. odysf. λ. v. 387.*

- - - ὄσσαι ἄμ' αὐτῷ

- - - θάνον - - -

- - - Quotquot cum ipso

- - - perierunt - - -

*Vf. 30.* Συναυξάνεσθαι ἀμφότερα.) Egre-  
gie hoc verbum de Urbium incremento  
usurpavit *Demosthen.* apud *Stobæum Serm. 161. p. 417.* Συναυξάνεσθαι δὲ τὴν πόλιν πρὸς τῶν  
ἀγαθῶν πολιτῶν πολιτεύμασι. *Crescere oportet civitatem bonorum civium administratio-  
nibus.*

*Vf. 35.* Ἀπὸ καταβολῆς κόσμου.) *Vox  
καταβολή* proprie *lactum* significat; cum ve-  
ro

το *Fundamentum* denotat, elliptice usurpatur pro καταβολή θεμελίων. Patet ex *Ocello Lucano* c. 4. Οἷον ἐπὶ οἰκοδομίας θεμελίς καταβολή. *Quemadmodum ad ædificandam domum* (necessarius est) *fundamenti jactus.*

Vs. 35. Φράσον ἡμῖν τὴν παραβολήν.) In alio *Cod.* apud *Millium* legitur Διασάφησον πρό Φράσον, quod glossam redolet. Sic *Palaphat.* p. 27. Εἰκὸς δὲ - Φράσαι Ὀδυσσεὶ πύς χρόνους. *Verosimile autem est - eum Ulyssi exposuisse tempora.* Et *Isocrat.* *Areopag.* p. 250. Τὰς δὲ αἰτίας οὐ Φράζω. *Causas autem non expono.*

Vs. 46. Πολυτιμον μαργαρίτην.) Vox Πόλυτιμος bis tantum hic & *Ioann.* c. 12. v. 3. occurrit. - *Heliodor.* l. 1. p. 7. Λίθων πολυτίμων. Et *Herodian.* l. 1. p. 56. Λίθοις πολυτίμοις, *Lapidibus pretiosis.*

Vs. 47. Σαγὴν.) Vox semel lecta. *Phavorinus* Philosophus apud *Stobæum* *Serm.* 148. p. 504. τὰ θηρία τὴν σαγὴν ὑποχωροῦντα. *Animalia e verriculum declinantia.* Et *Aelian.* *hist. animal.* l. 11. c. 12. Οὐκ ἔπλησιάζει σαγὴν. *Non amplius appropinquat ad verriculum.*

Vs. 48. Ἀναβιβάσαντες ἐπὶ τὸν αἰγιαλόν.) *Palaphat.* p. 10. Ἀναβιβάσαντες ἐπὶ τοὺς ἵππους. *cum equis imposuisset.* Et *Apprian.* *Alexandr. de bel. Hisp.* p. 444. Τὴν στρατίαν  
P 3 αἰς-

ἀντιβίβασεν ἐπὶ τὰς μηχανάς. *Exercitum perduxit ad machinas.* Adde Numer. c. 23. v. 4. Ἀντιβίβασα μάχον· ἐπὶ πῶν βωμῶν.

Vf. 54. Ὡς ἐκπλήττεσθαι αὐτοὺς, ἢ λέγειν πέθεν τούτω ἡ σοφία ἢ αἱ δυνάμεις;) Sic *Aelianus* var. hist. l. 5. c. 7. Ἐκταῦθα, φασὶν, ἐκπλαγῆναι ἢ πῶν Ἀλέξανδρον; ἢ εἰπεῖν, ὅτι μείζονας ἐντιπάλους Κάλανος κατηγωνίσασθε. *Tum, ajunt, etiam Alexandrum perculsum fuisse, & dixisse, Calanum potentiores adversarios debellasse.* Ferme cum ultima sententia conspirat, quod habet *Philostrat.* l. 4. c. 31. p. 170. de Appollonio Tyanensi loquens: Περὶ πούτων, ἀπὸ τῆς κρηπίδος τοῦ νεῶ διελέγετο, πᾶντας ἐκπλήττιον, ἐν ταῖς διανοίαις μόνον, ἀλλὰ ἢ ταῖς ἰδέαις τοῦ λόγου. *De his (virtutibus) e templi crepidine differebat, percellens omnes, non solum sententiis, sed etiam dicendi genere.*

Cap. XIV. v. 4. Οὐκ ἔξει σοι ἔχειν αὐτήν.) *Achill Tat.* l. 4. p. 221. Οὐκ ἔξει σοι παρελθεῖν εἰς τὸ νεῶν. *Non licet tibi ingredi templum.* Item *Appian. Alexandr. de bell. Civil.* l. 1. p. 619. Θῆς οὐκ ἔξῃν ψῆφον -- φέρειν. *Quibus non licebat calculum -- ferre.* Notanda ellipsis in ἔχειν αὐτήν. Sc. ὡς γυναῖκα γαμετήν. Patet ex *Diodoro Siculo* l. 4. p. 305. Μυθολογοῦσι Διόνυσον -- ἔχειν αὐτήν (Ἀριάδνην) ὡς γυναῖκα γαμετήν. *Fabulantur Bacchum -- ipsam (Ariadnen) uxoris loco habuisse.*

Vf.

Vf. 5. "Οτι ὡς προφήτην αὐτὸν εἶχαν.) Lan-  
guide Versiones illud ὡς per *Velut* expri-  
munt. Significat *Vere*, *Revera*, idque el-  
liptice pro ὡς ἀληθῶς. Similiter in aliis lo-  
cis, ut *Marci* c. 6. v. 15. "Ἡ ὡς εἰς τῶν προφη-  
τῶν. i. e. *vel re vera unus prophetarum*. Sic  
*Joann.* c. 1. v. 14. "Ὡς μονογενοῦς πατρὸς.  
Et *Philipp.* c. 2. v. 8. "Ὡς ἄνθρωπος. Vide  
quæ ad hæc duo ultima loca dedimus. Simi-  
liter *Nebem.* c. 7. v. 2. "Οτι αὐτὸς ὡς ἀνὴρ ἀλη-  
θής. *Quia ipse revera erat vir verax*. Ple-  
nius loquuti sunt *Isocrat.* *Areopag.* p. 255.  
Ἐξ ὧν περ χρεὶ καίνειν τοὺς ὡς ἀληθῶς ἐν πράττοντας.  
*Ex quibus judicandum est eos revera recte age-  
re.* Item *Diogen. Laërt.* l. 4. p. 438. "Ἦν  
ὡς ἀληθῶς ὁ Βίων - , σοφίης πικίλος. *Erat re-  
vera Bion - - Sophista callidus.* Nec non  
*Iamblich.* apud *Stobæum* *Serm.* 211. p. 709.  
Θεὸς ἦν τις ὡς ἀληθῶς. *Deus revera aliquis  
erat.*

Vf. 6. Γενεσίαν δὲ ἀγομένων.) *Vox Gene-  
σίαν* semel insuper occurrit *Marci* c. 6. v. 21.  
ubi pro Γενεσίαις alii *Codd.* ex mera glossa  
Γενεθλῶς legunt. Occurrit apud *Dion. Cass.*  
l. 47. p. 337. Τὰ γενέσια αὐτοῦ θαυμάσια φερόντας - -  
ἐορταΐζειν ἠνάγκασαν. *Natales ejus coronatos - -  
celebrare eos cægerunt.* Et paulo post sub  
finem. Ἐψηφίσαντο τῇ προπαραίᾳ τῇ γενέσια ἀγαλ-  
λεῖσθαι. *Decreverunt pridie ejus diei natales  
celebrare.* Ceterum verbum Ἀγασθαι pro  
P 4 Cele-

*Celebrari* apud Exoticos quoque occurrit. *Dionys. Halicarn.* l. 2. p. 129. ἑορτὴ δ' αὐτῶν ἐστὶ - ἐπὶ πολλὰς ἡμέρας αἰγούμενη. *Festum eorum - per multos dies celebratur.* Et *Dion Cass.* l. 54. p. 545. Ταῦτά δὲ δὴ Λύγυσάλια, ἃ ἡ νῦν αἰγεται, πρῶτον ἐκ δόγματος ἐπελέσθη. *Augustalia etiam, quæ nunc celebrantur, tunc ex Senatus consulto acta sunt.*

*Vf.* 7. Μεθ' ὅρκου ὠμολόγησεν αὐτῇ δεῦναι. ) *Dionys. Halicarn.* l. 7. p. 453. Μεθ' ὅρκου τῇ ψῆφον ἐπιφέρειν. *Cum juramento calculum ferre.* Id. l. 11. p. 730. Μεθ' ὅρκου διακρίναντες. *Cum juramento judicantes.* Adde *Diodor. Sicul.* l. 13. p. 627. Δύναμιν πολλὴν ὠμολόγησαν δάσαν. *Copias multas promiserunt se daturus.* Id. l. 14. p. 645. ὠμολόγησεν αὐτοῖς δάσιν χρήματα. *Promisit se ipsis daturum pecunias.*

*Vf.* 12. Καὶ ἐλθόντες ἀπήγγειλαν τῷ Ἰησῃ. ) *Pro* ἐλθόντες alii *Codd.* ex mera glossa ἀπέπεσοντες dant. Sæpius simplex ἔρχεσθαι pro Ἀπέρχεσθαι occurrere solet. Sic *Homer. odys.* v. 281. ἔρχεσθαι πεισόμενος. *Abi interrogaturus: ubi Schol.* ἔρχεσθαι Ἀπέρχου. Nec non *Euripid. Hec.* v. 286.

- - - ἑλθόντες δὲ εἰς Ἀχαικὸν στρατὸν,  
Παρηγόρησον - - -

- - *Abiens vero ad Græcum exercitum,*  
*Admone* - - -

ubi



ubi quoque *Paraphrast.* ἔλθων) Ἀπελθὼν  
δὲ εἰς τὸν ἑρᾶτον τῶν Ἑλλήνων.

*Vs.* 13. Ἠκολούθησαν πεζῇ.) Vox Πεζῇ  
semel tantum legitur. *Diodor. Sicul.* l. 1.  
p. 35. Πεζῇ περὶ θῆναι. *Pedestri itinere permea-*  
*re.* Et *Philostat.* vita Apoll. l. 2. p. 56.  
ubi Cameli dicuntur aquam Πεζῇ διαβαίνειν.  
*Pedibus transire.*

*Vs.* 19. Ἀναβλέψας εἰς τὸν οὐρανόν.) *Phl-*  
*lostrat.* vita, Apoll. l. 4. p. 183. Ἀναβλέ-  
ψας εἰς τὸν οὐρανόν, ἔειπεν, ἔφη, μέγα. *Oculis in*  
*cælum sublatis, magnum quid, inquit, erit.*  
Item *Aelian.* hist. animal. l. 1. c. 22. Οὐτε  
εἰς οὐρανὸν ἀναβλεπόντες. *Neque in cælum suspi-*  
*cientes.*

*Vs.* 21. Χωρὶς γυναικῶν.) h. e. *Præter*  
*feminas.* Sic *Dionys. Halicarn.* l. 5. p. 313.  
Ἐλαβον ἡ χρήματα, χωρὶς αὐτῶν εἰς στρατῶν διήρπα-  
σαν. *Ceperunt & pecunias, præter ea, quæ*  
*militēs rapuerant.* Id. ibid. p. 340. Χωρὶς  
τῶν ἐν ταῖς μάχασι ἀπελυμένων. *Præter eos, qui*  
*in præliis perierant.*

*Vs.* 24. τὸ δὲ πλοῖον ἤδη μέσον τῆς θαλάσ-  
σης ἦν -- ἦν γὰρ ἐναντίος ὁ ἄνεμος.) Ex mera  
glossa, qua restituitur ellipsis, *Cod. Cantabr.*  
legit εἰς μέσον pro μέσον. Id autem iterum  
pro ἐν μέσῳ ponitur. Plenius loquitur *Iuli-*  
*anus* in *Antholog.* Gr. l. 4. c. 12. epigr. 4.  
p. 462.

Ἄρεα ἢ Παφίην ὁ ζωγράφος ἐς μέσον οἴκου

- - - γέγραπεν - -

*Martem & Venerem pictor in medio do-*  
*mus*

- - - *depinxit.* - -

Adde *Polyæn.* l. 5. p. 484. Παραφυλάξας ἀνέ-  
μον ἐναντίον. *Captato vento adverso.* Et *He-*  
*raclid. Pontic.* allegor. *Homer.* p. 422.  
Ἐναντίον ἐσηκότων ἀνέμων. *Adversis stantibus*  
*ventis.*

*Vf.* 31. Εἰς τί ἐδίσασθε;) *Lucian.* in *An-*  
*tholog. Gr.* l. 2. c. 2. epigr. 1. p. 186. Εἰς τί  
μάτην εἰπείς δέμας Ἰνδικόν; *Ad quid frustra la-*  
*vas corpus Indicum?* Et *Nicarchus* *ibid.* c.  
30. epigr. 1. p. 225. Ἐς τί μάχεσθε; *Ad*  
*quid pugnatist?* Verbum Δισάζω bis tantum  
hic & c. 28. v. 17. occurrit. Illud usurpat  
*Diodor. Sicul.* l. 4. p. 306. Θήσεως δισάζοντος  
περὶ τῆς διαβολῆς. *Theseo in dubium vocante*  
*hanc calumniam.* Nec non *Dio Cass.* l. 48.  
p. 383. Δισάζοντος οὖν τοῦ Καίσαρος - - ἀπεκρί-  
ναντο. *Dubius cum Cæsar esset - - respon-*  
*derunt.*

Cap. XV. v. 1. Οἱ ἀπὸ Ἱεροσολύμων γραμ-  
ματεῖς.) *Præpositio Ἀπὸ* indicat *istos scri-*  
*bas fuisse Hierosolymitinos.* Ita quoque oc-  
currit apud *Diodor. Sicul.* l. 14. p. 706. τοὺς  
ἀπὸ Πελοποννήσου - - εἰσάν ἀπέλθῃν. *Pelo-*  
*ponnesios - - siverunt abire.* Confer cl. *Schra-*  
*derum* ad *Musæum* p. 257.

*Vf.*

Vs. 2. Διὰ τί - - παραβαίνουσι τὴν παράδοσιν τῶν πρεσβυτέρων; οὐ γὰρ νίπονται τὰς χεῖρας αὐτῶν.) Priorem phrasin habet *Dionys. Halicarn.* l. 8. p. 498. Διὰ τί πολεμεῖς ἡμῖν; *Quare nobis bellum inferis?* Alteras quoque alii. *Tymneus* in *Anthol. Gr.* l. 3. c. 5. epigr. 33. τὴν παραβάντα νόμους - - ἔκτανε. *Transgressum leges - - occidit.* Item *Dionys. Halicarn.* l. 2. p. 106. Παραβῆναι τὰς ὁμολογίας. *Transgredi pacta.* Adde *Hom.* odyf. β. v. 261. χεῖρας νιψάμενος - - εὐχίτ' Ἀθήνη. *Manus lotus - - precatus est Minervam.* Nec non *Hesiod.* op. v. 741. Χεῖρας νιψάμενος - - ἰδατὶ λευκῷ. *Manus lotus - - aqua limpida.* Ceterum per Πρεσβύτεροι intelliguntur *Majores.* Eodem sensu adhibuit *Porphyrus* institut. p. 1. Περιέσσομαι διὰ βραχέων - - τὰ παρὰ τοῖς πρεσβυτέροις ἐπιδεῖν. *Conabor brevibus - - quæ a Majoribus tradita sunt, exponere.*

Vs. 4. Ὁ κακολογῶν πατέρα.) *Diogen. Laërt.* l. 1. c. 2. Μὴ κακολογεῖν τοὺς πλησίον. *Non maledicere proximis.* Item *Isocrat.* *Archid.* p. 235. Μηδὲν οὖν ἐνδῶμεν τοῖς εἰδισμένοις ἡμᾶς κακολογεῖν. *Nil igitur iis, qui nobis maledicere assueti sunt, ansæ præbeamus.*

Vs. 6. Ἐκυρώσατε τὴν ἐκτολὴν τοῦ Θεοῦ.) *Dionys. Halicarn.* l. 2. p. 131. Ἐὰν μὴ κατὰ τοὺς ἱερὰς δόξῃ πεπραχθῶσι (εἰρήνῃ) νόμοις, ἀκυροῦν. *Si juxta sacras leges non esse facta*  
(pax)

(pax) videatur, irritam reddere. Sic inter Apocryphos *Esdrae* c. 6. v. 32. 'Εαν παρὰ-βῶσι π τῶν γεγραμμένων ἢ ἀκυρώσωσι. Si transgrediantur quid earum, quæ scripta sunt, & irritum reddant.

Vs. 7. Προεφίπυσε περὶ ὑμῶν.) *Themistius* Orat. i. p. 16. Πάντα ταῦτα συγγέγραπται τῷ φιλοσόφῳ οὐδὲν τίμιον - - προφητέονη περὶ τοῦ δε τοῦ βασιλέως. *Omnia hæc conscripta sunt a philosopho, qui nihil dignum - - prædixit de hoc principe.*

Vs. 11. Ἀλλὰ τὸ ἐκπρευόμενον ἐκ τοῦ σώματος.) *Levi* differentia eodem modo loquitur *Theognis* v. 609.

- - Οὐδέ τι καλὸν ὅτῳ ψεύδας προσμαρτῇ ἄνδρῳ, καὶ ἐξέλθῃ πρῶτον ἀπὸ σώματος. *Neque quicquam pulcrum est ei, quem mendacium comitatur, viro, etsi primum exierit ex ore.*

Vs. 19. Κλοπῇ.) *Vox* bis tantum hic & *Marci* c. 7. v. 22. *Libanius* epist. 18. p. 6. κλοπῆς μὲν ἂν σε πλείον ἐφην ἀφιστάμε. *A furto te longe abesse dicerem.* Et *Longus* pastoral. l. 2. p. 42. Ὁμολόγει γὰρ οὐδεὶς τὴν κλοπὴν. *Confitebatur enim nemo furtum.*

Vs. 20. Ἀνίπτοις χερσὶ.) *Diogenianus* centur. i. §. 43. Ἀνίπτοις χερσὶ. *Illotis manibus.* Et *Hesiod.* op. v. 724. Λεῖβεῖν αἰδοπα οἶνον χερσὶν ἀνίπτοις. *Libare nigrum vinum illotis manibus.*

Vs.

Vs. 24. εἰς τὰ πρέβιατα.) Eīc pro Πέρσε.  
Sic & apud alios. Ita incertus Auctor  
*Dissert. Moral.* in Opuscul. Mythologic. p.  
728. Αἱ τίς - - παιδίον εἰς Πέρσας ἀποπέμψαι. Sī  
quis - - infantem ad Persas mittat. Item  
*Xenoph. Ephes.* l. 1. p. 8. Πέμπουσιν - - εἰς θε-  
οὺς. Mittunt ad Deos. Denique *Appian.*  
*Alexandr. de bel. Pun.* p. 29. Ἐστέμπεπεν ὡς εἰς  
φίλους. Mittit ut ad amicos.

Vs. 26. οὐκ ἐστὶ καλόν.) Alii Codd. ex  
mera glossa legunt. Οὐκ ἔχει. Optima  
phrasis est, quā & alii habent. *Libanius*  
epist. 218. p. 104. Ἀλλὰ τὸ μὲν οὐκ ἐκείνω, τὸ  
δὲ οὐ σοὶ καλόν. Sed alterum quidem non illum,  
alterum vero te non decet. Sic *Bion.* Idyl.  
p. 204. Οὐ καλόν - , ποτε τέκτονα φοιτῆν. Non  
deceat - - ad fabrum ventitare. Et *Dionys.*  
*Halicarn.* l. 9. p. 603. Ρωμαῖοι δὲ τὰ ὅμοια  
ὑμῖν δεδρακότες, οὐ καλόν. Romanos vero idem  
vobis fecisse non decet.

Vs. 27. Ἡ δὲ εἶπε. Ναὶ κύριε.) Opti-  
me post *Pricæum* pronunciavit cl. *Elsnerus*  
Ναὶ esse particulam concedentis. Verten-  
dum igitur *Esto*. Sic etiam occurrit apud  
*Aphthonium* p. 96. Nonne igitur a ratione  
alienum est, omnia judicem admittere, aut  
habere, solam hanc legem (Scil. in adulteros  
latam) omnium calculum recusare judicium?  
Ναὶ, φησιν, ἀλλὰ μέγαλα τῶν μοιχῶν ἀδικήμα-  
τα.



τα. *Esto, inquit quis, sed magnæ sunt adulterorum injuriæ.*

*Vs. 29. Ἐκάθητο ἐκῆ.) Nullus video quare omnes versiones ferme in Ἐκάθητο Sedendi significationem sectentur, cum Commorandi aptior sit. Libanius epist. 46. p. 23. Εἰ με ἐν Κιλικίᾳ καθήμενοι κινεῖν ἐπιτρέψετε. Si in Cilicia commorantes me vocare tentaretis. Ut & epist. 119. p. 65. Περί τὸν Εὐβουλον οὐκ ὀλίγων καθημένων. Apud Eubulum paucis commorantibus.*

*Vs. 30. Καὶ ἔρριψαν αὐτοὺς παρὰ πόδας τοῦ Ἰησοῦ.) Aelian. var. hist. l. 1. c. 21. Περιελόμενος τὸν δακτύλιον ἔρριψεν ἀδήλως παρὰ τοὺς πόδας, ἐν ἐτρε φορῶν. Detractum annulum, quem gestabat, clam abjecit ad pedes.*

*Vs. 34. Πόσους ἀρετοὺς ἔχει;) Πόσους. Sc. τὸν ἀριθμὸν. Plene habet Diogen. Laërt. l. 2. p. 266. Πρὸς δὲ τὸν εἰπόντα πᾶσι τὰ ἀγαθὰ, ἐπύθειτο πόσα τὸν ἀριθμὸν; Dicente quodam complura esse bona, rogabat quot numero?*

*Cap. XVI. v. 2. Λέγετε. Εὐδία πυρράζει γὰρ ὁ οὐρανός.) Vox εὐδία semel tantum legitur. Philostrat. vita Apoll. l. 4. p. 146. Μετὰ εὐδίας τι ἢ εὐπλυνίας. Cum serenitate favente navigatione. Eleganter quoque figurato sensu hac voce usus est Sotion apud Stob. Serm. 64. p. 243. Οἱ κόλακες ἐν εὐδίας παραμένουσιν. Adulatores in sereno rerum statu permanent apud aliquem. Ultima verba*

Vertere possis *sole rubescit cælum*, quomodo loquitur *Avienus* orb. descript. v. 13.

- - - *Matutino quâ cælum Sole rubescit.*

Vs. 3. καὶ πρῶτ.) Proba lectio, pro qua ex mera glossa alii *Codd.* legunt καὶ πρῶτας. *Aristoph.* Vesp. 480. Ἦσαν εἴη πρῶτ. *Venire jussert mane.* Et *Hesiod.* op. v. 462. Πρῶτὶ μάλα σπεύδων.

Vs. 7. Λέγοντες - - ὅτι ἰλάβομεν.) Sæpiusculæ solet redundare vocula ὅτι post *Dicendi* verba, sequente primæ Personæ verbo. Similiter *Marci* c. 2. v. 12. Ὅτι οὐδέποτε οὕτως εἶδομεν. Et c. 8. v. 16. Λέγοντες ὅτι ἀγέτους οὐκ ἔχομεν. Adde *Diodor. Sicul.* 1. 12. p. 507. Τοῦ δὲ Περικλέους εἰπόντος, ὅτι τὴν περὶ τῶν χρημάτων ἀπολογίαν αἰτούμενος, ζητῶ πῶς αὐτὸν δυνάμην ἀποδοῦναι τὸν περὶ τούτων λόγον. *Pericle dicente, rationem pecuniarum expedire jussus, tecum disquiro, quam via illam reddere possim.* Similiter *Dion Cass.* 1. 43. p. 235. αὐτὸν - - εἰπὼν, ὅτι ἐγὼ μὲν χαρίζμαι τοῦτον ὑμῖν. *Ipsum - - dixisse, ego quidem concedo huncce vobis.* Ut & 1. 47. p. 331. Ἐνός γοῦν τινὸς κεφαλὴν ἰδὼν, εἶπεν ὅτι τοῦτον οὐκ ἠπιστάμην. *Cujusdam capite conspecto, dixit, hocce non novi.*

Vs. 18. Καὶ πόλαι αὖτε οὐ κατιγύσουσιν αὐτῆς.) Notandum in τῇ *Κατιγύσουσιν* latere *Poten-*

*Potentialem* significationem, ut sit *præval-*  
*lebunt*, pro *prævalere poterunt*. Sic *Matth.*  
*c. 12. v. 31.* Ἀφεθήσεται, *Remitti poterit.*  
*Et c. 16. v. 26.* Ἡ τι δάσκει, *h. e. dare pote-*  
*rit.* Sic *Dionys. Halicarn. l. 1. p. 5.* Ὁν (νό-  
*μον) οὐδεὶς κώταλυσεν χρόνος. Quam (legem)*  
*nullum abolere poterit tempus.* Et *Aschyl.*  
*Perf. v. 93.*

Δολόμητιν δ' ἀπάταν θεοῦ

τίς ἀνὴρ θνατός αἰλύξει.

*Dolosam fraudem Dei quis vir mortalis evi-*  
*tabit? pro evitare poterit.* Ceterum *Ve-*  
*teres quoque Tartaro Πύλας Ostia tribue-*  
*runt.* *Julianus in Antholog. Gr. l. 3. c. 25.*  
*epigr. 19.*

- - - Πύλας κρατέροιο βερέθρου

Ὁμμασιν ἀγρεύαντοισι τρισσὲ φύλασσε κύν.

- - - Ostia robusti inferni

*Oculis vigilibus triplex custodi canis.*

*Vs. 22.* Ἦρξατο ἐπιτιμᾶν.) *Pro ἐπιτι-*  
*μῃσι.* Jam aliquot exempla dedimus su-  
*pra c. 11. v. 7.* Sic *Dion. Cassius l. 47. p.*  
*351.* Οἱ μὲν (ποταμοὶ) παντάπασιν ἐξέλειπον,  
*οἱ δ' ἀναπέλιν ῥεῖν ἤρξαντο. Hi (fluvii) omni-*  
*no defecerunt; illi retro fluere inceperunt:*  
*pro retro fluxerunt.* Similiter *spectare inci-*  
*piam pro spectabo, dixit Propert. l. 3. 15.*

*Inque sinu caræ nixus spectare puellæ*

*Incipiam, & titulis oppida captæ*  
*legam.*

*Vs.*

Vs. 24. Ὅπισω μου ἐλθεῖν.) Hic frustra Hellenismum statuit illustr. Grotius. Patet ex *Palæphato* de Incredib. p. 40. Ἐλθὼν δὲ ὁ Περσεύς ὀπίσω αὐτῶν - - Φησὶ δεῖξαι αὐτῷ τὸν Γοργόνα. *Perseus vero eas sequens - jussit sibi ostendere Gorgonem.*

Vs. 25. τὴν ψυχὴν αὐτοῦ σῶσαι.) *Achill. Tat. l. 5. p. 337. Σώσεις γάρ μου τὴν ψυχὴν. Servabis enim vitam meam. Item Lysias orat. 5. p. 75. Σώσας τὴν αὐτοῦ ψυχὴν. Servata sua vita.*

Vs. 26. Τὶ γὰρ ὠφελεῖται - - ζημιωθῇ.) *Utrumque usurpavit Isæus orat. 4. p. 433. Τὶ ἡμεῖς ὠφελόμεθα νικήσαντες, ἢ τί οὗτος ἐζημιώθῃ ὑπὸ νικηθείς; Quid commodi nobis erit vincentibus, aut quid damni accipiet victus?*

Vs. 28. Ἐρχόμενον ἐν τῇ βασιλείᾳ αὐτοῦ.) Hic Ἐρχεσθαι significare *Abire*, ostenderunt *cll. Raphaelius & Alberti*. Idem quoque jam notavimus supra c. 14. v. 12. Huic explicationi obstare præpositionem Ἐν putat doctiss. *Wolfburgius* obs. sacr. p. 38. pro qua eis tum debuisset extare. Hic bonus dormitat *Homerus*. Ἐν pro eis sexcenties occurrit. Aliquot exempla dedimus supra c. 10. v. 16. quibus adde *Ammonium* vita *Aristot. p. 3. Ὁ δὲ γε Ἀριστοτέλης ἐρχεται ἐν τῇ τῶν Μακεδόνων πόλει: pro eis πολιν. Aristoteles venit in Macedonum urbem.* Id. ibid. ad *Bibl. Brem. Nov. Cl. III. F. II.* Q fin.

fin. Ἦλθεν ὁ Ἀριστοτέλης ἐν Χαλκίδι. *Venit Aristoteles in Chalcidem.* Sic *Phædrus* l. 5. c. 2. *In conspectu meo (pro conspectum meum) audet venire.*

Cap. XVII. v. 1. Κατ' ἰδίαν.) Sic *Dionys.* *Halicarn.* l. 10. p. 680. Ἀ κατ' ἰδίαν ἐπιτηδύων διεπλεῖ. *Quæ seorsim continuo exercebat.*

Vs. 2. Ἐλαμψε τὸ πρόσωπον αὐτοῦ.) Sic *Oculi* dicuntur λαμπειν apud *Long*, *Pastoral.* l. 4. p. 127. Λάμπουσι δὲ ὑπὸ ταῖς ὠφρύσιν οἱ ὀφθαλμοί. *Fulgent oculi sub supercilis.*

Vs. 9. Μηδενί εἰπῆτε τὸ ὄραμα.) Sic *Calimach.* epigr. 2. Εἰπέ τις - - πέν μόνον *Aliquis mihi indicavit - - tuam mortem.* Et *Philostrat.* vita *Apoll.* l. 3. p. 113. Σὺ δ' αὖν εἶπας, ἔφη, τὸ πρῶτον σῶμα. *Tu autem, inquit, prius indica corpus.*

Vs. 11. Ἀποκαταστήσει πάντα.) *Herodian.* l. 2. p. 84. Τὰς ἐκείνου εἰκόνας ἀποκαταστήσαντες. *Restitutis ejus imaginibus.* Et *Dio-gen.* *Laert.* l. 2. c. 18. Τὴν δημοκρατίαν ἀποκαταστήσαι. *Rempublicam restituere.*

Vs. 12. Μὲναι πάσχειν.) *Incertus Auctor* in *Poet. Gnom.* p. 219. Μένει δ' ἕκαστον τοῦθ' ὅπερ μέλει παθεῖν. *Manet unumquemque id, quod passurus est.*

Vs. 14. Γονυπετῶν αὐτῶ.) *Phurmutus* de nat. *Deor.* p. 154. Καὶ τὰς Ἀστὰς ὁ ποιητὴς ἔφη Διὸς θυγατέρας εἶναι, ἡωλὰς μὲν οὖσας, δίας-



διὰ τὸ πίνειν τοὺς γόνυ πετοῦντας. *Narrat quoque poeta Litas filias esse Iovis, claudas vero, quod cadere soleant, qui genua flectunt.*

Vf. 15. Καὶ κακῶς πάχει.) Ex mera Glossa alii Codd. legunt. κακῶς ἔχει. *Liban. epist. 153. p. 76. Ἐκ ἐπιεικείας, ἢ τοῦ πᾶχειν κακῶς ἐνταῦθα ἤκει. Præ æquitate sua, & quod male patiatur, eo devenit. Id. epist. 165. p. 8. Παρὰ δὲ τῶν ἰσχυρόντων εἰ μὴ πάχει κακῶς. Si ab iis, qui plurimum possunt, non male patiatur. Item Aeschyl. Prom. vinct. v. 749.*

- - - Κρεῖσσον γὰρ εἰσάπαξ θανεῖν,  
ἢ τὰς αἰπάσας ἡμέρας πάχειν κακῶς.  
- - - *Melius enim est semel mori,  
Quam omnibus vitæ diebus male pati.*

Vf. 18. Ἐπετίμησεν αὐτῷ.) *Diogen. Laërt. l. 2. c. 18. Εἰς Ἀσκληπιάδης ἐπετίμησεν αὐτῷ. Usque dum Asclepiades objurgaverit ipsum. Et Aelian. var. hist. l. 11. c. 9. Ἐπιτιμώντων αὐτῷ τῶν φίλων. Objurgantibus ipsum amicis.*

Vf. 21. Τοῦτο δὲ τὸ γένος.) *Γένος pro εἶδος. Ita quoque occurrit apud Hesiod. op. v. 11. Οὐκ ἄρα μῦνον ἔην ἐρίδων γένος. Non sane una est contentionum species: ubi Moschopolus, ἐρίδων γένος.) Τὸ γένος ἐνταῦθα ἀντί τοῦ εἶδος.*

Cap. XVIII. v. 2. \*Εἰσεν αὐτὸ ἐν μέσῳ αὐ-  
τῶν.) Sic plane *Appian. Alexandrin. de bel.*  
*fyr. p. 172.* \*Ἰση δ' αὐτοὺς ἐν μέσῳ. *Collocat au-*  
*tem eos in medio.*

*Vf. 6.* Συμφέρει αὐτῷ, ἵνα - - καταπνι-  
θῇ ἐν τῷ πελάγει τῆς θαλάσσης.) *Polyen. l. 2.*  
*p. 208.* Ὡς ὑμῖν συμφέρει. *Prout vobis ex-*  
*pedit. Et Dionys. Halicarn l. 3. p. 169.*  
Ὡς ὑμῖν συνέφερον. *Prout nobis expediebat.*  
Similiter *Appian. Alexandrin. de bel. Pun.*  
*p. 5.* qui narrat, Carthaginenses jussisse  
triremium præfectos Xanthippum μετὰ τῶν  
συμπλεοντων Λακωνῶν καταπνιψαι: *cum Laco-*  
*nibus una navigantibus submergere.* Deni-  
que *Julian. in Antholog. Gr. l. 4. c. 8. epigr.*  
*23. p. 451.* Πέσες ἐν πελαγεσσι θαλάσσης. *Ceci-*  
*deris in profunditates maris.*

*Vf. 7.* Οὐαί τῷ κόσμῳ ἀπὸ τῶν σκανδάλων.  
ἀνάγκη γὰρ εἶναι - - πλὴν οὐαί τῷ ἀνθρώπῳ ἐκεί-  
νῳ.) Hic ἀπὸ *Ob*, *Propter* significat, non  
ex Hebraismo, ut cl. *Olearius* voluit, quem  
merito refutavit doct. *Georgius Vindic. l.*  
*2. c. 2. p. 155.* *Dionys. Halicarn. l. 9. p. 616.*  
Παραβαίνειν τὰς - - ὁμολογίας ἀπὸ πιαύτης αἰτι-  
ας. *Violare fœdera - - ob talem causam.*  
Dicitur Charmus vimineum baculum dedi-  
casse Neptuno, apud *Philodemum* in *An-*  
*thol. Gr. 6. c. 2. epigr. 1. p. 547.* Νίκης - -  
ἀπ' Ἰσθμιάδος. *Victoriam - - ob Isthmiacam.*  
Adde *Euripid. Oreste v. 197.*

ἀπὸ

- - - Ἀπὸ δ' ὧλεσας

Πατέρα, τέκνα τὰδε

Σέθεν ἀφ' αἵματος.

--- *Perdidisti enim*

*Patrem, & liberos hosce*

*Tui propter eadem:*

ubi *Paraphrast.* exponit ἀφ' αἵματος per Διὰ τοῦ σου αἵματος. Formula Ἀνάγκη ἐστὶ occurrit etiam apud alios. *Menander* apud *Stob.* Serm. 191. p. 650 Ἀνάγκη γὰρ γυναικὶ εἶναι κακὴν. *Necesse enim est, feminam aliquid mali esse.* Item *Isocrat.* de Permut. p. 496. Ἀνάγκη γὰρ ἐστὶ - - - μικρὰ παραλείψθαι. *Necesse enim est - - parva reliqua esse.* Denique Ἠλὴν hic pro Πλὴν ὁμως, *Attamen*, occurrit. *Herodian.* l. 4. p. 206. Ἡ δὲ σύγκλητος, οὐκ ἀγνοοῦντες μὲν τὰ πεπραγμένα, - - - πλὴν δέ τι καὶ κολακεία ψηφίζονται αὐτῷ πάσης τιμᾶς ἐπινικίας. *At Senatus, quamquam totius negotii non ignarus - - - tamen metu atque adulatione cunctos illi victoriæ honores decernit.* Plenius *Heracledes Allegor. Homer.* p. 429. Πλὴν ὁμως τὸν ἀριθμὸν - - τῶν ἔργων οὐκ ἄπειρον ἢ θέρους ὥρᾳ πεποίηκεν. *Attamen hunc numerum - - rerum gestarum baud incredibilem æstiva dies reddidit.*

*Vsf.* 12. Ἐπὶ τὰ ὄρη περὶ θεῖς ζητεῖ το πλανώμενον.) *Dionys. Halicarn.* l. 8. p. 511. Ἐπορεύοντο ἐπὶ τὴν γῆν τῆς Μαρκίας μητρος. *Vadunt*

*dunt ad ædes Marcii matris. Et Cinnamus*  
*hist. l. 4. p. 180. Ὡς ἐπὶ Βρεντέσιον ἐπὶ πρῶτον.*  
*Ad Brentesium vadit. Nec non Longus*  
*Past. l. 1. p. 22. Καὶ ἐπὶ νῦν ἀδουσα μηνύει τὴν συμ-*  
*φορὰν, ὅτι βοῦς ζητεῖ πεπλανημένας. Etiamnum*  
*canendo suæ jacturæ indicium facit, quod quæ-*  
*rat vaccas errabundas.*

*Vs. 13. Ὅτι χαίρει ἐπ' αὐτῷ.) Dion*  
*Cass. l. 54. p. 529. Οὕτως ἐκαίνος ἐπ'*  
*αὐτῷ ἔχαυρεν. Adeo ille hac de re gavisus est.*  
*Item Dionys. Halicarn. l. 3. p. 157. Οὐκ ἐπὶ*  
*τοῖς ἀγαθοῖς χαίρει. Non ob hæc bona gaudes.*  
*Et Incertus Auctor in Antholog. Gr. l. 1 c.*  
*37. epigr. 4. p. 74.*

- - - Ἄλλος ἐπ' αὐτῷ

χαρήσει. - - -

- - - *Alius ob ipsum*

*Gaudebit. - - -*

*Vs. 15. Μεταξὺ σὲ καὶ αὐτοῦ.) Anony-*  
*mus Auctor de Incredibil. c. 10. Ὅθεν εἰδόθῃ*  
*μῦθος, κρίναι αὐτὸν μεταξὺ Πάλλαδος ἢ Ἑρως ἢ*  
*Ἀφροδίτης. Hinc fabulæ datus locus, cum*  
*(Paridem) inter Palladem, Iunonem & Vene-*  
*rem sententiam dixisse,*

*Vs. 16. Δύο μαρτύρων ἢ τριῶν.) Diogen.*  
*Laert. l. 7. c. 15. Οὐ μὲν οὐδέ μετὰ πλείων*  
*δύο ἢ τριῶν περιπατεῖ. Neque cum pluribus duo-*  
*bus vel tribus ambulabat. Et Herodian.*  
*l. 7.*

l. 7. p. 324. Δύο δὲ ἢ τρεῖς - - εἰς τὸ συνέδριον  
εἰσῆλθεν. *Duo vero vel tres - - Senatum  
ingressi sunt.*

Vs. 17. Εὰν δὲ παρακύσῃ αὐτῶν.) Hoc tan-  
tum versu occurrit verbum Παρακύνειν. *Cebes*  
tab. p. 168. Ὑμεῖς οὖν προσέχετε, ἢ μὴ παρακύνετε.  
*Vos autem attendite, neque audire negetis.* Et  
*Philosirrat.* epist. 28. p. 927. Ἐὰν δὲ παρα-  
κύνῃ, κατακάυσαι. *Sin audire noluerit; com-  
burite.*

Vs. 19. Γενήσεται αὐτοῖς παρὰ τοῦ πατρὸς  
μου.) Alii *Codd.* ex mera glossa pro γενήσε-  
ται legunt Δοθήσεται. Elegans phrasis est,  
quæ & apud alios occurrit, citra Hebrais-  
mum, ut docta cerebra somniant. *Ae-  
lian.* var. hist. l. 9. c. 25. Εἰ δὲ ἀπορεῖς σπέρμα-  
των, παρ' ἐμοῦ σοὶ γενέσθω. *Si eges seminum,  
de meo impetres.* Similiter *Libanius* epist.  
68. p. 36. Γενέσθω τοίνυν αὐτῷ παρ' ὑμῶν, ἃ παρ'  
ἐκείνων. *Obtineat igitur a vobis, quæ ab istis  
obtinuit.*

Vs. 20. Δύο ἢ τρεῖς.) Formula hæc  
*Parvum numerum* indicat. Eodem quo-  
que sensu occurrit apud *Ioseph.* contra *Ap-  
pion.* l. 2. §. 32. p. 490. Δύο ἢ τρεῖς ἔγνων πρὸς  
προδότας γενομένους τῶν νόμων. *Quisque novit duos  
tresve proditores legum fuisse.*

Vs. 21. Ἀμαρτίσῃ εἰς ἐμέ.) *Appian.*  
*Alexandr.* de bel. Syr. p. 148. Ρώμαιον οὐ-  
δὲν - - εἰς ἄλλας Καρχηδονίους ἀμαρτύντων. *Ro-  
ma.*



*manis nihil - - in alios Carthaginienses peccantibus.* Et *Sophocl. in Stobæi florileg. tit. 27. p. 121.*

- - φυλάσσεται

- - - εἰς θεὸς ἀμαρτάνειν.

- - - *Evitat*

- - - *in Deos peccare.*

*Vs. 25. Μὴ ἔχοντος δὲ αὐτοῦ.) h. e.*  
*Non valente illo, cum non posset.* Ita in aliis locis occurrit. Ἐχειν pro Δυναθεῖν. *Lucæ. c. 14. v. 14. Ὅπουκ ἐχουσιν. Quod non possint.* Item *Ioann. c. 8. v. 6. Ἴνα ἔχωσι. Ut possent.* Et *Ephes. c. 4. v. 28. Ἴνα ἔχη. Ut possit.* Adde *Proverb. c. 3. v. 27. Ἡμικα ἔχη ἡ χεὶρ σου βοηθεῖν. Quum potest manus tua auxiliari.* Similiter *Dionys. Halicarn. l. 1. p. 19. Οὐκ ἔχον τὰ λεγόμενα συμβαλεῖν. Non poterant dicta intelligere.* Item *Aristoph. Plut. p. 22. Οὐκ ἔχεν - - οὐδὲν λαβεῖν. Non poterat - - quicquam capere.* Eodem modo τὸ Ἄναιε pro *Posse* usurpavit *Tertullian. Apologetic. c. 37. p. 307. Si inimicos - - - jubemus diligere, quem habemus odisse?*

*Vs. 30. Ἀποδοῦ τὸ ὀφειλόμενον.) Diodor. Sicul. l. 13. p. 617. τοῖς μὲν Φρουροῦσι τὴν πόλιν - - εἰπέδωκε τοῖς ὀφειλομένοις μισθοὺς. Præfidiis urbis - - exsolvit debitas mercedes.*

*Vs. 31. Διασαφῆσαν τῷ κυρίῳ αὐτῶν πάντα.) Διασαφεῖν semel tantum occurrit. Dionys. Halicarn. l. 6. p. 410. Τὰ δέξαντα τῇ βουλῇ διεσαφῆ-*

εἶφονσαν. *Placita Senatui exposuerunt.*  
 Item *Diog. Laert.* l. 6. c. 2. Ὡς καὶ αὐτὸς ἐν  
 ταῖς ἐπιστολαῖς διασαφεῖ. *Quemadmodum &*  
*ipse in epistolis declarat.* Nec non *Homeri*  
*vitæ Auctor* p. 354. Τίνα οὖν ἐστὶ τὰ ἀγαθὰ, ὧν  
 ἐφίενται οἱ ἄνθρωποι, - - ἐν πολλοῖς διασαφεῖ.  
*Quenam igitur bona expetantur ab homini-*  
*bus - - in multis exponit.*

Cap. XIX. v. 3. Κατὰ πᾶσαν αἰτίαν.)  
 Κατὰ, *Ob, Propter.* Sic *Dion Cass.* l. 49.  
 p. 402. Οἱ μὲν κατὰ τὴν τοῦ πατρὸς αὐτοῦ συνε-  
 λέγησαν. *Hi quidem ob ejus patris glori-*  
*am - - convenerunt.* Et *Diodor. Sicul.* l. 12  
 p. 491. Κατὰ παιδείαν πεθαυμασμένους. *Obser-*  
*vationem admirandus.* Ceterum pro αἰτίαν  
 alii *Codd.* αἰμαρτίαν legunt. Id glossam re-  
 dolet. Αἵτια eodem sensu occurrit *Matth.*  
 c. 27. v. 37. καὶ ἐπέθηκαν - - τὴν αἰτίαν αὐτοῦ.  
 Et *Actor.* c. 25. v. 18. Οὐδεμίαν αἰτίαν ἐπέ-  
 φερον. Adde *Herodian.* 6. 1. 15. Κάποιοι π-  
 ρὸν μεγίσταις αἰτίαις ὑπεσόντων. *Quamvis qui-*  
*dam maximis criminibus impegerint.*

Vf. 4. Ὁ ποιῶν ἀπ' ἀρχῆς, ἄρσεν ἢ θῆλυ  
 ἐποίησεν αὐτοὺς;) Ἀπ' ἀρχῆς. Sc. κόσμον,  
 vel κτίσεως. Patet ex *Matth.* c. 24. v. 21.  
 Ἀπ' ἀρχῆς κόσμος. *Marci* c. 13. v. 19. Ἀπ'  
 ἀρχῆς κτίσεως. Et 2. *Petri* c. 3. v. 4. Elli-  
 ptice loquitur *Xenophanes* apud *Stob.* edit.  
*Gronii* p. 141. Ἀυτοὶ ἀπ' ἀρχῆς (sc. κόσμον,  
 vel κτίσεως) πάντα θεοὶ θνήσκουσιν παρέδειξαν. *Ipsi*

*Dii ab initio (Sc. mundi, vel creationis) omnia mortalibus ostenderunt. Hic conferri merentur verba Cæsaris Augusti apud Dion. Cass. l. 56. p. 573. qui inter alia hæc populo Romano dicit. Ὁ πρῶτος ἢ μέγιστος ἐκείνος θεός, ὁ πετηνάμενος ἡμᾶς, διχῆτε διείλε τὸ θνητὸν γένος, ἢ τὸ μὲν ἄρρεν αὐτοῦ, τὸ δὲ θῆλυ ἀπεδείξας, ἐρωτα ἢ ἀνάγκην σφισὶ τῆς πρὸς ἀλλήλους συνουσίας ἐνέβαλε, ἢ γόνιμον τὴν ὁμιλίαν αὐτῶν ἐποίησε. Primus iste ac maximus Deus, qui nos condidit, humanum genus in duas partes cum secuisset, ac masculam unam, muliebrem alteram fecisset, amorem eis ac necessitatem coitus inter se indidit, ac facundam eorum consuetudinem reddidit.*

*Vs. 8. Πρὸς τὴν σκληροκαρδίαν.) Προς, Ob, Propter. Aliquot jam dedimus exempla, quibus adde Aeschyl. Prom. Vinc. v. 1042.*

*Πρὸς ταῦτ' ἐπ' ἐμοὶ εἰσέθεω μὲν  
Πυρὸς ἀμφήκης βόσρευχος.  
Ob hæc in me perjiciatur  
Ignis anceps capillitium.*

*ubi Schol. Πρὸς ταῦτ') Διὰ τοῦτο. Similiter Latinis usurpatur Ad pro Ob, Propter. Confer cl. Drakenborch. ad Liv. 45. 39. 8.*

*Vs. 11. τὸν λόγον τοῦτον.) h. e. Hanc rem. Itaque vox hæc usurpatur Marci c. I. v. 45. Διαφημίζειν τὸν λόγον. Evulgare rem.*

rem. Sic & apud *Aeschyl.* Pers. v. 343. ubi nuntius quidam, expeditione navaii descripta, addit; ὦ δ' ἔχει λόγος. Sic se habet res. Anonymus Auctor de *Incredibil.* c. 13. Ὁ φαέθων τὸν πῦρ ἡλίου δρόμον ἐπεκμηρατο -- ἀλλὰ ἀπελῶς τὸν λόγον ἀπολιπὼν ἀπέθανεν. *Phaeton Solis cursum observabat -- sed re infecta obiit.*

*Vf.* 20. Ἐκ νεότητος μου.) *Antonin. Liberal.* c. 22. p. 180. Ἐκ νεότητος -- θεολαβής. *A puero -- ratione privatus.* Nec non *Homer.* Il. ξ. v. 85.

-- οἷσιν ἄρα Ζεὺς  
Ἐκ νεότητος ἔδωκε -- πολυτεύειν  
Ἀργαλέες πλέμους. --

-- *Quibus Iupiter*  
*A puero concessit -- conficere*  
*Ardua bella.* --

*Vf.* 21. Πώλησόν σε τὰ ὑπάρχοντα -- ἢ ἔξεις. Θεσαυρον ἐν οὐρανῷ.) Τὰ ὑπάρχοντα. Sc. ἀγαθὰ.) *Heraclitus* de *Incredibil.* p. 69. Τὰ ὑπάρχοντα κατέφαγε. *Bona sua comedit.* *Plenius Aristotel.* apud *Stobæum* Serm. 28. p. 81. Χρηθαι καλῶς πῶς ὑπαρχουσιν ἀγαθοῖς. *Uti recte bonis suis.* Sequentem formulam usurpavit *Alexander Magnus* apud *Eund.* Serm. 214. p. 722. qui ἐρατηθεὶς ὑπὸ πνός, πῦ τούς Θεσαυροὺς ἔχεις; δάξας τοὺς φίλους, ἔφη, ἐν

ἐν τοῦτοις. *Rogatus ab aliquo, ubi tuos thesauros habes? ostensis amicis, in his inquit.*

*Vs. 22.* Ἀπιδε λυπούμενος, ἦν γὰρ ἔχων κτήματα πολλὰ.) *Ex elegantiori Græcismo* Ἀπιδε λυπούμενος, ponitur pro Ἐλυπηθῆ. *Evasit contristatus h. e. contristatus est.* Sic *Libanius* epist. 351. p. 171. Καίρὸν εἰς πλούτον πάλαι λαθὼν, ἀπιδεν ἔχων (pro εἶχεν) ἐπαμὼν ἀντὶ χρημάτων. *Occasionem ditescendi jam pridem nactus, evasit obtinens (pro obtinuit) laudem pro opibus.* Adde *Eund.* epist. 159. p. 78. Θεὸς δὲ σαυτὸν ἐν Παλαιστίνῃ κτήματα ἔχειν. *Pone vero, te in Palestina possidere bona.* Et *Homer. Odyl. α. v. 402.* κτήματα δ' αὐτὸς ἔχους. *Bona vero ipse habeas.* Denique: Ἦν ἔχων, pro εἶχε. Sic *Dion Cass.* l. 46. p. 323. Εἴτ' οὖν (ἀρχὴν) ἄρα ἔχων ἦν: pro εἶχε. *Si quam (dignitatem) erat gerens: pro gerebat.*

*Cap. XX. v. 3.* Καὶ ἐξελθὼν περὶ τὴν τρίτην ὥραν, εἶδεν ἄλλους ἐσῶτας ἐν τῇ ἀγορᾷ ἀργούσας.) *Supple* ἡμέρας post ὥραν. *Addit Appian.* *Alexandr. de bel. Civ. l. 2. p. 748.* Περί τριτὴν ὥραν ἡμέρας ἦγε τὸ κράτιστον τῆς στρατίας. *Circa tertiam horam diei duxit robur exercitus.* *Ultimam formulam habet Philostrat.* *Herotic* p. 661. Ἀπνοι τε καὶ ἀργεὶ ἐσίζουσιν, ὥσπερ γεγραμμένοι. *Nil facientes & otiosi stabant, velut picti.*

*Vs.*



Vf. 6. Τί ὥδε ἐξηκται;) Perite *Quid ita*, sive *hoc modo statis?* vertit cl. *Alberti*. Similiter *Philostrat.* vita Apoll. l. 3. p. 106. Ὡς δὲ Δάμις ἐξηγῆται. *Ita Damis narrat.* Item *Achill. Tatius* l. 1. p. 11. Ὁ δὲ ἀρχεται τοῦ λεγεῖν ὥδε. *Ille autem incipit loqui hoc modo.* Nec non *Marcus Argentarius* in *Antholog.* Gr. l. 4. c. 7. epigr. 20. p. 444. Ὡς δὲ μ' ἔδησε Μίρων. *Sic me ligavit Myron.*

Vf. 8. Καὶ ἀπόδος αὐτοῖς πέν μισθόν.) *Aelian.* var. hist. l. 13. c. 2. Οὐ χρηστὸν οἱ μισθὸν ἀπιδῶκεν. *Non bonam ei mercedem dedit.* Sic *Polyæn.* l. 4. p. 384. Ἐκάσω - πέν μισθὸν ἀπιδίδου. *Cuique - mercedem dedit.* Et *Libanius* epist. 140. p. 71. Νῦν ὄντως μοι πέν μισθοὺς ἀπιδώκας. *Nunc vere mibi mercedem dedisti.*

Vf. 12. Τοῖς βασιάσκει τό βάρος τῆς ἡμέρας.) *Cinnamus* hist. l. 4. p. 176. Ὡς μὴ αὐτοὶ τῶν εἰς δεῦρο καμάτων τό βάρος βασιάσαντες, ἔπα τῶν ἐκ τῆς νίκης ἀγαθῶν - ἐπικοινωνεῖν ἔχομεν. *Nec cum totam molem laborum sustinuerimus, postea bona victorie - communicare debeamus.*

Vf. 15. Ἐν τοῖς ἐμοῖς.) h. e. *In meis rebus*, sive *bonis*. Sic *Longus Pastoral.* l. 3. p. 98. Οὐδενὸς εἰμὶ τῶν ἐμῶν κύριος. *Nullius rerum mearum sum dominus.* Item *Isocrat.* *Trapezit.* p. 541. Ἐγὼ αὐτὸν ἐπιβουλεύοντα τοῖς ἐμοῖς. *Animadverti ipsum insidiari bonis meis.*

Ut

Ut & Dionys. Halicarn. l. 11. p. 697. Ἀνασκευασάμενος τὰ ἐμὰ - - εἰς Σαβίνους ἀπείμι. *Collectis bonis meis - - ad Sabinos concedo.*

Vs. 16. Οὕτως ἔσονται οἱ ἔχρατοι πρῶτοι, ἢ οἱ πρῶτοι ἔχρατοί.) Notat Polyænus l. 6. p. 553. Philopœmenen existimasse, non decere ducem Phalangem præcedere, unde erat τότε μὲν ἐν πρῶτοις, τότε δὲ ἐν ἐχράτοις. *Tunc inter primos, tunc inter ultimos.*

Vs. 17. Ἀναβαλῶν - - εἰς ἱεροσόλυμα.) Polyænus l. 3. p. 260. Ἐς Θράκην ἀναβάς. *In Thraciam adscendens.* Et Antonin. Liberal. c. 40. p. 312. Εἰς Κεφαλληνίαν ἀνέβη. *In Cephaleniam adscendit.*

Vs. 21. Ἐκ δεξιῶν, ἐξ ευανύμων.) Dionys. Halicarn. l. 5. p. 296. Ἐξ ευανύμων μὲν καὶ δεξιῶν ἔχοντι πρόβλημα τον πόταμον. *A sinistra & dextra habenti fluvium ut propugnaculum.* Et Diodor. Sicul. l. 1. p. 57. memorat duas statuas in aliquo templo, τὰ μὲν ἐκ δεξιῶν, τὰ δὲ ἐξ ευανύμων. *Alteram a dextra, alteram a sinistra.*

Vs. 22. Δύνασθε πιεῖν τὸ πότιριον ὃ ἐγὼ μέλω πνεῖν :) Aelian. var. hist. l. 12. c. 1. Ἐτυχε μὲν ἀπὸ δείπνου ὦν, ἢ πνεῖν ἔμελλε κατὰ τὸν τρόπον τὸν Περσικόν. *Erat jam ille cæna usus, ac bibiturus more Persico.* Pro Πιεῖν ποτιριον eodem sensu figurato κρατῆρα ἐκπνεῖν dixit Aeschylus Agamn. v. 1406.

Τοσῶνδε κρατῆρ' ἐν δόμοις κακῶν ἔδε  
Πλήσας ἀραιῶν, αὐτὸς ἐκπίνει μολῶν.

*Tantum pateram in ædibus malo-  
rum iste  
Cum implevisset divorum, ipse ebibit re-  
versus.*

*Vf.* 23. Οὐκ ἐστὶν ἐμὸν δοῦναι, ἀλλ' οἷς ἡτοί-  
μασα) 'Αλλ' οἷς. h. e. *Nisi quibus.* Sic *Mar-*  
*ci c. 9. v. 8.* 'Ουκεπιδεῖν αἶδον, ἀλλὰ τὸν Ἰησοῦν.  
*Alii Codd.* ex mera glossa pro ἀλλὰ legunt  
ἐμῇ. *Diog. Laërt. Proæm. p. 12.* Μηδένας  
γὰρ εἶναι σοφὸν ἄνθρωπον, ἀλλ' ἢ θεόν. *Nullum*  
*enim sapientem esse hominem, nisi Deum so-*  
*lum.* Et *Herodian. l. 2. p. 67.* Ἀἴπος δὲ τοῦ  
τοῦτου θανάτου οὐκ ἄλλος, ἀλλ' αὐτὸς αὐτῷ. *Ver-*  
*um causa talis mortis nemo alius, nisi ipse*  
*sibi fuit.* Verbum autem δοῦναι *Conceden-*  
*di* sensu & apud alios occurrit. *Aeschyl.*  
*Agamemn. v. 1344.*

- - Πόλιν μὲν εἰλεῖν ἔδωσαν  
Μάκαρες Πριάμου. - - -

- - *Urbem capere dederunt*  
*Immortales Priami.* - - -

Sic & *Dare* pro *Concedere*, apud *Statium.*  
*Theb. l. 3. v. 283.*

- - - *Quid me Tyrio sociare marito,*  
- - - *Infauftisque dabas Hymenæis?*

*Vf.*

Vs. 25. Ὅτι οἱ ἄρχοντες - - κατακυριεύουσιν αὐτῶν, ἢ οἱ μεγάλοι καπιξουσὶ αὐτῶν.) Verbum Κατακυριεύειν occurrit apud Cinnam. hist. l. 4. p. 258. Οὐτε σοι, περιουτῶν ἡμῶν, κατακυριεύειν δυνατόν ἔσται. *Neque tibi, viventibus nobis, dominari possibile erit.* Hic Μεγάλοι sunt *Potentes*. Ita quoque usurpavit in epigrammate Solon, apud *Diogen. Laert.* l. 1. c. 2. Ἀνδρῶν δ' ἐκ μεγάλων πόλις ὀλλυται. *Viris potentibus urbs perditur.*

Vs. 26. Ἀλλ' ὅς ἐαν θέλῃ ἐν ὑμῖν μέγας γενέσθαι, ἐσὼ ὑμῶν διάκονος.) Primo notandum μέγας hic poni pro μέγιστος, *maximus*. Ita sæpe Positivus pro superlativo occurrere solet: *Matth.* c. 5. 19. Οὗτος μέγας κληθήσεται. *Ille maximus erit.* Item c. 22. v. 36. Ποία ἐντολὴ μεγάλη ἐν τῷ νόμῳ. *Quodnam præceptum est maximum in lege?* Et ibid. v. 38. Αὕτη ἐστὶ - - μεγάλη ἐντολὴ. *Hocce est - - maximum præceptum.* Item apud τοὺς LXX. *Genes.* c. 6. v. 9, τέλειος (pro τελειώτατος) ὢν ἐν τῇ γενεᾷ αὐτοῦ. *Cum esset perfectissimus in sua generatione.* Et *Cantic.* c. 1. v. 8. Ἡ καλὴ (pro καλίσῃ) ἐν γυναῖξιν. *Pulcherrima inter feminas.* Deinde ὅς ἐαν θέλῃ μέγας γενέσθαι ex elegantiori Græcismo ponitur, pro ὅς ἐαν μέγας γένηται, ita ut redundet verbum Θέλειν ante aliud. Sic *Lucæ,* c. 20. v. 46. τῶν θελοντῶν περιπατεῖν ἐν σοταῖς h. e. τῶν περιπατούντων. *Ioann.* c. 5. v.

35. 'Τμεῖς δὲ ἠγαθήσατε ἀγαθὰ ποιεῖναι. h. c.  
 'Τμεῖς δὲ ἠγαθήσατε. Item c. 7. v. 17. 'Εάν  
 τις θέλει τὸ θέλημα αὐτοῦ ποιῆναι. h. e. 'Εάν τις ποιῇ.  
 Et c. 8. v. 44. Θέλετε ποιεῖν. h. e. Ποιεῖτε.  
 Ut & Aeschyl. c. 2. v. 12. Τί ἂν θέλοι πῦρ ἄ-  
 ναι. h. e. Τί ἂν πῦρ εἴη Addamus Profano-  
 rum exempla. Aeschyl. Prometh. vinc. v.  
 781.

Τὴν δ' ἐμοὶ χάριν

θέσθαι θέλησον

Hanc autem mihi gratiam

Concedas.

Item Euripid. Oreste v. 921.

Ὅς εἶπ' Ὀρέστην παῖδα πρὶν Ἀγαμέμνονος

Στεφανοῦν, ὃς ἠθέλησε τιμωρὴν πατρί.

Qui censuit Orestem filium Agamem-  
 nonis

Coronandum, quod ultus sit patrem.

Adde Dion. Cass. l. 49. p. 417. Ἐπειδὴ Λού-  
 κιος τις Ἀσύλλιος -- τὴν ἀρχὴν -- ἀφαιναὶ ἠθέλησε,

πρὶν υἱὸν αὐτοῦ ἀνταπεδειξέ. Quum Lucius qui-

dam Asyllius -- magistratum -- abdicaret,

filium ejus suffecit ei. Apud Latinos quo-

que Velle ante aliud verbum redundat, Ovid.

Heroid. epist. 21. v. 139.

Si tibi conjugium volui promittere nostrum,

Exige polliciti debita jura tori:

pro Si promisi. Sic in Antiqua Inscriptione

apud Gruter, DCCCCXVI. 12.

Bibl. Brem. Nov. Cl. III, F. H.

R

Re



*Rogo. per. Deos. superos. inferosque.  
ni.*

*Velitis. ossa. mea. violare.*

pro *ni* violetis: ubi obiter notes *ni* ex vetustiori usu pro *ne* usurpari.

*Vs.* 28. Δαῦναι - λυτρων.) Eadem phrasi utitur *Leonidas* in Anthol. Gr. l. 4. c. 12. epigr. 55. p. 471.

- - - Ὁν περὶ Φρύνη

Δερχόμενος, σφετέρων λυτρων ἔδοκε πῖθων.

- - - *Quem apud Phrygiem*

*Cernens, sui pretium solutionis dedit  
amoris.*

*Vs.* 30. Ἐλέησον ἡμᾶς κύριε.) Sic *Naufragus* apud *Achill. Tatium* l. 3. p. 165. Ἐλέησον δέσποτα Ποσειδών. *Miserere domine Neptune. Nec non captiva quædam apud Eund. l. 5. p. 319. Ἐλέησον με δέσποτα. Miserere mei domina.*

*Reliqua ad Matthæum dabit sequens Fasciculus.*



## II.

JOANNIS CHRISTOPHORI  
HARENBERGII,

SPICILEGIUM PRIMUM

AD DIATRIBEN\*)

DE

PERICOPIS BIBLICIS  
RECTE CONSTITUENDIS

## §. I.

**I**n pericoparum, a LXX Sacris litteris insertarum, numero conspicitur id, quod legitur GEN. XLVI, 27. ubi ipsi intexuerunt vel potius librarii numero *Septuaginario*, qui est in fonte ebraeo, suum πεντε, *quinque*, ut indicaverint, 75. posteros Iacobi ingressos fuisse εις Αιγυπτου, ebr. מצרים. Adiungimus, ut 75. hos τών LXX posteros, quos in ebraeo deprehendimus tantum fuisse septuaginta, merito hisce id, quod

R 2

Ale.

\*) *conf. Cl. II. Fasc. II. N. 1. & Fasc. III. N. 1.*

*Alexandrinus*, græcus *Interpres*, ut vulgo existimatur, addidit inciso 20. ibidem. En græca verba ipsa: Ἐγένοντο δὲ υἱοὶ Μαννασῆ. ὃς ἔτεκεν αὐτῷ ἡ παλλακὴ ἡ Σύρα, τὸν Μαχίρ. Μαχίρ δὲ ἐγέννησε τὸν Γαλααδ. Τοὶ δὲ Ἐφραΐμ, ἀδελφεὺς Μαννασῆ, Σαταλαὰμ καὶ Ταὰμ: υἱοὶ δὲ Σουπταλαὰμ, Εδὲμ. *Nati erant filii Mannasse, quos pepererat ei ipsa uxor secundaria Syra, Machirum. Machir vero generaverat Galaadum. Filii autem Ephraim, fratris Mannasse erant Sutalaam & Taam; filii vero Sutalaami Edem.* Menassi fuisse filium Machirum & ex hoc natum Gileadum, intelligimus ex Ios. XVII, 1. 3. & Num. XXVI, 20. Ephraimo erant filii Schutelab & Tachan, Num. XXVI, 35. In hoc loco illis duobus Ephraimi filiis additur præterea *Bichri*, utrique interpositus. Præterea ibidem docemur v. 36, Schutelahho fuisse filium *Eran* huiusque Erani filios. Is, qui additamentum illud Gen. XLVI. 20, inseruit, locum Num. XXVI, 35, legit mutilatum in græco suo codice, siquidem in Codicibus græcis quamplurimis hæc verba græca, ad ebræum fontem revocata, ὁ Σαταλαὶ τῷ Βεχέρ, δῆμος ὁ Βεχέρ desiderantur. ORIGENES hæc verba græca, ubi LXX. Interpretum manca erat nec omnibus verbis ebræi fontis respondebat, olim interpretationi *Alexandrinorum* inseruit,

ruit, quemadmodum ipse testis est a), ex *Theodotionis* vel alius interpretis græci versione; ibique adposuit asteriscum. Varia enim menda iam ante *Origenem* illapsa fuisset versioni LXX, Io. Ern. GRABIUS copiose docuit in *Dissertatione de Vitiis LXX Interpretum Versioni ante Origenis ævum illatis, ac remediis ab ipso in hexaplarie editione adhibitis*. In Codice *Alexandrino* LXX, quem Grabijs in lucem emisit Annæ Britannorum Reginae iussu, legitur ille *Becher*. Num. XXVI, 35. Syra concubina, quam legimus in LXX, memorata Gen. XLVI, 20, enata fuit ex *Aramjab*, ex qua Menasses genuit filium Esrielem. 1. Chron. VIII (VII), 14. LXX hunc locum sic in græcum transtulerunt: 'Τοι Μανασσῆ, Εσρίηλ, ὃν ἔτεκε ἡ παλλακὴ αὐτοῦ ἡ Συρα, ἔτεκε τὸν Μαχίρ πιπρὰ Γαλαὰδ. Videtur illa *haarammijab* sive *Syra* peperisse *Machirum* æque ac *Asrielem*. Nisi horum utrumque Interpretes *Alexandrini* habuisset pro viro eoque uno & eodem, numerum suum 75 patriarchalem turbasset, ac 76 homines, Iacobi posteros, in suam redegisset summam. Ut verbo dicam, autor additamentorum græcorum in Gen. XLVI, 20. 27. famæ suæ

R 3

pa-

a) *Comment. in Matthæum* To. I. Opp. græco-latin. p. 381.

parum consuluit. Nam numerus filiorum Menassis & Ephraimi maior fuit opinione ipsius, ac quinarium numerum satis excedit. Sunt b), qui putant, Stephanum *Act.* VII, 14. sectatum fuisse opinionem Interpretis Alexandrini, & ex hac lectores, melius auditores, docuisse illum numerum 75 hominum, quos Iosephus, tum patrem suum tum patris familiam omnem, ad sese arcessiverit in regionem Gosen. Meum non est iam monere, Stephanum Palæstino sermone usum fuisse in sua ad adversarios apologia, ac eam ob causam ex Interprete Alexandrino græco prorsus nihil adtulisse in lucem. Lucas vero, Hellenista Iudæus, adhibuit interpretationem illam LXX passim. An vero in *Act.* VII, 14. ad hanc sese conformaverit, quæri potest. Mihi fit vero simile, additam illam *Gen.* XLVI, 26. pericopam non fuisse a prima Interpretis manu, nec necessum est arbitremur, olim Lucam interpretem sermonis Stephani, 75. *uxes* indicasse, ex Cananæa in Gosenidem transmigrantes. Posterius elucet ex Codicibus bene multis notæque sat bonæ, qui

b) *La Genealogie de Jesus Christ*, Matth. I, 1. Luc. III, 23. p. 152. a Leide 1683, 8. *Histoire universelle depuis le commencement du Monde jusqu' au present* To. II. L. I. c. 7. p. 163, f.



qui habent loco verborum ἐβδομήκοντα πέν-  
 π. *Ephrem* legit, *Septuaginta* πάντας omnes.  
 GROTIUS & BEZA illud πέν, *quinque*,  
 prorsus omiserunt. Personæ Septuaginta  
 leguntur apud LXX *Deut.* X, 22. Cur ipsi  
 hoc loco omisissent *quinque*, si hunc nume-  
 rum putassent divina accuratione niri? Ir-  
 repfit itaque illud πέν ex margine in con-  
 textum *Gen.* XLVI, 27. & margini fuit  
 illitum ex additamento seu glossemate falso  
 v. 20. Personæ 70 colliguntur ex *Gen.*  
 XLVI, 8. -- 25, si v. 15. numeras 33 homi-  
 nes; si vero uxores c) filiorum Iacobi,  
 quæ tunc vivebat adhuc, ad calculum haud  
 vocas, remanebunt tantum personæ 66,  
 prouti traditur *Gen.* XLVI, 26. Ne mo-  
 neamus, Menassen & Ephraïmum cum Ia-  
 cobo non demigrasse in Aegyptum, quod  
 dici videtur v. 26, 27, illud memoratu  
 dignum est, quod Moses tantum modo di-  
 xit; istos omnes venisse *Mizraimab*, id est,  
*prope Aegyptum*. Territorium enim in-  
 ferioris Aegypti, circa urbem *Mizraim*,  
*Mazor*, *Mizr* seu *Mesr* situm, ætate Mo-  
 sis adpellationem *Mizraim* tulit. Urbs  
 hæc, ad alveum Bubasticum posita; anno  
 640 a Mohammedanis capta & post hæc  
*Fustat* dicta fuit, quod nomen nondum  
 R 4 fuit

c) Hæc vocantur *filiae* Iacobi improprie, proprie  
 autem Dina v. 15.

fuit extinctum. Ad testimonium cito **ELMACINUM** *Hist. Saracen.* L. I, p. 28, f. & **ABULPHARAGIUM** *Dynast.* IX, p. 178. Circa hanc urbem erat regio Gosen, pars *nomi Arabiae* iuxta orientalem Bubastici alvei ripam, ubi tractus maior Cusch, Cuschian, Casiotis, exorsus, ad boream & orientem solem sese porro diffundebat. Ipse Iosephus venit in terram Gosen ad patrem *Gen.* XLVI, 29. Iosepho defuncto sedes ibidem ceperunt Menassch & Ephraim cum familiis suis. Ephraimidae inde varias in Palæstinam tentarunt incursiones. *I Chron.* VII, 21. Nec de Menassidis & eorum idem studentium conatis viderur dubitandum, siquidem Israëlidae in regione Gosen vitam Nomadum fuerunt sectari. Adscitiam adtigimus pericopam; dabitur nunc transpositam.

## §. 2.

Cel. **VENEMA** \*) in censu pericoparum transpositarum refert caput *Geneseos quintum*, idque collocandum esse censet inter

\*) Nimirum hæc sunt S. Venerabilis **VENEMÆ** verba in *Dissertatione*, quæ est selectarum ad S. S. V. & N. T. Tomi I. Partis II. Lectionum *“vardice emillarum a. 1747. Secunda p. 26. “Hujus Sexti Geneseos capitis prima pericopa, octo primos versus complexa, cum “cap.*

inter GEN. VI, 8. & 9. Qui genealogiam Patriacharum antediluvianorum, quæ totum Caput quintum explet, ex consilio *Vennæ* ante VI, 9. ponunt. ac initium capituli VI. cum fine capituli IV coniungunt inter legendum, lucem quandam sibi exoriri sentiunt, & eis ad liquidum adparet series genealogiæ, desinens in hæc verba Gen. VI, 9. ואלה תולדות נח, & hæc quidem iam recensitæ generis propagationes, ad Noachum usque decurrentes, sunt, quas enarravimus. Sic omnia sunt plana & expedita. Si sejunxeris contra Caput quintum a nexu cum Gen. VI, 9; omnia adparent hispida & hiulca. Noli quærere exactam & accuratam pericopes huius positionem in Alexandrina interpretatione græca. Vetusior enim ea est positio hac Interpretis cura, ad vertenda ebraica in græcum applicata. Dedimus ita pericopes transpositæ exemplum, plures ejusmodi dari haud admodum dubitantes. Vocabula singula a librariis nonnumquam olim fuisse tran-

R 5

spo-

“cap. IV. est connectenda, tanquam ad eandem Schedulam Patriarchalem pertinens,  
 “(ex ejusmodi enim Schedis constare librum Gen. jam est observatum) capite  
 “quinto, quod novam continet schedam,  
 “per parenthesin inserto. Ex quo nexus  
 “historiæ clarius conspicitur. N. B.

246 J. C. Harenbergii Spicileg.

spolita, intelligitur ex Psalmo alphabetico XXV, 2. ubi legendum *ד כר בטחתי אלהי* d)

§. 3.

Deest subinde in versionibus id, quod eodem gaudet initio congruenter enuntiato, quod præcedit vel sequitur. In codice latino antiquo *Vercellensi* leguntur LUC. XXII, 19. 21. hæc: *Hoc est corpus meum, Attamen ecce manus proditoris mei mecum super mensam.* Quæ interiecta sunt in græco, non habet, a codice *Veronensi* & *Brixienfi* haud aliena. Si quæramus rationem defectus illius in codice *Vercellensi*, nil adpareret in causa omissionis librario fuisse præter similitudinem initii enuntiatorum duorum. Dum enim librarius inspexit illud *ἔστω ἐστὶ τὸ σῶμα μου*, hoc est corpus meum; & perfunctorie deinceps oculos direxit in illud *ἔστω τὸ ποτήριον*, hoc poculum, credidit festinanter, sese muneri descriptoris proprio fecisse satis. Incisum *Luce* XXIII. 17. plane abest a codicibus antiquis latinis *Vercellensi*, *Veronensi* & *Brixienfi*, ante *Hie-*

- d) Nisi hoc fiat, littera altera alphabethica contra mentem auctoris primi perit. In inciso proxime priori *Iehovah* ponitur post vocabulum *אלהי*, unde videtur intelligi, in inciso secundo vocabulum *Elohai* ponendum esse post *becha*. Sensui tamen inde nihil subducitur.

*Hieronimi* interpretationem N. T. latinam adornatis. Si circumspicimus omissionis rationem, non succurrit animo alia, præterquam hæc; in græco codice uno atque altero, unde versiones illæ fuerunt compositiæ ac profectæ, librarium ob similitudinem enuntiatorum duorum initialem omisisse prius enuntiatum. Initium enim v. 17. & 18. in græco capit primordia a syllaba AN. Quanto facilius omissioni eiusmodi locus potuit fieri seu relinqui, si libratio observatæ fuerunt plures syllabæ, plures initiales eadem duorum enuntiatorum, quorum alterum alteri fuit contiguum? Videntur utique librarii tempore infectationum, quas Maximianus Christianis crudelissime molitus fuit, interpretationes ac descriptiones suas festinata opera adornasse, quum iussi essent ipsi idiographa Evangelistarum & Apostolorum præsidibus tradere, ut ea comburerentur. Ex Perside igitur & regionibus extra orbem Romanum tunc positis conquirendi sunt codices Græci & Latini, e quibus a posteritate de dicto illo i Ioannis V, 7. iudicia sunt facienda, præcipue quum istud habeatur in Latinis Patribus antiquioribus, & eodem initio enuntiati constet, ac incisum sequens. Benedictionem Moses videtur Simconi denegasse DEUT. XXXIII. At, nisi fallor, ea legitur v. 11, & omissa fuit.



fuit iam olim a librario formula præmissa, לשמעון אומר. Incisi enim hujus ratio est a priori enuntiato prorsus diversa tum numero eorum, qui compellatur, tum modulo structuræ sermonis.

## §. 4.

Adferuntur subinde a Iudæorum doctoribus initia pericoparum, licet ex eis initiis id haud liqueat, quod ipsi eunt demonstratum, & quod demum in verbis pericopæ sequentibus, si ea expenduntur & adduntur, continetur. Ita Act. XIII, 33. resurrectionis Christi veritas ex verbis Psalmi II, 7. *Tu es filius meus, hodie genui Te*, corroboratur. Spectant isthæc verba, per sese considerata, ad æternam Filii Dei a Patre genituram seu generationem, non ad resurrectionem Christi, e morte rediviui. At id, quod initia illius pericopæ deinceps sequitur, indicio est, fore, ut Messia mundus omnis subjiçatur & per hujus potestatem gubernetur omnis per terras universas ecclesia. Hoc autem fieri non poterat, si Iesus Messias morti obnoxius permansisset nec resumsisset vitam. An potuissent Reges obsequii initiationem præstare Iesu Messia, nisi ipse revixisset ac capeffisset regnum in universam tellurem?

## §. 5.

Pericopæ complectuntur interdum ea, quæ evenerunt seu adparuerunt. Hæc vero vel in sensus externos & per eos in mentem ipsam incurrerunt, vel in visione interna contigerunt. Nisi res sensu perceptas ita discernamus, prolabamur in errores necessum est. *Ezechiel* sæpius fuit in spiritu seu ecstasi, ac a Spiritu huc illuc est ductus, quum pedem loco haud extulit. Multa vidit *Ioannes* in visione, quum fuit ἐν πνεύματι, quæ eodem modo extrinsecus haud evenerunt, quo illa fieri vidit. Ita in visione *Zachariæ* *Satanas* ad dextram Angeli *Iehovæ* adparuit *Zach. III, 1. 2.* Confer *1 Reg. XXII, 22.* Stilo visionibus proprio debentur ea, quæ legimus *10 B. II, 1. 7.* Ita *Ioannes* in visione conspexit diabolum, in cælo cum *Michaele* præliantem. *APOC. XII, 7.* Hieroglyphica ævi vetustissimi, quo litteræ alphabeticae nondum erant inventæ, fuerunt postea materies rerum, quæ in visionibus viris sanctis adparuerunt. Et ideo stilus visionibus familiaris seu hieroglyphicus etiam extra visionum argumenta ævo pervetusto est consuetus, & passim in imaginibus, a Platone aliisque subinde adlatis, lectoribus repræsentatur. Eodem fortassis referenda est disceptatio *Michaelis* cum *Satana* de *Mosis* corpore, quod

quod Satana invito paullo post hujus sepul-  
 turam in celos fuit sublatum, testibus ve-  
 tustis Ebraeorum membraniseu voluminibus.  
 Commemorare hoc loco liber ea, quæ ad  
 eum eventum spectant, quo Iesus a Diabolo  
 tentatus fuisse perhibetur. Nemini id com-  
 pertum fuit, quod in ea tentatione fuit ge-  
 stum, nisi Iesu ipsi, qui eam in loco ab homi-  
 nibus vacuo ad occidentalem Iordanis ripam  
 perpeffus est. Ipso solo revelante & com-  
 municante postea cum suis, isthæc in nori-  
 tiam hominum venerunt. Lucas eam po-  
 tissime persecutus fuit copiose. Hic nar-  
 ravit, III, 1-13. Iesum spiritu ductum fu-  
 isse in eremum per dies quadraginta & a  
 diabolo tentatum. (nec illis diebus edisse  
 quicquam; eis vero ad finem perductis rur-  
 sus cœpisse esurire). Tentationem ipsam  
 sic describit. *Tum diabolus* Iesu tres ten-  
 tationis insultus opposuit; at repulsus fuit  
 ab Eo, qui a Spiritu sancto erat unctus &  
 eo erat plenus, licet ab Angelis bonis de-  
 relictus ad id exiguum tempus. Diabolus  
 eum non duxit per aëra vel ad loca passim  
 editissima. In fastigio enim templi stare  
 poterat nemo. Si Iesum duxisset diabolus  
 in alias templi pinnas seu Mæniana & ex-  
 dras, indubie istum obtulisset conspectui  
 hominum ibi confidentium vel conspicuus,  
 vel inconspicuus. Si prius factum esset,  
 Iesus

Iesus a Iudæorum primoribus fuisset con-  
 virtus ideo exagitatus. Si posterius conti-  
 gisset, Iesum omnes pro maniaco habuissent.  
 Si audissent adseffores colloquium, ipsi fu-  
 issent præ metu dilapsi. An hoc tacuissent  
 Evangelistæ? An Iudæi unquam leguntur  
 hæc obiecisse Sospiratori? In altissimo quo-  
 vis monte nemo potest alteri unico tem-  
 poris puncto monstrare universi orbis ter-  
 rarum vel Palæstinæ regna eorumque deli-  
 cias. At in visione id omnino fieri pote-  
 rat. Accedit, quod Iesus nobis exemplum  
 reliquit tentationis Satanicæ gloriosum in  
 modum exaltatæ, peccati quippe experts.  
 Adde, quod ipse usque quaque tentatus  
 fuit, *sicut nos*. At neminem Christiano-  
 rum diabolus unquam ducere potest pro  
 arbitrio in montes & exedras, quamdiu  
 ipsi ratione gaudent sana. Quis enim un-  
 quam exempla eiusmodi probata satis &  
 & vera audivit vel vidit? Discedente Sa-  
 tana, visio fuit finita. Tunc Angeli boni  
 ad Iesum redierunt, & ipse revertit in Ga-  
 lileam. Nisi veriti fuissent Theologi, ne  
 Iesus peccatis maculatus fuisse videretur,  
 quam primum gesta isthac tentatio intra vi-  
 sionem fuisset, hanc dudum secuti fuissent  
 interpretandi viam. At metu isto vacui in  
 aurem utramvis ipsi poterant dormire.  
 Zacharias enim & Micha æque cacodæmo-  
 nem



nem in visione viderunt & audierunt sermocinatum, immo ipse Ioannes eum vidit bella cientem; nec tamen mens eorum inde fuit contraminata. Nolim tamen aliorum sententiis obstrepere vel officere. Deligat quisque, per me enim licet, quod vero est maxime consensaneum. Virtutibus enim certasse satius est, quam interpretationum divortiis, hac illac se aperientibus. Referenda hæc quidem sunt ad pericoparum expositionem magis quam earum ordinationem. Nisi tamen singularium pericoparum interpretatio insistat firmo talo, earum constitutio non potest recte conformari. Paucula sunt, quæb. Io. Iac. RAMBACHIUS e) de pericopis maioribus ac minoribus adtigit. Multa in hoc gurgite restant, in quo rari nantes adparent.

## §. 6.

*Pericopa esse turbata* videtur APOC. I, 4-8. Structura enim orationis, ab omnibus Codicibus exhibita. If. NEWTONUS & IO. IAC. WETSTENIUS sibi persuaserunt, turbationem structuræ vel esse indicium inscitiae scribendi, vel munimentum contra hostes evangelii, in quorum manus &

e) *Institut. hermeneut. sacrae* L. II, c. 2. §. 7. p. 117. f.



& oculos casu quodam epistola Iohannis Apocalyptrica incurrere potuisset. Utraque ratio mihi videtur esse ficulnea & Divino scriptori parum consentanea. Quin potius redimus in memoriam generis scribendi, quod nonnumquam veteribus probatum fuit. Ipsi enim paginam diuidebant in columnas duas; si obiectiones & oppositas eis responsiones tractabant, aut aliquid volebant quasi per adnotationes illustrare, quod intra periodi unius aut alterius cancellos erat conclusum. Nisi ex professo commentaturus essem de hoc argumento, iam essem longior & primo quidem de more illo ex ævo prisco differerem, deinceps vero causam exemplis ex Paulo & aliunde decerptis corroborarem. Inpræsens pauca hæc modo subiungere libet, donec fidem datam præstem. Veteres & Græci & Latini protographa sua sæpius sic adornabant, & lineas scripti sui ita instruebant, ut aliquid superscribi posset, quod barbaris sæculis *interlineare* adpellatum fuit: aut ad dextram vel sinistram scripti in membrana, ad dimidiam fere latitudinis partem, spatium relinquebant vacuum, in quod cogitata posteriora vel etiam illustrationes eorum, quæ iam scripta erant, conscribere seu exarare possent. De priori modo mentionem faciunt PLINIUS *Secundus* L. VII, ep. 12.

& SÆTONTIUS in *Nerone*. Specimina veteris ejusmodi scripturæ restant in libris musicis, in quibus ad *Guidonis Aretini* ætatem usque litteræ, quæ erant notæ musicæ, supra scriptæ sunt. Posterioris modi exemplum haud unum lectori offertur a *Bern. de MONTFAUCON* in *Palaographia græca* p. 188. 214. 229. Si quos librarii codices conferrent inter sese, ac in altero invenirent versiculum, vel enuntiatum, quod in uno haud legebatur, ad oram scribebant membranæ id, quod excidisse vel deesse videbatur. Si auctor quæstiones & interrogationes scriberet, eis responsiones subiecturus, interrogationum initia fere ad dimidium lineæ inchoabat, ut lectori natura enuntiationum diluceret. Si idem enuntiata esset illustraturus vel ea strictius coerciturus, membranæ dimidium reservabat illustrationibus adiiciendis. Ei, qui scholia auctoribus adiungebant, hunc in primis servabant modum. Qui epistolas scribebant, quibus argumenta copiosiora tractabantur, eodem more in alteram partem membranæ ea conferebant, quæ ad enuntiata clarius exponenda vel intra cancellos suos revocanda faciebant. Ita enim id, quod per sese videbatur longissima tractatione persequendum, concise & magis evidenter repræsentare sibi poterant lectores.

Pau-

Paulo Apostolo hunc morem in epistolis nonnullis curæ fuisse, res ipsa loquitur. Specimina darem luculenta, nisi hoc in clivo egregie sudasset pl. Reverendus vir *Frid. WITTINGIUS*, ecclesiastes ad S. Michaëlis Hildenesheimii primarius, in libro germanice scripto editoque Brunsvici ac Hildesiae 1761, 4. sub titulo: *Erläuterung der Lehrart Pauli*. Nisi descriptors librarii, præcipue qui cum Euthalio epistolas Pauli in stichos diviserunt, veterem scribendi migrassent morem, ætati nostræ plura exempla exarandi bipartito membranam fuissent reservata.

## §. 7.

Documenta diligentiae criticæ, ad argumentum nostrum spectantis, dedisset plura *Frid. WITTINGIUS*, nisi hoc anno 1763, 12 Ian. præmatura morte fuisset interceptus. Adiungere tamen nonnihil mihi libet de pericopis, quæ enuntiationibus orationem interpolantibus videntur laborare. Sunt, qui hæc enuntiata, si conficiant *propositionem*, adpellant *parentheses*, & ea ipsa credunt scripta esse ad instar reliquarum enuntiationum, quibus nulla intervenitalia enuntiatio, seu, ut vulgo adpellant, *propositio incidens*. Malim, si liceat, sic statuere, ut existimem, maiores

propositiones incidentes, vel commata, versus marginem ad latus fuisse scriptas ab auctoribus, seu magis ad sinistram contextus oram olim esse exaratas, tum ad sensum lectoribus clare exhibendum, tum ad ea discernenda, quæ a lectoribus haud erant confundenda, Separanda autem mihi videntur ab his enuntiatis, orationem interpolantibus, *glossemata* criticorum, olim ex margine in contextum orationis adscita, quæ tamen sæpius ibi arbitror a quibusdam deprehendi, ubi locum non habent. Offeram lectori aliquot utriusque speciei exempla. En ea, quæ leguntur EBR. VI, 9. *πεισμεθα δὲ περὶ ὑμῶν, ἀγαπαί, τὰ κρείττονα καὶ ἔχοντα σωτηρίας, εἰ καὶ ἔγω λαλῶμεν.* *Persuademus vero nobis maxime de vobis, dilecti, meliora & ea quidem, quæ saluti sunt adfinia.* Non credit auctor, ipsos fore ex eis, qui cum Iudæis a Iesu averfis in perniciem instantem Iudæis rebellantibus, sint ruituri. Ad illud *ἔχοντα* scripsit quidam in marginem, *εἰ καὶ ἔγω λαλῶμεν; an etiam sic loquimur? an hæc dictio est satis græca?* Scire debuerat censor, dici id *ἔχοντα*, quod alteri cohæret & confine est. Auctore prorsus id enuntiatur, fini adiectum, est indignum. Cur enim hic ita non loqueretur vel sensum exprimeret, quemadmodum fecerat? Et cur persuasionem suam

certio-

certiorem Auctor paullo post coniecisset in  
aleam dubitationis? Dixisset sane sic idem  
ac hoc: Persuasi sumus de vobis meliora,  
nec tamen persuasi sumus, nam fortasse di-  
cendum non est, nos esse persuasos. \*) *Hu-*  
*noldus Plettenberg*, e Societate Iesu, in *Intro-*  
*ductione ad Ius Canonicum*, *Hildesii* 1692,  
8. edita, ad vocabulum *Ieremiam* Matth.  
XXVII, 9. habet hæc c. 12. p. 120. "*Mal-*  
"*donatus* non sine fundamento asserit, Mat-  
"*thæum* nullius Prophetæ nomen rerulif-  
"*se* - - alium vero scriptorem, quod puta-  
"*ret* Hieremiæ citari testimonium, illius  
"*nomen* proprium addidisse, tum quia *Au-*  
"*gustinus de Consensu Evang.* III, 7. testa-  
"*tur*, suo tempore in multis codicibus nul-  
"*lum* nominatum fuisse prophetam, tum  
"*quia* in versione Syriaca nomen Hieremiæ  
"*non* legitur., Cur *Ebrist*, SCHOETTGE-  
NIUS verba *Apoc.* VIII, 3. 4. legi solita,  
*ταῖς προσευχαῖς τῶν ἁγίων*, pro glossemate in  
*Horis Hebraicis* p. 1114. reputaverit, ra-  
tiones apud ipsum videndæ sunt & pen-  
sandæ. Alibi glossemata venantur & de-  
prehendunt critici, ubi ea non inveniun-  
tur. Dabimus exemplum. Leguntur hæc  
GAL. II, 4. 5. Διὰ δὲ τὰς παρειστάκτας Ἰουδαίους  
φύς, εἰσὶντες παρεισῆλθον κατασκοπεῖσαι τὴν ἐλευθε-

S<sup>o</sup> 3

ρίαν

\*) Alia vice ostendere animus est, verba hæc, si vel  
textui relinquantur, sensum fundere satis  
congruentem. N. B.



ρίαν ἡμῶν, ἣν ἔχομεν ἐν χριστῷ Ἰησοῦ, ἵνα ἡμᾶς καταδικῶσιν οἱς, καὶ πρὸς ὧσαν ἔξαμεν τῇ ὑπαταγῇ. - *At propter fratres falso sic dictos, qui in ecclesias subrepperunt aliorum opera, subingressi exploratum libertatem nostram a iugo cæremoniarum Iudaico, quam in professione religionis Messiae Iesu habemus, ut nos in servitutem traderent suis, nequidem ad brevem temporis moram cessimus per obsequium.* - Illud τῇ ὑπαταγῇ ad casum spectat sextum. *At quid sibi velit οἱς, difficile visum fuit Criticis definitu. Fuerunt igitur, qui utrumque vocabulum οἱς εἰδε tollere & in marginem reiicere maluerunt, unde in contextum videatur adscritum. At sensus Apostoli non innotescit nec scopo scribentis fit satis, nisi retineatur utrumque. Et οἱς hoc loco ob eandem rationem non reddendum est quibus, sed suis, contractum quippe ex ἐδς, suos. Illustrari possunt alia etiam loca, si remedio eidem nonnumquam relinquatur locus. At iam ad potiora progredimur, daturi enuntiata longiora, quibus oratio sacra est interpolata in tabulis Fœderis novi, quærentes antea, an illud מִן עַמּוּשׁל omissum est Deut. XXXIII, 11? Ut enim librarii aliquid contextui aliunde potuerint inferere, ita per eandem imbecillitatem humanam videntur aliquid omittere potuisse. Liceat tamen his*  
in

in præsens haud immorari. Ad N. T. enuntiata provehimur interpolantia.

§. 8.

Suffecerint instituto nostro paucula exempla. Scribemus ea sic protinus, ut lector, quid velimus significare, intelligere queat. Forma scriptionis nostræ reddet omnia satis luculenta. ROM. I, 1.

παυλος δulos Ιησu Χρισtu, κλητος.

Αποσολος, αφωρισμενος εις ευαγγελιον Θεου,

2. Ὁ προεπηγγελατο δια των προφητων αυτη  
εν γραφαις αγιαις,

3. περι τη υιου αυτη,

τη γενομενη εκ σπερματος Δαβιδ κατω  
σαρκα,

4. Τη οριοθεντος υιου Θεου εν δυναμει, κατω  
πνευμα αγιασυνης, εξ αναστασεως νε-  
κρων,

Ιησu Χρισtu τη κυρια ημων,

5. δι η ελαβομεν χαριν και αποσολην εις υπα-  
κοην πισεως εν πασι τοις εθνεσιν, υπερ τη  
ονοματος αυτη,

6. εν εις εσε και υμεις κλητοι Ιησu Χρισtu,

7. πασι τοις υσιν εν Ρωμη - - -

III. 6. Μη γενοιτο. επι πως κρινει ο Θεος τον  
κοσμον;

7. *Si enim veritas Dei (evangelium) per  
mendacem meam (pristinam doctrinæ  
Pharisaicæ) professionem (misericor-  
dia Dei in melius mutatam) redunda-*

vit ad gloriam Eius, cur porro etiam ego tamquam facinorosus & maleficiorum plenus traducor?

8. Et num, ut obtreccamur & quemadmodum nonnulli dicunt nos dicere: *Faciamus mala, ut (inde) eveniant bona*, horum, (qui mihi sic obtreccant,) iudicium iustitiæ consentaneum est? a)

Neminem fugit, pro  $\kappa\tau\omicron\varsigma$  non raro dici  $\omicron\varsigma$ .

IV, 13.  $\Theta\upsilon$   $\gamma\alpha\rho$   $\delta\iota\alpha$   $\nu\omicron\mu\omicron\varsigma$   $\eta$   $\epsilon\pi\alpha\gamma\gamma\epsilon\lambda\iota\alpha$   $\tau\omega$   $\lambda\beta\epsilon\alpha\mu\eta$   $\eta$   $\tau\omega$   $\sigma\pi\epsilon\rho\mu\alpha\tau\iota$   $\alpha\upsilon\tau\eta$ ,

$\tau\omicron$   $\kappa\lambda\eta\rho\omicron\nu\omicron\mu\omicron\nu$   $\alpha\upsilon\tau\omicron\nu$   $\epsilon\iota\nu\alpha\iota$   $\tau\eta$   $\kappa\omicron\sigma\mu\omicron\varsigma$ ,  
 $\alpha\lambda\lambda\alpha$   $\delta\iota\alpha$   $\delta\iota\kappa\alpha\iota\omicron\sigma\upsilon\eta\varsigma$   $\pi\iota\varsigma\epsilon\omega\varsigma$ , (*sed ex fiducia, quæ iustitiam conciliat; obtigit.*)

14.  $\text{Ei}$   $\gamma\alpha\rho$   $\omicron\iota$   $\epsilon\kappa$   $\nu\omicron\mu\omicron\varsigma$ ,  $\epsilon\kappa$   $\nu\omicron\mu\omicron\varsigma$   $\kappa\lambda\eta\rho\omicron\nu\omicron\mu\omicron\iota$  ( $\epsilon\iota\varsigma$ ),  $\kappa\epsilon\kappa\epsilon\nu\omega\tau\alpha\iota$   $\eta$   $\pi\iota\varsigma\iota\varsigma$ ,  $\kappa\alpha\iota$   $\kappa\alpha\tau\eta\gamma\eta\tau\alpha\iota$   $\eta$   $\epsilon\pi\alpha\gamma\gamma\epsilon\lambda\iota\alpha$ .

15.  $\text{O}$   $\gamma\alpha\rho$   $\nu\omicron\mu\omicron\varsigma$   $\omicron\rho\gamma\eta\nu$   $\kappa\alpha\tau\omicron\rho\gamma\alpha\zeta\epsilon\tau\alpha\iota$ .

$\text{Ou}$   $\gamma\alpha\rho$   $\epsilon\kappa$   $\epsilon\varsigma\iota$   $\nu\omicron\mu\omicron\varsigma$ ,  $\epsilon\delta\epsilon$  ( $\epsilon\varsigma\iota$ )  $\pi\alpha\rho\alpha\beta\alpha\sigma\iota\varsigma$ .

16.  $\Delta\iota\alpha$   $\tau\upsilon\tau\omicron$   $\epsilon\kappa$   $\pi\iota\varsigma\epsilon\omega\varsigma$  ( $\eta$   $\epsilon\pi\alpha\gamma\gamma\epsilon\lambda\iota\alpha$ ),  $\iota\upsilon\alpha$   $\kappa\alpha\tau\omega$   $\chi\alpha\rho\iota\nu$  ( $\eta$ ), *obtingit*,  $\epsilon\iota\varsigma$   $\tau\omicron$   $\epsilon\iota\upsilon\alpha\iota$   $\beta\epsilon\beta\alpha\iota\alpha\iota$   $\tau\eta\nu$   $\epsilon\pi\alpha\gamma\gamma\epsilon\lambda\iota\alpha\nu$   $\pi\alpha\nu\tau\iota$   $\tau\omega$   $\sigma\pi\epsilon\rho\mu\alpha\tau\iota$ ,  
 $\delta\upsilon$ .

a) A persona prima singulari deflectitur ad primam pluralem, & commate 9 Paulus personam induit Iudæorum, quibus prærogativam, in iudicio Dei stabilem denegat.

ἐν τῷ ἐκ τῆ νομῆς μου; *an illis posteris, qui ex lege tantum omni Mosaica sperant & sectantur iustitiam, coram Deo, exclusis ceteris?*

ἀλλὰ καὶ τῷ ἐκ πίστεως Ἀβραάμ, *quin vero potius posteris ex fide, quali instructus fuit Abraham, ὅς ἐστι πατὴρ πάντων ἡμῶν. - - Sic ἀλλὰ alibi adhibitum, e. g. Marc. IX. 8.*

V. 8. Συνίσησε δὲ τὴν ἑαυτῆ ἀγαπὴν εἰς ἡμᾶς ὁ Θεός, ὅτι ἐτι ἀμαρτωλῶν οὕτων ἡμῶν, Χριστὸς ὑπὲρ ἡμῶν ἀπέθανε.

6. Ἐτι γὰρ Χριστὸς, ἐν τῶν ἡμῶν ἀσθενῶν, καὶ τῶ καιρῷ ὑπὲρ ἀσεβῶν ἀπέθανε.

7. Μολὶς γὰρ ὑπὲρ δικαίῃς τις ἀποθάνεται, ὑπὲρ γὰρ τῆ ἀγαθῆ ταχὲς τις καὶ τόλμα ἀποθάνειν. (At pro eis, qui sceleribus maximisque peccatis cooperri sunt, numquam alias quis suscipit necem.) En maxime commendabilem Dei in nos amorem!

9. Πολλῶ ἢ μάλλον - -

Examini aliorum probō & sincero hæc consecrata funto. Qui considerabunt nervos & summam doctrinæ Paulinæ, ei non succensebunt mihi, quod IV, 14. reperio il-

lud h) *ex vopis*, non definiens, utrum id potius sit subaudiendum, an contextui sit inferendum. Mihi, posterius tentaturo, certe Codices, quantum intellexi, suffragantur nulli. Id vero Paulus hoc loco docet, præcipue, iustificationem peccatoris coram Deo, non proficisci ex lege, quam quippe nemo peccato corruptus exacte implet, ideoque non oriri c) ex debito. Hæc est ratio, cur partem commatis 16 putem esse quæstionem.

Mirum videri potest, quid causæ fuerit, cur commata 6. 7. capitis quinti antecedere videantur comma Octavum. Admiratio autem hæc concidit, quamprimum nobis sit verisimile, incisa illa duo in latere fuisse adscripta, ut, quia multum spatii occuparunt, in margine paullo supra lineam incisi octavi ceperint primordium. Sed librarius, qui unum contextum ex commatibus singulis, collegit & composuit, ad hoc momentum haud videretur adtendisse. Videtur

- b) Ob membranarum amplitudinem olim opus erat dictans librario. Ni iste moneret plane, idem repetita vice scribendum esse, hic illud semel duntaxat, scribebat, quod bis scribendum.
- c) Debitum désigno pactionis, divinitus propositæ per legem, addita Dei pœna in delicturos.



derur haud secus illud καὶ τοῖς τῶν ἔργων ἀπὸ κα-  
ταβολῆς κόσμου γενηθέντων Ebr. IV, 3. refe-  
rendum esse ad finem incisi sequentis. Li-  
brarius olim ex latere verba illa scripsit eo,  
quo non debebat, loco. Adjicerem alia  
exempla satis luculenta, nisi censorum suf-  
fragia & rationes in contrarium adlatas vel  
parentes prius exspectare statuisssem. Præ-  
stat enim, in hisce esse cautiorem & timi-  
diorem quam audaciorem. An in Penta-  
teucho Mosaico locus postea passim fuerit  
datus inferendo uni alterive indicio, scri-  
pta illustranri, quæri solet. *Herm. WITSIUS*  
Misc. S. l. i. c. 14. id factum esse *Gen. XIV, 14.*  
*XIII, 18. XXIII, 19. XXXV, 27. XXXVII, 14.*  
*Ex. XVI, 35. Deut. III, 14.* non negat.  
Sed M. lo. *Christ. MEHLHORN* IUS, d),  
id esse concedendum, infitiat. *ur.*

§. 9.

Vellicat nunc aurem *Anglus* doctissi-  
mus, qui haud ita pridem in *Epbemeridi-*  
*bus Anglicis* e) periodos capitum I. & II.  
Genescos ita disposuit, uti ex hoc schema-  
te elucet. *Gen. I, 1-10. 14. 15. 16. 17. 18.*  
*13.*

d) In *gründlicher Erklärung der heil. Schrift Al-*  
*tes Testaments* I Band p. 71, f. Leipzig,  
1738 4,

e) *Gentleman-Magazin.*

13. 11. 12. 19. II, 9. 8. 10. 11. 12. 13. 14. I, 20-25 II, 4. 5. 6. II, 7. 1. 28. 29. 30. II, 19. 20. 18. 21. 22-25. I, 31. II, 1. 2. 3. 15. 16. 17. In periodis ita collocatis ordinem faciliorem atque commodiorem lectoribus offerri plerumque, negare haud sustinemus. At longe alia est quæstio, an Mosi collocatio eiusmodi sit tribuenda, an dispositio hæc fuerit a primo scriptore quidem profecta, successu autem temporis turbata & huc illuc dispersa. *Alexandrini & Samaritanus* Interpretes certe eum sequuntur periodorum ordinem, quem adhuc tenemus, in creationis historia in sermonem suum conversa, ut credibile sit, Efram, diligentissimum ac Divinum scriptorem seu descriptorem, dictum *Sopher* f), qui summam Pentateuchi prælegit reversis ex exilio Israëlitis g) & enarravit h.), non invenisse duo prima Geneseos capita alio ordine scripta, ac eo, quo nunc disposita apparent. Vocabulo *Sopher* certe semper ea fuit potestas, ut dictorum vel scriptorum auctorem i), priora fideliter repetentem dicta vel scripta, designet. Qui in synedriis Iudæorum scribebant, qui dicta iudicum, reos vel ab-

fol-

f) *Esr.* VII, 11. 12. *Nehem.* VIII, 9. 13.

g) *Nehem.* VIII, 8. 18.

h) *Nehem.* IX, 6. f.

i) *1 Chron.* XXIV. 6.

solventium vel condemnantium, Icalamo excipiebant, vulgo a nobis adpellati *Secretarii*, vocabantur *Sopherim*, teste libro mitchino *Sanbedrin* IV, 3. aliisque passim locis suffragantibus. Eidem Iudæi eos, qui Pentateuchum Mosis describunt, nomine insigniunt iam olim eodem. Non est credibile, Pentateuchum ante Esram alio periodorum ordine fuisse unquam descriptum, ac eo, quo Esra eum ad posteros transmisit. Nam ante ipsum numquam effluerunt anni quinquaginta, quin Mosis libri fuerint k) publice tractati & lecti a sacerdotibus ac hominibus peritis. Quis hosce in turbandum ordinem eorum, quæ antea erant scripta, consensisse crederet? Mosis nomen posteris suis perpetuo erat iam venerabile, ut nemini potestas esset immittendi in ejus scripta ordinem enuntiatorum novam. Nec fuit eorum quisquam, cui dubitatio suborta placuit, Pentateuchum vel ex parte vel ex toto ab alio, ac Mose, initio scriptum fuisse l). Apostoli eum universum Mose tribuerunt *Act.* XV, 21. 2. *Cor.* III, 14. 15. præeunte Messia Iesu Io. V,

k) *Ios.* I, 7. 8. XI, 23. XXIII, 6. XXIV, 26.

1 *Reg.* XI. 3. 2 *Chron.* XXIII, 4. XXV, 4. XXVI, 5. XXIX, 15. XXXI, 21. 2 *Reg.* XXII, 8. XXXV, 12. *Dan.* IX, 13.

l) *Herm. WITRIUS Miscellan. sacr.* I, 14.

V, 46. 47. *Marc.* XII, 19. confer *Rom.* X, 5. Ipse *Samaritanus* Pantateuchus uterque nostram sententiam confirmat m). Quum vero Moses ea ætate haud vixerit, qua evenerunt illa, quæ primo Pentateuchi libro exponuntur; non possumus non opinari, Mosē hæc litteris memoriæ prodidisse vel ex Dei revelatione vel ex scriptis aliorum, qui ante ipsum vixerunt. Quid, quantum & quomodo Mosi ea fuerint exaranda, nutui supremo utrique in acceptis ipse referre debuit, eo quod scripta fœderis prioris erant *θεοπνευστα & λόγια θεῶν*, oracula, divinitus scriptoribus inspirata. *Rom.* III, 2. *2 Tim.* III, 15. 16. Quæ ad *historiam creationis* universi referenda sunt, profluxere procul dubio ex Dei revelantis benignitate. Nemo tamen contendere ausit, Mosi ea demum fuisse divinitus patefacta, quæ ad creationem, paradisi originem, statum utriusque hominis primi & purum & fœdatum, ad Patriarcharum gesta, & promissiones Dei haud unas spectabant. Intererat enim Protoplastorum nosse & suam & reliquarum rerum originem, creatarum in ipsorum commoda & oblectamenta. Intererat primorum parentum nosse, quid in paradiso potissimum observare & fugere deberent. Intererat poster-

m) *Sal. DEYLINGIUS Observation. sacr.* P. I. p. 7. f.



sterorum Adami haud oblivisci originem mali moralis ac semina physici mali inde enascentis. Intererat ipsorum nosse progenitores suos Deique in probos munificentiam benignam; in improbos vero ac rebelles pœnam, diluvio ipso secundam. Ante Iosephum quidem in Aegypto Proregem, inter progenitores ipsius, litteræ nondum existerant alphabeticæ. Ante harum tamen inventionem usus obtinuerat hieroglyphicorum signorum; quæ n) per familias propagabantur & in Aegypto a Regibus constituebantur. Primores familiarum & in Aegypto Antistites sacrorum eam sibi reservaverant curam, ut traderent hieroglyphica semel statuta, servarent, augerent, & eorum beneficio gesta ad posterios transmitterent. At nomina hominum propria signis istis exprimi haud poterant. Recursandum igitur erat ad memoriam, qua id complectendum & adservandum sæpiusque repetendum erat, quod ab oblivione vindicandum esse videbatur. Inde solemnioribus in conventibus sacris, quibus capita familiarum præerant, sacrificia adiungentes, memoriter modulabantur familiares, qui aderant, pericopas numquam obliviscendas, primo quidem historiam

n) Copiose de eis exposui in *Nützlichen Sammlungen* 1757. Hannover. p. 1433. f.



riam o) creationis, una modulatione comprehensam; tum vero felicitatem primorum hominum eiusque ruinam; deinde feriem progenitorum suorum, &c. Ex *Theogoniis* priscis variarum nationum, præcipue Aegyptiorum, Phœnicum, Persarum, Græcorum, hæc patescunt p), licet Theogoniis illis Philosophi & Poëtæ passim cogitata sua & imagines novas successu temporis inseruerint, prouti ex Ovidio, Virgilio ac ipso Hesiodo satis superque intelligitur. De Sileno hæc VIRGILIUS *Ecloga* VI habet:

“ - Canebat, uti magnum per inane  
coacta

“Semina terrarumque animæque maris-  
que fuissent,

“Et liquidi simul ignis: ut his exordia  
primis

“Omnia & ipse tener mundi concreve-  
rit orbis:

“Tum durare solum & discludere Ne-  
rea ponto

“Cæpe-

o) EUSEBIUS *Praepar. Evangel.* I. 10. CUDWORTH, *Intell. System.* p. 319.

p) *Algemene Historie*, tweede Stuck van het eerste deel. Inleiding p. 30. f. 1735. 4. *Nova Acta Erud. Supplem.* To. VI. Sect. 4. p. 151. f.

“cœperit & rerum paulatim sumere  
formas :

“Iamque novum terræ stupeant luceſce-  
re ſolem ;

“altius atque cadant ſummotis nubibus  
imbres :

“Incipiant ſilvæ cum primum ſurgere,  
cūque

“rara per ignotos errent animalia montes.

“Hinc lapides Pyrrhæ iactos, Saturnia  
regna ;

“Caucaſeaſque refert volucres furtumque  
Promethei.

SIMPLICIUS, magnam eſſe ſimilitudinem  
inter Moſaicam & Aegyptiorum priſcam  
de créatione rerum narrationem, intellexit  
q). Dum vero adiecit iudicium ſuum, il-  
lam ex hieroglyphicis horum emanaffe  
perhibens, vero abſimilia ſuffragio ſuo fuit  
dignatus. Aegyptiorum enim hiſtoria ad  
origines rerum haud pertigit, & ea mythis  
involuta exhibuit, quæ apud Moſen clara  
ſunt & luculentis verbis expreſſa. Facile  
autem intellectu eſt, pericopam, quæ crea-  
tionem univerſi complectitur, eſſe inſtar  
peculiaris opusculi & deſinere in II, 4. Tum  
vero initia paradifi ac hominum, in inte-  
gritate phyſica & morali conditorum, enar-  
ran-

q) In Ariſtotelem *de Auſcultatione phyſic.* L. IV.

*Bibl. Brem. Nov. Cl. III. F. II.*

rantur II. 5-25. Deinceps nova pericope exponit protoplastorum labem ac mala physica inde exorta, III, 1-24. Posthæcprehendimus pericopam, qua origines peccatorum, orbi terrarum diluviem parientium, edisseruntur. IV. Tandem additur genealogia Patrum piorum chronologica c. V, quæ denuo peculiarem pericopes exhibet compagem. Singulis hisce pericopis, si ad earum scopum metamque respicias, deest nihil. Ad primam reddendam ampliore nonnulla enuntiata possunt ex pericopa secunda r) accommodari trahique. Sed hæc enuntiata tam arcte congruunt & adfixa sunt ad pericopam secundam, ut inde tolli & in primam huc illuc transponi nequeant. Hominum primorum status paradisiacus postulat omnino, ut indoles & natura Paradisi, & incolarum ejus arborumque, inprimis relatio parentum primorum ad paradisi situm, curam, & retinendam possessionem recensita fuerint. Ad summam sextiduanæ rerum originis hæc per sese non respiciunt. Scopo differunt utique per omnem modum pericopæ ambæ, prima

r) Denuo id re ipsa demonstravit *Isaac. Ioseph. BERRUYER To. I. P. I. Histoire du peuple de Dieu* p. 17. s. Iesuita hic sæpius contextum biblicum comice permiscuit. At hoc loco se continuit intra cancellos.

ma & secunda. In hymnis odisque Davidicis leguntur passim ea, quæ historiam populi Israelitici Aegyptiacam, Arabicam & intra Cananæ tractus varios versantem exponunt. Si quis in eam inciderit hæresin, ut unam Odam ex quatuor aliis compaginare conetur, is operam suam nemini adprobabit. AMMONIUS idem in quatuor Evangelia sæculo tertio exeunte tentavit, conflaturus inde unicum & solum corpus. Harmoniam quamdam ita institui contexique posse, non negarunt nonnulli. At exegesi inde magnopere adjuvari posse, illi negarunt, qui Chronologiam, quæ videtur inesse evangelio Matthæi, prouti vulgo membranæ eius fuerant collocatæ, cum ceteris Evangelistis in concordiam redigere fuerunt adgressi. Pericopa Mosis prima semper a Iudæorum doctoribus s) separatim fuit collocata. Priscorum in populorum theogoniis ætas Saturnia seu sæculum aureum ab enumeratione originis rerum discipat suoque distat intervallo. Ecquis dubitat, e puriori primorum parentum enarratione theogonias illas varie expositas

T 2

tam-

f) *Decem verbis creatus fuit mundus.* Pirke aboth V, I. MAIMONIDES addunt hoc loco, novies legi in historia creationis עשרין & dixit, ac vocem eam decimam includi in prima breschith.

tamquam e communi fonte emanasse? Neutiquam vero illæ per genus humanum sic fuissent disseminatæ, nisi eas Deus ipse hominibus reverlasset & aperuisset. Pericopam primam melius ex secunda illustrari, quam ex Philosophicis & Cabbalisticis doctrinis, libens fateor. Nec infitior, utramque, licet invicem manserit separata, memoriter decantatam fuisse. Mos enim ille per theogoniarum propagatam recitationem ubique obtinuit, sustinens vicem alphabeticæ scripturæ. Vocabula tamen & formam Moses ad sermonem ab Israelidis ætate sua receptum attemperavit, adornans recensitionem ad veritatem, qua Deus eam propagari volebat, & ad modum, qui posteris erat conformatus. Scripserat iam ante Mosen Prorex historiam sacram. Ad eius enim ætatem pertinent ultima genealogica, quæ *Gen. XI.* edisseruntur. Nec erat, qui præter eum arcana historiæ Iosephi scribere poterat. Moses vero isthæc omnia ita in recensitionem suam suscepit, quemadmodum Oeconomia salutis nutusque Dei, a linguae recentissima ratio exigebant. Sermonem ab initio generis humani statim existisse Mosaicum, qui quippe Cananæus est, nequaquam ullis censoribus veritatem sectantibus adprobari potest. Nam nomina *Chavvah, Kain, Noëhb, Mahala-*  
*leel,*



*leel*, *Tubalcain*, *Arphachsad* & alia satis sunt indicio, sermonem primorum hominum sensim fuisse mutatum. Nomina certe in rerum primordio fuerunt universa per originem suam adpellativa. Quid vero sibi volunt nomina *Lamech*, *Metuschelach*, *Kainan*, *Pliscbtim*, *Togarmah*, *Patros*? Et quam facile poterat eis adfui aliquid, quæ per notas hieroglyphicas, non indicari hominum nominibus, per manus familiarum ad posteros tradebantur? Ut igitur oracula prima & gesta ponerentur extra omnem dubitationem ac integra posteritati commendarentur, opus erat scriptura alphabetica & Mosis per Deum ductu, atque ab omni erroris metu vel nævo immunitate peculiari, nec non dictione illa, quæ inter Ebræos ævo suo vigeat. Si igitur cum clarissimo Anglo, *Rob. LOWTH*, tibi persuadeas, verba *Lamechi Gen. IV*, 23. 24. reliquias esse carminis vetusti, inde tamen non consequitur, arbitrato Mosis & prima carminis lingua eas fuisse repetitas. Carmina ante Mosen & eius ætate iam fuisse versiculos, pedum numero adstrictos, *Lowth* quidem credit & complures ante eum existimarunt. At tenuissima rei poetice initia & indoles hymnorum priscorum hebraicorum illi sententiæ reclamant. Inter cisa ad enuntiationem breviorē finitam

modulatio & comitans modulationem motus corporis, argumento consentaneus, atque longior in fine periodi cessatio modulationis videntur omne tulisse punctum & omne cantus negotium, ad quasdam pronuntiationis moras compositum, confecisse. Adiectæ sunt huic negotio tandem instrumenta musica, saltationes artificiosiores, & ipsæ passim exergasæ, chori, personæ sigillatim & alternis vicibus t) modulantes, nec non alii ad excitationem animorum apparatus, quemadmodum ex Therapeutarum moribus apud PHILONEM u) intelligitur. Id vero dandum non est Io. SPENCERO, Ebræis morem fuisse sacros hymnos ac carmina sua in iaculis decantandi inter saltationes, *ὑμνηματα* a Græcis adpellatas, a maribus cum feminis institui solitas. In conventibus enim Ebræorum sacris mares stabant a feminis omnino segregari, & eundem Aegyptii servabant morem, quo mares cum maribus, feminae cum feminis, inter modulationes in sacris conventibus saltabant.

## §. 9.

Deducimur ita ad *Psalms*, vulgo a Davide cognominatos, quippe quorum singuli

t) IUSTINUS MARTYR *Apol.* II, p. 76. ATHANASIUS in *Argumento Psalmorum* p. 71. To. II. Montfauconi.

u) Pag. 893. *Francof. Viadr.* 1691, f. item p. 901.

guli sunt pericopæ maiores. Dicemus ad eorum mentionem nonnihil, quantum ad eorum collocationem & Chronologicas rationes videtur referri posse. Ordo collocationis eorum non ad idem spectat tempus, nec rationem temporis sequitur. Prima collectio continebat primos Psalmos Septuagintos & duos. Ultimo eorum subscriptum fuit *Amen Amen. Finem heic habent hymni Davidis, ex Isao nati.* LXX: Γένοιτο γένοιτο. Ἐξέλιπον ὕμνοι Δαυὶδ υἱοῦ Ἰσαάκ. Symmachus: Ἀμήν ἀμήν ἐπλήθυναν αἱ προσευχαί - - - Theodorio & quinta Origenis editio: Ἀνακεφαλαιώθησαν προσευχαί Δαυὶδ. - - - EUSEBIUS, qui his verbis summam collectionis primæ clausam fuisse negat, isthæc nos docuit, pergens x) ita: *Verum reliquæ interpretationes & ipsa hebraica scriptura commonstrant, hæc quoque (v. 20.) totius psalmi partem esse.* Mirari subit, Eusebium ad hanc suam sententiam descendere potuisse aliis persuadendam, qui ipse, diversas Psalmorum collectiones temporibus diversis contigisse, paullo ante tradiderat. Ipse enim sic senserat: *E re fuerit heic rursum monere, non ex serie historiæ & temporum ordinem.*

T 4

dinem

x) *Commentar. in Psalmos* p. 418. ad Ps. LXXII. 20. To. I, *Collect. Patrum & Scriptorum graecorum* Bern. de MONTFAUCON Paris. 1706. Fol.

dinem psalmorum fuisse constitutum, sed tempora inibi admodum permixta esse y). Idem z) alibi ita: Cum multo idololatriæ genere Iudaicus populus detineretur, ipsos patria scripta e memoria deposuisse, narrat Regnorum historia; ita ut neque Mosaicæ legis liber ultra a) reperiretur neque paternæ pietatis memoria penes illos servaretur. Sic itaque Prophetas, iniquitatem ipsorum coarguentes, interficiebant: quibus de causis in captivitatem Assyriorum primo traditi sunt. Nihil itaque mirum est, in tali temporum conditione quædam, quæ libro Psalmorum continebantur, longo annorum curriculo oblivione oblitterata excidisse. Sub hæc autem sive Esdras sive quispiam alius Prophetarum ipsos colligendi curam suscepit atque una cum aliis libris libram quoque psalmorum consecravit: neque confertim (αδελφως) omnes reperit, sed diversis temporibus. In primis autem locavit illos, qui inventi fuerant primi: Et hinc factum, ut ii, qui Davidis sunt, non serie sua omnes iaceant, sed commixti cum iis, qui filio-

y) *Ad Pf.* LXII, (63) p. 298.

z) *Pag.* 300. f.

a) Hoc autem est ultra terminos ratioeinari. Nam vatis Amosi ævo in Israelitico regno sacrificia immolabantur ad Mosis præscriptum ac hymni Davidici solemniter decantabantur. *Amos* IV, 21, 22. V, 5. *Conf.* 2 *Reg.* XVII, 27. f.

*filiorum Core, Asaph, Salomonis, Moysis, Aethan, Aeman, rursusque Davidis deprehenduntur in libro: non ratione temporis, quo pronuntiati, sed quo reperti sunt. Et inde contigit, ut, qui tempore posteriores erant, quia primi reperti, primi repositi sint; ac vice versa qui primi fuerant, posteriori adpareant loco, quia post alios eruti sunt.* ATHANASII, idem sentientis, locum supra §. I. adruuli. Si Psalmi ad ordinem eiusdem argumenti vel adparatus musici consimilis vel festorum anni dierum fuissent collocati, *Eusebius* ac *Athanasius* non obstarent, quo minus, psalmos eodem tempore fuisse collectos, contenderemus. At ne hunc quidem ordinem ex collatione psalmorum eruere vel componere licet. HILARIUS b) credidit, Efram collegisse psalmos, numeros tamen non adscripsisse; LXX autem psalmos *Spirituali & caelesti scientia* in numerum ac ordinem rede gisse. Undenam hæc hauserit *Hilarius*, ignoro. Testibus fidei probatæ hæc ipse superstruere debuisset. Quominus pronuntiatum *Hilarii* reputem pro certo, impediōr PSALMI LXXIV, commate IX, unde liquet, si ceteras adiungimus rationes, psalmum istum

T 5

ævo

b) In *Prologo Psalmorum* §. 8. col. I. Paris. 1639. fol. Opp.



ævo Antiochi Epiphanis, in Iudæos eorumque sacra sævientis, compositum fuisse, ea scilicet tempestate, qua nec Prophetæ nec doctores publici sacrorum amplius erant Iudæis. Ad *inscriptiones*, si eæ Psalmis sunt præfixæ, commentari libet pauca, ne quis inde depromat tela in id, quod modo significavimus. Nam Psalmis passim superscriptum fuit *Assaphi* prophetæ nomen, quod de uno Davidis administro, musices sacre moderatore, exponi solet. Simulac vero monuerimus, unicuique musices sacre directori inde ex Davidis ætate illud nomen fuisse commune temporibusque consecutis continuarum sub eadem adpellatione, causam diximus pro nobis. Nam Psalmorum argumenta, nomen *Assaphi* præferentium, satis indicant, ea non esse uni eidemque sæculo vindicanda. Equis nescit, præfectis administrationum potiorum sacerdotibus inhæsisse id nominis c) perpetuo, quod directori præfecturæ primo fuerat proprium. Ita sacri thesauri custos ad Titi Vespasiani usque tempora adpellatus fuit perpetuo *Phineas*. Alienum igitur a veritate censeretur non debet, si consero, *Psalmum* 79 & 80. spectare ad  
Mac-

c) *Schekalim* V, 1, R. *Abraham* in *Schilte hagibborim* fol. 32. col. 1, cap. 36. *JOSEPHUS* B. I, VI. 8. §. 3.

Maccabæorum ætatem, licet utrique no-  
men *Affaphi* fuerit præfixum. Ille enim  
referendus est ad Iudæ Maccabæi expugna-  
tionem Hierosolymorum; hic vero ad tem-  
pli per Iudam repurgationem. Liceat hinc  
colligere, collectionem psalmorum *secun-  
dam tertiamve* ad ipsam *Iudæ Maccabæi* æta-  
tem pertinere. Falsa igitur est sententia  
HILARII d), AUGUSTINI e) & aliorum,  
qui, Esdræ collegisse Psalmos universos,  
tradiderunt. Nec tamen dubito, Psalmos  
illos ad Davidem auctorem esse referendos,  
qui notam דוד præferunt. Nam hoc in-  
diciū, Psalmo XVIII. præmissum, adpa-  
ret, qui omnino Davide gaudet auctore  
2 Sam. XXII, Confer præterea Psalmi  
XXIX inscriptionem cum 2 Chron. XVII,  
29, s. Inutilis proinde distinctio est inter  
Psalmos seu hymnos *Davidis* & *Davidi*,  
quam habent LXX. &, qui eos fuit secutus,  
ATHANASIUS g), quasi carmina, quæ vo-  
carunt *Davidi*, ab aliis in Davidem fuerint  
recitati. In N. T. certe tribuuntur Davidi  
eæ odæ, quibus præfixum est in hebræo  
leda-

d) Loco indicato p. 333.

e) *De Civ. Dei* XVII, 14.

g) In *Argumento Psalmorum* p. 71. To. II,  
MONTFAUCON.

*ledavid.* Vide, quæso, *Luc. XX, 42. Act. I, 16-20. Rom. XI, 9. Act. II, 25. 30. 31.* Titulos, Psalmis præfixos, historicæ veritati satis congruere ac respondere notum est, licet eapropter ipsorum origo ad auctores hymnorum non sit referenda. Titulorum scriptores fuisse privatos homines eosque *interdum parum antiquos*, opinatur Cardinalis *Lud. Vincentius GOTTI h)*. Aliis vero videntur tituli illi scripti esse in usum Levitarum, quam primum hymni singuli his traditi fuerunt, ut de auctoribus constaret. *2 Chron. XXIX, 25, 30.* Præterea notum esse debebat, an cantores verba capeßere statim, an a musicorum instrumentorum usu primordia capi par esset, & quibusnam instrumentis foret utendum. Ferenda est eorum imbecillitas, qui arbitrantur, in notitiam horum vasorum musicorum ætate nostra non amplius perveniri posse. Carent odæ quædam titulo seu inscriptione. Primam, ea vacantem, Davidi assignavit auctori *ATHANASIUS i)* ob confinia secundæ, quam Davidi tribuisse Apostolum *Act. IV. 24.* habemus compertum. Invertit *HIERONYMUS* hanc regulam *Athanasii*, & Psalmos, qui titulo carent

h) *De Veritate religionis Christianæ & librorum, quibus innotitur*, To. III, L. I, p. 88.

i) *In Argumento Psalmorum*. p. 70. To. II, cit.

carent & alium, qui in inscriptione præfert auctorem, sequuntur, eidem adsignat auctori. En *Hieronymi regulam* k): *Omnes Psalmi, qui, cujus sint, titulum non habent, iis deputentur, quorum in prioribus Psalmis nomina continentur.* ORIGENES iam huic opinioni inhæsit, a Iudæis profectæ, HIERONYMO teste l) hunc in modum: *Octogesium nonum (Ebræis 90) Psalmum, qui inscribitur Oratio Moyfi hominis Dei, & reliquos undecim, qui non habent titulos, Origenes, secundum Huilli expositionem, eiusdem Moyfi putat.* At regula illa fallaciam spirat. Psalmus enim 91 continet ex indicio LXX laudes, quas in Deum David contulit, peste cessante. Ad Regem *Iosaphatum*, Victorem Ammonitarum, Moabitarum, Idumæorum ac Minæorum, spectat Psalmus 92. Omitto reliqua. *Alexandrinus* Interpres exemplari ebræo usus fuit, in quo plus inscriptionum, quam in exemplaribus nostris ebræis, deprehensum videtur. Ipse vocabulum *Michtam* credidit legendum esse *michtabh*, vel hoc illi posse substitui. Habet enim *ἐπὶ ὕμνων*, *lapidis exstantis inscriptionem*, aequè Ps. XVI, 1. ac Ps. LVI, 1. LVII, 1. LVIII, 1. LIX, 1. LX,

k) To. III, *Opp.* p. 761. G. Paris 1643. fol.

l) In *Apologia adversus Ruffinum* I, 3. p. 494. F. G. To. II, *Opp.*

LX, 1. In hisce omnibus duræ narrantur calamitates, eventu amæno conclusæ. Unde suspicor, odam, quæ vicissitudinem talem occultæque providentiæ evolutionem mirandam exposuit, adpellatam fuisse *mich-tam*. Arabes enim adhibent verbum *ca-tam*, quoties de re studiose occultanda vel abdita injiciunt mentionem. Nonnullis Psalmis præfixa est occasionis materies ex actis historicis, expositionem reddens facilitam. Si omnibus eadem fuisset præmissa, multum laboris exegetici nobis esset m) subtractum. Singularis est sententia *cos-mæ Indopleustæ*, opinati n), propriè ad Messiam referendos esse hymnos II, VIII, XLV, & CX, nullos præterea. Quæritur, an Psalmus *unus* alicubi in *duos* fuerit divisus, an duo coaluerint in unum, an cuiquam recentior poeta nonnihil adiecerit? Qui commata interpunxit, se fefellit in Ps. XXV, 2. dum vocabulum וְלֵא traxit ad comma secundum, dum ultimo loco ponendum erat in inciso primo. Nam Psalmus ille est alphabeticus, cuius incisum secundum inchoari debet a littera secunda ב. Sunt, qui monent, eundem Psalmum duobus locis repeti, & tamen nonnihil inesse diffe-

m) RAMBACHIUS *Institut. hermeneut.* II, 2. §. 9. p. 121.

n) In *Topographia Christiana* L. V, p. 224. 227



differentiæ in loco altero e. g. Ps. XIV, LIII, item Ps. XVIII, 2 Sam. XXII, 2. f. Si geminus psalmorum usus nobis ob oculos versatur, repetitio illa non amplius excitabit admirationem. Unus usus est historicus; alter ad musicam referendus eamque non eandem continuo, sed temporibus diversisque modulationibus musicisque instrumentis accommodatam. Additiones virorum piorum ætatis posteræ a Psalmis abesse debebant ob modulorum rationes & concentus ex utraque musica temperamentum. In argumentis vero historicis o) ac geographicis nec non genealogicis additiones eiusmodi quædam interiectæ vel substitutæ sunt, quæ lectoris usui cedebant & destinationi divinæ consonant omnino.

o) Io. Franc. BUDDEUS in *Historia ecclesiast. V. T. To. II. p. 1012.*





III.

EJUSDEM  
SPICILEGIUM ALTERUM  
AD DIATRIBEN  
DE  
PERICOPIS BIBLICIS  
RECTE ORDINANDIS  
ET  
DIJUDICANDIS.

§. I.

**O**peræ pretium fuerit, immorari paululum nonnullis pericopis enodandis, quæ ex V. T. in N. T. adlegantur. Sunt enim non soli *Collinsiani Deistæ*, qui movent, adlegationibus illis non inesse vim argumentationum, sed ipsas esse nonnisi *accommodationes*, sed cantilenam eandem quoque repetunt interpretes nonnulli; in primis Iudæi quidam, doctrinæ nostræ infensi & eam destructuri, eis adlegationibus vim ac robur adinere student, passim  
fidem

fidem earum notaturi. Liceat mihi viris optimis consentire, qui in omnia eunt alia, ac adlegationibus illis non solum fidem certam, sed quoque robur argumentationum, inesse, prædicant. Referri possunt adlegationes illæ in classes non unas. Sunt enim eæ vel *historicæ* vel *typicæ* vel *propheticae* vel *morales*.

§. 2.

Adlegationes *historicæ* complectuntur vel verba repetita vel simul accessiones quasdam, verba illustrantes, atque haustæ sunt vel ex gestis, quæ in V. T. enarrantur, vel ex traditis olim per Iudæos notitiis. Videtur a loco MARCI II, 26. esse inchoandum. Dicitur ab eo David introisse in domum Dei, sacri tentorii sedem externam, tempore Abiatharis, Princeps qui fuit sacerdotum: & panes Deo propositos edisse. Sunt, qui hærent in Marci verbis ἐν τῇ Ἀβιάθου τῆς Ἀρχιεπισκοπῆς, rati, Abiatharem tunc nondum fuisse sacerdotum Principem, nec eum Davidi dedisse aliquid ex istis panibus edendum. *Theod.* igitur BEZA sibi persuasit, verba illa græca non esse Marci, sed glossematum architecti. Idem senserunt librarii *græci & latini*, qui illa verba omiserunt. Desunt ea Codici *Cantabrigiensi, Vercelleni, Veronensi* & aliis Codicibus *la-*  
*Bibl. Brm. Nov. Cl. III. F. II. V. tunis*

*inis.* Syrus Interpres a) vero, Codex latinus *Brixianus*, *Vulgata*, alique Codices verba illa græca in sermonem exterum translata exhibent solide meritoque. Nam **Abiathar** fuit summus Sacerdos, sive per prolepsin sic fuerit dictus, sive eo ipso tempore, siquidem iam antea Deum rite in causa Davidis consuluerat 1 *Sam.* XIX, 4. ideoque patri in muniis sacerdotalibus erat adiunctus. De reliquo vesci permisit panibus illis Davidi Abimelechus pater 1 *Sam.* XXI, 1. quod non negavit Marcus. Quantum vero ad illud *im* adinet, hæc præpositionis particula, ea casui secundo ac personis iuncta, denotat tempus, quo quis vixit, quo aliquid fuit gestum. G. RAPHELIUS ex *Xenophonte* & *Arriani Epicteto*, I. ELSNERUS ex *Thucydide* & *Demosthene*, uterque ad hunc Marci locum, suppeditarunt huius significatus exempla, quibus addi possunt *Matth.* I, 11. XXVIII, 14. *Luc.* III, 2. IV, 27. *Act.* XI, 29. In *Iosepho*, *Philone*, *Pausania*, *Plutarcho* sæpius iste structuræ modulus sensu eodem legitur. I. CLERICUS ad *Hammondum* alucinarius fuit, sibi persuadens, illud *im* Ἀβιάδαρ Ἀρχιερέ-

a) Syrus habet: כר אביתר רב כהנא, quum Abiathar esset princeps sacerdotum. Codex Brixianus: Sub Abiathar sacerdotem. *Vulgata*: Sub Abiathar Principe Sacerdotum.

ἡγεμὼν in latinum verti posse ad *Abiatharem Pontificem*. Nullus enim scriptor græcus eum huic structuræ sensum adiunxit. I. HARDUINUS ad *Marci* locum rectius hanc adtulit interpretationem: *Dum præesset Abiathar synagoga Israelitica, tamquam Princeps sacerdotum*. Synagoga tamen strictim dicta in eam ætatem haud cadit. Id vero, quod *Harduinus* adiecit, rarus, duos simul fuisse Pontifices, quorum annuæ fere fuerint vices, & cuius moris primordia ab *Heli* Pontificis obitu arcessenda sint, quem morem ex hoc *Marci* loco ivit comprobatum, mihi videtur lubricum & incertum, immo improbandum. Suffecerit nobis, rem a *Marco* enarratam accidisse sub *Abiathare*, seu tempore *Abiatharis*, τὸ ἀρχιερεὺς illius, quæ summus fuit sacerdos. Si honoris hæc nota fuit per prolepsin adiecta, scrupulus cessat omnis; sin vero proleptice haud dictus fuit sacerdotum Princeps, meminisse iuvat, eum iam in patris munia successisse nomine vicario, siquidem Deum rite consuluit more sacerdotis summi.

## §. 3.

Crux lectoribus videtur fixa in narratione illa *Stephani*, quæ legitur ACT. VII. 2. 3. 4. quippe quacum pugnare fertur id, quod



quod narratur GEN. XII, 1. In priori enim loco Deus dicitur Abramo præceptum impartivisse *in Mesopotamia*, ut hic patriam & cognatos defereret atque in aliam emigraret regionem. In posteriori loco præceptum illud videtur Abramo divinitus *in Haran* contigisse, quæ erat vel vicus vel villa regionis Aram naharaim seu Aram paddan, id est, Aramææ Bataneos seu Baraneæ. Exposui de situ huius regionis in *Novis Actis Eruditorum*. 1740. p. 270. f. Si verba Dei, Abramo ingesta, inspiciamus, ea non in Haran, sed in Ur Caschdim huic fuerunt patefacta & iniuncta. Dei enim hæc erant verba: *Exi ex patria tua & ex cognatione seu familia tua ac ex domo patris tui*. Constat vero inter omnes, patriam Abrami patrisque Taræ fuisse *Ur Caschdim*. Si nossemus situm huius urbis, quæ a Chaldæis vel Chaldis nomen traxit, eumque inter Euphratem & Tigrim deprehenderemus in famosa illa olim Mesopotamia, difficultas sublata esset omnis, ac locus uterque, qui videtur discordare, foret inuicem conciliatus, simulac interpretatio in *Gen.* XI, 31. 32. XII, 1. 2. 3. 4. adferretur, rei congruens. Antequam vero ulterius progredior, hunc *Geneseos* locum ita ad verbum interpretor:

“Et

*"Et adsumsit Tarah Abramum. filium  
 suum, & Lotum, nepotem suum ex filio  
 Harano, nec non Sarai nulum suam, uxorem  
 Abrami filii sui: atque hi emigrarunt  
 cum ipsis ex Vr Calschdim, profecturi in re-  
 gionem Canaan. Et venerunt Haranam  
 usque, ubi sedes ceperunt. Et erant dies  
 Taræ quinque anni & ducenti anni, ac obiit  
 Tarah in Harana. Et dixerat ante exitum  
 ex Vr Calschdim Deus Abrahamo: Exi ti-  
 bi ex patria tua & ex cognatione tua ac  
 ex domo patris tui in regionem illam, quam  
 tibi indicabo: & faciam te populum ma-  
 gnum & faustitatem tibi impertiam, &  
 eveham nomen tuum, ut sit prosperrimum  
 & illustre. „ Clauditur ipso tertii incisi  
 fine promissio Dei, olim Taræ in Vr Calsch-  
 dim impartita. Parenthesi hac seu exposi-  
 tionis accessione absoluta, narratio ipsa sic  
 porro continuatur: *"Et emigraverat Abram,  
 quemadmodum iusserat ei Deus, profectus-  
 que cum eo fuerat Lotus. Abram vero  
 natus fuerat 72. annos, quum postea ex Ha-  
 rana emigraret. „* Si plusquam perfecti  
 significatum sequaris, ubi res ipsa id exi-  
 git, nodi geographici & chronologici dif-  
 ficultas exstinguitur & evanescit. Subiun-  
 gemus interpretationi ex hebræo factæ in-  
 terpretationem ex græco transfusam, re-  
 V 3                      feren-*

ferentem verba Stephani ex *Act.* VII. 2. 3.  
4. En hanc:

*"Viri Fratres ac Patres, audite. Deus  
"ille gloriosus adparuerat Patri nostro Abra-  
"am, qui erat in Mesopotamia, antequam  
"sedem caperet in Charran: dixeratque ad  
"ipsum in Ur Calchdim: Emigra ex patria  
"tua & ex cognatione tua, & discede in re-  
"gionem, quam sane tibi monstrabo. Tunc,  
"egressus ex regione Chaldaeorum, domicili-  
"um fixit in Charran. Et inde, pater ejus  
"obierat, domicilium mutavit sedemque tran-  
"stulit in regionem hanc, in quam vos nunc  
"habitationes collocastis. „*

Illud, *qui erat in Mesopotamia*, non  
necessario indicat, Abramo in Mesopota-  
mia illam visionem fuisse oblatam. Pona-  
mus tamen, in Mesopotamia visum ipsi  
esse Deum & emigrationem præcepisse;  
tunc nobis dandum est, Ur Calchdim fuisse  
sitam in Mesopotamia. Nostrum vero  
est inter hæc meminisse, *Mesopotamiam*  
seu interamnensem regionem in Oriente  
non fuisse unam, & Chaldaeos ac Chaldos  
quondam variis in regionibus sedes obtinu-  
isse & mutasse. Mesopotamia *prima* fuit  
Euphraten & Tigrim interiacens; *secun-  
da*, sic a LXX dicta, & Iordane ac laboco  
fluviis

fluviis intercepta b): *tertia* inter Euphraten & Orontem *Iudith*. I, 14. *quarta* Cyrrho & Euphrate coërcita, in qua verus erat Ninos seu Nineve. Chaldæi habitarunt c) ad Phasin supra Trapezuntem iuxta Pontum, olim Chalybes d) adpellati. *Chaldæi* habitarunt regionem Chalybonitidem, siquidem dicti fuerunt *Chalybes*. *Chaldi* seu Chaldæi habitarunt ad Babylonem. *Persæ* ipsi olim vocati fuerunt *Chaldæi* e) Quid notionis cum vocabulo *ܘܪ*, Ur, sit conjungendum, videtur esse obscurum. Si quid ex Iovis Urii adpellatione, qui in urbe Osdroe, Orchoë, seu Edessa & ad oram Ponti Euxini colebatur, colligi potest, dum IOSEPHUS *Ant.* I, 7, §. 1. nihil opis exhibet, Osdroe fuit Ur Chaldæorum. Ipsa enim ad Euphratem & intra Mesopotamiam f) sita fuit. Edessa enim nomen est a Macedonibus ortum. Io. HARDUINUS in *Commentario ad Act.* VII, 3. geminat visionem, & alteram Abramo in Harana obrigisse putat, haud secus ac alii per-

V 4

multi

- b) *Gen.* XXVIII, 2. *Iudith* III, 12.
- c) STRABO L. XII. p. 825. 832. Amstelod. 1707. f.
- d) STRABO L. XII, p. 826.
- e) L. HOLSTENIUS in *Stephanum Byzantinum* p. 352.
- f) IOSEPHUS tradit *Ant.* II, 7, §. 4. p. 91. Ebræos ex Mesopotamia fuisse oriundos.

multi interpretes fenserunt. Ut verbo dicam, Stephani enuntiatum argui non potest erroris, quocunque tandem illud Ur Chaldæorum posueris.

## §. 4.

Exposui iam supra nonnihil, quod ad extricandum Stephani pronuntiatum *Act. VII, 14.* referri potest. En eius verba: *Iosephus misit ac evocavit patrem suum Iacobum in aliam sedem ac omnem cognatam sibi familiam, hominibus septuaginta & quinque constantem.* Eximendus est igitur huic numero Iosephus, uxor & duo filii eius. Iacobus & ex eo nati nepotesque, filiae & nepres, æquarunt numerum 66. exceptis filiorum ipsius feminis. *Gen. XLVI, 26.* Iacobus autem si ipse & reliquæ domus ipsius personæ, scilicet filia & nepres numero illi 66 inferuntur, inde oriuntur homines septuaginta. *Ex. I, 5. Gen. XLVI, 27.* Hæ personæ ex ipso fuerant progenitæ. At migrarunt cum ipso Iacobo in Aegyptum matres etiam filiorum Iacobi & horum filiorum uxores, ex Iacobo nongentæ, verbi causa, Bilha, Silpa, & tres filiorum uxores. Hoc modo inde prædit numerus 75, quem tenent *LXX*, in *Gen. XLVI, 27*, in *Ex. I, 5.* & in paucis exemplaribus *Deut. X, 22.* IOSEPHUS *Ant. Iud.*



*Jud.* II, 7. §. 4. p. 89. rem sic prodidit: *Iacobus in Aegyptum cum filiis & omnibus horum filiis discessit.* Ἦσαν δ' οἱ πάντες ἐβδομήκοντα, *erant vero hi omnes septuaginta.* De filiis Iacobi καὶ πᾶσι τοῖς τέττων & omnibus horum liberis videtur Iosephus numerum eum intellexisse, non inclusis Bilha, Silpa & uxoribus tribus filiorum Iacobi. Lea enim e vita iam discesserat, ante iter in Aegyptum, *Gen.* XLIX, 31. *Io. HUDSONUS* in *Notis* ad *Iosephi* locum erudite adtulit testimonia Patrum, qui in numero 70. adquieverunt, nec plures Ebræos memorarunt, in Aegyptum traductos. Memoratu inter hæc est dignissimum, a *MILLIO* nullum indicatum esse Codicem græcum vel latinum, qui alium ac numerum 75. in *Oratione Stephani* habet. *Syrus* *Interpres* eundem secutus fuit numerum. *Purpuratus* curiæ Romanæ *Vincentius Ludovicus GOTTI* \*) nodum hunc ita solvit: "Ingressi sunt septuaginta in Aegyptum, ut habent etiam *LXX Deut.* X, 22. "At, *Act.* VII, 14. secundum *LXX, Gen.* "XLVI, 27. adduntur duo filii Iosephi horumque filii & nepotes. At dicuntur illi 75. "Aegyptum ingressi cum Iacobo. In pa-

V 5

"tre

\*) *De Veritate religionis Christianae & librorum, quibus innititur* To. II, c. 4. §. 4. n. 56. p. 103.

“tre autem continentur nepotes. „ An ita nodus fuerit extricatus, lectores arbitrentur. Scriptor alius ita rationes \*\*) subduxit: *Pone, Stephanum sequi Moſis numerum priorem 66. (nam idem quoque 70 numerat, ) in numeranda familia Iacobi, a qua Iacobum & Iosephum cum filiis duobus excluſit, quibus Stephanus novem feminas ipſorum adiungit. Uxor enim Iudæ erat iam mortua. Beniaminum ponamus thalami exſortem. Uxor Iosephi eis non est adnumeranda. Adde novem feminas illis 66, quæ, licet sanguine Iacobi haud fuerint satæ, ex familia tamen Iosephi exſtiterunt. Adprobavit sese hæc extricandæ difficultatis ratio Viro maxime Rev. Io. Frid. STEINIO \*\*\*) ita, ut eam iudicaverit dignam, quam in libro suo solide scripto reperierit. An Stephanus ipse de numero 75. hominum fecerit mentionem, ambigendum videtur. Ipse enim Palæſtino ſermone fuit uſus, quem vulgo hebræ-*

\*\*) *Histoire universelle depuis le commencement du Monde inſqu' à preſent d'une Société des gens de lettres. To. II, L. I, c. 7. pag. 163. f.*

\*\*\*) *Vernünftige hiſtoriſche und theologiſche Betrachtungen über die Wahrheit, Alterthum und Göttlichkeit der Schriften des Alten und Neuen Testaments, VII. Theil, 14. Cap. §. 17, p. 790. f.*

hebræum fuisse adpellatum novimus. *Lucas* vero non potuit, quin LXX Metaphrastas sequeretur, Græcis Iudæis ac Christianis tritissimos. Septuaginta illis indubie fuit ratio, cur illum numerum rotundum 70 redderent explicatiorem. Alibi quoque numerus rotundus sic fuit adhibitus, ut in alio loco vel ab alio scriptore id, quod eum numerum excessit, sit indicatum. Confer *Ex. XII, 40.* & *Gen. XV, 13.* nec non *1 Reg. II, 21.* & *2 Sam. II, 11.* item *1 Reg. XXIV, 8.* & *2 Par. XXXVI, 9.* Omitto exempla complura. Id vero obliviscendum sicco pede prætereundum non est, Hebræis suas fuisse genealogias, suos annales, sua hypomnemata historica, e quibus in *Philone* & ruderibus *Talmudicis*, passim nonnihil superest. Inde comperit habemus id, quod *Stephanus* docuit *Act. VII, 22.* *Mosen* scientiarum *Aegypti* omnigena excellentia fuisse institutum g). Inde discimus, tempus pluviae, per *Israheliticum* regnum deficientis, *1 Reg. VIII, 1.* memoratum, æquale fuisse annis tribus & dimidio, prout *Iesus* & *Iacobus* docuerunt *Iac. IV, 25.* *Iac. V, 17.* *Ex Ial-kut Schimoni* ad *1 Reg. XVI, fol. 32.* illud ipsum ostendit *G. SURENHUSIUS*. Adservabantur inomenta eiusmodi historica in  
prisca

g) *PHILO de Vita Mosis p. 605, f.*

prisca Iudæorum Kabbala h). Id tandem negligendum non est, Hebræis fuisse per multa mancipia, nec tamen moris fuisse, hæc inter familiarum homines adscribere vel eorum numerum inter patres primores inire. Quapropter de maxima Hebræorum, Aegypto egressorum, multitudine non est anxie laborandum. Nam in servitute Aegyptiaca domini servique ad eandem conditionem fuerant detrusi.

## §. 5.

Vellicat aurem alius scrupulus, alius laquei critici nodus. Stephanus narravit *Act.* VII, 15. 16. Iacobum in Aegypto obisse diem supremum patresque Hebræorum; traducta vero deinceps esse eorum corpora εἰς Σοχὴν, & humata fuisse in sepulcro, quod emerit Abraam pretio argenti a filiis Emmori, qui fuerit Sichemi pater. In hisce nihil est, quod nos in dubitationes coniicere potest, simulac recordamur, Abraamum emissee Saræ ac suo suorumque posterorum nomine monumentum sepulcrale in *Machpelah* eiusque conditorio seu specu subterraneo, haud procul Mamre, Mamor-

h) *Io. Christoph. WOLFII* in *Bibliotheca hebraea* P. II. L. VII, c. I. §. 6. p. 1197, f.

Mamortha seu Sichemo, iuxta Hebronem septentrionalem seu Acrabar. Veteres enim eodem, ac urbem, nomine adfiebant tractum, urbi adiacentem ac adtributum, quem homines mediæ ævi adpellabant *banni leucam*. Inde haud difficile explicatu est, Iesum dici venisse in vicos Cæsareæ Philippi, & eundem in Codice *Cantabrigiensi, Vercellensi, Veronensi, Corbeïensi & Vindobonensi* dictum fuisse exiisse seu profectum esse *in Cæsaream Philippi, in Cæsarea* i) *Phil. Marc. VIII, 27*. Præterca illud *βηθ*, LXX responderet Hebræorum literæ præfixæ *beth*, cui sæpe significatus adhæret *iuxta, prope*, quemadmodum ex *Christ. NOLDII Concordantia particularum ebræo-chaldaicarum* patet. Iacobus fuit sepultus prope Mamre. *Gen. L. 13*. Iosephi Proregis corpus fuit humatum prope Sichem. *Ios. XXIV, 32*. Et quis ambiget, an Hebræi cadavera suorum ex Aegypto transfulerint secum in Palæstinam, quum Moïsen Pharaoni denuntiavisse novimus, ne unguem quidem Hebræorum desideratum iri, quin is Aegypto subducatur? Qui ad Hebronem australem ponunt specum Machpelah, minus feliciter interpretantur locum *Gen. XXIII,*

i) *Evangeliarium quadruplex* p. 392. 393. P, II. *Romæ* 1749. fol.



## 298 J. C. Harenbergii Spicileg. II.

XXIII, 16. nec Geographiam priscam Cananææ sibi satis reddiderunt familiarem.

§. 6.

Regina, quæ ex Saba ad Salomonem venit, dicitur venisse ex ultimo terræ spatio MATTH. XII, 42. Monet nonnemo, regnum Sabæ non fuisse terram ultimam, habito ad Palæstinam respectu. In promptu est, quod fluctus hos in simpulo motos pacare potest. Ei enim fines terræ quæ sunt ad Oceanum, vocabantur olim *extremum telluris* seu potius regionis. Apostolos Iesus dixit fore testes Suos *ἐως ἑσχατῆς τῆς γῆς*, ad finem & oras usque Palæstinæ *illius regionis*, ii) Act. 1, 8. conf. i Macc. III, 9. DEMOSTHENES k) dixit, homines, Indicam regionem incolentes, sedes habere ἐν ἑσχατῶν γῆς. Matthæus memoriæ prodidit loco indicato, reginam austri venisse ἐκ τῶν περάτων τῆς γῆς, ex terminis seu finibus *illius regionis* seu Palæstinæ, quippe quæ venerat ex Arabia, quæ regio pertine-

ii) Inde tamen non est colligendum, Apostolorum singulos extra Palæstinam postea versatos non esse. Petrus enim Antiochiam venit.

k) In Epist. πρὸς τὰς Θηγαίους βλασφημίας, p. 787.

tinebat a meridie & oriente ad Palæstinam usque. Differt enim nomen  $\gamma\eta\varsigma$  nude positum a formula  $\tau\eta\varsigma \gamma\eta\varsigma$ .

§. 7.

Mirum est, Iesum venisse in fines Iudææ trans Iordanem. MATTH. XIX, 1. Matthæus enim ibi figit punctum descriptionis suæ geographicæ in urbe Hierosolyma; capropter ipsi dicendum fuisset, Iesum venisse in Iudæam cis Iordanem. At duplex olim fuit Iudæa, una trans Iordanem e regione Scythopolis, altera maior, tribum totam vel totius regni regionem designans. Legimus hæc apud Marcum, quæ congruunt ad verba Matthæi. Vide Marci X, 1. ubi Codice in Brixiano hæc leguntur de Iesu: Et inde exurgens, venit in fines Iudææ trans Iordanem. Consonant ei codices Vercellensis, Veronensis, Corbeiensis, Vindobonensis. Interpres Syrus, sæculi quarti scriptor, luculentius locum ita in sermonem suum convertit: Et surrexit inde & discessit in confinium  $\text{ירדן}$  Iehud  $\text{לעברא ריורדן}$  in adversam ripam Iordanis. Quoties Iudæam notiores is memorat, eam adpellat Iehudo, non Iehud. Accedit, quod omnis Palæstinæ transiordanicæ regio olim dicta fuit  $\text{עבר הירדן}$ , nisi

1) Babhabatra III, 2. Kihubhoth XIII, 10. Schibhith IX, 2.

nisi adderetur מִן, *versus mare magnum*. Memoratu dignum est, quod IOSEPHUS m) de Hyrcano, summi Sacerdotis filio, scripsit, tradens, Hyrcanum noluisse Hierosolymam reverti, elegisse potius sibi sedem in locis transiordanicis, πῆς πέραν τῆς ἰορδάνης, ibique vicinos habuisse Arabas, quibuscum continenter bella gesserit. Subiicit tandem Iosephus narrationi suæ verba hæc: Οὗτος ὁ τόπος ἐστὶ μεταξύ τῆς τε Ἀραβίας καὶ τῆς Ἰουδαίας πέραν τῆς ἰορδάνης, ἢ πρὸς τῆς Ἑσπερίωνίδος, *locus iste est inter Arabiam & Iudæam trans Iordanem. non procul ab Essebonitide*. Testimonium hoc nulla implicatum est obscuritate. Regiuncula *Iehudab* ad ultimam australem oram Iordanicam tribus Naphthali pertinuit ab oriente & ultra Iordanem. Ios. XIX, 35. *Hippene* igitur & *Gadarene*, regiunculæ trans Iordanem, communi tractus *Iudææ trans Iordanem* nomine venerunt. At plura ne addamus, intercedit H. RELANDUS qui nobis in hoc argumento præluxit n) facem. Maxima Iudææ transiordanicæ urbs videtur fuisse Ephron o) seu Gephrus, e regione Scythopolis. Prope eam vel suburbium eius fuit Gennabris, Sennabris, Bethenna-

bris,

m) *Ant.* XII, 4. §. 11. p. 607.

n) *Palæstina* L. I. c. 6. p. 32. f.

o) *Macc.* V, 46. 52. 2 *Macc.* XII, 27. 28.

bris, ubi pons erat Iordani superstructus, infra lacum Tiberiadis. Revererat Iesus, Cæsareæ Philippi e confiniis, ad Capernaum *Marc. IX, 33*. Inde profectus fuit in Iudæam transiordanicam. Inde tetendit Hierosolymam, transiens regionem Hierichuntis. Nihil inest huic itineris delinationi, quod lectorem morari vel offendiculo esse ei possit.

## §. 8.

Sunt, qui existimant, narrationi illi, ex V. T. desumptæ inesse nævum, qua Iudæi dicuntur Zachariam, Barachiae filium, necasse in atrio sacerdotali inter aram exteriorē & adyti prospectum *MATTH. XXIII, 35*. Videtur hoc esse depromptum ex *2 Chron. XXIV, 21. 22*. ubi tamen Zacharias, Iojadæ, non Barachiae, filius tam dira nece interemptus esse dicitur. N. LARDNERUS qui credidit, libros N. T. intemeratos ad manus nostras pervenisse p), nodum hunc haud secus extricare novit, quam fatendo, Barachiam irrepsisse in locum Matthæi illum loco Iojadæ q). Verum enim vero hac solutione opus non est. Nam prorsus est vero absumile, Iesum respexisse ad faci-

p) In *Fide Historiæ Evangelicæ*. L. II, p. 341.

q) L. II, c. 6. p. 307. f.

facinus, sub fine templi prioris admissum. Exprobrat enim Ipse illam crudelitatem sanguinolentam Iudæis suæ ætatis, qui eam animo conceptam effuderint in miserum, sacris operantem in atrio sacerdotali: exorsus a sanguine Abelis innocentis malitiose effuso & finiens protractam per sæcula atrociam, Deo ipsi ac sacris insultantem, sanguinis innoxii effusione, quæ erat eo, quod proxime decurrerat, tempore commissa. Memoratu digna sunt verba Iesu illa, *quoniam quem cæde ipsi illata sustulisti.* Ad crimina, olim in templo patrata, risissent Pharisæi, dictum; si tunc vixissemus, facinus illud nemo nostrum admissurus fuisset v. 30. Notanda igitur eorum erat malitia, haud ita pridem in homicidium innocentis intra templum profusa, quæ excidio templi erat punienda. Alibi hæc non leguntur, ut alia complura *Luc. XIII, 1. 1.*

## §. 9.

Redeundum nobis est in tractum terræ Sichemiticum. Progenitores Samaritarum dicuntur cultum Deo religiosum præstitisse in monte, qui Sichemo erat proximus, atque *Garizim* adpellabatur. *Io. IV, 5. 20.* Inde & ex aliis rationibus *M. Benj. KENNICOTT, Britannus*, colligere con-

ten-



tendit, iam Iesu in Palæstina versantis ætate a Iudæis montem Ebal in locum montis Grissim seu Garizim fuisse *Deut.* XXVII, 4. transpositum. Samaritano in Codice omnino ibi illa iam diu insedit transpositio, siquidem Samaritæ olim veriti haud sunt, in Pentateucho suo passim aliquid mutare, addere, interpolare, prout luculentissime ostendit *Steph. MORINUS* r), cuius sententiam adprobavit *Io. Christoph. WOLFIUS* s) post *A. BOOTIUM*, *Rich. SIMONIUM*, *NATALEM ALEXANDRUM* & *Lud. ELIES du PIN*. Locum illum *DEUT.* XXVII, 4. in quo permutati sunt montes *Ebal* & *Grissim*, Samaritarum magistri inseruerunt etiam *Mosi* *EX.* XX, 17. post decem præcepta, & *DEUT.* V, 21. contra omnium hebraicorum codicum atque versionum fidem. Facile igitur adparet ex hac prurigine, mutationem illam industria prava effectui fuisse datam, ut, templum suum Garizitanum iussione divina niti, Samaritæ irent comprobatum. Iosua in monte *Ebal*, non in *Garizim*, sacrificia peragenda curavit congruenter iussu divino *VIII*, 38. Nihil hic mutatum, eo quod Samaritæ librum Iosue repudiarunt, quippe sacris suis ob-

X 2

stan-

r) In *Exercitationibus de Lingua primæva* *Exc.* II, c. 7. p. 209, f.

s) *Biblioth. hebr.* P. II, Sect. VI. p. 429.

stantem. Auctoritas Pentateuchi Samaritici merito habetur pro exigua, siquidem auctor librarius, qui eum ex hebræo descripsit, ex similitudine litterarum quadratarum hebræarum in miros incidit nævos, ac miræ licentiæ indulgit. Nam in una Genesi *Vav* superaddidit vocibus hebræis plusquam ducenties, & plus quam centies illud, reclamante codice hebræo, omisit t). Codex Pentateuchi, a Samarita descripti habet litteras provinciales Phœnicum communes, quales in nummis Iudaicis, a Simone Pontifice summo & ethnarcha exordium nactis, conspiciuntur. Unde novitas ætatis videtur elucere, licet SOUCIET, Gallus, apographum illud ex filio Babylonico malit esse antiquius. Mutationem utique illam famosam Samaritæ iam in promptu habuerunt, dominante in Aegyptios Ptolemæo Philometore, contendentes ad eius tribunal, templum Garizitanum iussu Mosis exstructum esse, quod pronuntiatum non nisi mutationibus & interpolationibus Pentateuchi potuerunt comprobare. Iudæi e contrario, pro templo Hierosolymitano contra Garizim montem & Samaritarum conata causam suam ex Mosis scriptis agentes, trium-

phat)  
t) *Franc. WOKENIUS in Samaritanis Eusebiantis, quatenus ad vindicandum textum Hebræum præcipue faciunt. Vitembergæ 1731, 4.*

pharunt, cadentibus lite Samaritis u), postquam causa diligenter erat examinata, quæ iudicibus Aegyptiacis videri poterat extra utilitatem & honorem Regis sui fuisse collocata. Nihilo minus M. *Beniamin KENNICOTT* x), doctissimus Britannus, arbitratur, montem Ebal, aridum quippe & sacrificiis ineptum, a Iudæis substitutum fuisse monti Grissim, ut ipsi Samaritis ægre facerent; ratus præterea, Chronologiam Samaritani Pentateuchi esse Hebrææ præferendam, variantes lectiones post Esræ ætatem in codice hebræo exortas esse varias obnævos vel pravitatem librariorum. Transpositionem illam a Iudæis ortam fuisse, negavit *Anglus alius anonymus in Sylloge litteraria* cui nomen est *the Library*, anno 1760. Respondit *Kennicott* 1761. Rationes, quibus hic sententiam suam ivit propugnatum, sub examen vocavit *Anonymus* idem 1762. Scripta illa mutua coniunctim sunt edita Londini 1762, 8. y). In Ebal monte imprecationes fuerunt proclamatae. Id Samaritanus & Hebræus Pen-

X3 tateu-

- u) *IOSEPHUS Ant. XIII, 3. §. 4. p. 639.*
- x) *The state of the printed hebrew Text of the Old Testament considered P. II, Oxford 1760, 8. Pars prior edita fuit Londini 1753, 8.*
- y) *Neue Zeitungen von gelehrten Sachen, Leipzig. 1763, p. 225. f.*

tateuchus habent & confirmant. Hic vero in monte Ebal sacrificia z) fuisse peracta, significat; contrarium ille tenet montemque Garizim victimis litatis inservisse docet. *Kennicott*, victimas, gratiis agendis adhibitas, credit parum congruere ad montem, in quo imprecationes fuerunt a) proclamatae, consentaneas quippe magis monti Garizim, in quo adprecationes salutis fuerunt evulgatae. At haec argumenta parum habent roboris. Victimae enim, gratiis agendis destinatas, praecesserunt holocausta, peccatorum indicia, quae peccata imprecationem, nisi expientur, contrahunt & in peccatores arcessunt. Mons Ebal igitur sacrificiis ibi peragendis non fuit ineptus, monumentum quippe indignationis Divinae in praeveritatores. Victimae gratiarum actionis, illis superadditae, peccatores monuerunt poenitentiae male actorum, reditionis ad amicitiam Dei, & gratiarum actionis; immo, his insuper habitis admonitionibus, poenarum gravissimarum, quas Deus

z) In monte Ebal exstructum fuisse tunc a Iosua altare, *IOSEPHUS* quoque auctor est *Ant. V, 1, §. 19. p. 275.*

a) *IOSEPHUS* I. c. refert, Iosnam statuisse saltare, ubi Moyses id iussisset statui, in monte Gibalo. Ergo ipse locum Moysis & Iosuae haud aliter, ac nos legimus, itidem legit.



Deus in immorigeros sit exprompturus. Et quis dubitat, quin formulæ imprecationum & adprecationum illæ in eodem loco postea sint lectæ & auditoribus inculcatæ? In monte Grissim proclamatæ sunt adprecationes salutis. Quid inde? In Bethel Iacobus vidit indicium providentis itineri suo Numinis supremi, qui tamen locus postea idolis ibi collocatis a Ierobeamo Rege fuit destinatus & addictus. Zion erat mons aridus, & inde fuit adpellatus, quod germinibus fructibusque careret. Nihilofecius ibi fuit locus gratiæ Dei extraordinarius, Iudæis oblata. An Deus semper voluit templa Sibi dedicari in locis amcenis, frugiferis, & proventu plantarum instructis? Non erat Iesu ratio, cur Samaritidem de loco templi Samaritici, & ubinam quibusque de causis olim id fuisset exstruendum vel conditum, instrueret copiose. Quæstioni ei examinandæ Iesus nihil dabat temporis, ad potiora progrediens, & excidium templi Garizitani indicans potius proxime futurum. Quæstiones críticas tempus ministerii Iesu haud exigebat, maiora molientis. Iesus ramen Iudæis, quibus nævos & crimina exprobravit gravissime, corruptionem librorum sacrorum ullam vitio nunquam verit. Apostoli potius docuerunt, Deum oracula Sua Iudæis, non Samari-



tis, concredidisse eisque servasse intermerata.

§. 10.

Est, qui monet, Iesum dixisse de Abrahamo nonnihil, quod in V. T. libris haud legatur, nec ramen aliunde desumptum esse potuerit. Iesus dixit hæc Iudæis 10. VIII, 56: *Abraham, pater vester, admodum gavisus fuit, desiderans videre diem illum meum, & vidit & lætatus est.* Indicavit Iesus, Abrahamum sibi adparuisse & gestiisse præ desiderio antea, cupientem, ut Messiam videret; voti quoque sui compotem fuisse factum ac inde lætandi materiam præclaram hausisse, quod diem Messiae vidisse dignus fuisset existimatus. Iudæi sermonem Iesu haud aliter intellexerunt. Responderunt Ipsi, tunc vidisti Abrahamum? Abrahamus igitur conspectus fuit a Iesu & Iesus ab Abrahamo. *Dies* vero una Messiae stilo Iudaico indicabat b) exiguum moram incipientis per Messiam sæculi. At מֵת מֵשִׁיר *dies* c) complures Messiae sunt initia sæculi futuri, quod Iudæi copulant cum

b) *Luc. XVII, 22.*

c) *Schir hasschirim rabba fol. 30. 4. sepher rasel haggadol fol. 13. 1. Christianus SCHOETGENIUS Diff. II, de seculo hoc & futuro §. 10. p. 1157 in calce Horarum,*

cum præcedente mortuorum resurrectione. *Maimonides* in Commentario ad *Sanhedrin* XI, 1. existimat, per *dies Messiae* designari tempora Monarchiæ, populo Iudæico in Palæstinam reducendo restituendæ, cui restitutioni præcessura sint studium & vis subigendi populos extraneos atque Iudæis subiiciendi. Deseruerunt scilicet pluri-  
mi Iudæi vetustam dierum Messiae notionem ad vaticinia prophetarum congruentem. Adparuerunt Iesu atque Eius discipulis *Moses* & *Elias*. Nihil de hac re in libris V. T. legitur. Multa contigerunt præterea in diebus ministerii Iesu, quæ litteris consignata non fuerunt *Io.* XXI, 25. Nihil itaque causæ est, cur conspectum ab Abrahamo diem Iesu Messiae e libris V. T. velimus ostendere, vel comprobari. Iesus enim adparuit Paulo & Paulus vidit Iesum, licet nihil huius adparitionis memoriæ litterisque traditum fuerit in V. T. Nequidem *Iannes* & *Jambres* in V. T. adparent, qui tamen in paraphrasis Chaldæis & Rabinis memorantur. Sed paucula porro ad adlegationes propheticas commentari libet.

## §. II.

*Pericopæ propheticae*, quæ ex V. T. in N. T. adlegantur vel sunt verbales vel reales vel typicae. Paucula mihi heic veniunt

in mentem, cum lectoribus communicanda & eorum iudicio subiicienda. Pericopas nonnullas non recta, sed per ratiocinationis subaudiendæ modulos, fuisse adhiatas ob argumentandi vel illustrandi scopum, neminem facile præterit. Nonnumquam notissima pericopæ propheticæ verba exhibentur ad aliquid comprobandum, quod ex pericopa V. T. continuata tantum probari potest. Ita nosmet solemus initia dicti alicuius biblici sat notiadlegare, cum ea comprobaturi sumus argumento, quæ initiis illis cohærent & subiiciuntur. Ita verbi causa dicimus. Qui in Iesum haud credit, is non obtinet salutem sempiternam, prouti docemur per illud *Sic Deus dilexit mundum*. Omittimus tunc nonnumquam verba sequentia, siquidem ea nulli non sunt notissima. Eundem morem Iudæis quondam fuisse familiarem, exemplis lectores docuit G. SURENHÜSIUS d). Eundem in modum Paulus comprobabat e) auditoribus veritatem resurrectionis Iesu

d) In Βιβλῷ Καταλλαγῆς L. II, de Formulis allegandi Scripturas sacras, thesi 10. p. 48. f.

e) Act. XIII, 33. Ingeniosa est m. rev. D. HEILMANNI sententia, rati, initia regni descripta & celebrata olim fuisse in modum festi natalitii. Vide eius *Programma paschale* 1763.

Iesu Messiae per illud, ex *Pf.* II, 7, de-  
 promptum: *Tu es filius meus, hodie genui te,*  
 Spectant verba sola, a sequentibus separata,  
 ad æternam Filii Dei ex Patre generationem,  
 non ad corporis Iesu resurrectionem. At re-  
 spiciendum est simul ad ea, quæ sequun-  
 tur, & quæ declarant, fore, ut Messiae  
 omnis subiiciatur terrarum orbis & per  
 eundem eiusque potestatem universa in  
 terris ecclesia gubernetur. Hoc autem fie-  
 ri non poterat, si Iesus Messias permansisset  
 mortuus nec vitam corporis amissam  
 paullo post resumisset. Ejusdem generis  
 est adlegatio *EBR.* V, 5: qua ex *Pf.* II,  
 7. probatur, Iesum Messiam haud sibi met  
 per sese honores Pontificatus summi sum-  
 misse. Eodem enim Psalmo verba Patris ad  
 Filium hæc sequuntur v. 8. *Postula a me,*  
*et tunc gentes dabo tibi pecuniam & terminos mundi*  
*potestati privæ.* Et paullo ante Pater v. 6.  
 dixerat: *Regem meum constitui in sacro meo*  
*monte Zion.* Si præesse Eum voluerat sa-  
 cris sacri montis, præfecturam sacerdotii  
 summi in ipsum contulit tandem, destina-  
 tam ei olim. Respexerunt omnino docto-  
 res per adlegationum suarum usum non ad  
 sola verba, quæ reperunt, sed sæpius ad-  
 tendunt ad complexum quoque enuntiatio-  
 num, quæ fuerant præmissæ, quemadmo-  
 dum fidem ocularam fecit *Surenhusius*, im-  
 mo

mo attendunt ad genuinam verborum ad-  
 legatorum interpretationem. Nam Iudæi  
 Apostolica ætate docebant solide, agi Ps. II,  
 7. de Messia, prouti intelligitur ex *SONAR*  
*f*), ex *Breschith rabba in Gen. XLIX, 14.*  
 ac ex compluribus aliis testimoniis. Me-  
 rito itaque hinc colligitur, Iesum, quia est  
 Messias genuinus, præstantiorem esse An-  
 gelis, nam Ipse non solum sacro monti Zi-  
 on, sed etiam universis gentibus ipsisque  
 Regibus, Patre sic volente & statuente,  
 præest. Brevissime hæc argumentatio ex-  
 hiberetur *Ebr. I, 5.* Plura eruditionis præsi-  
 dia requirit genuina harum rerum exposi-  
 tio, quam plerisque, præcipue *Antonio*  
*Collinsio* eiusque imitatoribus inérant, tra-  
 dentibus, vaticinia, e V. T. in N. T. repe-  
 rita, ad Iesum Nazarenum tantummodo  
 accommodata esse, ex mente auctorum  
 vero aliam complecti sententiam. Iudæis  
 adtridet hæc opinio, subterfugia quærenti-  
 bus, peræque.

## §. 12.

Attendendum est interpreti ad regu-  
 s Iudæorum exegeticas, ut disputationes  
 eorum

- f) Fol. 203. col. 2. edit. Amstelod. Iudæi præci  
 Psalmum CX. semper iungebant secundo;  
 Messia quum tribuerent sacerdotium &  
 regnum.



eorum cum Apostolis institutas & horum adlegandi modos, Iudæorum usibus adhibitos, ex oculis ne dimittat, in tractandis N. fœderis libris occupatus. Iudæi enim solebant ea ætate 1) ea tribuere generi, quæ singulis eius speciebus insunt, & speciebus ea non denegare, quæ singularibus ad eas referendis personis vel rebus insunt seu tribuuntur: 2) fata maiora Israëliti populi simul contemplari in Messia g) quem ideo *Israëlem* h) adpellabant: 3) a maiori ad minus in eadem specie, ad eundem scopum adtinente, argumentationem proferre: 4) a minori ad maius respicere inter argumentandum per adlegationes i), ubi tamen maius & minus ad idem genus, eidem scopo addictum, spectabant: 5) ponere interpretationes subinde tamquam certas, & corollaria demum debite inde deducta in medium sola proferre: 6) ob paritatem personarum moralem inculcare metum earumdem pœnarum k) & promit-

g) Ita illud Hof. XI, 1. exponitur de Iesu Messia Matth. II, 15. & in *Midrasch Tillim* ad Ps. CX, 1.

h) *Ialkut Rubeni* f. 76. col. 1. f.

i) Cl. Erhardus Andreas FROMMANNUS in *Topices Pauli Apostoli in fide sãysifica ex V. T. probanda specimine*, Altorfi 1762. 4.

k) Ps. LXIX, 26, CIX, 8. *Act.* I, 20. *Ebr.* IV, 11. X, 28. 29.

mittere eadem præmia: 7) enuntiationem, ex duabus vel tribus thesibus conflaram, pluribus adlegatis dictis biblicis probaram dare. Ita Paulus, ex V. T. hoc enuntiatum, *Resurrectio Christi e mortuis certa Dei declaratione nititur*, comprobatur duabus adlegationibus ACT. XIII, 34. 35. Priorem desumfit ex Ies. LV, 3. posteriorem ex Ps. XVI, 10. decerpfit. In priori loco invitantur mortales ad perpetuum fœdus, quo multiplex benignitas Davidis dicitur admodum confirmata esse. LXX summam eius fœderis sic interpretati fuerunt: *Omnino dabo vobis ea omnia David mea misericordias, Davidi impartitas ac promissas, veras, certas, firmas.* Fœdus illud spectat ad conditionem recipiendi Messia. Benignitas copiosa, quam Deus Davidi promisit per fœdus constantissimum, complectitur simul Messiam, ex ipsius posteris natum. Unde R. ABENESRA in Ies. LV, 3. tradidit hæc: *Probabile est, misericordias Davidis designare Messiam, ex familia eius nasciturum.* Adidit Iesaias fœderis mentioni de Messia ea, quæ ad salutem, perpetuo ex eo percipiendam, spectant. Quæ si certa erant, Messias non poterat manere mortuus. In posteriori loco Messias ipse a vate Davide inducitur sic locutus: *Non concedes Sanctum tuum sentire corruptionem corporis in statu post*

post eius mortem. Ergo Iesus Messias paullo post mortem resumfit vitam & rediit vivus ex sepulcro; David autem non revixit; quam ob rem David non de sese id vaticinatus fuit. Firma & solida hæc fuit Pauli argumentatio. Iudæi solebant 8) in genealogicis computationibus propheticis rationes suas sic subducere: Si unum semen, una origo stirpis, designatur & promittitur patri, filio, nepoti, progenitisque inde remotioribus posteris per notam semper singularem, tunc unica indicatur persona inde nascitura. Si enim per *unum semen* indicaretur in eo casu posteritas numerosa, non perpetuo adhiberetur unius seminis mentio. Atqui *semen*, in quo populis omnibus universæ terræ salus acquiritur & offertur, promittitur Abrahamo, Isaac, Iacobo, Davidi, aliisque, per modum seminis unius. Ergo per hoc semen *unica* modo persona fuit designata. Gal. III, 16. 19. Vide loca Gen. XXII, 18. XXVI, 6. XLIX, 18. Ps. CXXXII, 17. Ies. XI, 1. XLIX, 6. LIII, 2. Unicum filium dici *semen*, dictu non est inusitatum. Gen. III, 15. XV, 3. IV, 25. Conferendus ad hanc ratiocinationis formulam *Surenhusius* L, III. *Thef.* 22. Dolendum est, quod *Christ.* SCHOETTGENIUS librum illum *Καταμαρτυρις* suis additionibus locupletan-

## 316 J. C. Harenbergii Spicileg. II.

tatum haud publicavit. Erat enim huic saxo volvendo aptissimus.

### §. 13.

Apostoli plures V. T. libros non habuerunt, divinitus nempe per inspirationem exortos, quam nos in præsens habemus. Quoties igitur in N. T. lector delegatur ad *scriptum*, γραφην, vel ad *Prophe-  
tas*, nec tamen adlegatio in toto V. T. uspiam deprehenditur: tunc ad scripta Evangelistarum vel Prophetarum Christianorum ætatis illius & ad carmina sacra ab illis profecta, ωδαι πνευματικας, respiciunt atque horum verba dant decerpta. Videtur hoc monendum ad *Matth.* II, 23. *Eph.* V, 14. *Iac.* IV, 5. Quidni enim ad hæc scripta, dudum nunc quidem deperdita, olim amandassent suos Apostoli, quum in libris V. T. adlegentur passim scripta historica & prophetica, quæ iam ævo Apostolorum e manibus hominum erant sublata?

### §. 14.

Monent nonnulli, adlegationes in N. T. fuisse adscitas ex *græca* LXX interpretatione, quibus cum verborum hebræorum sententiis consensus desit. Iudæorum non erat, inde rela in Christianam religionem petere & vibrare, siquidem ipforum  
docto-

doctores 1) tradiderunt, eam versionem non sine miraculo & Spiritus Divini auxilio singulari adornatam esse. LXX indicant, Israëlidas ob vaticinium *Amosi* V, 25. f. eiiciendos fuisse in alias exilii sedes *ἐπεκείνα Βαβυλῶνος*, ubi in Hebræo est *ultra Damascum*, quod æque legitur in oratione Stephani *Act.* VII, 43. At eventus respondit versioni LXX. Adde quod nomine Babylonis in LXX quoque adpellatur oppidum Cœles Syriæ maritimum *Biblos* seu *Byblos*. Hanc urbem adpellant LXX Babylona *Esr.* IV, 9. *Gen.* XI, 9. Ultra utramque relegavit Salmanassar Israëlitici regni primores. Illud *בעלתי כס* *Ier.* XXXI, 32. LXX reddiderunt *ἡμέλησα αὐτῶν*. Hoc fuit repetitum *Ebr.* VIII, 9. Verbo illi hebræo adhæret significatus dominandi instar mariti in aliquem. *Deut.* XXI, 13. XXIV, 1. *Ies.* XXVI, 13. Singulariter adhibetur id verbum de Deo, in populum suum maritali fœdere dominum agente, *Ies.* LIV, 5. Meminisse iuvat verbi *μέλω*, *μελέω*, quod in aoristo primo attico activo habet *ἡμέλησα*, *curæ meæ addictum habui*. Ieremias ita: Patres illorum, quos ex Aegypto eduxeram, violarunt constitutionem meam, *ואנכי בעלתי כס*, *ego*

1) *Megilla* cap. i. fol. 9.

*Bibl. Brem. Nov. Cl. III. F. II.*



*ego tamen instar mariti in eos tanquam desponsatam mihi uxorem dominabar. LXX: καὶ γὰρ ἡμέλησα αὐτῶν, & ego curæ meæ illos mihi habere studui obversantes & addictos.* Deus enim ecclesiam Judaicam vocavit modo sponsam, desponsatam sibi, modo uxorem suam. Ipsa tamen sæpius illud maritale fœdus ruperat.. Hæserunt interpretes in verbo ἡμέλησα idque ex ἀμείλια deductum esse existimarunt. Progredi porro liceat ad APOC. II, 27. XIX, 15. ubi adlegantur verba ex Pf. II, 9. congruenter metaphrasi LXX. Ebræa ibi verba sunt hæc: **רועם בשכט ברזל** LXX: *πυμάνης αὐτῆς ἐν ραβδῷ σιδηρᾷ.* Videntur hi legisse vel substituisse **רועם** ex **רעה**, *pascendo*, eo quod Vav seu Cholem expressum non est inter linæ litteras reliquas. Ebræum verbum **רעה** denotat idem ac *fregit, contrivit.* At de conterendis inimicis Messiae paullo post adiicitur mentio. Subit meminisse, dari penes Hebræos formas verborum in præterito Kal, ex participio priori decerptas, quoties hoc simul vice nominis fungitur. De reliquo dicuntur ductores *pascere terram gladio* Mich. V. 6. si stamus metaphrasi LXX. In ebræo fonte ibi legitur **רעה-בחרב**, quod æque sic capi posset, ut idem illic intelligeremus fuisse significatum ac hoc, *conterunt terram Assur gladio.* Nec tamen dubi-

dubito, quin ætate LXX significatum *pascendi* in hoc loco secuti fuerint Iudæi. Suffecerint hæc exempli loco. Reliqua enim SURENHUSIUS extricavit. Messiam enim prophetae adpellaverant *pastorem*, & prisci Judæorum doctores, Messiam designari in *Pf. II, 9*, docebant. Quum igitur pastor gregem moderatur pedo, arietesque refractarios eo percutit, consentaneum veritati est, virgam seu pedum ad contritionem & isractionem inferendam hand congruere, & ad munia pascendi obeunda potius quadrare.

§. 15.

Dantur in Novi fœderis passim libris explicationes pericoparum *typicarum*, e. V. T. desumptarum. Hæ explicationes sunt vel e cultus cærimonialis partibus decerptæ vel ex factis factisque Hebræorum veterum depromptæ. Hæ facta & fata proponuntur Christianis cum in finem, ut hi ex exemplis poenarum vel præmiorum, quid fugere, quid imitari debeant, discant curate: ut intelligant, quid veræ Dei ecclesiæ tolerandum & perpetiendum sit, ut originem capiat, ut incrementis fulciatur, ut fructus inter patientiæ documenta ferat ac spes suas expleat. Exemplis rem libet illustrare. *Jeremias* duriora delineat fata populi, in exsilium Babylonicum abripiendi, illacrimantis huic calamitati & exitium

meruentis, instar matris, mortem filiorum deplorantis, filiorum, qui in hanc vitam haud redeunt. Subiungit tamen Propheta mentioni tantorum malorum spem renascituræ in Palæstina ecclesiæ & reditio- nis ex exilio expectandæ. XXXI, 15. 16. 17. Idem miseriæ fatum passæ sunt mulieres Bethlehemiticæ, quarum liberos Herodes Magnus occidi iussit, primitias ecclesiæ Christianæ, infectationibus procerum expositæ. Succrevit tamen posthæc ecclesia Christiana & exiliis mortibusque membrorum non fuit extincta. Argumentum hoc, a paritate desumptum, adhibuit *Matthæus* m) Ieremiæ verbis ex XXXI, 15. usus. Nam fata ecclesiæ Dei in terris, generatim spectata, perpetuo paribus insi- stunt & progrediuntur fatis. Id ipsum pellucet, simulac e singularibus rerum momentis, sepositis tantisper, eruun- tur theses universales. Eadem ratione, qua *Matthæus*, docuit *Paulus*, quid peccatori- bus, qui Christianorum familiæ sese adgre- gaverant, metuendum esset a iustitia Dei, criminum & pravitarum vindice, si præ- scriptis evangelii sese subtraherent ac im- puritatibus vel obmurmurationibus sese de- diruri essent. 1 COR. X, 5-12. Usus fuit ibi *Paulus* exemplis, ex historia Mosaica peti-

petitis. Peccata Israëlidarum, quæ ipse memorat pœnis adfecta, & exemplis inter-  
 vitura, ne quis illos imitetur, solent adpel-  
 lari *typica*, licet inficiandum non sit, exem-  
 pla virtutis ac patientiæ hominum, qui tem-  
 pore V. T. vixerunt, nobis esse specula &  
 doctrinas, ut benignitatem Dei remunera-  
 tricem ne obliviscamur, sed potius per pa-  
 tientiam & consolationem spei nostræ cor-  
 roborandæ subveniamus. *Rom. XV, 4.* Qui  
 in his typos inveniunt, vocabulum hoc ca-  
 piunt & adhibent sensu latiori, Speciatim  
 enim id solemus *typum* vocare, quod olim  
 prænunciavit & indicavit per signa cultus  
 religiosi Mosaici externi varias Iesu Messiae  
 virtutes, actiones, perpeffiones, dignita-  
 tes, & utriusque sortis eventus. Externus  
 enim cultus sacrorum Mosaicorum comple-  
 tebatur duo præcipue religionis fulcra.  
*Primum* erat in imperio Dei tamquam sum-  
 mi Regis situm. *Alterum* erat indicio, per  
 Messiam huiusque expiationem futuram,  
 sanguine peragendam, Regem illum popu-  
 lo suo esse benignum eique peccata re-  
 mittere, & providere ipsius conservationi  
 ac omnigenæ salutis. Ex utraque typorum  
 relatione invicem instituta, enati sunt typi,  
 quos dicere liceat *derivativos*. Quidam ri-  
 tus cærimoniales designant summum po-  
 puli Regem Iehovam Eiusque Filium, ducem



& oraculorum præsidem, consulentibus responsa & pugnantibus opem ac auxilium insigni indulgentem. Victimis & libationibus inerant relationes, ad Patrem Filiumque referendæ. Pater sacerdotibus cibum dispensabat. Ea vero, quæ Regi erant priva, quæ Pater sibi reservaverat, erant comburenda vel porricienda. Quæ Filii expiationem referebant, spectabant ad victimarum immolationes & immolatores. Horum vero vestes, ornatus & officia sacra erant insignia servorum Regis supremi. Typi tamen ipsi non raro a formulis stili, ex illis decerpi, differunt. Et quid nocet notasse duo vocabula, sacrificiis, foco aræ imponendis, & cornibus altaris exterioris priva? Facit enim utrumque ad piam Regis supremi venerationem. Unum est *אֵשֶׁה*, *Isscheh*, quod ad Græcos propagatum fuit sonoque penes hos expressum fuit per *ἑσάρια*, *ἑσάριας*, quibus vocibus focus igni continendo aptus denotatur. Sacrificium apud Hebræos inferendum foculo perpetim ardenti & sacro olim dictum fuit *זֶבַח אֵשֶׁה* *Levit. I, 9. 13. Exod. XXIX, 18. LXX.* illud nunc *καρπώμα*, nunc *θύσιμα*, reddiderunt. Græcos foculum igne instructum ac victimis absumentis inservientem adpellare *escharis*, vel ex PLUTARCHI *Poplicota* c. 24. intelligitur. Alterum spectat ad cornua altaris, quæ

opinor



opinor formam antiquissimorum ex cornu poculorum habuisse, e quibus Reges n) biberunt. Hebræorum Rex supremus selectissima sibi in cibum potumque delegerat pro more Regum ævi vetustissimi. At quia Deus alimentis & victu haud utitur, carnes sibi reservatas iussit foculo perpetim ardenti sacerdotes inferre, vinumque in cornu seu poculum corniforme infundere. Suspiciamus olim, vocabulum *עֶשְׂדָּת* *eschdat*, in carmine Mosaico o), primo scriptum fuisse per *עֶשֶׂת*, eo quod *ignis edicti* obscuritatem spirat: hypallagen subornari vix videtur tolerabile: & adventus Dei cum myriadibus loci sacratissimi ad *focum ardentem* p), *a dextris eius*, magis quadrat, quam ignis edicti. At postea hanc seposui coniecturam. *Alexandrinus* interpret græcus certe notiones huic loco infitas non potuit evolvere, sed potius ea substituit, quæ a sensu Mosis sunt aliena, exhibens hæc: Κατέσπευσεν ἐξ ὄρους Φαράν σὺν μυριάσι Κάδης. ἐκ δεξιῶν αὐτοῦ ἄγγελοι μετ' αὐτοῦ, *festinavit ex monte Pharan cum myriadibus Kadese. A dextris eius angeli cum ipso.* Dicitur Deus emisisse splendorem ex monte Pharan, non festinasse. Dicitur venisse seu opera edidisse

Y 4

se

n) ATHENAEUS l. XI. p. 476. edit. Commelin,

o) Deut. XXXIII, 2.

p) Huc videtur respici *Ebr. X, 27.*

se inde ex myriadibus קדש *sanctuarii* seu loci religioni exercendæ destinari. A dextra eius dicitur ipsi fuisse אשרה. Sic legimus in codice hebræo. Sed alia nos vocant.

## §. 16.

De pericopis *evangelicis* & *epistolicis* nonnihil adiungamus necessum est. Dicemus de earum origine & de abusu inde exorto. Origo est satis antiqua & se in sæculum tertium ac quartum recondit. In conventibus Christianorum primo quidem tempore universæ Bibliorum partes fuerunt lectæ & a presbyteris, tandem a diaconis, prælectæ q). Quum vero nonnihil passim videretur in Bibliis sic esse comparatum, ut exteris exploratoribus vel audientibus esse posset offendiculo, particulæ nonnullæ a codicibus, usui pervulgato accommodatis, fuerunt separatæ. Paulo post ea, quæ videbantur cœrui Christiano salubriora, fuerunt prælectioni publicæ reservata; reliqua usui doctorum privato patere vel transmittenda esse, credi cœpit. Dies festi videbantur lectionem peculiarem postulare. In eorum numero referebantur *Pascha*, *Pentecoste*, ac præterea *dies Solis*. Hunc *Constantinus* *Maxi-*

q) *Iosephus* BINGHAMUS in *Originibus Eccles.* L. XIV, c. 3. §. 4.

*Maximus* feriando a laboribus & tractando verbum Dei, iussit celebrari r), non immemor festi *Adscensionis Domini* s). Idem *Martyrum* festa honoravit t), nec non Sabbarum, quo Iudæi sacris suis interfunt. Pericopæ evangelicæ, quibus Christiani plerique inde ex ævo prisco utuntur festis diebus, iam fere eadem sæculo tertio u) maioribus eorum erant in usu. Crescente festorum dierum numero auctus fuit pericoparum numerus, & sensim lectio reliquarum partium codicis sacri Laicis adempta, quem morem Pauliciani Orthodoxis iam ante sæculum nonum exprobrarunt, de sacerdotibus sic sentientes: *Ea, quæ vobis Laicis audientibus legunt, a tota serie detruncantes & dilacerantes, sic vos, auditores, interceptiunt.* Adderem plura, nisi Io. HEINR. THAMERUS in *Schediasmate de origine & dignitate pericoparum*, Ienæ 1716, 4, publicato mihi maxima ex parte iam otia fecisset. Pericoparum auctores ad tres cardinales virtutes rei Christianæ, ad *fidem, spem & amorem*, respexerunt. Epistolica pericopæ ad

Y 5

amo-

r) EUSEBIUS in *vita Constantini* IV. 18.

s) IV, 64.

t) IV, 23.

u) EUSEBIUS H. E. II, 17.

x) PHOTIUS *contra Manichæos* L. I. c. 20, p. 101.  
f. edit. Wolfii.

amorem Christianum sunt conformata potissimum; evangelicæ ad fidem; ad spem utraque faciunt. Evangelicæ iam olim principatum obtinuerunt, unde proverbium fuit enatum: *Non sunt hæ narrationes evangelia, vix sunt epistolæ.* Abusus in hoc instituto notati sunt a nonnullis varii. Laicis, queruntur, ita optimas sacri codicis sententias fuisse subtractas, & pulvinos culcitrasque doctoribus cæterum Christianorum per innumeras illarum pericoparum expositiones homileticas fuisse substratos. Optant eidem, ut pericopis illis, quæ Festis Solisque diebus præleguntur & explicantur, nonnunquam substituantur pericopæ, ex aliis sacrarum litterarum doctrinis depromptæ, rari, pericopas illas addi posse vulgatis illis, quæ in *Agendis ecclesiasticis* Lutheranorum exhibentur. Sunt tamen inter hos, qui concionibus suis sacris inferunt omnem Christianæ doctrinæ compagem, & diebus profestis omnem litterarum diviniorem edisserunt complexum. Non est meum, litibus hisce vel monitis intercedere vel facere de eis iudicium, siquidem hoc nec ad singulos doctores sacros nec ad universos ecclesiasticos cæterus effert quadraturum. Adde quod Protestantium doctores & Ecclesiastæ nemi denegant lectionem sacrarum litterarum, per singula volumina patentium, nec impediunt



pediunt Laicos, quo minus hi probatas in linguam provincialem traductas interpretationes manu diurna nocturnaue versent & inde alimenta mentium percipiant. In Romana ecclesia iam diu viget mos, huic laudabili instituto repugnans. *Gregorius VII.* iam *Wratislao Bohemorum Duci* & hominibus huic subiectis denegavit licentiam legendi sacras litteras in sermonem vernaculum conversas y). *Innocentius III.* ob Waldenses, Sacri codicistotius lectores diligentissimos, Christianos noluit in Galliis legere sacras litteras, in Gallicum conversas z). *Synodo Tolosana* sub initiis seculi XII. Antistites ecclesiastici denegarunt Laicis libertatem legendi litteras diviniore, in Gallicum versas, excepto Psalterio. Sic *Cathari*, sic Waldenses in sententiis suis dogmaticis fuerunt magis stabiliti quam convicti errorum, quibus infecti esse putabantur. Primi Christiani longe secus a) rationes suas subducebant. Horum consuetudi-

y) *LEDESMA de Scripturis quavis lingua non legendis* I. 15.

z) *Decretal. Gregor.* cap, cum ex iniuncto de hæreticis, & in *Decretalibus* cap. excommunicamus. &c.

a) *Donati Gotwisi* (D. WISARTI) *Libër Fidei Iesu & Iesuitarum* 1573. 8. (Argentorati.)



tudinem in Romana ecclesia sensim coercitam & sublatam esse, queruntur ac dolent ipsi Pontificiorum passim Theologi. P. GEORGIUS AMBIANAS, Minorita Capucinus, Parisiis 1646. in forma maxima edidit opera *Tertulliani*. Quum adnotationes adiungeret loco illius Doctoris b), quo lectionem Sacrae Scripturae, omnibus apertam ac fructuosam, *Tertullianus* cunctis commendaverat, Georgius hos effudit gemitus: *Nunc vix etiam in sacris Scriptura audiuntur. Vix decurtata unius capituli verba delibantur. Hunaldus* PLETTENBERGIUS Iesuita, qui exeunte saeculo superiori docuit adolescentes in seminario Archiepiscopali Trevirensi & postea in collegio Osabrugensi, permissu Provincialis sui edidit Hildesii 1692, 8, *Introductionem ad Ius Canonicum*, atque in ea, quibuscunque Christianis c) Sacram Scripturam esse legendam, do-

b) *Scorpiacus* c. 12. p. 456, T. I. Opp.

c) Statuta Synodi Tolosanae a. 1129. can. 12, *Ne Laici habeant libros Scripturae praeter Psalterium & divinum officium, & eos libros ut habeant in lingua vulgari.* Io. HARDUINI *Acta Conciliorum* To. VII. P. II. col. 1149. Papae legatus illi Synodo praesedit, de haereticis inquirendis statuenti ita, ut nullum ad Catharos tollendos remedium videretur aptius, quam excussio Sacrae Scripturae ex manibus Laicorum. Ita Aristoteles regnare potuit in regione caecorum.

docuit argumentis sat firmis ac invictis. At nullus orationi constat fructus, si ea surdo proponitur, vel desidiæ non probatur. Dolendum tamen est sæculum, quod ex copia Bibliorum lucra loculorum, non animarum quærit.

§. 17.

Restat, ut moneam brevissime, pericopas biblicas in *nummis*), *inscriptionibus*, *gemmais* & *albis philothecarum* sese oculis spectantium offerre. *Iohannes Leidenfis* Monasterii erroribus suis violentis addidit nummum, in quo leguntur verba, *Nehmet hin den heiligen Geist*, id est, capite Spiritum Sanctum, ex Io. XX, 22. Iphis diplomatibus quondam *Chrisma*, pericopa realis, fuit ab initio præmissum, veram esse religionem Christianam, & Christum esse ecclesiæ atque imperiorum caput, significans. Nonnumquam additæ simul litteræ C illi maiori fuerunt adiectæque litteræ græcæ P & I, item α & α. Unde dilucet, hunc morem a Græcis Imperatoribus fuisse profectum in terras Occidentis. Mirandum sane est, quod

- d) Nummi, in Anglia dicti *Nobiles* perigraphen ostentant ex Io. VIII, 59. quas superstitio adhibuit usui inter amuleta, & in quibus alii mysterium alchimisticum videre se sibi visi sunt. *View of the gold coin and coinage of England.* bi Hodsol. London 1763. fol.

quod nomen Christi fallacibus etiam diplomatis fuerit præfixum, & ea simili C, diplomatis suis præmisso, confirmaverint decepti imposturis innoxique Imperatores. In manibus est fidele exemplar diplomatis Corbeiensis, Ludovico Pio suppositi ante annum 1147, eo quidem fine, ut *Comadus III*, qui se vocabat *secundum* inter Romanorum Reges, adduceretur ad confirmationem Abbatiae femineae Visbeccensis peragendam, quæ legitur in *Io. Frid. FALKII Traditionibus Corbeiensibus* p. 906. Supposititium diploma edidit SCHATENIUS in *Annalibus Paderborn.* To. I. p. 67. f. Subiectum monogramma indicat dolum. Adiectum ei est hoc: *Durandus ad vicem heliarchar recognovi.* Omissum est & *subscripti*. Loco verbi *subscripti*, quod solet litteram s. initialem præferre & additum campaniformem ductum membrana decussatum est dissecta, quasi sigillum ex cera ibi olim fuisset impressum. Adiunctum locum eminenti, numquam impressi, sigilli indicat difficillio campaniformis loci in modum decussatæ seu Andreanæ crucis. In prima diplomatis linea nomini *Imperator* adiectum est AUGUTUS pro *Augustus*. Stilius diplomatis de cetero abhorret ab ævo Ludovici Pii. Et cur plura eiusmodi indicia imposturarum addemus? Dubitat enim nemo, omnem hominem, ut cum hieropsalte loquar, admendacium propendere. §. 18.

## §. 18.


Liceat tandem nonnihil retractationis huc transferre, & eis, quæ disserui supra in *Classis II. fasciculo III.* p. 438, 439. adiungere. *Primum* est id, quod b. D. *Paulus ANTONIUS* sensum loci 1 Io. V, 7. 8. haud secus ac ego exposuit in *Härmonischer Erklärung der heiligen vier Evangelisten* P. III. p. 159. *Secundum* est, quod vetusto Iudæorum ævo testibus cœlestibus ac in terra versantibus facta maximi momenti gavisâ fuerint, vel tradita sint niti vel superstructa esse. Ebræis enim persuasum fuit, dari æque in cœlo iudicium ac in terra, sic sentientibus ob illud *Dan. IV, 14.* *In decreto vigilum fuit constitutum.* Conf. *Christ. SCHOETTGENII* *diss. de Hierosolyma cœlesti* c. 3. de *Synedrîo cœlesti* inscriptum. Iesus ipse id, quod in terra ligatum & solutum fuerit ab Apostolis, in cœlo traditore ligatum & solutum. *Matth. XVI, 19.* Ebræis priscis formula illa erat probata, quæ docebat, tres *dargin* essentiae divinæ esse unum illud Numen Venerabile. Immo ipsi norant, formulam illam, *Tres sunt unum*, esse veram ac eam Christianis esse tritam & familiarem. Rem ipsam locis scriptorum Iudaicorum confirmavit *SCHOETTGENIUS* in *Horis Hebraicis* p. 1073, f. Hoc est *tertium*.  
*Quar.*



*Quartum* est, quod Ioannes 1 Ep. V, 9. 10. distinguit testimonium hominum, id est, *terrestre* a testimonio Dei, id est, *a cœlesti*, quod Deus de Filio suo professus fuerat. Nonne proin remittit Ioannes lectorem ad testimonium generis utriusque & præcipue ad testimonium Dei Patris de Filio suo? Homines, qui viderant sanguinem & aquam iam separata fuisse, quum e latere Iesu emanarent, erant spectatores varii, milites Romani, ac ipse *Ioannes XIX*, 34. 35. Testimonium hoc erat *terrestre* & hominum. Tres vero testes in cœlo de Iesu divinitate perhibuerunt testimonium; Pater ad Iordanem, in monte præsentibus Moïse & Elia tribusque Apostolis ac in templo Hierosolymitano: Filius prima solemnî Pentecoste Hierosolymitana & dum Paulum voce cœlesti dignabatur: Spiritus Sanctus ad Iordanem & in illa miraculis divite Pentecoste. Ad Patris testimonium triplex cœleste Ioannes deinde potissime reducit lectores. *Quintum* est, quod *venire*, si hoc testibus tribuitur, idem est ac comparere, testimonio proferendo se sistere, ac veritati demonstrandæ se offerre testem. Sic dicitur Ioannes Baptista *venisse*, id est, conspicuum se præbuisse testem eorum, quæ de eo fuerant prænuntiata. *Matth. XVII*, 10. 11. 12. Dicitur idem *venisse ad testimonium Io. I*, 7. *Sex-*



*Sextum* est, quod distinguenda sunt illa tria ἐν γῆ, ἐν τῇ γῇ, & ἐπὶ τῆς γῆς. Qui terra marique agunt, eis tribuitur ἐν γῇ. Quæ in indicata vel certa geruntur regione, ea dicuntur agi ἐν τῇ γῇ. Quæ in terra sunt vel fiunt, ea dicuntur esse vel fieri ἐπὶ τῆς γῆς. Alterum igitur illud Ioannis, ἐν τῇ γῇ, idem est ac in illa regione, in Palæstina, in qua Iesus ad Hierosolimam obiit in cruce, ac ubi indicia mortis cuique patuerunt adeo, ut dubitandum non esset, Iesum esse verum hominem eiusque corpus vere fuisse humanum. *Septimum* est, quod illud ἐν τῇ γῇ respiciat ad illud ἐν τῷ ἔρανῳ, in illo aëre sublimi, ob dignitatem testimonii & terrestris & cælestis; *terrestris* de Iesu humana natura, quam indicarunt eius anima eiusque corpus vere defunctum; *cælestis* de Iesu natura Divina. *Octavum* est, quod Ioannis verba sic sunt in latinum vertenda: *Tres sunt, qui testabantur in illa regione, anima, aqua & sanguis. Ac tres sunt, qui testabantur in aëre illo sublimi, Pater, Filius & Spiritus Sanctus. Et hi tres unum sunt.* Horum gratiam & opem adprecor obtrektoribus & inimicis meis, dummodo mentem æquam & sanctitati divinæ convenientem induere queant.



IV.

HENRICI HEISEN,  
PROFESS. BIBLIOTHECAR. ET PÆDAGOGIARCHÆ  
BREMENSIS,

DISSERTATIO  
PHILOLOGICO-THEOLOGICA PRIOR,  
QUA

ΤΟ ΕΚ ΠΙΣΤΕΩΣ PAULO, CÆTERISQUE  
PRIMIS EVANGELII PRÆCONIBUS, ΤΟ ΔΕ  
ΕΙΣ ΠΙΣΤΙΝ ΕΟΡUM AUDITORIBUS  
VINDICATUR.

---

SUMMARIUM.

- §. I. *Scriptiois causa impulsiva.* §. II. *!Nostra interpretatio non, ut caeterae, vocum turbat ordinem.* §. III. *Versu praec. 12. fidei & Romanorum & suae Paulus meminit.* §. IV. *Pro nobis maxime facit, quod Apostolum Evangelii non puduerit.* §. V. *Cuius ratio prima fuit ipsius Apostoli fides.* §. VI. *Secunda, coeleste praeconii Evangelici praemium.* §. VII. *Tertia, Evangelii praedicationem comitantia miracula.* §. VIII. *Auditorum fides.* §. IX. *Vers. 16. Iudaeo primum, tum & Graeco; pro mea sententia facit.* §. X. *Similiter vers. 15. τὸ εὐαγγelizῆσαι.* §. XI. *Quod propius demonstratur.* §. XII. *Frivola causa exhibetur.* §. XIII. *Vulgatus error in Analyti Epist. ad Rom.* §. XIV. *A fide annuntiantis audientium dependet*

det fides. §. XV. Frequentissime το' αποκαλύπτει  
de mysteriis usurpatur, & iustitia fidei est my-  
sterium. §. XVI. Pariter mysterium est, quod  
eandem annuntianda fuerit primum Judaeis, ac  
dein gentibus. §. XVII. Loca de utroque hoc  
mysterio agentia proferuntur. §. XVIII. Qui  
mysteria aliis annuntiat, tenetur ex sua fide hoc  
facere, & demonstrare, fidem suam firmissimis  
niti rationibus. §. XIX. Atque ita instituit  
Paulus. §. XX. Caeteri quoque Apostoli. §. XXI.  
Ex Mosis & Prophetarum fide dignissimis scri-  
ptis iustitia fidei a Paulo demonstrata. §. XXII.  
Voculae ex frequens usus in designandis fidei  
mysteriis. §. XXIII. Quid tum indicet. §. XXIV.  
Quomodo distinguenda fides Evangelii præco-  
num a fide ipsos audientium. §. XXV. Est ta-  
men etiam utrorumque fides dicique potest reci-  
procans una fides. §. XXVI. Ex fide notat quo-  
que ex doctrina fidei, & quidem heic loci sine  
tautologia. §. XXVII. Denique fides, quæ vi-  
va feraxque bonorum est operum, ad fidem fa-  
ciendam requiritur.

## §. I.

Cuius me sententiæ primum esse inven-  
torem per diu arbitratus sum, illam  
nunc denique, cum in eadem validis præsi-  
diis munienda versor, AUGUSTINO jam in  
mentem venisse comperio. Sic enim libello  
de Scriptura & litera (1) Hipponensis Præ-  
sul: Hæc est fides, ex qua & in qua (iustitia)  
revelatur, ex fide scilicet annuntiantium in  
fidem obedientium. Sed vero præcisam, ido-

Z 2

(1) cap. XI. fin. pag. 308. tom. III. Opp. edit.  
Paris. 1586.

neisque omnibus nudatam argumentis eam, ut vides, exhibuit. Quam potissimum fuisse causam, existimem, quod sequioris ævi interpretibus minus se commendaret, vixque duo, quod sciam, CALOVIVS nimirum (2) & CORNELIVS a LAPIDE (3) judicarent dignam, cuius juxta cum aliis mentionem iniicerent. Quocirca, mihi cum maiorem in modum probetur, operæ pretium facturus videor, si, quod possum, rationibus illam haud temere aspernandis, quin tantum non omni exceptione maioribus, eam demonstratum.

## §. 2.

Primum habet præ universis reliquis expositio nostra hoc singulare atque eximium, quod ordinem vocum non turbet, sed eas ipsas, de quibus quærimus, voces suo loco relinquat. Verba Divini scriptoris hæc sunt: Δικαιοσύνη γὰρ Θεῷ ἐν αὐτῷ ἀποκαλύπτεται ἐκ πίστεως εἰς πίσιν. Refero ego τὰ ἐκ πίστεως εἰς πίσιν ad proxime antecedens τὸ ἀποκαλύπτεται, huncque statuo esse sensum: *Iustitia Dei in Evangelio manifestatur ex fide manifestantis in fidem eorum, quibus manifestatur.* Contra ea quicunque diversa enuntiarum hoc ratione accipiunt, copulata divellere ac invehere traiectionem coguntur.

(2) Bibl. Illustr. ad h. l. p. 28. col. b. med.

(3) ad h. l. p. 35. col. b. med. ed. Antwerp. 1635.



sur. Neque enim τὰ ἐκ πίστεως εἰς πίσιν re-  
trahere commode ad τὸ ἀποκαλύπτεται, cui  
tamen proxime adhærent, possunt, sed ne-  
cesse habent eadem ad remotiora, eaque  
prima effati vocabula, δικαιοσύνη Θεῶ, redu-  
cere. Quid? quod, cum hoc pacto ob-  
scuritas quædam emergat, tollere eam, qui  
evidentiæ iustum ponunt pretium, addendo  
voces, in fonte non occurrentes, allaborant.  
Ita magni LUTHERI versio, quæ cum aliis  
virtutibus, tum inprimis perspicuitate ex-  
cellit, in perspicuitatis gratiam adiungit;  
*welche kömmt*. Ad hunc enim modum se  
habet: *Sintemal darinnen offenbaret wird die  
Gerechtigkeit, die vor Gott gilt, welche kömmt  
aus Glauben in Glauben*. Consimiliter, ne  
plures in partes vocem, COCCÆIUS: *In  
verbis*, ait, (4) *Apostoli hæc iungimus, δικαιο-  
σύνη ἐκ πίστεως εἰς πίσιν, justitia ex fide in fidem.*  
*Hebraismus est Apostolo frequens, omittere  
articulum respondentem relativo. Planum es-  
set, δικαιοσύνη ἡ ἐκ πίστεως εἰς πίσιν.* Verum,  
quod pace manium utriusque Summi viri  
dixerim, quid opus eiusmodi est ambagi-  
bus? Nihil attinet orationis luxare seriem,  
novasque infarcire vuculas. Premamus li-  
teram, ordinem tueamur, quæque adsunt,  
ea sola reddamus simpliciter; & veram loci

Z. 3

ex-

(4) Comment. in Ep. ad Rom. p. 14. Op. T. IV.



exculpemus sententiam. Hoc iam commate si iustitiam Dei ἀμείως ex fide in fidem derivaret Apostolus, dubio procul scripturus fuerat: ἀποκαλύπτεται γὰρ ἐν αὐτῷ δικαιοσύνη Θεοῦ ἐκ πίστεως εἰς πίσιν. Sic enim per græci sermonis omnino licet indolem atque usum: sic ipse statim vers. seq. 18. scripsit Paulus: ἀποκαλύπτεται γὰρ δόξα Θεοῦ ἀπ' ἡρα-  
 ρῆ, κ.τ. ε. At verò commate nostro alium plane verborum texuit ordinem, & τὰ ἐκ πίστεως εἰς πίσιν postposito τῷ ἀποκαλύπτεται demum subnexusit, ut ostenderet, in sensu quoque cum hoc illa cohærere. An fors putas, ad vitandam, nescio quam, ordinis vocum ταυτότητα alterius versus medio, principio alterius τὸ ἀποκαλύπτεται Apostolum collocasse? Apage ineptias! Tantum abest, ut lenociniis huiusmodi verficoloribus atque puerili fæco sanctissimi gravissimique scriptores delectati sint, ut nec tautologiam eiusdem τὸ ἀποκαλύπτεται bis positi Apostolus cavendam sibi existimavit, cum ex facili ipsi fuerit, pro posteriori γνωρίζεται, δηλεῖται, φανερεῖται, aut geminum aliud substituere. Virio vertunt IO. CRELLIO, Sociniano (5) COCCÆIUS & CALOVIVS; atque SURENHUSIUS (6) FR. IUNIO, quod priorem phrasis nostræ partem loco moverint, legendo: Δικαιοσύνη

(5) in h. l. p. 75. col. b. Eleutheropoli fol. 1050. γας

(6) Β,Θλω κατάλλαγης in h. l.

γὰρ Θεὸς ἐκ πίστεως ἐν αὐτῷ ἀποκαλύπτεται εἰς πίσιν.

Quo igitur jure totam communis interpretatio migrat locutionem, & cum τῇ τε Θεῷ δικαιοσύνη proxime coniungit? Commodissimum atque fidei analogiæ congruentissimum fundi sensum, si suam teneat retineatque sedem, id vero est, quod integra hac disquisitione in me demonstrandum suscepi. Sed nec constructionem τῷ ἀποκαλύπτεται cum τοῖς ἐκ & εἰς minus græcam esse, vel ex Novo Testamento evincere est. Cum ἐκ offenditur Luc. II, 35. Ὅπως αὖ ἀποκαλυφθῶσιν ἐκ πολλῶν καρδιῶν διαλογισμοί. *Ut manifestentur ex multorum cordibus cogitationes:* & cum εἰς Rom. VIII, 18. Πρὸς τὴν μέλλουσαν δοξάν ἀποκαλυφθῆναι εἰς ἡμᾶς. *Ad gloriam, quæ revelabitur in nos, vel ut nos eam participemus.*

§. 3.

Præcedentium si, ut par est, habendam rationem ducimus, diserte distincteque vers. 12. Paulus & suæ, & quos ocysus fore auditores suos speraverat, *Romanorum* meminit *fidei*, inquires: Τῆτο δὲ εἰς, συμπαρακληθῆναι ἐν ὑμῖν διὰ τῆς ἐν ἀλήλεις πίστεως, ὑμῶν τε καὶ ἐμῆ. *Hoc vero est, ut communem consolationem apud vos accipiam per eam, quæ mutua in nobis vel reciproca est, fidem, & vestram, & meam.* Quam ergo credere in proclivi est, cum & nostro commate, idem

adhuc argumentum persequens, Apostolus de duplici fide loquatur, altera suam, auditorum suorum altera ipsum intellexisse fidem? Et quam concinne ac nervose ἡ ἐν ἀλλήλοις πίσις, *reciprocatio illa fidei* vocibus ἐκ πίστεως εἰς πίσιν effertur? Sed de eo pluribus suo deinceps loco.

## §. 4.

Accedamus nunc propius. Versu proxime antecedenti 16. Paulus: *Non enim, ait, pudet me Evangelii Christi.* Cuius geminam e vestigio subiicit rationem, quarum altera est, *quod Evangelium hoc sit potentia Dei ad salutem, &c.* altera, *quod in eodem iustitia Dei reveletur ex fide in fidem.* Hæc enim; quæ excutimus nos, posteriora proxime quidem probant proxime antegrediens enuntiatur; verum remote faciunt ad confirmandum anteriora illa, *quod Paulus sibi pudori non ducat prædicationem Evangelii.* Qualis demonstrandi modus perquam familiaris divinitus inspiratis est scriptoribus. Psal. XXII, 12. petit Messias: *Ne procul absis a me: nam angustia est propinqua: nam nemo adjutor.* Peritionis ratio est *propinqua angustia*, & huius rationis ratio, *quod nemo in ea auxilio futurus sit.* Verum annon posterior hæc simul ut ratio ipsius peritionis spectari deber? 2 Cor. XII, 14. *negat Apostolus, desiderem se in laboribus cum Co-*  
rin-

*Corinthiorum fore damno, geminamque denuo causam adiungit. Non ENIM, inquit, quæro vestra, sed vos: non ENIM debent liberi parentibus thesauros congerere, sed liberis parentes. Pater Corinthiorum fuit Paulus, utpote quos in Christo per Evangelium genuerat. (7) Nisi igitur victum sibi ipse manuum suarum labore parasset, sustentandi patris huius onus devolutum in filios Corinthios fuisset; id quod cum, salvis vegetisque patribus, adversari sanæ rationi & juri naturæ videatur, atque ab institutis moribusque cultiorum quorumvis populorum abhorreat, quibus omnibus non liberi parentibus, sed contra liberis parentes congerere thesauros, quibus eos alant, & post fata etiamnum sua adjutent, jubentur, tam humilis & sordidus gentium doctor, illud generoso incoctum honesto pectus, non fuit, ut in se admittendum existimaret. Quapropter etsi largimur vocibus: Non enim debent parentibus liberi thesauros colligere, sed liberis parentes; rationem ultimi effati, quod Apostolus non Corinthiorum opes, sed ipsos quærat Corinthios, dari; sic tamen natura comparatæ sunt, ut, æque valide iis penultimum, quod, nulla Apostoli segnitie in quærendo sibi victu futura incommodo Corinthiis*

Z 5

thiis

(7) 1 Cor. IV, 15.

*thiis sit, firmari, nemo cum ratione inficias ire queat. (8)*

§. 5.

Quoniam itaque causam, cur Paulum Evangelii Christi non puduerit, commanostrium continer, quæro, quarum annunciatio rerum hominem, qui quidem honestus modestusque sit, pudore non afficiat? Procul dubio respondebis: *Earum, de quarum veritate certo ipsi constat.* Mirificam parthesiam sua nuncianti fides conciliat. En luculentissima, quibus ipse hic Apostolus noster id confirmat, verba! *Quia, inquit (9) eundem fidei Spiritum habemus secundum illud, quod scriptum est: Credidi, ideoque loquutus sum; etiam nos credimus, atque idcirco etiam loquimur.* In ruborem daturus Apostolum nostrum Festus magna voce dicebat: *Insanis, Paule; multæ te literæ ad insaniam propellunt.* At ille: *Non insanio, ait, sed VERA & sobria verba eloquor.* Scit enim de hisce rex, apud quem καὶ παρρησιαζόμενος λαλῶ, & libere loquar. Latere enim eum quicquam horum, mihi non persuadeo. Neque enim in angulo

(8) Adde, sis. Psal. XVIII, 21 - 23. & 27, 30. Psal. LXXXVI, 4. 5. Ioh. V, 20-22. 1 Theff. IV. 1-3, 1 Pet. II, 18-21. Apoc. XV. 4. &c.

(9) 2 Cor. IV. 13.



*angulo hoc gestum est. Credis, rex Agrippa, prophetis? Scio, quod credas &c. (10)* Quanto maioris momenti res, quæ manifestantur, non modo sunt, sed & esse eas manifestantes credunt, quantoque maior hæc eorum est fides, tanto minus inter manifestandum pudore suffunduntur. Iam vero *quod audiverant, quod viderant oculis suis, quod spectaverant, quodque manus ipsorum contrectarant de sermone vitæ, hoc annuntiabant (11)* Apostoli.

## §. 6.

Porro fides summi, quod propositum sibi noster inprimis Apostolus videbat, proemii omnem fronti eius abstersit pudorem, & sancta quadam, si dicere fas est, impudentia hominem complevit totum, ut non verecundaretur vel potentissimis sapientissimisque huius mundi Evangelium prædicare. (12) Licet sæpius ludibrio haberetur, proscinderetur conviciis, in vincula coniiceretur, infringerentur viro alapæ, plagæ infligerentur, & præsentem, eamque contumeliosissimam mortem omnia intentarent; tamen hic, qui spectaculum toti mundo, & angelis & hominibus, qui velut purgamentum mundi, & omnium detergenda oculus

(10) Act. XXVI, 24-27. (11) 1 Ioh. I, 1. 3.

(12) Act. IX, 15. XVIII, 9, 10, & XXIII, 11.

spurcites fiebat, (13) non pudefiebat. Ecqua, dic, amabo, causa talis, humanam omnem fidem supergredientis, instituti? Divina sola fides, & debita huic, pudescere nescia (14) spes. Fide promissiones a Paulo receptae, praecepta viva spe promissa erant bona, quae inter supremum tenet locum τὸ κατ' ὑπερβολὴν εἰς ὑπερβολὴν αἰώνιον βίος δόξης, *aeternum illud gloriae pondus, quod omnem orationis sublimitatem, si haec vel se ipsa sublimior posset scandere, transcendit.* Eadem igitur fides, spes eadem Apostolo persuaserat, indignam esse momentaneam levitatem opprobriorum & afflictionum praesentis aevi, quae cum futuro illo immenso gloriae pondere comparetur, at tanto minus tamen spectantibus, ea, quae non spectantur, *erubescendam*, quod levitas haec summa summam illam gravitatem ipsis conficeret. (15) Ex eiuscemodi fide nisi Christum manifestavit Paulus, & nihilo secus caedissima omnia sibi ingesta probra, posito pudore & fronte perfricta sustinuit, depuduerit, necesse est, penitus, atque insanissimus omnium fuerit hominum. An vero fuerit, nec ne, vel iurati christianae religionis hostes, qui non

(13) 1 Cor. IV, 9. 13.

(14) Rom. V, 5.

(15) 2 Cor. IV, 17. Rom. VIII, 18.

omnem eiurarunt & rationem & æquitatem, perlectis viri scriptis, dijudicent. Sed ipse nobis dicat intercedentem pudori fidem suam atque spem. Coniectus in carcerem scribit Philipp. I, 20. *Secundum intentam expectationem & spem meam nulla in re pudeam, sed cum omni libertate, ut semper, ita nunc quoque magnificabitur Christus in corpore meo, sive per vitam, sive per mortem.* Et 2 Timoth. I, 7. 8. 12. *Non dedit nobis Deus spiritum timiditatis, sed roboris, & amoris, & sobrietatis. Non igitur te pudeat testimonii Domini nostri, neque mei, qui sum illius captivus; sed esto particeps afflictionum Evangelii ex potentia Dei. Quam ob causam & hæc patior, sed non pudeo. Novi enim, cui crediderim, & persuasum mihi est, eum posse depositum meum custodire in illum diem.*

## §. 7.

Miracula denique & maxima & plurima annunciantes Evangelium Apostolos perpetim comitabantur. (16) Hæc vero, tantum aberat, ut pudore, ut honore eos summo, quin Divino afficerent, quanquam posteriorem vehementissime, ut par erat, abominarentur. (17) Sed vero, ut miracula

(16) Marc. XVI, 17-20. Hebr. II, 4. &c.

(17) Act. V, 11-16. VIII, 13. 18. XIII, 9-12. XIV, 11-18. XVI, 29-34. XIX, 11-17.

I Cor. XIV, 24. 25. & 2 Cor. XII. 11. 12.

### 346 Henrici Heisenii diff. prior

la perpetrarent, quid unice in iis desiderabatur ! Fides. Quærentibus discipulis : *Quare nos dæmonem illum non potuimus eiicere ?* respondet Iesus : *Propter incredulitatem vestram. Certe enim dico vobis, si habeatis fidem, quantum est granum sinapis, dicetis monti huic: Transi hinc illuc; & transibit, nihilque vobis erit impossibile.* (18) Atque iterum: *Habete fidem Dei. Certe enim dico vobis, quicumque dixerit monti huic: Tollitor & proicitor in mare; nec hæsitaverit in corde suo, sed crediderit, quod futura sint, quæ dicit, fiet ei, quicquid dixerit. Propterea dico vobis: Quæcunque orantes petitis, credite, vos accepturos; & evenient vobis.* (19) Hinc notabiliter idem Sospitator: *Τοῖς πιστεύουσι, iis, qui crediderint, non aliis inquit, signa hæc comites ibunt; per nomen meum dæmonia eiicient, &c.* (20) Similiter Petrus & Iohannes, qui claudum a nativitate sanaverant: *Per fidem, aiunt, in nomen Christi hunc, quem videtis & nostis idem Christi nomen stabilivit; & fides per ipsum integram huic sanitatem, ut videtis omnes, dedit.* (21) Ad quem locum probe monet cel.

HEU-  
MANNUS

(18) Matth. XVII, 19. 20.

(19) Marc. XI, 22-24.

(20) Marc. XVI, 17. 18.

(21) Act. III, 16.

MANNUS, (22) ex claudi hominis conditione, & verbis cum Lucæ, (23) tum Petri (24) liquere, non ipsius, sed duorum, a quibus sanatus erat, Apostolorum fidei miraculum acceptum referri. Convenit saltem inter omnes, ea Apostolos miracula, quæ in perniciem aliorum patrarunt, non ex horum, a quibus pœnas reperierunt, fide, sed ex sua tantummodo patrasse. Exemplo sint Ananias & Sapphira, (25) itemque Elymas. (26) Quid? quod summa fidei eorum, qui edituri miracula erant, necessitas, & enatus hinc frequentissimus usus effecerint, ut, licet aliæ dentur fidei species, inque iis principatum ducat, quam æterna consequitur salus, tamen ea insignite ac simpliciter fides nuncupetur. Docent Apostoli voces: *Si habeam omnem fidem, adeo ut montes transferam.* (27) Cum igitur miraculis divinitatem Evangelii præcones eius primi confirmarint; miracula vero hi fecerint non ex *aliena*, sed *sua* fide; porro eadem miracula non pudori ipsis ac ignominia, verum summo fuerint honori; hincque Apostolus, qui Evangelium asserre sibi pudorem negat, negare etiam illud propter mi-

(22) Part. V. Explicat. Nov. Test. p. 149. coll. ibid. pp. 138. & 139.

(23) Vers. 5. (24) Vers. 6. (25) Act. V, 1. seq.

(26) Act. XIII, 8. seqq. (27) 1 Cor. XIII, 2.



miracula confendus sit; atque nunc tandem subiiciat, *ex fide* idem Evangelium a se & collegis manifestari: recte ex iis omnibus concludere nobis videtur, ipsum de *sua* potius & *collegarum*, quam de auditorum, aut aliorum quorum demumcunque fide loqui. Cum vero *finis* perpetrandorum miraculorum non potuerit non *fides* esse *auditorum*, τοῖς ἐκ πίστεως subiunguntur τὰ ἐκ πίστεως. Neque enim est, qui dubitet, quin addita Evangelio miracula fuerint, quo fides illi audientes facilius adhiberent. Paraphrasin vocum *ex fide in fidem* habes, Joh. XIX, 25. *Qui vidit, testatus est; & verum est eius testimonium. Et ille scit, quod vera loquatur, ut etiam vos credatis.* Ad τὰ *ex fide* refer: *Qui vidit, testatus est, & ille scit, quod vera loquatur: ad τὰ in fidem* vero reliqua; *Verum est eius testimonium, ut etiam vos credatis.*

## §. 8.

Exesse pudorem iubet illa quoque fides, qua quis cerrus est, creditum sibi iri, si minus ab universis auditoribus, at certe a magna illorum parte. Persuasissimum habebant Apostoli, nequaquam se frustra Judæos inter atque gentiles Evangelium annuntiuros, sed nullo non loco, nullo non tempore aliquos, imo multos pertracturos  
in

in assensum esse. (27) Enimvero vorticordia quadam vi pollet Evangelium; unde vocibus: *Non pudet me Evangelii Christi*; continuo subditur: *Nam potentia Dei est ad salutem*. Verum nec cæterorum pervicacia atque impudentia pudorem Apostolis incuriebat, eorumve labefactabat fidem. Nam hos plerumque ita confundebant, ut sapientiæ & Spiritui. per quem loquebantur, resistere nequissent, & fissi corda vim facere conscientis suis, ac dentibus stridentes, obturantesque aures, & multa id genus alia indecora atque ridicula suscipientes, dare se turpiter cogerentur. (28) Eosdem igitur, necessum erat, ut puderet, non manifestantes Evangelium Apostolos, qui declaratione veritatis apud omnem se hominum conscientiam in conspectu Dei commendabant; (29) gladio Spiritus nec aëra, tironum instar atque ignavorum, diverberando, (30) nec triumphos habitura nullos gerendo bella. *Deo sit gratia*, inquit Paulus, (31) *qui semper triumphare nos facit in Christo, & odorem notitiæ suæ manifestum reddit*

(27) Act. XI, 21. 25, XIV, 1. XVII, 4, & XVIII, 10. 1 Cor. XVI, 9. 2 Cor. II, 12. &c.

(28) Act. VI, 10. VII, 54. 57. & XXIII, 2.

(29) 2 Cor. IV, 2. (30) 1 Cor. IX, 26,

(31) 2 Cor. II. 14-16.

*Bibl. Br. Nov. Ct. III. F. II.*

A a

*reddit per nos in omni loco. Nam Christi bona fragrantia sumus Deo in iis, qui servantur, & in iis, qui pereunt. His quidem odor mortis ad mortem: illis vero odor vitæ ad vitam.*

## §. 9.

Novum sententiæ nostræ præsidium suggerunt extrema commatis sexti decimi verba: *Iudæo primum, tum etiam Græco.* Quoniam prius Iudæis, quam gentilibus annunciatum Evangelium fuit, & illi prius, quam hi divinam eius ad salutem potentiam dicuntur experti esse. Sed qualis tum annuntiatio intelligenda venit? Non ea sane, quæ *litteris*, sed quæ *viva voce* peragitur. Nam per literas ante gentilibus, quam Iudæis Evangelium revelatum est. Primæ omnium Novi Test. partium scriptæ sunt a gentiliū Apostolo ad gentiles Thesalonicensēs anno Christi secundum PETAVIANOS (32) calculos L. ut vero PEARSONIUS, (33) JO. MILLIUS, (34) & JO. ALB. FABRICIUS (35) putant LII. quas, si audis posteriores hos, LVII. ambæ ad Corin-

(32) lib. XIII. de Doct. Temp, Tom. II. p. 377. init. edit. Antwerp, MDCCIII.

(33) Annal. Paulin.

(34) Prolegom. Nov. Test. §§. 4. & 6.

(35) Biblioth, Græc, lib. IV. cap. V. pp. 123. & 124.

rinthios, & LVIII. nostra ad Romanos, utrosque pariter gentiles, exceperunt. Sed vero Iacobi epistola & Petri prior, itemque Matthæi Evangelium, quæ potissimum in Iudæorum gratiam consignata literis sunt, annis demum a Servatoris nâtivitate LX. & LXI. ex laudatorum virorum sententia prodierunt. Quocirca de manifestato per *scripturas* Evangelio nulla ratione integrum Apostolo fuit affirmare, quod divinam suam & æternæ salutis effectricem vim ante in Iudæos, quam in Græcos, sive paganos exeruerit. Contra ea autem, si Evangelium, quatenus ore prolatum, & annunciatum coram a præsentibus est Apostolis, spectes, multo prius Iudæi, quam ethnici illud audiverunt, & divinæ eius virtutis, atque effectuum salutarium facti compotes sunt. Præcursor iam Christi, baptista Iohannes, Christusque ipse Evangelium Iudæis prædicarunt, eumque Hic duodecim Apostolos primum ablegaret, præcepit iis: *In viam gentium ne abeatis, nec in oppidum aliquod Samaritanorum ingrediamini: sed proficiscimini potius ad oves perditas domus Israel.* (36) Initiato deinde per Spiritus Sancti effusionem Novo Test. rursus Iudæorum ante, quam gentium aures Evangelium salutis implevit; unde ad eos Paulus & Bar-

A a 2

nabas :

(36) Matth. X, 5. 6.

(70)

### 352 Henrici Heisenii diss. prior

nabas : *Vobis, inquiunt, necesse erat πρῶτον, primum dici sermonem Dei. Quoniam autem repellitis illum, & indignos vosmet ipsos iudicatis æterna vita, ecce! - convertimus nos ad gentes.* (37)

#### §. 10.

Neque vero τὸ εὐαγγελίσασθαι, quod versu XV. h. cap. legitur, alium læta annunciandi modum, quam qui ore fit, & a præsentis nuncio ad aures perfertur, designat. Calamo enim Apostolus ipso iam opere Evangelium notificabat. Verum de hoc εὐαγγελίσασθαι dicit, quod promptus quidem ad illud sit, utque commaribus X - XIII. præcedit, semper in precibus suis roget, ut tandem aliquando sibi detur ad Romanos venire, imo ex vehementi eos videndi desiderio frequenter sibi proposuerit ad ipsos accedere, sed in hunc usque diem prohibitus sit. Quæ cuncta, quis non videt, ad illud τὸ εὐαγγελίσασθαι unice pertinere, quod ore constat, & a præsentis ad præsentis instituitur?

#### §. 11.

Quorsum vero tam diligenter ego & prolixè hoc inculco? Ut pateat non solum, qua de causa & quam vere sexto decimo commate subiunxerit gentium doctor: *Non enim pudet me evangelii Christi; sed & quod*

vix

(37) Act, XII, 46.



vix idonea suppetente causa & veritate salva subiungere idem potuerit, nisi statuatur, id quod nos volumus, nimirum per *fidem*, ex qua in Evangelio iustitia Dei manifestatur, primorum Evangelii præconum, & cum maxime Apostoli nostri Pauli, non vero eorum, qui verbis ipsorum credebant, fidem innui. *Literæ non erubescunt*; tam verum, quam sermone tritum proverbium est; & peregre cum primis allatæ epistolæ nullo inficere ora rubore possunt, quod procul a legentium absunt conspectu, qui eas dederunt. At vero, qui coram facit verba, propterque illa opprobriis mordetur, deiecit, nisi effrons est, lumina, & colores mutat. Arcete vix, qui verecundior est, pudorem potest, si vel falsa illa sint opprobria; & oppido pauci dantur, qui animo tam obfirmato sint, ut contemptim cum FLACCO (38) quærant:

*Mordear opprobriis falsis, mutemque colores?*

*Falsus honor iuvat, & mendax infamia terret*

*Quem, nisi mendosum & mendacem?*

At scelos tamen divinos legatos sola sua pudorem repudians omnem, exemit fides.

Aa 3.

Enim.

(38) lib. I. epist. XVI. vv. 38-40.

Enimvero cum indubitate sibi constiterit, nomine se Dei verba Dei loqui, an tanti ipsos honoris puduisset? Relegantur omnia modo adducta gravissimi ponderis argumenta, quibus, tantum abest, ut pudendo oppleverit pudore, ut confidentissimos fides sua hos Dei nuncios reddiderit.

## §. 12.

Adductum, nonnulli suspicantur, in suspicionem Apostolum nostrum, quod cunctaretur Romam, domicilium illud non maximi solum imperii, sed & omnis ea tempestate sapientiæ atque eruditionis, venire, quoniam metueret, ne prodire in conspectum tot summæ auctoritatis ingeniique subtilissimi, ac omni doctrinarum genere florentissimorum in hac urbe virorum cogere-  
tur, cumque iis commissus impar, succumbensque tristitia magno cum pudore damna reportaret: atque, hanc ut suspicionem ab se removeret, ea potissimum, quæ vv. X-  
XVII. primi ad Romanos capitis leguntur, scripssisse. Verum, si in eam Apostolus incidit, nulla sua incidit culpa. Qui omnium doctrinarum inventrices, Athenas non reformidavit adire, congregique cum illarum Philosophis, Epicureis & Stoicis, (39) ἀπομολύκειν suum duxit Romam? Dicit ipse

(39) Act. XVII.

**I**pse: (40) *Oportet me etiam Romam videre.* Adstans ipsi per quietem Dominus dicit: (41) *Confide, Paule. Sicut enim testificatus es de me Hierosolymis, ita te oportet etiam Romæ testificari.* Quid ergo moræ & tergiversationis in viro sic animato, sic Divinitus corroborato habere locum potuit? Eventus ipse sinistram hanc coniectationem abunde refutavit. Nam, ubi Romam pervenit, non timide & pudenter, sed *perdōns πάρεσις*, cum omni dicendi libertate ea, quæ Dominum Iesum Christum concernebant, docuit. (42) Damus, prævidisse Apostolum, Romæ ludibrio se habitum iri; at vicissim nobis detur, præscisse quoque eum, quod sicut Athenis Dionysium Areopagitam, Damarin, aliosque, (43) ita nec paucos Romæ ad fidem in Christum perducturus esset. Erant iam Romæ ante adventum ipsius multi Christiani, quorum fidem scribit comm. VIII. huius cap. prædicari in toto mundo, quosque videndi quamprimum, quanto flagret desiderio, significantissimis statim vocibus declarat. Properavit Hierosolymam, etsi compertissimum habuerit, *vincula se & afflictiones* ibi manere. (44) *Quam ergo effoeta o-*

Aa 4

mnis

(40) Act. XIX, 21. (41) Act. XXIII, 11.

(42) Act. XXVIII, 31. (43) Act. XVII, 34.

(44) Act. XX, 23. &amp; XXI, 11-14.

mnis veri suspicio erat, *pudoris metum* Romano eius itineri reemoram injicere?

## §. 13.

Vulgo interpretes opinantur, hoc iam commate Apostolum iustitiam fidei *exponere*. Verum secus se res habet. In *pro-æmio* adhucdum scriptor divinus hæret, quo, ut omnia & antecedentia & sequentia in-  
victè probant, non de ipsa hac iustitia, sed eius tantummodo per Evangelium *patefactione* agit. Quod præcedentia attinet, illud paulo ante (45) de ea revelatione, qua viva vox defungitur, ex vv. X-XIII. & XV. huius cap. percépimus. Sequitur statim com. XVIII. *Manifestatur ira Dei e celo*; & vers. XIX. *Id quod cognosci de Deo potest, manifestum est in ipsis: Deus enim illis manifestum fecit*. Quid utrumque hoc? Necessitatem ostendit *manifestandæ* per Evangelium Dei iustitiæ; quoniam ea, quæ naturæ lumine facta divinitus erat, fiebatque in dies amplius, *revelatio* hominum iniustitia, idololatria, & nefanda turpitudine obscurabatur penitus, adque Dei redintegrandam communionem inhabilis, ut quæ maxime, reddebatur. Incisis XXI. & XXII. legimus: *Quum Deum cognoverint, non, ut Deum, glorificaverunt, sed vani facti sunt in*  
ratio-

*ratiocinationibus suis, & obtenebratum est desipiens eorum cor: dictitantes se sapientes stulti facti sunt. Quæ potissimum ad ethnicorum Philosophos & Theologos spectant, quorum erat alios Dei, eiusque iustitiæ notitia imbuere, sed qui ipsi ea se privarant. Clauditur ita primum caput: Quum ius Dei noverint, nempe eos, qui talia patrant, morte dignos esse, non solum ea patrant, sed & patrantibus aliis applaudunt. Noverunt ius Dei ex divinitus accenso naturæ lumine; cuius præcipuam partem facit lex moralis, gentilium inscripta cordibus atque conscientiis, de qua cap. II. vv. XIV. & XV. Apostolus loquitur. Progressus deinde eiusdem II, cap. vv. XVII. & seqq, ab ethnicis ad Iudæos, neque his aliam personam, quam iustitiæ sive legis divinæ præconum imponit; atque eadem simul opera demonstrat, quam indigne & damnose partes suas peragant, ut evangelica iustitiæ Dei annuntiatione gens humana summe opus habeat. Ecce, ait, tu Iudæus cognominaris; - & nosti voluntatem Dei, & quæ præstant, iis calculus tuum adiicis, institutus ex lege; confidisque, te ducem esse cæcorum, & lumen in tenebris versantium, eruditorem insipientium, magistrum infantium, utpote qui habeas informationem cognitionis ac veri legis sensus. Qui ergo doces alium, te ipsum non*



*doces. - - Qui de lege gloriaris, ipse per transgressionem legis Deum contumelia afficis. Nomen enim Dei propter vos blasphematur inter gentes.* At vero capite demum III. illiusque propius commate XXII. de ipsa Dei iustitia, eiusque natura, obtinendæ unica ratione ac via, quæ fides est, obtentæ salutaris effectibus, manantibus hinc officiis, & quæ id genus cætera sunt, agere incipit. Vellem, qui epistolam ad Romanos in partes, sive principia sua retexuerunt, ad hanc distinctionem attendissent, nec dubito, quin aliquanto accuratior emerfura illorum fuisset analysis.

## §. 14.

Cum igitur nostro loco non ipsa Dei excutitur iustitia, sed de *præconio* eius sermo instituat; in *Præconibus* vero nihil æque desideretur, ac *fides*, annon *geminæ* illius, cuius fit mentio, *fidei* alterutram saltem ad *præcones* pertinere, existimandum est? Quis, nisi amens sit aut præstigiator, novas res, dogmata nova atque inaudita annunciare, & venditare pro veris sustinet, quæ ipse non credit, quæque, ut auditores credant, se credere, non omni laterum contentione allaborat? Quanto magis a communi hominum scientia ac fide, ab eorum sive iudiciis sive præiudiciis remotæ eiusmodi

modi res sunt, tanto magis necesse est, ut certi reddantur, evidentissime de earum veritate auctoribus constare. An vero iustitia Dei, princeps evangelicæ prædicationis argumentum, ita non fuerit comparata, cuius, cui sanum sinciput est, integrum esto arbitrari. A fide dicentis, ut in plerisque aliis, ira potissimum in illis, tantum non incredibilibus, audientium pendet fides. Si vel minimum his suboleat, quod bona secum fide non agatur, laborat confestim labasciturque omnis illorum fides. Experimur id hodieque de concionatoribus illis, quorum vox Jacobi est, manus autem sunt Esavi. Suadent quidem hi, quæ verissima sunt atque utilissima, sed parum persuadent. Enimvero dicunt, sed non faciunt, hoc est, quæ ipsi non credunt, ea credere alios iubent. Nam si crederent, & facerent omni procul dubio. Neque enim levia aut ludicra facientes præmia, sed æternam consequentur salutem. Hoc quam verum est, tam crebro ab ipsis & fortiter inculcatur. Quare, quoties inculcatur, toties sonoram audire mihi campanam videor, quæ alios ad ineundum templum invitet, neque ipsa ingrediatur; auditorem vero, qui quidem acutus magis sit, quam probus, Horatii illud (46) occinentem :

*Quodcunque ostendis mihi sic, incredulus odi.*

(46) Art. Poët, vers. 188,

## §. 15.

Frequissimus τὸ ἀποκαλύψαι est usus in designandis *mysteriis* & *divinationibus*, quæ non rationis sunt, sed revelationis. Proferenti Petro magnum illud pietatis *mysterium*, quod homo Jesus esset *Christus*, *Filius ille Dei viventis*, regerit Hic: *Caro & sanguis tibi nō. ἀπεκάλυψε*, revelavit, sed *Pater meus, qui est in cælis.* (47) Et quis Johannem ignorat vaticiniorum suorum librum inscripisse *ἀποκάλυψιν*; Cui non officit, quod inciso huius cap. statim sequenti XVIII. τὸ ἀποκαλύψαι de patefactione divina, quæ per naturam, experientiam atque rationis lumen fit, usurpatur. Neque enim nos diximus, solum atque unice de *mysteriis* & *prædictionibus* vocem hanc adhiberi. Secundum subiectam intelligenda verba materiem sunt, nec ullam conseris pugnam, si altero commate, quod mysticas veritates indigitat, de supernaturali; altero, quod cunctorum hominum exposita ocalis divina opera persequi incipit, de naturali revelatione illud vocabuli accipias. Est omnino Dei, quæ Evangelio manifestatur, iustitia grande *mysterium*, omnem rationis sibi relictæ captum immensis parasangis supergrediens, cuius profundum attingere nulla finiri

(47) Matth. XVI. 16. 17.

niti ingenii acies, emetiri altitudinem sublimis nulla meditatio potest. Quod enim naturæ aperit lumen, quo pacto, salva iustitia sua, iustissimum Numen peccatores iniustissimos pronunciare iustos queat, nec debita tantum æterna iis remittere supplicia, sed & ex adverso æternæ vitæ ius addicere? Vicariam unius Filii Dei iustitiam tollendis maximis his parem fuisse impedimentis, utpote divinam & infiniti pretii: atque Dei Patris iustitiæ ad assem fecisse satis, quæ iterum ratio docet? Ne quidem, quod habeat Deus Filium, per naturam novimus; æque non, quod voluerit ille satisfacere, aut satisfactionem eius admittere Pater; multo minus, quod satisfacturus Divinæ suæ humanam coniungere naturam in unam personam debuerit, inque hac reapse satisfecerit. Vide, quot quantaque mysteria ante oporteat cognita esse, quam de iustitiæ Dei mysterio vel conceptum tibi formes. Si igitur, qualis causa, talis effectus, non potest non, quæ ex multis magnisque mysteriis enata iustitia est, ipsa ingens esse mysterium. Sique divina in consilium adhibemus oracula, nec hæc alio eam numero locoque habent. Longum foret omnia exscribere enunciata, quibus mysterii appellatione insignitur. Ut ergo duos una fidelia parietes dealbemus, alterum prius myste-



poribus multa secula complexis, taciti, manifestati vero nunc, & per scripturas propheticas ex præcepto æterni Dei ad obedientiam fidei omnibus gentibus notificati. (51) Loquimur sapientiam Dei in mysterio, occultatam illam, - - quam nemo primorum seculi huius cognovit; - - sed, sicut scriptum est: Quæ oculus non vidit, nec auris audivit, quæque in cor hominis non adscenderunt. - nobis autem Deus revelavit per Spiritum suum &c. (52) Per revelationem notum fecit mihi Deus mysterium illud. - Potestis intelligere, quæ mea sit intelligentia in mysterio Christi, quod cæteris ætatibus non patefactum fuit filiis hominum, ut nunc revelatum est sanctis Apostolis eius ac Prophetis in Spiritu; gentes videlicet esse cohæredes, & concorpores, & una participes promissionis eius in Christo per Evangelium. - Mihi data hæc est gratia, ut inter gentes evangelizem impervestigabiles divitias Christi, & ut in lucem proferam omnibus, quæ sit communio mysterii, quod absconditum fuit a seculis in Deo. (53) Christi perpassiones, illasque consequuta gloria - - annunciatae sunt vobis, - - in quas desiderant Angeli introspicere. (54)

§. 18.

(51) Rom. XVI, 25. 26.

(52) 1 Cor. II, 7-13. (53) Eph. III, 3-9.

(54) 1 Petr. I, 11. 12. Add. Eph. I, 9. &amp; VI, 19. Coloss. I, 25-27. II, 2. 3. &amp; IV, 2. Tim. III, 9. 16. &amp;c. &amp;c.



## §. 18

Si itaque extra omnem dubitationis positum aleam est, de mysteriis divinis nostro & præcedenti commate agi, quæro iam, quo potissimum argumento eorum veritatem, qui manifestat, probe? Nulla heic demonstratio mathematica aut philosophica, ratiocinatio nulla locum habet. Transcendunt enim rationis captum veri nominis mysteria, neque exigere ad notionem, aut metari decompèda possunt. Una fide omnis nititur argumentatio. Credenda simpliciter, non rimanda curiosus divina sunt mysteria. Sed tamen ipsa hæc, quæ illis adhibetur, fides solido, oportet, fundamento superstructa sit; cæteroquin fallax est & imaginaria, phantasiæ potius ludibrium, quam certa atque iudicio adhibito recepta demum persuasio; neque *fides* appellari meretur, sed vana superstitio, commentum cerebri, aut si quod vilius istis est nominibus. Quoties igitur aliquis incognita inauditaque divina mysteria *in fidem* annunciat, hoc est, ut, quibus annunciat, credant illa, rogant statim, qui nasum habent, *ex qua sua fide* eadem, tanquam fonte, hauserit? Neque hic, si sanus est, & serio intendit fidem facere, aliter respondebit, quam; *ex fallere nescit Dei revelatione*, cui fidem non potuerit derogare.

# 366 Henrici Heisenii diff. prior

rogare. Solius enim est Dei divina primum  
manifestare mysteria; id quod nemo negat.  
Verum pergunt alteri illi: Unde tibi de re-  
velationis, quam præ te fers, constat divi-  
nitate? Tum vero hic Dei externum af-  
fatum, affarumque internum, quorum aut  
uterque, aut alteruter sibi obrigerit, com-  
memorabit; nec omittet indubitata, quibus  
fuerint stipata, divinitatis signa, ut vel in-  
vito sibi fidem extorserint; ac denique di-  
vinis miraculis, si eorum perpetrandorum  
sibi facta copia sit, narrationis suæ fidem  
arque veritatem confirmabit.

## §. 19.

Nec vero secus instruit magnus noster  
Præco & Apostolus & Doctor gentium.  
(55) Diducto sermone causam agens coram  
populo judaico, ac dein apud Judææ præ-  
sidem, Festum, & Agrippam regem præ-  
locat, imprimis ad divinam apparitionem;  
cui non potuerit non morem gerere, inter  
cetera expressit dicens: Unde, rex Agrip-  
pe, si incredulus celesti apparitioni (56)  
hoc nominatim sibi præceptum fuis-  
set: Ite, quia Ego ad gentes pro-  
fitebor, ut scilicet iustitiam Dei iis  
revelarem; et si hoc audito verbo vocife-  
rarem.

Tim. II, 7. & 1 Tim. I, 11. (50) Actor.  
VI, 19

rarentur Judæi : *Tolle de terra istiusmodi hominem : non enim convenit eum vivere.* (57) Similiter ad Galatas scribit ; *quod non ab hominibus, neque per hominem creatus sit Apostolus ; nec Evangelium acceperit ab homine, sed per revelationem Jesu Christi ;* porro, *quod, quo tempore Deo visum fuerat, revelare Filium suum in ipso. ut hunc inter gentes evangelizaret, e vestigio obtemperavit ; nec ante cum carne & sanguine inierit consilia ; imo ne quidem ad eos, qui ante se fuerant Apostoli, se contulerit ; ac denique, ubi secunda vice multis interiectis annis Hierosolymam adscenderat, ut dictis Apostolis Evangelium, quod prædicabat inter gentes, exponeret, quod nec hoc, nisi ex revelatione, fecerit.* (58)

## §. 20.

Neque vero aliam alii Apostoli viam ingressi iunt. Præcipiunt Judæorum proceres Petro & Johanni, *ne porro loquantur in nomine Jesu ulli hominum.* Verum respondent hi : *An justum sit apud Deum, vobis auscultare potius, quam Deo, ipsi iudicate. Non enim possumus nos, quæ vidimus & audivimus, non loqui.* (59) Qui, quæ vidit & audivit, ea postmodum loquens Deo secre-

Bb 2

dis

(57) Act. XXII, 21. 22. &amp; XXVI, 17. 18.

(58) Gal. I, 1. 12. 15. 16. &amp; II. 2.

(59) Act. IV, 17-20.

dit obtemperare, annon is loquitur ex *revelatione*, quam oculis auribusque percepit? Annon *ex fide*, quam eidem revelationi, tanquam Divinæ, adhibuit, manifestat? Laudatus Petrus: *Non arte compositas*, ait, (59) *fabulas sequuti sumus notam vobis faciendo Domini nostri Jesu Christi potentiam & adventum, sed ut qui oculis nostris adspeximus illius maiestatem, cum huiusmodi ad ipsum vox a magnifica deferretur gloria: Hic est Filius meus, dilectus ille, in quo acquiesco. Et hanc nos vocem audivimus e cælo demissam.* En denuo cælicam! en divinam, ad quam provocat, revelationem, eamque pariter visu atque auditu, qui sensus disciplinæ potissimi sunt, & certissimi veritatis testes, perceptam!

## §. 21.

Quando tamen hic epopta continue subiicit: *Habemus firmiorem propheticum sermonem*, (60) *ex fide* etiam, quæ *Mosi & Prophetis* habebatur, iustitia Dei censenda est in Evangelio manifestata esse. Nam Scriptura iam veteris Instrumenti hanc, licet parcius & obscurius, manifestavit iustitiam. Significanter hac epistola Paulus: *Nunc absque Lege*, inquit, *iustitia Dei patefacta est, at comprobata testimonio Legis ac Prophetarum*

(59) 2 Petr. I, 16-18. (60) ibid. v. 19.



*rum, iustitia videlicet Dei per fidem Jesu Christi in omnes & super omnes, qui credunt. (61) Noluerunt Apostoli videri quicquam loqui contra extraque Moſen ac Prophetas: & cum Paulus imprimis male audiret non ſolum apud incredulos Judæos, quod ethnicos ad participandum iuſtitiam Dei per ſolam abſque operibus Legis fidem vocaret, ſed & credentes, quod doceret omnes, qui inter gentes erant, Judæos a Moſe deficere, nec ſecundum ritus avitæ religionis incedere; (62) neceſſitatem hic præcæteris impoſitam ſibi vidit, quavis data occasione, & ſanctiſſime affirmandi, & demonſtrandi evidentiffime, omnibus ſe credere, quæ ſcripta eſſent in Lege & Prophetis, nec ex fide alia patrium Deum eiſque iuſtitiam annunciare, quam quæ patrum iam ſub priſca œconomia fuiſſet. (63) Romæ Judæis a mane uſque ad vesp̄eram ita expoſuit regnum Dei, ut, quæcunque iis ſuaderet de Jeſu credere, ea cum ex lege Moſis, tum ex Prophetis confirmaret. (64) Sunt hinc, qui ex fide in fidem interpretantur ex fide, quæ ſub Vet. Teſtamento obtinuit, in fidem, quæ pariter ſub Novo eſſagitatur. Verum ſalutis, iſque ingens citra omnem neceſſitatem, ut*

Bb 3

multa

(61) Rom. III, 21. 22. (62) Act. XXI, 21.

(63) Act. XXIV, 14 &amp; XXVI, 22. 23. 27.

(64) Act. XXVIII, 23.



multa cætera sententiæ huius incommoda taceam, hoc pacto committitur; nuncque, dum tandem ad ipsum *τὴ ex fide* propius dilucidandum accingimur, liquidius constabit, ad primos Evangelii præcones unice idem pertinere.

## §. 22.

In antecessum, non abs re fuerit, observare frequentem voculæ *ἐκ* usum, cum Apostolo de ministerio verbi, sive manifestanda per Evangelium iustitia Dei sermo est. Ἐξ ἐκλικρινείας; ἐκ Θεοῦ λαλοῦμεν.. *Ex sinceritate, ex Deo loquimur.* (65) Ὅι μὲν ἐξ ἐριθείας τὸν Χριστὸν καταγγέλλουσιν, οἱ δὲ ἐξ ἀγάπης. *Illi quidem ex contentione, hi vero ex charitate Christum prædicant.* (66) Ἀρα ἡ πίσις ἐξ ἀκοῆς. *Ergo fides ex auditu est.* (67) Ἐξ ἔργων νόμου τὸ πνεῦμα ἐλάβετε, ἢ ἐξ ἀκοῆς πίστεως. *Utrum ex operibus legis Spiritum accepistis, an ex prædicatione fidei?* (68)

## §. 23.

Ut a præcipuo sensu ordiamur, fides ponitur tanquam fons, *ex quo* fluit, & tanquam fundamentum atque radix, *ex quibus* surgit ac pullulat, quibusque innititur recta ac iusta mysteriorum Evangelii annunciatio. Sicuti omnia bona opera ex fide proficisci oportet.

(65) 2 Cor. II, 17. (66) Philipp. I, 16. 17.

(67) Rom. X, 17. (68) Gal. III, 2. 5.

oportet, & quicquid non ex fide oritur, peccatum est; (69) ita hoc maximi momenti bonum opus defectu fidei redditur pessimum. Antecedat igitur, necesse est, Evangelii præconium præconis fides, & ex hac illud quasi emanet atque ebulliat, ut ex redundantia cordis os loquatur; (70) & corde ad iustitiam credat ipse, (71) qui ore *ἐκ πίστεως*, ut credant alii, iustitiam annunciat.

## §. 24.

Distinguiamus Pauli ceterorumque primorum Evangelii præconum fidem a fide *τῶν ἐνγγυηλασμένων*, eorum, qui ipsos audiverunt, ut causam efficientem a suo effectu, vel, si mavis, ut instrumentalem ab opere, quod per illam, producit. Nam *ἐκ πίστεως ἐκ πίστεως*, ad gignendam ex altera fide alteram revelari iustitia Dei perhibetur. Neque vero nimis premenda hæc est distinctio, aut censenda tanta esse, quanta obrinet inter arborem, eiusve radicem, &, quos profert, fructus. Hinc enim exsculperet aliquis, dari aliam in Evangelii doctoribus, in eorum discipulis aliam longeque a priori diversam fidem. Una est fides, sicut unus Deus & Pater unus omnium credentium, unus Dominus, baptisma unum. (72) Quam unam fidem.

B b .4

tan.

(69) Rom. XIV, 23 (70) Matth. XII, 34.

(71) Rom. X, 10. (72) Eph. IV, 5. 6.

mnis veri suspicio erat, *pudoris metum* Romano eius itineri reemoram injicere?

§. 13.

Vulgo interpretes opinantur, hoc iam commate Apostolum iustitiam fidei *exponere*. Verum secus se res habet. In *pro-æmio* adhucdum scriptor divinus hæret, quo, ut omnia & antecedentia & sequentia invicte probant, non de ipsa hac iustitia, sed eius tantummodo per Evangelium *patefactione* agit. Quod præcedentia attinet, illud paulo ante (45) de ea revelatione, qua viva vox defungitur, ex vv. X-XIII. & XV. huius cap. percépimus. Sequitur statim com. XVIII. *Manifestatur ira Dei e cælo*; & vers. XIX. *Id quod cognosci de Deo potest, manifestum est in ipsis: Deus enim illis manifestum fecit*. Quid utrumque hoc? Necessitatem ostendit *manifestandæ* per Evangelium Dei iustitiæ; quoniam ea, quæ naturæ lumine facta divinitus erat, fiebatque in dies amplius, *revelatio* hominum iniustitia, idololatria, & nefanda turpitudine obscurabatur penitus, adque Dei redintegrandam communionem inhabilis, ut quæ maxime, reddebatur. Incisis XXI. & XXII. legimus: *Quum Deum cognoverint, non, ut Deum, glorificaverunt, sed vani facti sunt in*  
*ratio-*

(45) §. 10.

*ratiocinationibus suis, & obtenebratum est desipiens eorum cor : dictitantes se sapientes stulti facti sunt.* Quæ potissimum ad ethnicorum Philosophos & Theologos spectant, quorum erat alios Dei, eiusque iustitiæ notitia imbuere, sed qui ipsi ea se privarant. Clauditur ita primum caput : *Quum ius Dei noverint, nempe eos, qui talia patrant, morte dignos esse, non solum ea patrant, sed & patrantibus aliis applaudunt.* Noverunt ius Dei ex divinitus accenso naturæ lumine ; cuius præcipuam partem facit lex moralis, gentilium inscripta cordibus atque conscientis, de qua cap. II. vv. XIV. & XV. Apostolus loquitur. Progressus deinde eiusdem II. cap. vv. XVII. & seqq. ab ethnicis ad Iudæos, neque his aliam personam, quam iustitiæ sive legis divinæ præconum imponit ; atque eadem simul opera demonstrat, quam indigne & damnose partes suas peragant, ut evangelica iustitiæ Dei *annuntiatione* gens humana summe opus habeat. *Ecce, ait, tu Iudæus cognominaris, - & nosti voluntatem Dei, & quæ præstant, iis calculus tuum adiicis, institutus ex lege ; confidisque, te ducem esse cæcorum, & lumen in tenebris versantium, eruditorem insipientium, magistrum infantium, utpote qui habeas informationem cognitionis ac veri legis sensus.* Qui ergo doces alium, te ipsum non



*doces. - - Qui de lege gloriaris, ipse per transgressionem legis Deum contumelia afficis. Nomen enim Dei propter vos blasphematur inter gentes.* At vero capite demum III. illiusque propius commate XXII. de ipsa Dei iustitia, eiusque natura, obtinendæ unica ratione ac via, quæ fides est, obtentæ salutaris effectibus, manantibus hinc officiis, & quæ id genus cætera sunt, agere incipit. Vellem, qui epistolam ad Romanos in partes, five principia sua retexuerunt, ad hanc distinctionem attendissent, nec dubito, quin aliquanto accuratior emerfura illorum fuisset analysis.

## §. 14.

Cum igitur nostro loco non ipsa Dei excutiatur iustitia, sed de *præconio* eius sermo instituatur; in Præconibus vero nihil æque desideretur, ac *fides*, annon *gemine* illius, cuius fit mentio, *fidei* alterutram saltem ad *præcones* pertinere, existimandum est? Quis, nisi amens sit aut præstigiator, novas res, dogmata nova atque inaudita annunciare, & venditare pro veris sustinet, quæ ipse non credit, quæque, ut auditores credant, se credere, non omni laterum contentione allaborat? Quanto magis a communi hominum scientia ac fidē, ab eorum sive iudiciis sive præiudiciis remotæ eiusmodi



modi res sunt, tanto magis necesse est, ut certi reddantur, evidentissime de earum veritate auctoribus constare. An vero iustitia Dei, princeps evangelicæ prædicationis argumentum, ita non fuerit comparata, cuivis, cui sanum sinciput est, integrum esto arbitrari. A fide dicentis, ut in plerisque aliis, ita potissimum in illis, tantum non incredibilibus, audientium pender fides. Si vel minimum his suboleat, quod bona secum fide non agatur, laborat confestim labascitque omnis illorum fides. Experimur id hodieque de concionatoribus illis, quorum vox Jacobi est, manus autem sunt Esavi. Suadent quidem hi, quæ verissima sunt atque utilissima, sed parum persuadent. Enimvero dicunt, sed non faciunt, hoc est, quæ ipsi non credunt, ea credere alios iubent. Nam si crederent, & facerent omni procul dubio. Neque enim levia aut ludicra facientes præmia, sed æternam consequentur salutem. Hoc quam verum est, tam crebro ab ipsis & fortiter inculcatur. Quare, quoties inculcatur, toties sonoram audire mihi campanam videor, quæ alios ad ineundum templum invitet, neque ipsa ingrediatur; auditorem vero, qui quidem acutus magis sit, quam probus, Horatii illud (46) occinentem :

*Quodcunque ostendis mihi sic, incredulus odi.*

(46) Art. Poët, vers. 188,

## §. 15.

Frequissimus τὸ ἀποκαλύψαι est usus in designandis *mysteriis* & *divinationibus*, quæ non rationis sunt, sed revelationis. Proferenti Petro magnum illud pietatis *mysterium*, quod homo Jesus esset *Christus*, *Filius ille Dei viventis*, regerit Hic: *Caro & sanguis tibi non ἀπεκάλυψε, revelavit, sed Pater meus, qui est in cælis.* (47) Et quis Johannem ignorat variciniorum suorum librum inscripsisse ἀποκάλυψιν; Cui non officit, quod inciso huius cap. statim sequenti XVIII. τὸ ἀποκαλύψαι de patefactione divina, quæ per naturam, experientiam atque rationis lumen fit, usurpatur. Neque enim nos diximus, solum atque unice de *mysteriis* & *prædictionibus* vocem hanc adhiberi. Secundum subiectam intelligenda verba materiem sunt, nec ullam conseris pugnam, si altero commate, quod mysticas veritates indigitat, de supernaturali; altero, quod cunctorum hominum exposita oculis divina opera persequi incipit, de naturali revelatione illud vocabuli accipias. Est omnino Dei, quæ Evangelio manifestatur, iustitia grande *mysterium*, omnem rationis sibi relictæ captum immensis parasangis supergrediens, cuius profundum attingere nulla fini-

niri

(47) Matth. XVI. 16. 17.

niti ingenii acies, emeriri altitudinem sublimis nulla meditatio potest. Quod enim naturæ aperit lumen, quo pacto, salva iustitia sua, iustissimum Numen peccatores iniustissimos pronunciare iustos queat, nec debita tantum æterna iis remittere supplicia, sed & ex adverso æternæ vitæ ius addicere? Vicariam unius Filii Dei iustitiam tollendis maximis his parem fuisse impedimenti, utpote divinam & infiniti prelii: atque Dei Patris iustitiæ ad assem fecisse satis, quæ iterum ratio docet? Ne quidem, quod habeat Deus Filium, per naturam novimus; æque non, quod voluerit ille satisfacere, aut satisfactionem eius admittere Pater; multo minus, quod satisfactorius Divinæ suæ humanam coniungere naturam in unam personam debuerit, inque hac reapse satisfecerit. Vide, quot quantaque mysteria ante oporteat cognita esse, quam de iustitiæ Dei mysterio vel conceptum tibi formes. Si igitur, qualis causa, talis effectus, non potest non, quæ ex multis magnisque mysteriis enata iustitia est, ipsa ingens esse mysterium. Sique divina in consilium adhibemus oracula, nec hæc alio eam numero locoque habent. Longum foret omnia exscribere enunciata, quibus mysterii appellatione insignitur. Ut ergo duos una fidelia parietes dealbemus, alterum prius myste-

mysterium, quod proxime antecedenti commate, quocum inseparabiliter nostrum conhaeret, panditur, tribus, quod aiunt, verbis indicemus.

## §. 16.

Dicit Apostolus, quod *Et Judæo primum, Et dein Græco gentili* divina ad salutem potentia Evangelium sit. Hoc denuo magni mysterii omnem implebat modum ac mensuram, quod gentibus, quarum nulli tot ante seculis verbum salutis & iura sua manifestarat Deus, quæque nec idcirco enoverant, eius nunc iustitia æque ac Judæis, imo præ Judæis, postquam hi sua culpa reprobati erant, per Evangelium ad salutem innotesceret. Mysterium sane erat, ad quod credendum ægre ipsi adducebantur Apostoli, quodque ideo cœlesti visione, eaque ternis vicibus repetita, Petro revelandum ac confirmandum fuit; (48) imo cuius magnitudine obstupescens exclamat Paulus: *O profundas divitias, cum sapientiæ, tum cognitionis Dei! Quam inscrutabilia sunt eius iudicia, Et impervestigabiles viæ eius! Quis enim cognovit mentem Domini? aut quis ei fuit a consiliis? aut quis prior dedit ei, atque ei retribuetur?* (49) Præcipue conversis ad Chri-

(48) Act. X, 9-16.

49) Rom. XI, 33-35.

Christum Judæis, ipsisque initio Apostolis præter unum Paulum creditu difficillimum mysterium erat, quod gentiles absque prævia circumcissione & cærimoniali observanda lege, quas populo suo Deus severe iniunxisset, ad communionem populi Dei bonorum essent invitandæ. Qua de re quantæ lites gentium Apostolo moræ, quamque acriter in primo, Hierosolymis coæcto, concilio disceptatum sit, (50) neminem fugit. Præiudicata illa atque inveterata opinione fideles ex Judæis imbuti fuisse videntur, faciendos prius *iustitiæ profelytos* esse paganos, atque ita per judaicam in Christianam intromittendos ecclesiam. Neque enim alia adhuc ratione iis ad veram religionem patuerat aditus. Certe id iudicarunt iniquum, si, cum ipsi post data sua Christo nomina etiamnum *ἀβασαντος* legis jugum ferrent, suis gentes fruerentur commodis, nec idem secum onus portarent. Sed meliora tandem edocti & hanc posterioris huius mysterii partem fide receperunt.

## §. 17.

Expendantur iam de utroque mysterio pauca hæc ex multis agentia loca. *Evangeliū meum & præconium Jesu Christi factum est secundum revelationem mysterii, temporis.*

(50) Act. XV, 7.



poribus multa secula complexis, taciti, manifestati vero nunc, & per scripturas propheticas ex præcepto æterni Dei ad obedientiam fidei omnibus gentibus notificati. (§1) Loquimur sapientiam Dei in mysterio, occultatam illam, - - quam nemo primorum seculi huius cognovit; - - sed, sicut scriptum est: Quæ oculus non vidit, nec auris audivit, quæque in cor hominis non adscenderunt - - nobis autem Deus revelavit per Spiritum suum &c. (§2) Per revelationem notum fecit mihi Deus mysterium illud. - Potestis intelligere, quæ mea sit intelligentia in mysterio Christi, quod cæteris ætatibus non patefactum fuit filiis hominum, ut nunc revelatum est sanctis Apostolis eius ac Prophetis in Spiritu; gentes videlicet esse cohæredes, & concorpores, & una participes promissionis eius in Christo per Evangelium. - Mihi data hæc est gratia, ut inter gentes evangelizem impervestigabiles divitias Christi, & ut in lucem proferam omnibus, quæ sit communio mysterii, quod absconditum fuit a seculis in Deo. (§3) Christi perpassiones, illasque consequuta gloria - - annuntiatae sunt vobis, - - in quas desiderant Angeli introspicere. (§4)

§. 18.

(§1) Rom. XVI, 25. 26.

(§2) 1 Cor. II, 7-13.

(§3) Eph. III, 3-9.

(§4) 1 Petr. I, 11. 12.

Add. Eph. I, 9. &amp; VI, 19.

Coloss. I, 25-27. II, 2. 3. &amp; IV, 2 Tim. III, 9. 16. &amp;c. &amp;c.

## §. 18

Si itaque extra omnem dubitationis positum aleam est, de mysteriis divinis nostro & præcedenti commate agi, quæro iam, quo potissimum argumento eorum veritatem, qui manifestat, probeat? Nulla heic demonstratio mathematica aut philosophica, ratiocinatio nulla locum habet. Transcendunt enim rationis captum veri nominis mysteria, neque exigi eius ad notiones, aut metari decempeda possunt. Una fide omnis nititur argumentatio. Credenda simpliciter, non rimanda curiosus divina sunt mysteria. Sed tamen ipsa hæc, quæ illis adhibetur, fides solido, oportet, fundamento superstructa sit; cæteroquin fallax est & imaginaria, phantasiæ potius ludibrium, quam certa atque iudicio adhibito recepta demum persuasio; neque *fides* appellari meretur, sed vana superstitio, commentum cerebri, aut si quod vilius istis est nominibus. Quoties igitur aliquis incognita inauditaque divina mysteria *in fidem* annunciat, hoc est, ut, quibus annunciat, credant illa, rogant statim, qui nasum habent, *ex qua sua fide* eadem, tanquam fonte, hauserit? Neque hic, si sanus est, & serio intendit fidem facere, aliter respondebit, quam; *ex fallere nescit Dei revelatione*, cui fidem non potuerit derogare.

rogare. Solius enim est Dei divina primum manifestare mysteria; id quod nemo negat. Verum pergunt alteri illi: Unde tibi de revelationis, quam præ te fers, constat divinitate? Tum vero hic Dei externum affatum, affatumque internum, quorum aut uterque, aut alteruter sibi obrigerit, commemorabit; nec omittet indubitata, quibus fuerint stipata, divinitatis signa, ut vel invito sibi fidem extorserint; ac denique divinis miraculis, si eorum perpetratorum sibi facta copia sit, narrationis suæ fidem atque veritatem confirmabit.

## §. 19.

Nec vero secus instituit magnus noster Præco & Apostolus & Doctor gentium. (55) Diducto sermone causam agens coram populo judaico, ac dein apud Judææ præsidem, Festum, & Agrippam regem provocat imprimis ad divinam apparitionem; cui non potuerit non morem gerere, inter cætera expresse dicens: *Unde, rex Agrippa, non fui incredulus celesti apparitioni:* (56) qua & hoc nominatim sibi præceptum fuisse testificatur: *Ito, quia Ego ad gentes procul te ablegabo*, ut scilicet iustitiam Dei iis manifestes; etsi hoc audito verbo vociferaren-

(55) 1 Tim. II, 7. & 2 Tim. I, 11. (56) Actor. XXVI, 19.

rarentur Judæi : *Touë de terra istiusmodi hominem : non enim convenit eum vivere.* (57) Similiter ad Galatas scribit , *quod non ab hominibus, neque per hominem creatus sit Apostolus ; nec Evangelium acceperit ab homine, sed per revelationem Jesu Christi ;* porro, *quod, quo tempore Deo visum fuerat, revelare Filium suum in ipso. ut hunc inter gentes evangelizaret, e vestigio obtemperavit, nec ante cum carne & sanguine inierit consilia ; imo ne quidem ad eos, qui ante se fuerant Apostoli, se contulerit ; ac denique, ubi secunda vice multis interiectis annis Hierosolymam adscenderat, ut dictis Apostolis Evangelium, quod prædicabat inter gentes, exponeret, quod nec hoc, nisi ex revelatione, fecerit.* (58)

## §. 20.

Neque vero aliam alii Apostoli viam ingressi iunt. Præcipiunt Judæorum proceres Petro & Johanni, *ne porro loquantur in nomine Jesu ulli hominum.* Verum respondent hi : *An justum sit apud Deum, vobis auscultare potius, quam Deo, ipsi iudicate. Non enim possumus nos, quæ vidimus & audivimus, non loqui.* (59) Qui, quæ vidit & audivit, ea postmodum loquens Deo se credit

Bb 2

dit

(57) Act. XXII, 21. 22. &amp; XXVI, 17. 18.

(58) Gal. I, 1. 12. 15. 16. &amp; II, 2.

(59) Act. IV, 17-20.



dit obtemperare, annon is loquitur ex *revelatione*, quam oculis auribusque percepit? Annon *ex fide*, quam eidem revelationi, tanquam Divinæ, adhibuit, manifestat? Laudatus Petrus: *Non arte compositas*, ait, (59) *fabulas sequuti sumus notam vobis faciendo Domini nostri Jesu Christi potentiam & adventum, sed ut qui oculis nostris adspeximus illius maiestatem, cum huiusmodi ad ipsum vox a magnifica deferretur gloria: Hic est Filius meus, dilectus ille, in quo acquiesco. Et hanc nos vocem audivimus e cælo demissam.* En denuo cœlicam! en divinam, ad quam provocat, revelationem, eamque pariter visu atque auditu, qui sensus disciplinæ potissimi sunt, & certissimi veritatis testes, perceptam!

## §. 21.

Quando tamen hic epopta continue subiicit: *Habemus firmiorem propheticum sermonem*, (60) *ex fide* etiam, quæ *Mosi & Prophetis* habebatur, iustitia Dei censenda est in Evangelio manifestata esse. Nam Scriptura iam veteris Instrumenti hanc, licet parcius & obscurius, manifestavit iustitiam. Significanter hac epistola Paulus: *Nunc absque Lege*, inquit, *iustitia Dei patefacta est, at comprobata testimonio Legis ac Prophetarum*

(59) 2 Petr. I, 16-18. (60) ibid. v. 19.



*rum, iustitia videlicet Dei per fidem Jesu Christi in omnes & super omnes, qui credunt.* (61) Noluerunt Apostoli videri quicquam loqui *contra* *extraque* Moſen ac Prophetas: & cum Paulus imprimis male audiret non ſolum apud incredulos Judæos, quod ethnicos ad participandum iuſtitiam Dei per ſolam absque operibus Legis fidem vocaret, ſed & credentes, quod doceret omnes, qui inter gentes erant, Judæos a Moſe deficere, nec ſecundum ritus avitæ religionis incedere; (62) neceſſitatem hic præcæteris impositam ſibi vidit, quavis data occasione, & ſanctiſſime affirmandi, & demonſtrandi evidentiffime, omnibus ſe credere, quæ ſcripta eſſent in Lege & Prophetis, nec ex fide alia patrium Deum eiusque iuſtitiam annuſciare, quam quæ patrum iam ſub priſca oeconomia fuiſſet. (63) Romæ *Judeis a mane uſque ad vesp̄am ita expoſuit regnum Dei, ut, quæcunque iis ſuaderet de Jeſu credere, ea cum ex lege Moſis, tum ex Prophetis confirmaret.* (64) Sunt hinc, qui *ex fide in fidem* interpretantur *ex fide*, quæ ſub Vet. Testamento obtinuit, *in fidem*, quæ pariter ſub Novo efflagitur. Verum ſaltus, iſque ingens citra omnem neceſſitatem, ut

Bb 3

multa

(61) Rom. III, 21. 22. (62) Act. XXI, 21.

(63) Act. XXIV, 14 &amp; XXVI, 22. 23. 27.

(64) Act. XXVIII, 23.

### 370 Henrici Heisenii diff. prior

multa cætera sententiæ huius incommoda taceam, hoc pacto committitur; nuncque, dum tandem ad ipsum τὴ *ex fide* propius dilucidandum accingimur, liquidius constabit, ad primos Evangelii præcones unice idem pertinere.

#### §. 22.

In antecessum, non abs re fuerit, observare frequentem voculæ ἐκ usum, cum Apostolo de ministerio verbi, sive manifestanda per Evangelium iustitia Dei sermo est. Ἐξ ἐλικοινηίας, ἐκ Θεοῦ λαλοῦμεν. *Ex sinceritate, ex Deo loquimur.* (65) Οἱ μὲν ἐξ ἐριθείας τὴν χριστὸν καταγγέλλουσιν, οἱ δὲ ἐξ ἀγάπης. *Illi quidem ex contentione, hi vero ex charitate Christum prædicant.* (66) Ἀρα ἡ πίσις ἐξ ἀκοῆς. *Ergo fides ex auditu est.* (67) Ἐξ ἔργων νόμου τὸ πνεῦμα ἐλάβετε, ἢ ἐξ ἀκοῆς πίστεως. *Utrum ex operibus legis Spiritum accepistis, an ex prædicatione fidei?* (68)

#### §. 23.

Ut a præcipuo sensu ordiamur, fides ponitur tanquam fons, *ex quo* fluit, & tanquam fundamentum atque radix, *ex quibus* surgit ac pullulat, quibusque innitur recta ac iusta mysteriorum Evangelii annunciatio. Sicuti omnia bona opera ex fide proficisci oportet.

(65) 2 Cor. II, 17. (66) Philipp. I, 16. 17.

(67) Rom. X, 17. (68) Gal. III, 2. 5.

oportet, & quicquid non ex fide oritur, peccatum est; (69) ita hoc maximi momenti bonum opus defectu fidei redditur pessimum. Antecedat igitur, necesse est, Evangelii præconium præconis fides, & ex hac illud quasi emanet atque ebulliat, ut ex redundantia cordis os loquatur; (70) & corde ad iustitiam credat ipse, (71) qui ore *ἐκ πίστεως*, ut credant alii, iustitiam annunciat.

## §. 24.

Distinguimus Pauli ceterorumque primorum Evangelii præconum fidem a fide *τῶν ἐκκηρυγμένων*, eorum, qui ipsos audiverunt, ut causam efficientem a suo effectu, vel, si mavis, ut instrumentalem ab opere, quod per illam producitur. Nam *ἐκ πίστεως ἐκ πίστεως*, ad gignendam ex altera fide alteram revelari iustitia Dei perhibetur. Neque vero nimis premenda hæc est distinctio, aut censenda tanta esse, quanta obtinet inter arborem, eiusve radicem, &, quos profert, fructus. Hinc enim exsculperet aliquis, dari aliam in Evangelii doctoribus, in eorum discipulis aliam longeque a priori diversam fidem. Una est fides, sicut unus Deus & Pater unus omnipotens credentium, unus Dominus, baptisma unum. (72) Quam unam fidem.

B b 4

ton.

(69) Rom. XIV, 23

(70) Matth. XII, 34.

(71) Rom. X, 10,

(72) Eph. IV, 5. 6.

tantum abest, ut nos hoc loco divellamus, aut geminemus, ut communem solummodo faciamus Apostolis eorumque auditoribus: non secus, ac discipulum suum Titum Paulus germanum filium *κατὰ κοινὴν πίστιν*, secundum communem, suam videlicet atque ipsius, fidem appellat. (73) & ad Philemonem vers. 6. scribit: *ἡ κοινὴ πίστις ἡμετέρα*, id est fides, quam mecum communem habes. Si quod discrimen invehimus, illud personarum, non rei, sive ipsius est fidei. Hæc in omnibus, qui credunt, est manetque una ac eadem; sed propagatur ad audientes a prædicatoribus, exque horum fide in illis, ut de lumine lumen, accenditur. *Nam fides ex auditu est. Quomodo autem audient absque prædicante? Quomodo autem prædicabunt, nisi missi fuerint?* (74) Et quis mitti se patitur, nisi credat, vera esse, quæ ut annunciet, mittitur? Nec est, quod *discrepantes fidei gradus* moremur. Scitum est philosophorum: *Gradus non variant speciem*; & auditorum tam magna, imo maior, quam doctorum Evangelii esse fides potest. Muliercula erat Channæa, adeoque gentilis, cui dixit Christus: *Magna est fides tua; fiat tibi, sicut vis.* (75) Non Evangelii præco, sed erat centurio, isque

(73) Tit. I, 4.

(74) Rom. X, 14. 15. 17. (75) Matth. XV, 22. 23.



que rursus gentilis, cuius maiorem in modum miratus fidem Dominus noster hæc eloquutus verba est: *Amen dico vobis, tantam fidem ne quidem in Israele inveni.* (76) Denique fides non solum in discipulis, sed quoque in docentibus crescit, utque in utrisque crescat, alteri alteris incitamento sunt atque adjumento.

## §. 25.

In superioribus, (77) memini, hanc me communem docentium discipulorumque fidem reciproco mari assimilare. Quæ accedit receditque, una est ac eadem aqua; loci vero, quos affluendo refluyendoque occupat, diversi sunt, atque effecerunt, ut altera Venilia, Salacia altera Romanis nuncuparetur. Adeundem itaque modum ultro citroque com meat fides: meat primum a divinis legatis ad *τας ευαγγελιζομενες*, ad eos, qui *Evangelium* audiunt; sed & remeat deinde a *τοις ευηγγελισμενοις*, qui fide præconium salutis receperunt, ad ipsos nuntios, quorum fides mirifice confirmatur, si vident, non frustra se ablegatos esse, sed verbum, quod prædicant, vorticordiam exferere virtutem. Atque hic fidei itus reditusque crebro, ut in reciprocatione æstus, iteratur; & sic *η εν αλληλοις πισις*, *mutua do-*

Bb 5

ct o.

(76) Matth. VIII. 5-10. (77) §. 3.



etorum auditorumque *fides* (78) a se invicem non recidiva tantum sumit robora, sed & lætissima capit incrementa. Hoc solummodo interest, quod non, sicut recurrens unda littus deserit nudatque, ira suam ad doctores recipientem se fidem auditores amittant. Omne simile est etiam dissimile & claudicat. Potius igitur in hac comparationis parte doctores prunarum, at carbonum instar nobis sint discipuli. Appositi prunis carbones & reddunt, quem ab illis acceperunt, ignem & retinent. Reddunt sustentando augendoque prunarum ignem, sed ira reddendo ipsi non extinguuntur. Perspicere simul ex his est *incrementum* fidei, quod premendum alii hoc loco censent, non tollere nos, verum geminare, & quidem ita, ut ad *novam* fidei unitatem, quæ graduum est, eaque unius summi, cum nuntii Evangelici, tum eorum auscultatores tandem perveniant. De qua fidei unitate verba faciens Paulus inter cætera: *Dedit*, ait Christus alios quidem Apostolos, alios Prophetas, porro Evangelistas alios, alios denique Pastores ac Doctores, ad coagmentationem Sanctorum, ad opus Ministerii, ad ædificationem corporis Christi: donec perveniamus omnes ad unitatem fidei & agnitionis Filii Dei, in virum perfectum, ad mensuram plenitudinis Christi. (79).

§. 26.

(78) Rom. I, 12. (79) Ephes. IV, 11-13.

## §. 26.

*πίστις*, fides doctrinam quoque fidei dicit. Habentes vaticinationem secundum analogiam τῆς πίστεως, fidei, id est doctrinae fidei. (80) Ex operibus legis Spiritum accepistis, an ἐξ αἰσῶν πίστις, ex auditu fidei? Atque iterum: Qui subministrat vobis Spiritum, & efficit in vobis virtutes, ex operibus legis, an ἐξ αἰσῶν πίστις, ex auditu fidei, vel, ut BEZA reddit, ex fide per auditum percepta subministrat? (81) Quoniam vero doctrinam fidei, prædicante Apostolo nostro, Mosis potissimum & Prophetarum volumina continebant, ac plerique Novi Testamenti libri necdum conscripti, publicique usus facti erant, ex hoc thesauro prædicationis suæ materiem ipse & collegæ Apostoli depromebant, atque ex fide, quam Mosis & Prophetis habebant, ita revelabant Dei iustitiam, ut antegresso §. 21. ostendimus. At vero novas ipsi revelationes acceperant, quibus in clariori luce Mosis & Prophetarum oracula collocabantur, & de integro multa ipsis innotescebant, quæ occulrata elapsis seculis fuerant. Quocirca ex his, quibus æque credebant, ac Scripturæ veteris Oeconomiae, novum quoddam doctrinae fidei Corpus Apostoli composuerant, ex quo reliqua, quæ

ad

(80) Rom. XII, 6. (81) Gal. III. 2. 5.

ad iustitiam Dei planissime plenissimeque annuntiandam requirebantur, desumebant. Cave autem, existimes, hac me interpretatione Apostolo *παραλογίζαν*, imo *ταυτολογίαν* affricare, quoniam in ipsius enunciato extat *ἐν αὐτῷ*, in ipso, quod ad præcedens *Evangelium* se recipit, *Evangelium* autem est, vocarique *doctrina fidei* potest; quasi scripserit Paulus: *Iustitia Dei in Evangelio revelatur ex Evangelio*. Distinguas, velim, inter docentium discientiumque fidem. Suam utraque fides habebat doctrinam. Doctorum doctrina erant potissimum Verus Testamentum, visu atque auditu, qui sunt disciplinæ sensus, quin & tactu comperta (82) afflatus divini Spiritus, omnem inspirantis veritatem, ab omni autem erroris periculo indogmatibus creditu necessariis Apostolos saltem præstantis immunes, denique, ne plura accumulem, revelatio incognitorum hætenus mysteriorum (83) Ex hac igitur fidei, qua imbuti fuerant, imbuebanturque perpetim, doctrina, in Evangelio, quod prædicabant, sive in illa fidei, quam aliis tradebant, doctrina, iustitiam Dei manifestabant. De hodiernis Pastoribus absque omni battologia dicere licet: *Manifestatur in eorum concionibus ex Sacra utriusque Testamenti*

(82) 1 Ioh. I. 1. (83) Matth. X. 19. 20. Ioh. XVI. 13. &c.

*menti Scriptura Dei iustitia. Quidni ergo Apostolus quoque noster sine inani vocis alicuius redundantia scribere potuisset: Manifestatur in Evangelio ex Veteri Testamento, cæterisque Apostolorum doctrina principis divina iustitia?*

## §. 27.

Ordine sequeretur nunc *miraculorum effectrix fides*, ex qua sua fide ad fidem Auditoribus, miracula illa spectantibus, ingenerandam, ut Evangelistæ principes iustitiam Dei manifestarent, summæ fuit necessitatis. Coniungit Paulus hanc fidem suam cum fidei doctrina, qua per internum Spiritus Christi afflatum iugiter illuminabatur, quamque proxime antecedenti §. 26. habuimus; sed ita coniungit, ut refterur, ne verbum quidem se audere extra & contra dictam fidei doctrinam, atque hanc miraculorum fidem eloqui. Gravissima eius in hac ipsa epistola hæc sunt verba: *Non audebo quicquam loqui eorum, quæ non effecit Christus per me ad obedientiam gentium verbis & operibus, virtute miraculorum ac prodigiorum, virtute Spiritus Dei.* (84) Vides, doctrinam fidei præcipue vocibus: *Loquor solummodo ea, quæ effecit Christus per me ad obe-*

(84) Rom, XV, 18. 19.



### 378 Henrici Heisenii diff. prior

*obedientiam gentilium sermone & opere ; miraculorum deinde fidem sequentibus his : Virtute miraculorum ac prodigiorum ; & postremis : Virtute Spiritus Dei, causam utriusque prioris efficientem exprimi. Sed vero, cum, quæcunque summam fidei miraculorum necessitatem in illis, per quos editurus miracula Deus erat, demonstrant, ea præcedens §. 8. iam occupavit, cramben bis coctam non appono.*

§. 28.

Finem imponat, ne prolixior sim, Præconum Evangelii *viva bonorumque ferax operum fides*, ex qua nili omne illorum proficiscatur præconium, non ministri sunt Verbi Divini, sed *κυριεύειν, dominari* Auditorum fidei sacrilego molimine intendunt; contra atque Apostolus pronunciat: *Non dominamur*, inquit, *vestræ nos fidei, sed administri sumus gaudii vestri, quod fide statis.* (85) Et rursus eadem epistola in eandem sententiam: *Non nos ipsos prædicamus, sed Christum Iesum esse Dominum, nos autem servos vestros propter Iesum.* (86) Qui aliis inculcat imperatque fidei officia, ad quæ præstanda æque tenetur ipse, & debitum suæ

(85) 2 Cor. I, 24.

(86) 2 Cor. IV, 5.



suæ etiam fidei obsequium ne infitiri quidem sustinet, at nihilo secius contra & aliorum, & suam, quam simulat, agit fidem, nonne is dominum agit, & cæteros servorum numero locoque habet. Domini est dicere, facere servorum: unde centurio Capernaumicus: *Dico, ait, servo meo: Fac hoc, & facit.* (87) Verum de Judæorum doctoribus Magister optimus: *Dicunt & non faciunt.* (88) Annon igitur eorum affectabant domini esse? At frequenter sentiunt, ora se gerere vatis Cassandrae, cui, quod polliciti fidem Apollini daram non liberarat, nec fidem, licet vera prædicenti, a quoquam, Dei istius ultione fuisse habitam, fabularum architecti comminiscuntur.

*Tunc etiam, canit Virgilius, fatis aperit  
Cassandra futuris*

*Ora Dei iussu non unquam credita Teucris.*  
(89)

(87) Matth. VIII. 8.

(88) Matth. XXIII, 3.

(89) Aeneid. II, 245. 246.

380 Benj. Kennicott de collatione



V.

BENJAMIN KENNICOTT

A. M.

ET COLLEGII EXONIENSIS SOCIUS,

DE COLLATIONE

HEBRAICORUM CODICUM

MANUSCRIPTORUM

VETERIS TESTAMENTI. 7

**I**n eunte hoc anno, publicatæ erant OXONII quædam *Propositiones*, de conferendis Codicibus MS<sup>tis</sup> sacri Textus Hebraici, & de imprimendis variis eorum lectionibus. Earum auctor erat BENJ. KENNICOTT,

- Institutum conquirendi, ubicunque locorum sint, Codices Manuscriptos Hebraicos Veteris Testamenti: eosque per Viros Eruditos, linguam Hebraicam apprime callentes, fide dignissimos & accuratissima diligentia probatos inter se conferendi, ævo nostro doctiore & curiosiore dignum, quam maxime laudandum & utilissimum esse haud facile quis Virorum Litteratorum infitias iuerit, & BENIAMINI KENNICOTTO, *Anglo*, immortalē nominis gloriā peperit. Salva utcunque manet semperque manebit &

NICOTT, *A. M. Collegii Exoniensis Socius* ;  
 quem ad hoc arduum, & ( si quid aliud )  
 laboris sane plenum opus suscipiendum  
 verbis factisque honorificis hortati sunt &  
 ex.

& illibata Divina Bibliorum Veteris Testamen-  
 ti Auctoritas, neque possibile est, ut ex hoc  
 instituto quidpiam detrimenti capiat, aut  
 metuenda sit doctrinæ purioris & cœlestis  
 alteratio aliqua aut mutatio; utpote quæ  
 nullo laborat defectu, & in utraq; Biblio-  
 rum pagina satis fundata est: ut potius ex hoc  
 instituto forsân novis, stabiliri possit subsi-  
 diis. Saltem nulli dubitamus, quin Divino  
 indultu ex hac collatione obscurissimis  
 aliquot locis, præsertim in *Chronologia* &  
*Historia Sacra* nova lux sit oritura, quæ  
 perversos Christianæ religionis Empæctas  
 confundat, impudentiaque eorum ora com-  
 primat. Sit modo *acumen Criticum* in re-  
 stituenda Textus Hebraici pristina integri-  
 tate exactum ad iustum temperantiæ & mo-  
 destiæ modum!

Lectorum autem *huius Bibliothecæ* gratiam me-  
 initurum esse existimavi, si quam ipse Cel.  
 KENNICOTTUS primum edidit, relationem,  
 ipsis communicarem. Vulgata post hoc  
 ipso anno fuit altera eiusdem Instituti  
 relatio, *de statu collationis Hebraicorum Co-  
 dicum Manuscriptorum Veteris Testamenti*  
*( finito anno 1762. ) tribus abhinc annis in-*  
*stituta a BENIAMINE KENNICOTT, S. T. P.*  
*Socio Collegii Oxoniensis. Oxon. 1763. 8.*  
 quam, Deo volente, alia vice huic Operi in-  
 feram. Non

excitarunt *Universitates* tres, sc. *Oxoniensis*, *Cantabrigiensis*, & *Dubliniensis*; *Archiepiscopi Anglicani*, cum *Episcopis* fere omnibus; *Decani* quidam, cum *Capitulis*; quædam etiam *Collegia*; nec non & *Viri* complures, dignitate loci sui, & amore eruditionis sacræ, merito illustres. Auctor itaque publici huius operis sibi censet incumbere, ut, ad anni primi exitum, Patronos suos de operis progressu certiores faciat. Quod ut melius fiat, duo præcipue facienda videntur (ut quæ & magis satisfactura sint iis, qui iam pecunias suas liberaliter contribuerunt, & novos etiam pluresque conciliatura fautores) nempe primo, ut exponantur Collationis huiuscemodi ratio & utilitas, sicut in *Propositionibus* prius editis factum fuit; deinde ut memorentur ea, quæ anno currente acciderunt, præcipue notatu digna.

Non possum vero non hac occasione, illis, quorum interest, indicare, quemadmodum iam de aliis binis Codicibus feci Classis secundæ Fasc. I. p. 196. latere in Bibliotheca Cl. quondam Collegæ CONR. IKENII, *I. L. O. O. & Metaph.* dum viveret, *Prof. Quatuor Codices Manuscriptos Hebraicos* Pergamenos, qui ex Bibliotheca S. V. parentis Cel. C. IKENII ad ipsum iure hæreditario devoluti erant. Continent illi *Psalmorum* & *Esaiæ* maximam partem, ut & *Prophe-  
tias minores.* N. B.

I. Iam vero optima, si non unica via, qua quis Rempublicam Literariam bona antiqui alicuius libri editione demereri potest, hæc est, ut codices eius MSt. ad amussim perscrutetur. Quæ quidem editio, ut apud eruditos in confesso est, eo magis vel minus perfecta est futura, quo plures pauciorve codices MSti accurate conferuntur. Hac de causa, fere omnes Græci codices MSti *Novi Testamenti*, quotquot per terras etiamnum extant, iam fuerunt examinati, & variæ eorum lectiones publici iuris factæ; non sine insigni voluptate simul & beneficio eorum omnium, quibus cordi sunt Religio & bonæ Literæ.

II. Eadem commoda, a collatione codicum MStorum deducenda, quæ iure naturali sibi vindicant libri antiqui, fuerunt absque ulla dubitatione iis omnibus concessa; si modo excipias unicum librum, *Biblia* scilicet *Hebraica*: qui tamen, præ omnibus aliis, hanc postulet collationem; idque multis de causis. Nam quo antiquiores sunt libri, & quo sæpius fuerunt transscripti; eo plures errores, uti par est credere, in eos inter transcribendum irrepsērunt. Constat autem *libros Veteris Testamenti*, saltem eorum aliquos, esse omnium librorum antiquissimos; eosque omnes fuisse transscriptos quam sæpiissime. Addas; quod, quum sint in Alphabeto Hebraico literæ quædam



### 384 Benj. Kennicott de collatione

aliis insigniter similes, eo facilius erraverunt scribæ Judaici. Et variatio vel unius literæ Hebraicæ mentem totius periodi frequenter reddit diversissimam.

III. Exemplaria Hebraica, hæcenus impressa, cum codicibus MStis recentissimis, & minime bonis, concordare deprehenduntur. Eo magis distant a textu impresso codices MSti Hebraici, quo sunt magis antiqui; antiquiores etenim codices (ut plurimum) habent lectiones, tum sacro Contextui, tum antiquis Versionibus, magis consentaneas. Codices insuper MSti Hebraici non solum continent multas lectiones varias, quæ sententiam reddunt luculentam & congruentem, ubi codices impressi dant sensum vel nullum vel contextui repugnantem; sed & magnopere confirmant factas ab Apostolis citationes. Nam loci quidam Novi Testamenti, e Vetere citati, qui Hebraico textui impresso (idque non solum quoad *voces* sed & quoad *sensum*) minime congruunt, congruunt omnino cum codicibus quibusdam MStis adhuc conservatis. Ex. gr. In una prophetia, eaque momenti non levis, e *triginta tribus* codicibus MStis (in Anglia conservatis) sunt VIGINTI NOVEN, qui citationem a D. *Petro & Paulo* factam expresse confirmant; idque, ubi lectio communis, uti auctoritate Maloretica in textu imprimi-

tur,

tur, invalidam reddit Apostolorum horum argumentationem.

IV. Codices MSti Hebraici non solum corrigunt multos ex iis erroribus, qui per octingentos vel mille annos proxime elapsos fuerunt admissi; verum etiam confirmant auctoritatem *Græcæ, Syriacæ, aliarumve veterum* & veneratione dignarum *Versionum*: quæ ( intra certos limites ) alios detegunt errores, eosque a Christi & Apostolorum temporibus introductos.

V. Extare iam constat, in diversis regionibus, codices MStos Hebraicos fere *Quingentos*, quorum plures habet *ANGLIA* quam regio quævis alia; nam *Centum & Decem* (continentes vel in toto vel in parte Testamentum Vetus) in Universitatibus *OXONII* & *CANTABRIGIÆ*, & in *MUSEO BRITANNICO* conservantur quam felicissime. Et quandoquidem hæc nostra Insula, sorte quadam sibi peculiari, tot tantosque possidet Thesauros, amplissimis impensis undique terrarum collectos, & huc tutum quasi in portum advectos; honorificum necesse est reputetur, eruditis exteris hic facem prærendere: honorificum sane, si apud nostrates primo perficiatur codicum MStorum Hebraicorum collatio: quod opus, maximopere quamvis expetitur ab eruditis per omnes gentes, in nulla tamen fuit adhuc (si codices spectes multos & antiquos) vel peractum vel inceptum. VI.

VI. In numero codicum MStorum *centum* & *decem*, antea memorato, includuntur *septem* MSta exemplaria Pentateuchi SAMARITANI. Exemplar unicum, quod hæcenus lucem vidit, est codex MStus *Parisiis* conservatus; in quo multæ sunt veræ lectiones, ubi mendis nunc scæter textus Hebraicus. Sed tamen *septem* codices MSti Samaritani, in *Anglia* conservati, corrigunt menda quædam graviora, quæ ex codice *Parisi*ano in textum impressum transferunt.

VII. Quoniam igitur constat, codices hosce MStos, & Hebraicos & Samaritanos (qui tamen codices non nisi ex parte tantum fuerunt hæcenus examinati) plurimas in se continere lectiones varias; humillime proponitur, quæ sequitur, quæstio -- An non vehementer sit exoprandum ab omnibus iis, qui revera libros sacros venerantur, ut *textus Hebraicus non diutius eo privetur commodo, quod cæteris antiquis libris facile conceditur*; quin potius ut omnes MSti eius codices examinentur, variæque eorum lectiones colligantur, & in publicam lucem edantur: ut ita, amotis plurimis scribarum erroribus, sacer textus Hebraicus (quatenus per curam humanam, & acumen criticum, nunc licet) pristinae restituatur integritati.

VIII. Præmissis est addendum, quod in codicibus MStis hodie extantibus quamplurimæ literæ iam sint ætate nimia exesæ, aliæ-  
pus

que indies pereant: adeo ut variae lectiones, ubi etiamnum se sistunt oculis, mora ulteriori prorsus seposita, diligenter colligi debeant. Variae hae lectiones, collectae quum sint & praelo commissae, authenticum testimonium tuto & fideliter exhibebunt; &, pereuntibus licet ipsis codicibus MStis, extabunt semper; paratae opem ferre necessariam, ad vel impressi textus Hebraici, vel nuperarum Versionum, emendationem.

IX. Concessa igitur utilitate, ne dicam necessitate, codices MStos conferendi, ut prodeat textus authenticus scriptorum veterum aliorum omnium; & facta multis ab hinc annis, laudataque meritissimo, collatione *Græcorum* codicum MStorum *Novi Testamenti*: inferendum esse videtur, quod collatio *Hebraicorum* codicum *Veteris Testamenti* tamdiu negligi nusquam poruerit, nisi ex decantatis hisce praeiudiciis -- *perpaucos hodie extare codices MStos Hebraicos; & -- codices hos continere varias lectiones, si modo ullas, at certo perpaucas, & alicuius momenti omnino nullas.*

X. Codicibus MStis Hebraicis quamplurimis, olim enumeratis, addendi nunc sunt alii haud pauci. Nam etsi *quinque* tantum de novo in *Anglia* sint noti; apud exterarum tamen gentes, in *Italia* praecipue, complures codices (antea non vel per titulos evulgati) iam innotuerunt, alique (ut augurari

licet) mox innotescēt. Infuit enim *Protestantibus Anglicanis*, regiones exterarum lustrantibus, ardor admodum generosus, & studium tantum non incredibile, ut operi huic sacro ferrent suppetias, codices MStos exquirendo. Juvat hic etiam recordari, & affectu mentis gratissimo agnoscere, quam alacriter & voluntate propensissima manus suas auxillares porrexerunt quidam, in Ecclesia Romana, ad excelsos honores evecti: hominibus enim præstantioris ingenii per placet quicquid per terras agitur, sacrorum Voluminum honori inserviens. Urbes præcipue, in quibus facta fuerunt & nunc sunt scrutinia de codicibus MStis Hebraicis, sunt *Roma, Florentia, Bononia, Mediolanum, Genua, Venetia, & Constantinopolis*.

XI. Catalogi Codicum MStorum Hebraicorum, in variis bibliothecis conservatorum, fuerunt a *Roma* in *Angliam* benigne transmissi. Et nuper impressus fuit catalogus codicum MStorum, Hebraicorum & Samaritanorum, quos habet magnifica illa & di-rissima Bibliotheca, IPSA VATICANA; in qua conservantur plusquam *quadraginta* codices MSti, Biblia Hebraica in toto vel in parte comprehendentes. Ut omnes hos codices conferre liceat, concessit more admodum humano eminentissimus CARDINALIS PASSIONEUS, qui tanta cum dignitate Bibliothecæ Vaticanæ præest: quam veniam, liber-



liberrime oblatam, grato animo amplexus est huius operis auctor; cuius impensis, optimorum quorundam ex hisce codicibus instituta fuit & nunc pergit, collatio. Nec sine causa sperandum est, ut operi huic accessurum sit multum & splendoris & utilitatis ex variis lectionibus horum codicum Vaticanorum, sub ipsis oculis Cardinalis Librarii accuratissime collatorum. Gratiâ etiam maximas meretur inopinus favor eminentissimi CARDINALIS SPINELLI; qui, *Neapoli* aliisque in locis, opus hoc literis suis commendatitiis, & laude sua honorifica, ornare & adiuvere haud dedignatus est.

XII. Observavam iam pridem, varias Lectiones in codicibus MStis Hebraicis esse *quamplures*; & selecta fuerunt quædam specimina. At hodie dierum proferri potest copiosa huius rei probatio, ex continua singularum literarum examinatione, in tribus codicibus MStis Hebraicis, omnium qui in *Anglia* conservantur antiquissimis. Ex, gr. Lectiones ab impressis diversæ, quas habet unum Pentateuchi exemplar, idque antiquissimum, duas mille excedunt; e quibus multæ alium præstant sensum, & cum antiquis Versionibus concordant. Nec prætereundum est (novum scpe, sed) pro textu Samaritano grave prorsus argumentum - quod sint in uno hoc codice Msc. Hebraico voces saltem *septingentæ*, quæ a textu impresso Hebraico variant, concordant tamen cum textu impresso Samaritano.

XIII. Si quis sciscitetur, an dentur in ullo alio codice MSto antiquo, variæ lectiones æque numerosæ, in aliis partibus Veteris Testamenti: respondetur, quod codex alter antiquissimus continet, idque in unico *Isaiæ* libro, plures quam mille lectiones a lectionibus impressis diversas; e quibus haud paucae, in vere designandis prophetæ verbis, vim & pondus præ certo sunt habituræ. Hoc igitur ab omnibus, qui de genuino Veteris Testamenti sensu

## 390 B. Kennicott de collat. Cod.

si recte sentire vellent, ardens est optandum, ut *variae hae lectiones, una cum caeteris omnibus quae possint colligi, ad imas subnectantur paginas, in nova Bibliorum Hebraicorum editione, imprimenda (non cum textu novo, sed) ad normam optimae cuiusdam editionis iam pridem publicatae.*

XIV. Si modo sit igitur concessum, quod nunc extant codices MSti Hebraici *antiqui*, qui quamplurimas habent gravesque lectiones, diversas a textu hactenus secundum codices MStos *nuperos* impresso: & si pateat, quod variae lectiones, sic collectae, necessario fuerint eo plures, forsitan quoque eo maioris momenti, quo plures conferentur codices MSti: restat ut Viri omnes, quotquot huic Collationi bene volunt, quibusque contigit facultas sublevandi impensas operi huic necessarias, statuunt ac determinent - *an futurum sit hoc opus vel magis vel minus perfectum.* EX HORUM etenim pendet voluntate, an valuerit operis huius auctor plures vel pauciores codices MStos, apud exterarum gentes, conferre; atque an plures paucioresve laboris sui socios (festinationis ergo) sibi assumpserit domi.

XV. Annotanda denique restant, quae sequuntur: quod eis, qui ad opus hoc promovendum suas pecunias semel subscribunt, nulla incumbit necessitas subscriptiones suas ab anno in annum renovandi - quod subscriptiones diutius non expectentur, quam celeritate sat idonea progredietur opus - & quod, sub conditione sufficientis in collatione progressus, concedetur annuatim (uti nunc conceditur) scripta testificatio a *Regio Linguarum Orientalium Professore.* OXONII, DEC. 18. 1760

N.B. Catalogua illustrium & eruditorum Virorum, qui anno hoc primo operi huic suas subscripserunt pecunias, penes est Bibliopolas sequentes; qui etiam novas accipient subscriptiones - *Rivington, Payne, Dedley, Griffiths, LONDINI.*

# BIBLIOTHECA

BREMENSIS

NOVA

HISTORICO-PHILOLOGICO-  
THEOLOGICA

---

CLASSIS TERTIÆ

*FASCICVLVS TERTIVS & VLTIMVS.*

---



BREMÆ & AMSTELODAMI

Sumptibus Bibliopolarum

G. W. RUMPII & H. VIEROOT.

MDCCLXIV.

THE UNIVERSITY OF CHICAGO

LIBRARY

1952

PHYSICS DEPARTMENT

111

111

**VIRO**  
**PER QUAM REVERENDO**  
**DOCTISSIMO**  
**EWALDO**  
**HOLLEBEEKIO,**  
THEOLOGO NUPER GRONINGANO,  
NUNC  
LUGDUNENSI IN BATAVIS  
CELEBERRIMO,  
ET APUD OMNES PROBOS  
ERUDITIONIS NON MINUS  
QUAM ANIMI ERECTIORIS  
AEQUE AC PROBI LAUDE  
CONSPICUO,  
COGNATO,  
ET MEO QUONDAM  
IN MINISTERIO MEDIOBURGENSE  
COLLEGAE AMANTISSIMO,  
NUNQUAM RECONCILIATO  
NEC ULLO TEMPORE  
RECONCILIANDO,  
NONUM HUNC  
**BIBLIOTHECÆ**  
**BREM. NOVÆ**  
FASCICULUM;



EXISTIMATIONIS  
ET INTEGERRIMI MEI AMORIS  
TESTANDI CAUSA,  
INSCRIBO,  
IPSIQUE  
DE SPARTA  
MUNERIS AMPLISSIMI,  
HONORIFICE ADEUM NUPER DELATI,  
FELICITERQUE SUSCEPTI,  
GRATULOR,  
ET  
INVIDENDOS  
IN LABORIBUS EJUS SUCCESSUS  
AD GLORIAM SUMMI NUMINIS,  
ACADEMIAE BATAVAE  
EMOLUMENTUM,  
ECCLESIAE SALUTEM,  
ERUDITAEQUE PIETATIS  
INCREMENTUM,  
FAUSTAQUE ET PROSPERA OMNIA  
SOLLICITE VOVEO,  
MEQUE ET INSTITUTUM HOC  
FAVORI IPSIUS ET AMICITIAE  
COMMENDO

EDITOR.

SYLLABUS  
SYMBOLARUM  
FASCICULI TERTII  
CLASSIS TERTIÆ.

I. JOHANNIS AB IHRE, *Cancell. Reg. Suecicæ  
Consiliarii, Elog. & Polit. Prof. &  
Skyttiani, ac de Stella Polari Equitis  
Aurati, Oratio Funebris in memoriam  
Viri Celebratissimi OLAVI CELSII,  
Archipræpositi Upsaliensium &c.* p. 391.

II. ELIÆ PALAIRET, *Continuatio Aucto-  
rum Sacrorum Classicorum & quidem  
MATTHÆI.* pag. 447.

III. JOHANNIS MEDHURSTII, *V. D. M.  
& Societatis Teuton. Brem. Membri,  
Continuatio Observationum in HISTO-  
RIAM PASSIONIS Bened. Servatoris  
nostri J. C. ut à JOHANNE est tradita* pag. 478.

IV. EJUSDEM *Observationes Miscellaneæ*  
pag. 493.

V. JOH. THEOPHILI ELSNERI, *V. D.  
M. Ecclesiæ Fratrum Bohemorum Be-  
roli-*

*rolinenſum, Cogitata ſuper Apologeti-  
co Mephiboſethi, 2. SAM. XIX. 27-29.  
obvio. pag. 509.*

VI. JOH. PHIL. CASSELI, *Prof. Brem.*  
*Origines Lybiæ Veteris ex antiqua  
Pheniciorum lingua erutæ. pag. 525.*

VII. JO. CAROLI BONNET, *Scholæ apud  
Tabernamontanos Magiſtri & V. D.*  
*M. brevis Diſſertatio, de ſicta mirabili  
ad turrim Babelicam linguarum confu-  
ſione. ad GEN. XI. 1. ſeqq. pag. 545.*

VIII. HENRICI KOOKEN, *V. D. M. in  
Valkenſwaard & Dommelen, majora-  
tus Sylvæduçenſis, Obſervatio ad JAC.  
II. 18. pag. 563.*

IX. CAROLI BUTTINGHAUSEN, *Hiſt.*  
*Eccl. & Eloq. Prof. P. O. & V. D.*  
*M. apud Heidelbergſes, Obſervationes  
in VIT. LUDOVICI & SECKENDORF  
Hiſt. Lutheraniſmi l. I. Sect. 35. §. 82.  
addit. I. quæ agit de JOANNE SCHWE-  
BELIO, & Meditationes in APOC. XV.  
3. pag. 569.*





I.

JOHANNIS IHRE,

CANCELLARIÆ REGIÆ SUECICÆ

CONSILIARII,

ELOQ. ET POLITICES PROF. O. ET SKYTTIANI

AC DE STELLA POLARI EQUITIS AURATI,

ORATIO FUNEBRIS

IN MEMORIAM

VIRI S. REVER. ET CELEBERRIMI

S. S. THEOL. DOCTORIS,

OLAVI CELSI,

ARCHI-PRÆPOSITI UPSALIENSII,

PROF. THEOL. ORDIN. ET PRIMARI,

SOCIETATIS REG. UPSAL.

NEC NON

ACAD. SCIENTIARUM HOLMENSIS

MEMBRI,

Habita mense Novembr. MDCCLVI. \*)

AUDI.

\*) Hanc qui legerit Orationem, licet ingemi-  
scat, OLAVUM CELSIUM, at quantum

Vi-

*Bibl. Brem. Nov. Cl. III. F. III.*

D d



## A U D I T O R E S

OMNIUM ORDINUM

HONORATISSIMI, MOESTISSIMI.



Esse Numen, quod Upsaliense hoc Lyceum, hanc bonarum piarumque mentium officinam singulari sua cura & favore amplectatur, hoc nostro tempore, si unquam alias, evidentissime persensimus. Nam, ut præteream alia faventioris

rum! *Seldenis* & *Bochartis* haud inferiorem inter vivos defuisse, gaudebit tamen in sinu, Ipsi post fata obtigisse Præconem JOHANNEM IHRUM, Virum meritorum maximorum in rempublicam Litterariam cumulo non minus ac Regis sui Augustissimi favore & Nobilitate adeo illustrem. *CELSII* fata, ingenium, eruditio, virtutes & promerita traducent lectores in sui admirationem & venerationem; venustissima autem IHRII Oratio jucunditate expositionis, puriorisque styli nitore, eorum animos ita mulcebit ut eandem repetitis vicibus sint lecturi. Quam mirifice lateque splen-



tioris sortis munera, quæ remissioribus animis lætiorique præconio reservanda, merito judicari poterunt; id tantum in præsentia commemoro, rara sortis seculique felicitate; & superiorum provida cura factum esse, ut, quod nulla verecundia me, etsi ipsummet aliquantillam illius portionem, dicere prohibebit, adeo ornatum viderimus Athenæum hocce, ut Doctores in sua quemque provincia foverit, quibus clariores nec illud a primis inde institutionis primordiis habuit, nec forte alia Europæi orbis Academia ostentare potis sit. Neque id sine Numine factum interpretamur, quod jam altero vertente lustro in neminem, qui nostri ordinis fuerit, jus suum fata exercuerint, ulliusque tot annis non modo exsequias non iverimus, sed ne graviore quidem valetudine, raro inter seniores & museis inclusa corpora exemplo, quemquam impeditum viderimus, quo minus provinciam suam ornaret. Sensit hoc suo cum

D d 2

fructu

splendent, hæc, Solis Arctoi lumina nullis secunda! Orationem hanc cum aliis muneribus præstantissimis, quæ inter sunt variæ *Ol. Celsii* Dissertationes parum cognitæ, huic operi suo tempore inferendæ, debeo humanitati & prolixo favori S. V. AMNELLI, Theologi Upsalienfis Celeberrimi, quod gratissimus publice profiteor. N. B.

fructu literata pubes, illud circumfert fama, prædicant cives nostri exterique. Sed nolim dicere, prædicantes glorianesque audiisse Nemefin: didicisse potius debeo, perenne & proprium fortunam nihil unquam dedisse, & casui vicinius quidvis esse solere, quo eminentius. Non equidem cum fortuna palam conqueri auserim, quod haud pridem par Collegarum nostrorum, utrumque primarum partium, utrumque immortale Athenæi nostri decus, Academicæ Juventutis institutioni subduxerint: altero patentiori curriculo immisso, altero in aliquanto tranquillius orium secedente: contigit quippe illis, quod amicorum meritis apprecari solemus, & quod a superiorum æquitate exspectandum habemus. Immo vero, nec eos dici possumus amisisse, quos possidet Respublica, quorumque jucunda nec infrequens nobis copia est. Illud vero gravius, illud immedicabile vulnus est, quod nobis, quod Academicæ, quod Ecclesiæ inflixit fatorum sæva necessitas, dum nobiscum & cum vivis amplius esse vetuit communem Literatæ Sueciæ Præceptorem nostræque civitatis oraculum, Summe Rever. & Ampliss. Dom. OLAVUM CELSIUM, S. S. Theologiæ Doctorem, & Prof. Primarium, Dioces. Ups. Archipræp. Utriusque hujus Ecclesiæ Pastorem,

Acade-

Academiae Scient. Upsal. & Stockh. Mem-  
 crum. Qui vir etsi ultimas, quæ mortali-  
 um curriculo definiri solent, metas ferme  
 attigerit, atque adeo injustæ videri possent,  
 si quibus ad illius obitum Numen onerare-  
 mus, querelæ; accidit tamen nobis, quod  
 post longum suavemque convictum tandem  
 disjunctis sodalibus conjugibusque fere so-  
 let, qui tantum abest, ut in diuturno con-  
 cesso usu doloris lenimen inveniant, ut  
 potius pro longa assuetudine, & inolita ve-  
 lut familiaritate tristiores separationis sen-  
 sum animadvertant. Nos scilicet omnes,  
 qui alios jam instituere jubemur, uti sub  
 CELSII disciplina adolevimus, & quum  
 quid ignoraremus, a junioribus inde an-  
 nis ad hunc Magistrum nos conferre, &  
 semper inde doctiores redire consuevimus;  
 ita ubi jam os illud, ex quo toties tanto  
 cum fructu pependimus, obmutuit, fieri  
 non potest, quin nostra & Reip. Litera-  
 riæ damna sincere deploremus, id unicum  
 optandum habentes, ut quum CELSIANA  
 familia illustrandæ Reip. literariæ promo-  
 vendisque scientiis nata factaque videatur,  
 succiso hoc stipite, novos ex illo furculos  
 pullulare videamus, qui. quæ jam feci-  
 mus damna, apud posteritatem reparare  
 queant.

Tu, Reverendissime Regni Suiog. ArchiEpiscopo & hujus Academiae Pro-Cancellarie Eminentissime, qui hujus nostri meritis prolixè adeo semper favisti, cujusque in gratia ille suaviter semper acquievit, Vosque Collegæ mei Honoratissimi, Vos, inquam, docendi non estis, quanta hæc sit jactura, quam fecimus nos, & nobiscum eruditus orbis: sed faciles tamen patiemini, ut litterariæ huic coronæ, quam primam immoralitatis Nostri curam suscipere jubebo, explicem, quam justæ nostræ sint lacrimæ, quantumque illa nosque perdidimus in OLAVO CELSIO, Viro & Professore, quo majorem doctioremque jam diu Suecia Litterata non habuit, & quem velut exemplum polyhistorias sine invidia citare consuevimus. Nam ut præteream solidam, & suo loco dignam scientiam ejus Theologicam, sine teste fidem facile fecero, si dicam, sub hoc litterarum occasu vix in Europa esse unum aut summum alterum, qui in Orientali litteratura illi comparari possit; in Antiquitatibus Patriæ ejusque Historia neminem jam esse, qui illi palmam dubiam faciat; in historia Naturali & Botanica scientia paucissimos fuisse, qui propius quam ille ad LINNÆUM nostrum accesserint, hoc est, qui minus eorum, quæ in naturæ regnis sciri possunt, igno-

ignoraverit. Taceo Suadam illius Romanam, antiquitatis æmulam, taceo litteras Græcas, quas ita coluerat. & tanta cum nominis celebritate professus est, ut vel eo solo nomine inter eruditos principem locum promeritus fuisset.

Duxi jam primas lineas illius Viri, cuius famæ monumenta paramus. Inter mille suspiria & planctus ante aliquot menses Illius exanime corpus magnæ matri commendavimus: jam vero, quum solenni inter nos recepto more, ultimum illi vale ex hisce rostris, quæ ultra quinquaginta annos ipsius erudito ore personuerunt, dicendum esset, Necessarii illius, qui noverant, quam pio & tantum non filiali cultu venerabilem hunc Senem prosecutus fuerim, id mihi injunxerunt, ut suprema hæc munera Illius tumulo mitterem. Ego, etsi commodiorem illius meritis interpretem lubenter optassem, nihilominus, quum in me oculos conjecerint, faciam, quod valeant vires, & laudationis loco, simplicem tantum vitæ CELSIANÆ enarrationem dabo, quam ut, pro vestro veri studio, benigne exaudiat, humillime & magnopere rogo.

Dum jam enarrandæ vitæ Summe Reverendi atque Amplissimi, nunc inter cælestes æternum beati, Dom. Doctoris, Profes-



### 398 Joh. Ihre', Orat. Funebris

fessoris Theologiæ Primarii atque Archi-  
 Præpositi memet accingo, hanc a vobis  
 veniam petam, ut a prima origine, sed  
 brevissime tamen, CELSIANÆ familiæ, quæ  
 tot pignoribus Mûsas nostras sibi obstrin-  
 xit, originem repetam: quem laborem,  
 si quis in gente non admodum antiqua su-  
 pervacuam fore judicaverit, erit hic illé so-  
 lus, qui non meminerit, fore aliquando  
 tempora, qvum hæc & similia curiosorum  
 oculis se subductura sint, nisi tempestive  
 annalibus inferantur. Primus adeo, quem  
 cognovimus, CELSIANI sanguinis auctor  
*Magnus* fuit, integræ vitæ agricola in tra-  
 ctu Smolandiæ, Lincopensi diœcesi adjun-  
 cta, & Ydria dicto, qui duos habuit filios,  
 utrumque *Nicolai* nomine appellatum.  
 Eorum major natu studiorum gratia Lin-  
 copiam, adhuc civili cæde & effuso sub  
*Stongebroensi* pugna sanguine madentem se  
 contulit, & dein *Gevaliam*, ubi jactis soli-  
 dioris eruditionis fundamentis, in domum  
 UNONIS OLAVI, Senatoris urbici, acce-  
 ptus est, studia moderaturus filii ejus OLA-  
 VI UNONII, Professoris! dein Upsaliensi-  
 um non incelebris. Hujus sororem, *Si-  
 gridam Unonis*, dein uxorem duxit *Nico-  
 laus*, Collega Scholæ in eadem urbe  
 creatus, & postea ad munus Sacellani  
 ecclesiarum *Alsta* & *Ofwanoker* vocatus,  
 hu-

hujusque tandem, in Comitiis *Arosiensibus* anni 1639 a priori sejunctæ, Pastor constitutus. Inter hujus *Nicolai Magni Travil-lagæi* (ita enim tum nominari voluit) undecim liberos, maximus naru erat *Magnus*, Oedipus ille Gothicus, & Nostri Parens; qui anno 21 superioris seculi ad *Alftam* vel *Alupottam*, *Starkotteri* locum natalem, in lucem editus, primum *Gevaliæ* paternave-stigia pressit, dein *Upsaliam* se contulit, ubi, post edita terna maturæ eruditionis specimina Academica, lauream Philosophicam e manu JSACI ISTHMENII accepit, CELSIANUM nomen tum primum adsciscens, quum antea jam *Magnus Nicolaus Helsingus*, jam *Metagrius* appellari voluisset. Hic vir litteratissimus, postquam Adjuncturam, uti vocant, Philosophicam, & una cum illa Regimen Scholæ trivialis Upsaliensis magna cum industria obivisset, anno 55 proxime præteriti seculi Mathematicum Professor extra ordinem creatus est, & altero post anno Assessor Collegii, tum recens instituti *Antiquitatum*, intraque ver-tentem annum Professor Mathematicum ordinarius & simul Pastor *veteris Upsaliæ*. Est hic quem diximus, MAGNUS NICOLAI CELSIUS, cujus sagacitati, ut alia merita litteraria, editaque doctissima scripta præteream, acceptum referimus, quod

cippos, cælatos *Runis Helsingicis*, & pro hieroglyphicis vel potius magicis antea habitis. legere & interpretari possumus, quod ejus inventum omnium primo in Oratione, quam fasces Academicos relicturus habuit, cum eruditis communicavit, dein vero peculiari schediasmate, *Oreades Helsingicæ* appellato, ulterius explicare voluit. Uxorem idem duxit SARAM FIGRELIAM, Pastoris & Præpositi *Rappstadiensium*, in Ostrogothia, NICOLAI EDMUNDI filiam, & sororem EDMUNDI GRIPENHIELMII, Viri non minus eruditionis principatu quam munerum dignitate Splendidissimi: quæ letitissima conjux septena prole eum parentem fecit, tribus filiis & quatuor filiabus. Natorum maximus NICOLAUS erat, quæ Professore Mathematicum, post multorum annorum ad Scholam hanc trivialem exantlatos labores, tandem constituto, nostrum multi Præceptore usi sumus, & cui, non quidem unicam, sed præcipuam gratiam habemus, quod filium erudito orbi dederit ANDREAM CELSIUM, Virum supra sua sidera notum, cujusque laudes, quum æternitate commendandas aliquando suscepit vir Excellentissimus, Regis Regnique Sueciæ Senator, Regiæ Cancellariæ Præses, atque Ordinum Regionum Eques & Commendator Illustrissimus, Dominus

Baro

Baro ANDREAS NICOLAUS DE HOEPKEN, atque adeo id ej contigerit, quod Achilli invidit Alexander, Soli lucernam nostram non admovebimus. Alter Magni filiorum *Johannes*, vir eximii ingenii nec minoris eruditionis, in Sudermanniaë quodam territorio Judex Ordinarius magna æquitate jus dicebat. Tertius, suorumque Parentum postremæ deliciae, *Olavus* noster fuit, quem una cum *Barbara* sorore eodem nisu secunda MAGNI CELSII conjux d. 19. Julii 1670 pepererat. Adolevit infantulus hic deinde sub paterna cura fidelique institutione Virorum juvenum, ANDREÆ CARLGREN & OLAVI KIHLMBERG, pulcerrimisque profectibus adeo suæ sorti & futuræ eruditioni prælusit, ut nihil non egregii ab eo sibi sponderent illius Parentes. Sed intercedere videbantur fata, quo minus felicia hæc auguria suus comprobaret eventus. Nam quum nondum ætatis annum nonum attigisset, patri suo tanto tristiores ivit exsequias, quanto veri videbatur similis, paterno rogo omnes etiam pueruli spes simul illatas fuisse. Reliquerat quippe *Magnus* familiam, in re oppido tenui, numerosam, adeo ut honesta illius Vidua vix haberet, quo se liberosque parcissime tueretur, ne dum ut Præceptori stipendium pendere posset.

KIHLM-

KIHLBERGIUM etiam sua fata domum & ad *Carolstadiense* Gymnasium revocaverant, adeo ut Noster flebili discidio Musis tantum non valedicere cogeretur, nisi quod statis horis, quem fors dabat, aut maternæ preces permoverant, sectaretur. Hæ vero difficultates docile OLAVI ingenium tantum abest, ut hebetarint, ut potius insigniter innatum illius sciendi desiderium acuerint. Effluxit interea pene iners solidum quinquennium, idque ejus ætatis, quod aliorum ope maxime indiget, donec tandem nostri avunculus, singularis ingenii eruditionisque juvenis ZACHARIAS FIGRELIUS studia ejus sibi moderanda sumsit, sub quo ductore tantum profecit OLAVUS Noster, ut solidiora Linguae Latialis fundamenta brevi jaceret, & in reliquo eruditionis campo rapida progressionem decurreret. Quantumcunque brevis hæc ipsius fuit felicitas, utpote abrupta instituenda ad externos, FIGRELII peregrinatione litteraria; eo tamen valuerat, ut jam suo Marte exercitia litteraria continuare posset. Commode quoque sub hoc tempore accidit, ut suam illi operam ultro offerret Mag. JOHANNES PALMROTH, inclutus ille ad hanc Academiam postea Theologiæ Doctor & Professor, ejusque singularem in instituenda juventute facilitatem multi nostrum expe-



experti exoscularique sumus. Hic ut ipse  
 Orientalem litteraturam in deliciis habuit,  
 ita earundem amore nostrum feliciter &  
 tempestive imbut. Non opus est, ut di-  
 cam, quam improbo labore Hic dein eru-  
 ditioni operam dederit, ut itudendo dies  
 noctibus continuaverit, quamque sedulus  
 Professorum publicorumque Docentium  
 affecla fuerit: pro me loquantur edita eru-  
 ditionis varia specimina, inter quæ eminet  
 dissertatio Academica, sub præsidio præci-  
 pui studiorum illius fautoris, JOHANNIS  
 SCHWEDE, Politices Profefioris Ordinarii,  
 anno ætatis vicesimo edita, de *avibus*, qua  
 docuit, se deperditi lustri damna, annos  
 supergressa assiduitate in solidum reparasse,  
 immo etiam se severiora Philologiæ sacrae  
 studia ita coluisse, ut historiæ naturalis de-  
 licias non averfaretur. Florebat id æta-  
 tis utraque hæc scientia Upsaliæ, linguas  
 Orientales proficiente GUSTAVO PERIN-  
 GERO LILJEBLAD, Viro ob suam erudi-  
 tionem domi forisque magni habito, illas-  
 que cum Græcis litteris conjungente Viro  
 summo, LAURENTIO NORRMANNO,  
 Botanicen vero cognataque historiæ natu-  
 ralis studia urgente OLAVO RUDBECKIO,  
 Seniore, Viro stupendi ingenii, & cujus  
 revera minima laus fuit, *Platonem* explicu-  
 isse. Hujus in domo ut noster crebro lu-  
 ben.

benterque versabatur, ita suam una cum aliis ipsi operam commodabat in depingendis ad vivum Suecanis avibus, quod opus, duodecim ingentia volumina complens, hodieque visitur in aula viri Nobilissimi, & simul Scientiæ Naturalis peritissimi, Domini Cubicularii Regii, CAROLI de GEER. Alterum, quod publici juris fecit, meletema Academicum titulum præfert *de Lingua & eruditione Arabum*; quod moderante GUSTAVO PERINGERO edidit, & toto applaudente eruditorum choro ex cathedra Academica defendit. Adeo luculenta singularis eruditionis documenta digna non solum judicavit Philosophica Facultas, quæ solitis exornarentur præmiis, sed, ut quoque insignitius esset nostri brabeum, honoratorem illi in Promotione locum assignavit, Oratoris in eadem munus illi conferens. Sed non hic substitit Præceptorum illius favor, verum ut in dies magis magisque eluxit CELSIANI ingenii mira felicitas, ita animæ verterunt facile, si in illas regiones ipsius discendi ardor transferretur, ubi largior esset subsidiorum materia, fore, ut eximii quid & in patriæ decus versurum aliquando præstaret. Hinc factum, ut Facultas Philosophica ipsius studia Academiæ Cancellario, Illustrissimo Comiti & Senatori Regio, BENEDICTO OX-

ENSTI-

ENSTIERNA prolixum & magnum in modum commendaret, ostenderetque, si quædam fomenta tam felici igenio adderentur, non leve in eruditorum choro hujus nomen aliquando futurum. Annuit hic Mæcenas, pro suo more, facilis, promisitque se rem ad Serenissimum Regem laturum. Novimus omnes, quam sollicitè exhausto ante ærario parcere consueverit Regum Suiogothicorum sapientissimus CAROLUS XI. Simulac vero Litterariæ peregrinationi OLAVI CELSII viaticum petiit Illustrissimus Cancellarius, non sine admiratione animadvertit Mæcenas hic, suis desideriis ultro obviam ire Augustum, nec de ignota virtute se loqui, ubi CELSUM de meliori nota commendavit. Quid vero primam insperatæ huic felicitati occasionem dederit, non ingratum vobis fore spero, Auditores, si breviter indicavero. Cognoscetis inde Augustissimi GAROLI Regis ingenium, & simul novo exemplo discetis, quam parva rerum initia maximis sæpe momentum addant.

Ut erant oppido tennes CELSII nostri facultates, ita informandis lautioris fortunæ juvenibus necessaria vitæ subsidia quærere cogebatur; atque quum hac ratione fors ipsius *Holmiam* cum duxisset, perpaucas illas horas, quas succesivas habere potuit, evol-

evolvendis in Bibliotheca Regia rarioribus voluminibus impendere solebat. Accidit vero aliquando, quum in quodam Regii Musei angulo, loca nonnulla Bibliorum Polyglottorum examinaret, lectioni suæ non minus intentus, quam qui sub civitatis obsidione, ne sui turbarentur circuli, olim reformidabat, ecce derepente Rex ipse Bibliothecam intrabat, & inobservatus CELSIO pone imminuit. Hic vero ut forte respexit, Regemque conspiciatus fuit,

*Obstupuit, retroque pedem cum voce repressit:*

*Improvissum aspris veluti qui sentibus anguem*

*Pressit bumi nitens, timidusque repente refugit.*

Sed quidquid id fuit timoris, quod Augusti præsentia iniecit sustulit mox blandissimus ejus vultus, mira serenitas & clementissimi affatus. Ipse quippe non dedignabatur interrogare, qui genus, unde domo noster esset? & inprimis quid moleretur hic juvenis libris adeo affixus? curiose inquirere. Arque ut non vulgarem illius lectionem esse reperit, memori pectori nomen illius condidit, nec id excidere passum fuisse clementissimum Regem, patuit hac occasione, ubi viatici nomine mil-

le

le imperiales nummos ipsi ex fisco pendendos munificentissime concessit. Noster qui terras peregrino sole jam diu videre gestierat, vel ut rectius dicam, cujus jam omnia in eo posita erant, ut primum, quos hic illic in Bibliothecis delitescere noverat, codices manu scriptos Arabicos in subsidium jam tum meditati operis, de *Herbis Biblicalis*, vocare, dein ut in terram Canaan Arabiamque data quadam occasione transmittere posset; adulto mense Januario anni 1696 in iter se contulit, magnisque itineribus in Scaniam contendit, ita tamen, ut si quod antiquitatis monumentum, si quem lapidem litteratum aliis non lectum sub itinere observasset, aliquantulæ moræ patientissimus esset, &, quod invenerat, in sua ad-versaria sedulo referret.

Ingens mihi heic dicendorum ordo nasceretur, si peregrinantem ad exteros *CELESTIUM* mea oratione consequi vellem, quo tamen officio eo facilius defungi possem, quo commodiorem mihi Beati Viri industria viam muniit, quippe qui singula, quæ apud exteros vidit, quæve notatu digniora ab ore doctorum hic illic excepit ipse accurate annotavit, adeo ut nullus alius meæ industriæ relictus sit locus, quam ut ex divite hoc penu, quod scire vestra potissimum interesse intelligere potero, feligam



& depromam. Utar tamen ea brevitate, quæ indicatura ſit, quam vobis, Auditores, diſplicere noli.

Postquam aliquot dies viſendæ Carolinæ Academiæ ejusque Doctores ſalutandis impendiſſet Noſter, *Havniam* contendit, ubi ſplendidum Danorum Regis Muſeum & litteraria ſupellex, qua Bibliotheca publica affluebat, ejus diſcendi cupidos oculos mirifice pavit. Inde conſenſo navigio *Lubecam* iter direxit, quo non ſine præſentiſſimo vitæ periculo, & poſt exhausta varia tempeſtuoſi maris incommoda, ſalvus, in eunte menſe Martio, pervenit. Fuere in divite hac & Suecis nimium quondam familiari urbe varia, quæ noſtri oculos dulci novitate tenebant; ut vero diuturniores ibi moras neceſſet, perpulere partim liberalis copia facta adeundi Bibliothecam *Pfeifferianam*, quæ præter magnam librorum impreſſorum copiam, abundabat locuplete manuſcriptorum Rabbiniſcorum & inprimis Arabicorum collectione, partim etiam occaſio, quæ ipſi ſubnata erat coëmendi varios rariores libros ex Bibliotheca *Morboſiana*, quæ poſtridie adventus ejus hæſtæ publicæ ſubjici cœpta fuit. Relicta *Lubeca Hamburgum* deinde ſe confert Noſter, ubi aliquot dies commorabatur, eosque totos ſere tranſigebat in Muſeo *ABRAHAMLIN-*

CKELMANNI viri celeberrimi, cujus non tantum solida in Litteratura Orientali eruditio, sed & summa in libris præcipue Arabicis conquirendis diligentia nemini ignota esse potest. Per *Magdeburgum* deinde exeunte mense Martio *Lipsiam* noster pervenit, ubi a diutino nec commodissimo itinere fessus, & hinc alicujus requiei indigus, prima sua stativa eligere, in animum induxit. Invitavit eum non tantum loci summa amenitas, sed etiam felix illa eruditorum copia, qua præ multis Germaniæ Lyceis *Lipsia* semper effloruit. Habuit illatum in Theologicis & Philologicis CARPZOVIVM, ITTIGIVM, OLEARIVM MOEBIVM aliosque, quos longa referre mora est, quorum singuli, Nostrum interius statim admissum ita erudiendum accepere, ut haud pauca eum tenere facile animadverterent, unde vicem rependeret. Nullius vero notitia æque noster lætatus est atque ARNÆ MAGNÆI, *Islandi*, Viri eruditissimi, quem Alumnum *Lipsia* eodem tempore tenuit. Uti hi ambo Antiquitatum Borealium erant amantissimi, atque, quæcunque illis lucem aliquam affundere possent, sedulo conquirebant, ita studiorum hæc communio animorum conjunctionem gignebat, adeo ut indivulsi hi comites essent, & totos dies una, illique soli, in Bibliotheca Lipsiensis

tranſegerint, quæ indultu illius præfecti,  
 Matheſeos Profeſſoris, PFAUZZII, quavis  
 hora & nullo alio præſente illis patuit.  
 His, quas dixi, aliisque ad ſtudioſum Phi-  
 lologicum perficiendum curis ſemestre tem-  
 pus *Lipſiæ* noſter impendit, cui antequam  
 ultimum vale dicturus erat, in animum in-  
 duxit, vicinas *Freybergæ* argenteas fodinas  
 oculis uſurpare. Ad quod iter ſuſcipien-  
 dum allexit quoque jucunda & ſimul pro-  
 ficua illi oblata ſocietas Polydædali noſtri  
 POLHEIMERI, qui eodem una cum BU-  
 SCHENFELDTIO noſtrate cogitaverat.  
 Pererratis hic magnæ matris viſceribus, *Dres-  
 dam*, illam hodie adeo infelicem *Dresdam*,  
 ſe contulit Noſter, in cujus Arce Regia  
 pretioſam ſupellectilem multamque rerum  
 viſu dignarum congeriem conſpexit. Sed  
 nihil tamen hoc fuit ad illam voluptatem,  
 quam ipaulo poſt *Wittebergæ* percepit, ubi  
 Magni Noſtri LUTHERI & PHILIPPI ME-  
 LANCHTONIS memoriæ tacita pietate in-  
 ferias miſit, & quamvis ipſius rationes non  
 permitterent, ut ibi diutius commoraretur,  
 operæ tamen pretium ipſi videbatur, hæc  
 ſuſpicere roſtra, unde purior lux Evangeli-  
 ca orbi primum, poſt adeo diutina deli-  
 quia, affulgere cœpit, quæquetum tempo-  
 ris eruditione cum aliorum virorum erudi-  
 tiſſimorum perſonuerit, tum inprimis  
 SCHURTZ-

SCHURTZFLEISCHII atque DASSOVII, communis Suecorum tum peregrinantium in Litteratura Orientali Præceptoris. Noster inprimis hisce duumviris triste sui desiderium reliquit, ubi abiens ad suos *Lipsienses* denuo se contulit. Ab hac Academia prope abest altera, quæ illius jamdiu æmula, non minus divite virorum eruditorum copia semper effloruit, *Halam Saxonum* loquor. Hanc tum exornavit accuratissimus ille dicendi Magister, CELLARIUS, & quos principe loco nominare decuit, STRYKIUS & THOMASIUS, ambo utriusque juris peritissimi, & hic gratæ posteritati nunquam silendus, quæ, ubi GROTIUS & PUFENDORFFIO, quam merentur nominis gloriam tribuerit, secundum hos neminem solidiorem, quam hunc eundem *Christianum* a disciplina morum gratiam iniisse, fatebitur. CELSIUS, cui illorum prælectionibus semel iterumque interesse dabatur, præter vulgatam fama eruditionem utriusque horum, summam in profitendo facultatem non sine admiratione animadvertit, & lætus breviuscula hac profectione ad sua se castra retulit, sed quæ tamen profectione ad sua se castra retulit, sed quæ tamen mox mense Septembri movit, *Lipsiensesque* suas Musas tam enixe cultas valere iussit. Superfuit in universa Germania nul-

la majoris famæ Academia, quam noster infalutatam reliquerit, si ab una discefferis *Jenensi*, quam ut per transennam veluti intrueri posset, per *Naumburgum* & *Leucopetram* iter eo direxit. Ad id allexit eum desiderium conveniendi viros illos eruditione Philologica inclutos, qui tum heic loci degabant, quos inter DANZIUM præcipue & SCHUBERTUM beatus CELSIUS honoris causa nominare consuevit, ambo doctissimos & eruditissimos scriptis illustres. Duxit nostrum itineris ratio *Weimariam*, *Erfurtum* atque *Gotham*, ubi splendidum Nummophylacium, cujus accuratam descriptionem industria LIEBII confectam orbis eruditus ante viginti annos accepit, suis oculis usurpavit, & dein continuata per *Isenacum*, *Cassellam*, *Paderbornam*, *Cliviam*, *Arnheimium*, *Ultrajectumque* peregrinatione *Lugdunum* Batavorum pervenit, ubi aliquot menses commorabatur, ita tamen ut subinde *Hagam Comitum* & celebre *Amstelodamensium* emporium non raro inviseret. Vixit tum temporis, & studiosæ juventuti *Lugdunum* confluenti suam operam commodabat JACOBUS GRONOVIVS, quo Viro nescio an quid carius humaniores litteræ citeriori ævo habuerint. Et quum nosset Noster, quantum ab eo proficere posset, ille unus continuandi ulterius  
iti-



itineris mora fuit. Nec facti CELSIUM pœnituit; nam præter fructum quem ex consuetudine Viri hujus Litteratissimi percepit, accidit etiam, ut venum sub hoc tempore *Lugduni* exponeretur Bibliotheca *Goliana*, cum omni librorum genere, tum imprimis manu Arabica scriptis voluminibus exquisitissimis abundans. Nostro, utut per rationes illius non liceret esse emaci, sibi tamen temperare non potuit, quin varia imprimis ad Botanicen Orientalem spectantia coemeret, quorum tamen plurima alterius nomine pignori in Hollandia opposita, & postea non redempta apud Batavos remansere. Sed si ille CELSIO nostro industriæ fructus periit, non tamen nihil per hanc occasionem est lucratus. Nam uti universam Europam pervagata erat fama Thesauri hujus *Goliani*, ita confluxere eo plurimi undique Eruditorum, hæc affururi: quorumque amicitiam sibi conciliandi occasionem ita nanciscebatur CELSIUS. In primis autem volupe fuit *Amstelodami* convictu viri doctissimi longoque usu conjunctissimi Domini Professoris LAURENTII NORRMANNI, quo diligentiae suæ magno teste heic illi viri aliquamdiu licuit. Peregrinabatur ille æque ac noster Regio sumtu, & tum forte ad Batavos pervenerat, eruditionis laude jam diu præmul-

tis Europæ partibus celebres. Convenerat  
 quoque NORRMANNUM inter & CELSI-  
 UM, ut primo vere iter in *Angliam* una in-  
 stituerent: verum quum mare id temporis  
 nimium quam infestum esset, consilium  
 mutavere, & terrestri itinere in diversa abi-  
 ere: illo Suéciam repetente, nostroque  
 initius cælum oppetiente, ut primo vere  
*Parisios* se conferret. Interea pro more  
 suo Orientales litteras sedulo coluit, & in-  
 primis *Amstelodami* Talmudica studia ex-  
 ercuit: in quibus facem sibi præferentem  
 habuit eruditum Judæum, cui MARGO-  
 LITH nomen erat, & alterum ejusdem gen-  
 tis, non minus harum litterarum scientem,  
 DAVIDEM PINNA, Medicinæ Doctorem.  
 Cogitaverat CELSIUS, uti jam modo dixi,  
 hiemem *Lugduni* transigere, verum quum  
 eum adorta vehemens febris doceret, suo  
 corpori minus salubre esse cælum Belgicum,  
 maturare abitum cogebatur, & sub anni  
 exitum per *Flandriam Brabantiamque Gal-  
 liam* petere. Non in illa concione verba  
 facio, quæ moneri debeat, quanto cum  
 fructu tempus suum heic collocare potuerit  
 Noster. Nam licet magna pars frivolæ Ju-  
 ventutis peregrinæ *Parisios* non nisi luxu  
 & morum corruptelis censeat, proque ex-  
 pensa pecunia hinc nihil aliud, quam no-  
 minis infamiam & effectum corpus referre  
 fo-

soleat, sciunt tamen, qui sanctius vivere, & san-  
 tius judicare didicerunt, nullum esse in Euro-  
 pa locum, qui pluribus locupletioribusque,  
 quam hæc urbs, instructus sit Bibliothecis,  
 plures ostendet eruditos, & ubi litteræ ar-  
 tesque majori in pretio sint, adeo ut nostra  
 Patrumque memoria *Lutetia* idem Europæ  
 sit, quod Athenæ olim Græciæ vicinisque  
 regionibus. Ut CELSIUS in eorum noti-  
 tiam statim perveniret, a quibus inprimis  
 proficere potuit, effecit tam humanitas  
 Oratoris ad Aulam Gallicam Suerhici, Dom.  
 ISACI CRONSTROMII, quam contracta  
 statim cum ROSTGARDIO, Dano, amici-  
 tia, qui quemadmodum singulari studio  
 linguas eruditas excoluit, & communibus  
 cum CELSIO utebatur magistris, ita stu-  
 diorum hæc necessitudo jungendæ amici-  
 tiæ prima semina jecit. Ille deinde, ut ve-  
 rustior hospes, familiarius jam utebarur Bi-  
 bliothecæ publicæ Præfectis, CLEMENTE  
 & BOIVINIO, quibus commendatus CEL-  
 SIUS facultatem nanciscebatur splendido  
 hoc thesauro non secus utendi, ac si sui es-  
 set peculii. Transigebat illic Noster sæpi-  
 sime magnam diei partem, & ex divite il-  
 la voluminum manu scriptorum copia, qui-  
 bus referta est Bibliotheca Regia, in suos  
 usus & adversaria, quorum usus erat, im-  
 pigre transtulit. Nihilo difficiliore se se

præbuerunt ceteri Bibliothecarum præfecti, quorum non solum consuetudine cum fructu sæpe utebatur, sed & erudito indicio, qui mortui magistri in re quacunque ab ipso consulendi essent. Dabat ille quidem subinde succisivas nonnullas horas DODARDO, TURNEFORTIO aliisque Antistitibus Botanici studii, quod ab ineunte ætate adamaverat, sed ita tamen ut Linguae Orientalis primas industriæ ejus partes sibi semper vindicarent. Erat quoque tum forte *Parisis* eruditus Maronita de monte Libano, SALOMON JACOBUS appellatus, qui Linguam Arabicam non solum ipse solide calluit, sed & alios eo feliciter docere potuit, quo a Lingua Latina Europæisque aliis instructior erat. Hoc magistro per omne, quo *Lutetiæ* versabatur noster, tempus diligentissime usus est, illum sectabatur, illum socium habebat, quoties vel extra urbem Palatia Regia visum ivit, vel intra urbis muros in amenissimis hortis publicis obambulabat, ut ita nec illæ horæ, quæ relaxando animo concedi videbantur, absque fructu abirent. Profecit quoque tantum sub hujus magisterio, ut quosvis difficiliore libros non tantum expedite legeret, sed haud paucos in Italiam Linguam transferret. In lucro etiam posuit noster, dum in his studiis totus erat, viros  
eru-

eruditissimos Abbatem LONGUERICÆUM atque Professore Sorbonensem PIQUESIUM sibi conciliaſſe, quorum ille in vertenda historia Arabica Tamerlani tum temporis occupabatur, & de cetero in litteratura omni orientali longe lateque inclutus erat, hic in Copticis studiosam operam collocavit.

Et hi Sirenum scopuli erant, ad quos ultra medium anni 1697. affixus hæſit CELSIUS Noster, tum vero rumpens amœnas Parisiorum moras per Antissiodorum, Divionem, Lugdunum, Avenionem, Nemausum, Montspelim, Arelatem & dein per Aquas Sextias Marsiliam tetendit: in qua non sicut minus quam cæli clementia amœnissima urbe aliquantulum substitit, & interea jam per suburbana loca Floræ delicias delibavit, jam virorum eruditorum colloquia studiose sectabatur. Offendit inter alios quemdam SIMEONEM GEORGIUM, sororis filium notissimi Armeniacæ Ecclesiæ Archi-Episcopi OSCANIS, qui in Europam delatus non Biblia Sacra solum sed etiam alios utiles libros Lingua Armena imprimendos primus curavit. Ab hoc SIMEONE, ad quem per hereditatem vis ingens horum librorum pervenerat, nonnullos coemit noster, quos deinde domum asportatos, una cum pluribus aliis, ad Philo-



Philologiam Orientalem spectantibus, Bibliothecæ publicæ celsit. *Massiliæ* CELSIUS in navem conscendit Gallicam, quæ *Smirnam* & dein *Constantinopolin* versus vela erat factura: verum enim vero mutasset libenter factum, ubi eandem in mari Mediterraneo hostilis myoparo confectari incepit, atque id ita, ut dum magister navis fugæ omnia vela expanderet, CELSIUS cum ceteris vectoribus imbelles manus gladio adaptare cogeretur, & finire, ut ad bellicum tormentum accendendum in statione collocaretur. Accidit tamen insperato sortis favore, ut in tutum evaderet ad *Antipolin*, maris Mediterranei urbem, quo cum com meatum comparaturus escenderet, novas ærumnas devorandas accepit. Dominus quippe navis, forte ut sarcinulas CELSII lucraretur, antequam hic ad portum redire posset, altum petiit, ad propere accurrentis CELSII vocem ipsis scopulis furdior. Noster non sine gemitu fugientia vela oculis secutus, licet panis palmis oraret, ut cursum reflecterent, seque exciperent: indignabundus tamen in ventos suas abire preces animadvertit, seque solum in nuda destitui arena. Quod supererat peregrino locorumque imperito, & insuper supellectile sua nudato fuit unicum consilium, ut in exiguis navigioliis oceano sese

sefe committeret, donec per *Francopolin* tandem *Genuam* perveniret, in cujus portu vix speranda felicitate navem, qua nuper vectus erat, reperit, sed adeo fractam ventorum vi quassatamque, ut reficienda exonerari necessum habuerit. Noster interea reculas suas salvas accepit, sed ita tamen ut per omnia sacra voverit, se adeo infido sodalitis semet ulterius non esse permissurum. Sub hoc in mari mediterraneo facto itinere, Principi Persico, qui e *Gallia* redux ad suos per *Constantinopolin* iter meditabatur, CELSIUS forte innotuerat. Hic, ut Nostrium, dum una vehebantur, multa humanitate acceperat, & familiarius amplexabatur, ita dum *Genuæ* illum de novo vidit, novitque, Orientales plagas eum jam dudum animo meditatum fuisse; obtulit itineris societatem & omnes illi impendendos sumtus. Noster tam prolixam Principis hujus benevolentiam exosculatus, in eo erat, ut itineri huic sese accingeret. Sed retinuit, nescio quis, felix genius & singularis fatorum favor: haud per ambages enim postea animadvertit, si eo se conrulisset, eandem ipsi subeundam fuisse sortis inclementiam, quam sub suo reditu per *Moscoviam* experti fuere BRENNERUS nostras, quique Persici itineris socii erant reliqui.

Post-

Postquam itaque Principis comitate sese uri non posse significasset, *Liburnum* deproperavit, ubi non tam divites ab utraque solis domo collatas merces admiratus est, quam potius ad doctiores Rabbino- rum sese applicuit, qui ibi celebrem Syna- gogam, inque suæ inprimis societatis usum locupletem tabernam librariam meris Rab- binicis scriptis refertam habent. Nec insa- lutatum reliquit FRANCISCUM BALDI- NUM, Presbyterum, qui in eo jam erat, ut Lexicon Armenicum conficeret, sufful- tus opera Sacerdotis ejus nationis, quem ad manus continue habuit. *Liburno* post octiduum relicto peregrinator noster *Pisas* se contulit, dein ineunte mense Septem- bri *Florentiam*. Ubi cum inaudiret, po- pularem suum, MAGNUM GABRIELEM BLOCK sedes fixisse, inque Aulam Magni Ducis *Etruriæ* acceptum ipsi ab epistolis esse, postridie adventus sui illum adit, & mox ab eo non hospitio modo sed & men- sa humanissime acceptus est: Quumque idem BLOCKIUS ab illustri & per univer- sum orbem incluto Bibliothecario Floren- tino summopere amaretur, factum est, ut brevi in ipsius notitiam novus hic hospes perveniret, quam non tantum donec *Flo- rentiæ* erat studiose coluit, sed & postea da- tis ad eum litteris diu continuavit. Earum  
unas

unas tantum in præsentia commemorabo,  
 quas *Romæ* prelo subjiciendas curavit, & in  
 quibus de *Runis Helsingicis* earumque figu-  
 ra & potestate, re sane orbi Italico plane  
 nova, & nescio an inaudita, eleganter differuit.  
 Habuit *Florentia* nostrum ab initio Septem-  
 bris ad medium mensis Aprilis anni sequentis,  
 quod tempus inter Bibliothecas & erudito-  
 rum colloquia partitus est, nisi quod, ita feren-  
 te occasione, jam splendida loci palatia,  
 non multo tantum auro & marmore exte-  
 rius renidentia, sed & interius sumtuosissi-  
 mis aulæis, tabulis summorum artificum  
 MICHAELIS ANGELI, RAPHAELIS UR-  
 BINATIS, TITIANI aliorumque ornatissi-  
 ma examinavit, jam ritus sacros Ecclesiæ  
 Romanæ accuratiori oculo observavit.  
 Postquam illius desiderio penitus heic loci  
 satis factum erat, in interiores Italiæ partes  
 penetrare volupe erat, & in primis re-  
 rum illam olim Dominam, urbem, in-  
 quam, *Romam*, quam a primis juventutis  
 annis suspicere didicerat, suis oculis usur-  
 pare. Relicta itaque *Florentia Senas* pri-  
 mum adiit, & dein per *Montem Politia-*  
*num & Faliscum*, utrumque generosissimo  
 suo vino nobilitatum, perque *Witerbium*  
 ad *Tiberis* littora & Italici orbis Metropo-  
 lin pervenit. Noster autem ut jam diu as-  
 sueverat, nihil incuriosis oculis videre,  
 ita

ita eos in hoc orbis compendio rerum visendarum copia adeo obrui sensit, ut multa intuitu obeundo nesciret plane, ubi primum lumina figeret. Maxima vero voluptate eum detinere splendida illa verustatis monumenta, quæ adhuc magnitudinem Romanam ostentant, arcus loquor triumphales TITI VESPASIANI, CONSTANTINI MAGNI aliorumque, immensæ molis obeliscos, ex *Ægypto* aut *Constantinopoli* per mare transvectos, Circos & Amphitheatra tantæ capacitatis, ut nonaginta milia hominum inde ludos commode spectare potuerint, Pontes, Naumachias & Aquæ ductus stupendi artificii, templa a Paganismo inde residua, Mausolea, cryptas & catacombas, humanæ fragilitatis superba monumenta, statuas denique summorum Virorum memoriæ erectas, & summorum artificum manibus sculptas. Per vos animadvertitis, Auditores, quanta cum voluptate noster per splendida hæc rudera obambulaverit, quam jucundum spectaculum singula horum obtulerint, ut fuerit lætaturus, dum septem illos pedibus emerirerur colles, illaque fora, quorum toties in scriptoribus Latinis mentionem factam viderat, quæque tot egregiis facinoribus nobilitarunt magnæ illæ animæ, quas nobis admirandas sistunt historiæ. Æmulata est prisca ævi  
ma-



magnificentiam recentiorum Pontificum cura, condendo ingens *vaticanum Palatium*, quod unum urbis instar habet, nec non splendidissima templa, & in hoc numero illud inter recentiora mundi miracula relatum Fanum Perrinum, aliaque innumera. Invenit CELSIUS novitatem his gratiam addere, sed nihilo minus tamen inter medias vetustorum operum parietinas & mutilatas statuas conspexit aliquid, quod in admirationem eum adeo rapuit, ut ab illis oculos avertere nequiverit; Vos vero, Auditores, quid futurum censeatis, si AUGUSTO regnante illa conspiciari fuissetus; immo creditisne, veniam dandam AUGUSTINO, qui, secundum CHRISTUM in carne & PAULUM in ore, nihil æque videre voluisset, ac Romam in flore. Nostro eo facilius omnia patuere, quo sollicitius eum variis amicis per litteras commendaverat humanissimus MAGLIABECKIUS. Factum hinc est, ut tam Augustiniani ordinis eruditissimum membrum GUIELMUS BONJOUR, quam PROSPER MANDOSUS, Eques, Italus, alique certatim nostrum amplexarentur, &, ubi quid visu dignum nossent, ultro deducerent. Ita brevis percensuit, quod alii sciscitando longo labore vix indagant. In primis vero Nostri discendi cupidam mentem.

tem, pro illius more, detinuerẽ ſplendidæ illæ Bibliothecæ, quæ *Romæ* conſpiciuntur, quas inter eminet *Vaticana*, innumeris rariſſimisque voluminibus manuſcriptis ſuperbiens. Quam vero doluit, eandem haud pridem locupletatam videre noſtris bonis, Bibliotheca CHRISTINÆ Reginae, quæ poſtquam avita ſacra turpi defectione projeciſſet, hæc patriæ ademta pretioſa ſpolia ſuæ levitatis monumenta eſſe voluit. Taceo, quæ vidit CELSIUS nummophylacia, cimeliothecas, ſplendida palatia, ſumtuosos hortos, coenobia, ædificia publica & alia, per quæ ſingula ſi ire vellem, dies & veſtra me patientia defeſtura foret.

Tertius jam vertebatur annus, ex quo patriam ſuam reiſſuerat CELSIUS noſter: non itaque mirari convenit, ſi partim deſiderium ſubierit priſtinos reviſendi lares, partim etiam itineris impenſæ maturandi reditus admonuerint. Collegit itaque noſter ſua vaſa, atque die IX Maji *Romæ* longum vale dicens *Lauretum* ſe contulit, ubi non ſine admiratione vidit, quanta cum indulgentia, ut mundus decipiatur, ſinant Pontifices Romani, quantaque arte, aut dolo potius, hominum ſuperſtitione abutantur ad eos bonis ſuis emungendos. In domunculam nempe, quæ eadem eſſe fingitur, in qua virgo Maria nata, & ubi

car.

carnem assumpsit mundi Salvator, quæque,  
 ne Geographi errorem detegant, ab An-  
 gelis, primum in Dalmatiam, & dein  
 huc, ubi jam visitur, transportata fingi-  
 tur, quicquid orbis catholicus, Reges at-  
 que Principes habent pretiosi, adaman-  
 tes & auri argentique immensa pondera  
 quotidie conferuntur. Nostrum non tam ad  
 admirationem hæ congestæ opes, quam po-  
 tius ad misericordiam permovit vulgi stupor,  
 peregre catervatim venientis, ut per  
 omnes templi gradus reptans, aliquid sua-  
 rum rerum huic domunculæ aut ejus ima-  
 ginibus affricet. CELSIUS ulterius per *Bo-*  
*noniam Ferrariamque* iter suum continuavit,  
 & ad Adriatici sinus undas deinceps diver-  
 tens, in illis stantem urbem *Venetam* vidit,  
 desponsatoque mari jura ponentem. Cir-  
 cumtulit heic pro more in sua commoda  
 intentos oculos, hoc est accurate sciscitatus  
 est, qui in urbe illa eruditione potissimum  
 censerentur; ubinam instructissima essent  
 Bibliopolia; qui aditus quærendi essent ad  
 cimeliarchium *S. Marci, Contarenum, Ruz-*  
*zinianum* ceterave, quibus *Venetias* abun-  
 dare constat. Quum hisce deliciis suum sa-  
 tis pavisset animum, obiter *Patavium* in-  
 visere statuit, unde *Venetias* redux Italiæ  
 relinquendæ sese accinxit, superatisque dif-  
 ficili itinere *Alpinis* montibus, per *Carin-*

*tiam Stiriamque Vindobonam* venit. Jam  
 diu gestierat CELSIUS, hanc, Austriæ di-  
 cam an Germaniæ, metropolin salutare, non  
 tam ut pompam Aulæ Cæsareæ admiraretur,  
 quæ jam tamen solito non potuit non  
 conspectior esse, quum eodem forte tem-  
 pore PETRUS I. Magnus Dux & dein Im-  
 perator, LEOPOLDI imperatoris hospitio,  
 ut incognitus, uteretur, quam quia novit,  
 heic loci, pro crebris, quæ cum Aula Ot-  
 tomannica intercedunt, commerciis, non  
 desore eos, qui Linguarum Arabicæ, Tur-  
 cicæ Persicæque periti essent. Nec ani-  
 mi falsus fuit; offendit enim heic simul tri-  
 gam virorum in his studiis versatissimorum,  
 MENINSKIUM nempe, celebrem Thesauri  
 Linguarum auctorem, & hoc nihil inferio-  
 res BOERINGERUM & PODESTAM; quo  
 ultimo in Lingua Persica, donec *Vindobonæ*  
 fuit, fideli Præceptore utebatur, diutius-  
 que uri voluisset, nisi reditum urfissent a-  
 micorum preces & suæ ipsius rationes.  
 Tempori itaque cedens *Vindobonam* reli-  
 quit, atque ut ACOLUTHUM, virum Ara-  
 bice, Persice & inprimis Armenice doctis-  
 simum convenire posset, *Vratislaviam* pe-  
 tiit, votique damnatus inde *Francofurtum*  
 ad *Oderam*, & mox *Berolinum*, *Stetinum*  
*Gryphisvaldiamque* & demum *Stralsundam*  
 delatus est. Animadvertitis haud dubie,  
 Audi-

Auditores, me festinante oratione CELSIUM propero cursu ad suos anhelantem æmulari velle, adeoque silentio prætermittere, quam gratum ipsi fuerit *Berolini* LACROZIUM, *Gryphismaldiae* GEBHARDIUM & non paucos eruditorum alios invisisse: admonet quippe temporis ratio, ut Nostrium a satis longinquo itinere in patriam reducem consequamur, & quæ Eum exantlati laboris præmia domi manserint, dispiciamus.

Postquam Noster trajecto Balthico mari lætus ovansque *Pfadium* pervenisset, citato cursu *Holmiam* petiit, redditaque suæ peregrinationis ratione Illustrissimo Excellentissimoque Academiae Cancellario. Domino Comiti ac Regio Senatori, BENEDICTO OXENSTIERNA, *Upsaliam* deproperavit, antiquos lares & jam diu non visas necessitudines denuo salutaturus. Incredibile vero dictu est, quam lætis ulnis a notis ignotisque acceptus fuerit; quantumque a CELSIANO ingenio sibi illico promiserint tam docentium quam discentium ordinis omnes. Quod quoque Regi nostro Serenissimo, CAROLO XII. tum imperii sceptrum nuper capeffenti, singulares illius ingenii dotes innotuerint, exinde patet, quod intra vertentem annum Facultati Philosophicæ Regio diplomate adjunctus fuerit.



Quo munere accepto, licet operam ſuam communi juventutis Academicæ uſui paſſus erat, nihilominus laborioſo ingenio ſupererat tempus, quod privatæ informationi ſeponere poſſet nobiliſſimorum Juvenum, CAROLI & GUSTAVI IſERHIELM, filiorum MATTHIÆ IſER, Epilcopi *Aroſi-enſis*, multis nominibus famoſi. Maſſit in hac ſtatione ad annum uſque hujus ſeculi tertium, quo ejusdem clementiſſimi Regis gratia Secretarius Academicæ Upſalienſis conſtitutus eſt. Sed id ita tamen, ut æquiora fuerint fata, quam ut diu eum detinuerint in ſtatione, Academicæ quidem multum referente, ſed cui tamen æquiſſimo animo non inſenſcunt, qui Muſas vere amant: intra alterum enim menſem, quam hoc ei munus obtigit, Profeſſio Litterarum Græcarum, a JOHANNESBERGIO hucusque ornata, melioribus auſpiciis in ipſum collata fuit.

Erat CELSIUS, dum Academica hæc roſtra primum conſcendebat, in ipſo ætatis flore conſtitutus, & inſuper omnibus inſtructus præſidiis, quæ Doctorem Academicum vulgo eximere poſſint. Nam præter Linguarum Orientalium cognitionem, in qua ſine pari excellere noſcebatur, haud vulgari ſuffultus erat ceterarum, quæ ab humanitate nomen fortiuntur, diſciplinarum

rum cognitione, quæque, severioribus illis additæ, mirum quantum ornant. Concesserat illi insuper favens natura insolitam animi corporisque firmitatem: quod & effecit, ut labore, quantumvis pertinace, nihil frangeretur, & tanto plurium desideriiis sufficere posset, siue scholas ejus privatas desiderarent, siue quis meletema aliquod Academicum sub ejus auspiciis publico offerre vellet, siue tandem ipse quid meditaretur cum orbe litterario communicandum. Incredibile etiam dictu est, quanto Academicæ juventuti incitamento fuerit alacritas illa, qua tam sua ipsius studia obibat, quam aliorum urisit: unde factum est, ut, dum illè Græcas Litteras profiteretur, in nullius non manibus esset *Homerus* & *Hesiodus*, dumque postea Orientis linguas doceret, tam frequenti studiosorum corona stiparetur, quam paucos hodie, nullius tamen nisi seculi vitio, cultores hæc studia inveniunt, pauciores propediem, nisi meæ me fallunt aves, inventura.

Decurrere ita integri novem anni inter continuos muneris labores, nullisque nec infortuniis, nec faventioris sortis muneribus insignes, nisi forte quod anno hujus seculi septimo muneri ejus annexa fuit cura paræciæ *Börjensis*, & insuper, tanquam Præposito, inspectio *Ullerakerensium* Eccle-

clesiarum. Hæ tot demandatæ provinciæ,  
 tot etiam publici favore & indies magis  
 magisque crescente **CELSIANA** fama arces-  
 sita avocamenta, ut sunt inspectiones Na-  
 tionum, quas vocant, cura specialis hone-  
 stioris loci Juvenum, responsa consultantib-  
 us extra ordinem danda, non potuere ta-  
 men, aut saltem non vix sunt potuisse No-  
 stri studia interpellare. Requirebat mune-  
 ris ratio, ut in Hellade **CELSIUS** totus es-  
 set, sed, utcumque omnes hic numeros im-  
 pleret, traxit tamen sua Eum libido ad  
 Palæstinæ vireta, in quibus laborum suo-  
 rum requiem vel mercedem potius quære-  
 bar. Commode itaque accidere visum, ut  
 anno seculi hujus duodecimo Professio  
 Ling. Orientalium ordinaria, ex auctorita-  
 te Senatus Regii, ipsi demandaretur: ve-  
 rum quum Rex gloriosissimus *Carolus XII.*  
 absens, & rerum, quæ domi Ejus auspi-  
 ciis gererentur, ignarus, eandem spartam  
 conferret Mag. **MICHAEL ENEMANNO**,  
 qui nuper Orientales plagas jussu & im-  
 pensis regis lustraverat; Græcanicarum  
 Musarum conditionem recipere, **CELSIO**  
 necesse fuit. Post biennium vero, ubi  
**ENEMANNUM** præpropera fata abstulere,  
 Noster, non ambiens nec petens, Sacræ  
 Regiæ Majestati ab universo Collegio com-  
 mendatus est, idque ita, ut professus fue-  
 rit

rit Senatus Academicus, quicquid fuerat Candidatorum verecundatum fuisse, cum CELSIO nomina sua profiteri. Annuit Rex clementissimus tam justis Academiae Upsaliensis desideriis, Regioque diplomate Professionem Linguarum Orientalium CELSIO demandavit. Perrexit Ille solita in novo munere diligentia, lætatus, liberiores sibi campum apertum, communicaturo, quæ in Philologicis inobservata aliis nosset: Perrexit, inquam, publice privatimque prælegendo, variasque pulcerrimi & rarioris argumenti dissertationes edendo, in quibus licet cum Respondentium conatibus sæpe confundatur Præsidis obstetricantis industria, elucet tamen in plurimis earum merum CELSIANUM ingenium, hoc est, multa perspicacia, diffusa suffulta lectione. Inter has duas tantum in præsentia commemorabo, alteram Latine scriptam, sed vernacula lingua, jussu superiorum, habitam *de Regis Messiae pulcritudine*, cui præ ceteris id contigit, ut ipsi defendendæ interesse dignata fuerit Princeps Augustissima, ULRICA ELEONORA, Sceptra Suiogothica postridie ejus diei capeffitura, comitata Serenissimo Principe, Hassiæ Hereditario & postea Sueciæ Rege Clementissimo, FRIEDERICO I. una cum universa Aulâ & regni Proceribus; Altera est, quam ipse edidit in infor-

mationem convenientis ad synodum anniverfariam Cleri Uplandici, cuique titulus fuit, *de Peccato in genere*. Docuit vel illa fola, digniffimo impertitos fuiſſe ſummos in Theologia honores, qui juffu ejusdem Sereniſſimæ Reginæ & distribuyente MATTHIA STEUCHIO, Archi-Epiſcopo & Pro-Cancellario Upſalienſi, Noſtri mox tribuebantur.

Annus fuit undetrigeſimus hujus ſeculi, quum Theologica ſcientia, a qua adeo bene meritus Summe Reverendus CELSIUS jam diu fuerat, nexu velut & mancipio eum ſuum fecit. Tum ſcilicet litteris Regiis clementiſſime illi credita fuit Cathedra Theologica, quam hucusque tenuerat Ejus olim Præceptor, Dominus Doctor JOHANNES PALMROTH, quamque ſincera pietate & indefeſſo ſtudio Noſter ornavit, donec poſt ſeptennium ducente ordine princeps inter ſuæ Facultatis membra, Diceceſeos Upſalienſis Archi-Præpoſitus, & utriusque paræciæ Upſalienſis Paſtor renunciaretur.

Non eſt, quod dicam, Summe Reverendum Virum nullas muneris ſui partes, dum vires & valetudo finebant, prætermiſſiſſe: conſtat potius, ad illa laborioſam Ejus indolem ſe diffuſiſſe, quæ vel ab Illo non requirerentur, vel quæ ideo tantum  
requi-



requirerentur, quod ubique testatum erat, promptissimum ipsius de publico bene merendi studium. Sic inter illa Membra, quæ Res Ecclesiasticas *Holmiæ* ordinarent, ille nominatus est: Quum in patriam linguam transferendi erant Libri Symbolici, nullius perspicaciæ certius, quam Hujus confidere sibi visi sunt Superiores. Taceo, quid temporis absumerit vicarium Pontificatus munus, quod absentibus vel mortuis Archi Episcopis ipsi gerendum fuit, quodque adeo ex omnium sententia obiit, ut ipse non tantum a *Carlstadiensis* Diocesis Præsul expetitus, sed bis etjam Archi Episcopali infulæ plurimis honorificentissimisque suffragiis destinatus fuerit.

Sed maluit Ille in secundis subsistere, suamque gloriam, non tam in titulorum splendore, quam potius in recte & laudabiliter factorum conscientia quærere, uti quoque nemo ab omni fastu illo fuit alienior, nemo in universa vita communior. Assignabimus id forte partim longæ experientiæ, quam habuit, quantum sit in rebus inane, partim connatæ Ejus animi æqualitati, quæ effecit, ut res quasvis & fortunæ vices, tanquam se inferiores pæne inobservatas prætermiserit, nullaque re, nedum ullo damno, animum suum de gradu dejici, passus fuerit. Factum hinc est,  
ut

## 434 Joh. Ihre, Orat. Funebris

ut vegetum & corpus & mentem ad extremam usque vitæ calcem servaverit, annique, qui aliis morositatem affricare solent, illi fere deterferint, ira ut venerabili hoc Sene, quod nos omnes testari possumus, nihil jucundius, nihil facilius fieri potuerit. Illa quoque discendi aviditas, quæ junioribus annis tam pulcros Ipsi stimulos addidit, nec sub ultima canitie consenuit. Bone DEUS, quane lætitia suffundebantur vegeti illi oculi, quibus non armatis ad rogam usque uti poterat, si vel in novum Runicum cippum alicubi incidit, vel litterula quadam Helsingicas Parentis Runas augere potuit, uti revera binas adinvenit, vel tandem si forte insolitam alicubi plantam, aut rarius in natura phænomenon offendit. Hinc grave quoque non duxit, sub æstivo Musarum iustitio ante paucos annos, & sæpe alias, senili pede *Roslagiæ* dumeta perreptare, visurus, an aliquid rari invenire posset, ut cum LINNÆO suo hæc deinde partiri posset gaudia. Et hæc fere æstivæ, uti dixi, illius fuere recreationes: quod medium erat temporis, in suo Museo transiegit, ubi a diluculo ad serum diei libris incubuit, idque ita, ut ultimis annis, quum videret, parcendum esse luminibus suis, anagnosta uteretur, qui, inprimis vesperscente cælo, aliquid prælegeret. Per  
adeo

adeo indefessam diligentiam fieri non potuit, quin multa semper discens consensceret noster, multaque colligeret, quibus erudiri possemus. Et habemus quoque haud paucos illius fetus, suo non penitendos Parenti, quosque si vel breviter nominavero, faciam, quod a meo officio alienum haud existimabitis.

Prætereo autem dissertationes ab illo juvene editas; dissertationemque Epistolarem ad MAGLIABECKIUM, Florentinum, de *Runis Helsingicis*, Romæ impressam, non quod juvenile quid contineant, sed quia antea a me sunt laudatæ, & potius ad illa me confero, quæ maturiori ætate illius exercuere ingenium. Superius a me indicatum est, inde ab eo tempore, quo primum Philologica studia majori nisu noster excolere cœpit, cum animo suo illum statuisset, de *Herbis Biblicis* aliquid commentari: & ut plurimos nostrum casus & imitatio potius, quam nostra ipsorum consilia vitæ studiorumque rationem fingunt; ita commode accidit, ut Noster Parentem haberet Botanophilon, & junioribus adhuc annis a Præceptore, PALMROTHIO, amorem Linguarum Orientalium combiberet. Conjunctio studiorum adeo inter se dissitorum CELSIUM instruxerat necessariis subsidiis, ad tantum opus instituendum, ad quod

quod etiam curam & induſtriam ſuam ita convertit, ut quicquid in exteris Bibliothecis, apud Arabum Medicos & Botaniſtas, in Rabbiorum ſcriptis, in diariis denique peregrinantium inveniret, id omne in ſua conferret adverſaria. Sui autem inſtituti omnium primum ſpecimen edidit diſſertatione Academica *de Spina חרק*, quæ ante hos quatuor & quinquaginta annos prodiit, quamque excipiebant duæ *de Palma*, quæ ſubſecuturi & nondum editi operis majoris de eadem arbore adumbratio erant, & tandem Schediaſma *de מכסחים ſive Melonibus Ægypti, ab Iſraëlitis deſideratis*, Lugduni Batavorum impreſſum Anno 1726 apud *Conradum Wiſhof* in forma octava. Interea varias Diſſertationes ad illuſtrationem hſtoriæ Patriæ publico communicavit, quas inter eminent *Incerti Scriptoris Chronicon Archi-Epiſcoporum Upſalienſium*, una cum *Serie Regum Sueciæ Chriſtianorum*, nec non alterius pariter *Anonymi Chronicon Rerum Suigothicarum*, utrumque annotationibus optima fruge pleniffimis reſertum. Invenerat utrumque inter collectiones ſui Parentis, una cum pretioſiſſimo illo *Diario Wadſtenenſi*, quod typis paraverat Noſter, & cum ſuis annotationibus editurus fuiſſet, niſi Reverendiſſimus atque de hſtoria Patriæ meritiſſimus, Dominus  
Do.

Doct̃or & Archi-Episcopus, ERICUS BEN-  
ZELIUS, in se hunc laborem suscepisset.  
Ad hanc classẽ etiam referenda sunt *Scripta* illa *Amabæa*, quæ ex occasione datæ  
explicationis nonnullorum lapidum Medel-  
padicorum prodire, & in quibus eandem ad-  
versus *crisin* BIOERNERIANAM defendit :  
uti quoque, neperiret MAGNI CELSII Ora-  
tio, de *Runis Helsingicis*, a me antea me-  
memorata, eam una cum *Oreadum Hel-  
singicarum* gemino Schediasmate prelo sub-  
jiciendam curavit. Nec sine summa lau-  
de heic commemorari debent observa-  
tiones illæ, quas *Actis Upsaliæ Litterariis*  
innexuit noster, titulo tanto justiore heic  
nominandæ, quod si quam gratiam a Re-  
publica litteraria iniit hæcce Socieras, præci-  
pua illius pars debeat Nostro, qui una cum  
ERICO BENZELIO & OLAVORUDBECKIO,  
Viris summis, eandem formavit, prima-  
que Acta anno seculi hujus vigesimo edidit.  
Inseruit iisdem Noster haud paucas obser-  
vationes reconditæ eruditionis, partim ad  
Botanicen Sacram Orientalem spectantes,  
uti illam, qua explicat, quid in libris Re-  
gum significant *העפא* & *עפא*, cucume-  
res scilicet agrestes, non vero colocynthi-  
des, uti vulgo creditum fuit; partim etiam  
antiquitates Patrias illustrantes, uti pluscu-  
las observationes, quibus monumenta Ru-  
nica



nica suis temporibus reddit, docetque, bonam earum partem Christianismi heic introducti tempora non antevertere: eas scilicet, quæ vel preces ad DEum verum fufas continent, vel quæ nomina Christiana, aut peregrinationes in Græciam institutas commemorant, utpote quas alias non esse docet, quam quæ a Borealibus *Wæringis* vel *Βαργύροις* Constantinopolin fufcipiebantur. Sciens prætereo Viri eruditiffimi varia programmata, carmina item Græca, Latina, Suéthica, partim edita, partim inedita, immo orationes varias. inter quas illa, qua funus MATTHIÆ STEUCHII, Archi-Episcopi Upsaliensis celebravit, a me multis nominibus laudanda fuiffet. Sed propero ad illud opus, quod inter literaria Ejus postremum fuit, cuique ut colophonem adderet, propitia fata Eum superstitem fervalfe videntur. Est hoc *Hierobotanicon* illius, opus, quod in forma, quam octavam vocant, duobus justis voluminibus annis 1745 & 1747 prodiit. Ignorat nemo, qui in studio Philologico plane hospes non fit, iisdem tenebris, quibus Zoologia Biblica ante BOCHARTUM obvoluta fuit, ad nostra usque tempora laborasse Botanica Sacram, ita quidem ut pro herbis arbores, & versa vice, posuerint interpretes, immo nonnunquam mira metamorpho-

si flores Biblicos in animalia converterint. Animadverti equidem BOCHARTO in animo fuisse, hoc incommodo orbem litterarium liberare, atque *Hierobotanicon* eadem methodo, qua *Hierozoichon*, conscribere: sed veri simile est, adeo eum occupasse hoc & æternum Geographiæ Sacræ opus. ut aliis meditationibus vacare non potuerit. Reservata itaque hæc adorea OLAVO CELSIO fuit, qui tanta eruditione Suum Paradisum sacrum instruxit, ut, si ingredi eum licuisset LEMNIIS atque URSINIS, suorum haud dubie eos paupertinorum pcenituisset hortorum. Non a me expectabitis, Auditores, ut quid hæc volumina contineant scitu dignum Vobis edisseram: qui ea vel fugitivo oculo conspiciatus fuerit, animadverterit haud dubie, in illis contineri, quicquid in hac Philologiæ parte sciri possit, uti quoque exteri eruditi, dum CELSIANUM hunc fetum orbi Litterario ostendunt, eum ad sidera usque evehunt, indignanturque, si quem viderint recentiorum, tam parum habere ingenii, ut Nostro non assurgat, nec demum dediscere voluerit, אֵיל & אֵלֶן pro *quercu*, בֵּרֶשׁ & אֵרֶן pro *cedro*, אֵרֶן pro *orno*, ut millena alia præteream, habere. \*) Præter hæc, quæ

\*) Nullibi magis O. CELSIUS, vir revera *Mabli. Brem. Nov. Cl. III. F. III.* G g gnus

quæ typis publicata habemus CELSI scripta, ſunt etiam alia, quæ affecta in ſcriniis ipſius amicorumve latent. In hoc numero poſuero *Lexicon Arabicum*, quod ulterius perficiendo labori GOLIANO CASTELLIANOQUE deſtinaverat. Quum vero ſub ingraveſcente ſenectâ animadverteret, non permiſſura fata, ut huic operi ſupremam manum adderet, apud neminem has ſuas col-

gnus, ſtupendam ſuam in Orientali Litteratura, æque ac in ſtudio Botanico eruditionem probavit quam in *Hierobotanico*, opere omnino præſtantiffimo & immortalis. Cum eodem Philologorum nemo ſine ſuo diſpendio carere poſſit, doluimus dudum rariorem ejus eſſe copiam. Aſt magnopere gauiſi fuimus, quam primum Celeberrimus Gœttingenſium Philologus, J. D. MICHAELIS, in præſatione ad *Partem poſtერიorem* præſtantiffimarum *Prælectionum R. Lowthii de Sacra Poëſi Hebræorum* indicavit, Hierobotanicum hoc Celſii, ad notationibus ejus auctum, & imaginibus plantarum rariorum illuſtratum per Bibliopolas eoſdem, qui Lowthium publicarunt, recuſum iri. Gauiſi fuimus recudendi hujus operis curam pro ſuo in litteras amore ſuſcepiffe Virum omnibus eruditionis hujus generis copiis inſtructum, atque adeo huic operi & ornando & perficiendo quam maxime parem, nullique ſecundum. Conſulat modo Vir Illuſtris boni, quod Ipſum, ut editionem hanc reipublicæ Litterariæ magno cum emolu-

men-

collectiones melius collocari posse credit, quam apud collegam nostrum honoratissimum, & Poëteos Professore celeberrimum, Dominum CAROLUM AURIVILLIUM, Arabicæ Linguae ceterarumque Orientis scientissimum. \*\*)

Deinde dignissima quoque est, quæ cum laude nominetur Philologia ejus Botanica, quatuor sat spissis voluminibus comprehensa; quam, ubi ex adversariis sua manu nitide transcripserat, legavit Museo horti nostri Botanici. Collegit ibi uno fasciculo quidquid de singulis plantis herbisque traditum reliquere Medici & Botanici Arabes, Talmudistæ, quicquid Græci Latini que scriptores, non solum qui hoc studium professi sunt, sed Geographi, Rei Rusticæ Scriptores, Cynegetici, Veterinarii,

G g 2

Agri-

mento acceleret, enixe rogatum eam. N. B.

\*\*) *Lexicon* quoque *Golianum* rursus exendi cupiunt, dum linguae Arabicæ studium indies accrescit, Philologiæ Orientalis cultores. Amice, qui Celsianas collectiones possidet c. AURIVILLIUS, Vir Celeberrimus, se, ut hanc telam perficiat, excitari patiatnr. Quisquis autem difficilem hujus operis curam suscepturus sit, nœ ille collectiones *Celsianas* expetere negligat ab eruditissimo AURIVILLIO, qui eas hunc in finem Editori *Lexici Goliani* nullus invidebit. N. B.



Agrimensores, quicquid denique peregrinatorum recentiorum diaria habent memoratu dignum. Videmus hic adamantinam CELSIUM in pervolvendis Scriptoribus omnis generis diligentiam, eamque tantam, ut mirari conveniat, unius hominis ætatem tanto labori suffecisse.

Nec penitus filere debeo eruditum Schediasma, quod sub peregrinatione Italica conscripsit, *de Statu ecclesiastico Pontificis Romani*, ubi ceremonias Catholicorum, eorum dignitates ecclesiasticas & regiminis sacri formam non solum exponit, sed etiam hodie florentis Romæ statum, immo etiam monumenta veteris ejus splendoris accurate describit.

Ultimo tandem loco, sed tribus tantum verbis commemorare liceat, Beatum CELSIUM peculiari libro depinxisse, depictosque explicasse omnes, quos suis oculis viderat, Lapidés Runicos; tam Helsingicos quam vulgares: opus, quod antiquitatum patriarum cultoribus tantæ voluptati futurum esset, quam parum juvat nupera eorundem absque interpretatione edita congeries.

Hæc sunt illa monumenta, quæ CELSIUM mori verabunt: immo vivit ille in-  
sa-



super in non inficianda prosapia, quæ cum paterno nomine & sanguine Patrium etiam animum sibi inditum gerit. Scilicet anno superioris seculi ultimo connubiale fœdus noster pepigerat cum lectissima omnique virtute dotatissima Virgine, MARGARETA INSULANDRA, filia Commissarii ad Thesauros Regios, BERNHARDI INSULANDRI, cum qua suavi concordia duos & quadraginta annos vixit. Illa decies felix puerpera fuerat, sed sex liberorum suorum, non euntibus ordine fatis, efferrî vidit, ita ut bini tantum utriusque sexus jam superstites fiat. Horum duo filii præsentibus suas lacrimas cum nostris miscent, ambo Musarum ocelli, ambo variis in Republicam Litterariam meritis insignes. Quo eos sua duxerit indoles, declararunt ipsimet statim, quum uterque ad Bibliothecas Patriæ illustriores primâ stipendia facere voluerint, MAGNUS ad Holmensem, cui hodieque multa cum laude præest, & OLAVUS ad hanc nostram, quarum etiam utriusque luculentam historiam orbi erudito hi Fratres dederunt. Nunc ubi sanctioribus curis hic sese addixit, relicto munere Professoris Historiarum, quod ita ornavit, ut nemo magis, ad Templum ULRICÆ ELLENORÆ divinæ veritatis Præconem magna gravitate agit. Si laudes hi

Germani vellent, vel modice tantum ferrent, dicerem, quid a vigiliis Majoris natu sperandum habeat Respublica Litteraria, ubi ille *Historiam Sueciæ Litterariam* ad umbilicum perduxerit, ibique in unum corpus collegerit, quicquid inde ab HERODOTO & STRABONE de majoribus nostris tradidere Scriptores Græci, Latini & recentiores cujusvis nationis, a quo opere perficiendo ne difficultate & labore ullo se deterreri patiatur, publico Eum nomine obtestamur, & uri Minor natu similibus historiis, qualis GUSTAVI I. ab Ejus ingenio profecta, & ubique locorum cum voluptate lecta, Patriam ornare velit. Filix duæ honestissimis nuptiis elocatae fuere, CATHARINA MARGARETA Quæstori Academiæ, & Socii studiorum æmulo, Celeberrimo Magistro JOHANNI LANDBERGIO; MARGARETA vero primum Legionis Prætorix Pastori Primario, Admodum Reverendo Domino ISRAELI BJOERK, illoque defuncto, viro Spectabili, Domino CHRISTIANO HEIDMULLERO, apud Holmeneses Hastæ publicæ Directori.

Secuti sumus CELSIUM nostrum in mari procelloso sua littora legentem, donec tandem portum, quem jam cupide prospexerat, lætus ovansque intravit.

Qui

Qui ad ultimum usque vitæ terminum vegetus viridisque degerat, media hac æstare vires suas non tantum solito magis fatiscere animadvertit, sed etiam herniæ insultus, quos ante viginti annos primum sustinuerat, jam ingravescere: sed id ira tamen ut solita sua patientia vim morbi ferret, nosque, naturæ ipsius firmitati confidentes, nihil sequius ominari juberet, in primis quum lætus comisque vultum nil mutaret, suisque familiaribus continuam, pro more, sui copiam faceret. Dies vicesima tertia Junii erat, quum cum morbus lecto, sed tanquam ad recreationem invitans, non vi affligens, primum detinuit. Ille interea amicos advenientes totum diem affabilis accepit, adeo non ingemiscens querensve, ut solitis suis facetiis adstantes non raro exhilararet: postridie vero, qui Dies Sancto Johanni festus est, hora post meridiem tertia, appropinquantis mortis certiora indicia vidimus, sed vix antea vidimus, quam, quod timebamus, acciderat. Obdormiit, ut qui ad placidam quietem membra componit, mundumque pertæsam animam commisit, ubi spe præceptisque gaudiis jam diu fuerat.

Nos, Auditores, qui vitam summe Reverendi CELSII per octoginta quinque an-

nos, mensesque decem, continente ferme felicitare notabilem conspeximus, videremur Numen, quod nec in ipso mortis articulo se illi propitium dare destitit. Vixit enim Noster donec Svecani nominis Eum non pœniruit, sublatus antequam rescire posset tristitia illa monstra, quæ hisce iisdem diebus aluit Metropolis, & a quibus, quoniam vivere nos oportet, faciem oculosque saltem avertamus.

## P L A N X I.





## II.

ELIAE PALAIRET,  
CONTINUATIO  
AUCTORUM SACRORUM  
CLASSICORUM

ET QUIDEM

(MATTHÆI. \*)

Cap. XXI. v. 5. Ἐπιβεβηκὼς ἐπὶ οὐνοῦ.)  
*Aelian.* var. hist. l. 10. c. 22. Ἐπιβαὶς  
ἐπὶ τὸν αὐχένα. *Collum inscendens.* Et *Ap-  
prian.* *Alexandrin.* bel. Mithr. p. 328. Ἐπὶ  
τὸ τεῖχος ἐπιβησαν. *Conscenderunt murum.*

Vs. 8. Ἄλλοι ἐκοπὸν κλάδους.) Sic *Phi-  
lostrat.* Epist. Apoll. 31. p. 393. Τί ὄφελος  
ἀγρίων δένδρων - - τοὺς κλάδους κόπτεν, εἴην δέ  
τις ρίζας; *Quorsum prodest agrestium arbo-  
rum - - ramos amputare, & radices re-  
linquere.*

Vs. 10. Ἐσειθὴ πᾶσαι ἡ πόλις.) h. e. O.  
*mines cives.* Ita *Dionys.* *Halicarn.* l. 6. p.

G 8 5

378

\*) v. Classis hujus Tertiæ Fasc. I. p. 128. & Fasc.  
II. p. 189.



378. Πόλις - - ἐν παραχαῖς - - ἐγενετο. *Ci-  
ves - - in turbis - - fuerunt.* Similliter *Ci-  
vitas* pro *Civibus* apud *Pacuvium* fragm.  
vs. 51. *Nil sollicita studio, obstupida suspen-  
so animo civitas.*

*Vs.* 23. Ἐλθόντι αὐτῷ εἰς τὸ πρὸν.) *Xe-  
noph.* *Ephes.* 1. 1. p. 4. Ἐλθον δὲ εἰς ἱερὸν θύ-  
σοντες *Venerunt in templum sacrificaturi.*  
Et *Dionys. Halicarn.* 1. 2. p. 112. Ἐἰς ἱε-  
ρὸν ἦλθεν Ἐνυαλῖς. *Venit in templum Enyalii.*

*Vs.* 26. Ἐχουσι τὸν Ἰωάννην ὡς προφῆτην.)  
Hic ἔχεν est *Existimare, Censere, Pro ta-  
li habere.* Sic *Longus Pastoral.* 1. 4. p. 138.  
καὶ δ᾿ αὖται μὴδὲν ἐτι μνησικακοῦνται δούλον οὐκ ἄ-  
χρηστον ἔχεν. *Oratque, ne amplius injuriæ  
memor, se servum non inutilem habeat. h. e.  
censeat.* Sic *Haberi* pro *Censeri* apud *Ho-  
rat.* *Serm.* 1. 630. *Formosus haberi dum  
cupit.* Et *Quintilian.* *procem.* 1. *Sapientes  
atque eloquentes haberentur.*

*Vs.* 34. λαβεῖν τοὺς καρπούς.) Sic *Dio-  
dor. Sicul.* 1. 2. p. 166. Διπλοὺς καρπούς λαμ-  
βανουσι, *Duplices fructus capiunt.*

*Vs.* 41. Κακοὺς κακῶς ἀπολέσει αὐτούς.)  
*Varia hujus egregiæ formulæ exempla jam  
dedimus, quibus adde Dion. Cass.* 1. 53.  
p. 501. Οἱ δ' ἀποσφάζαντες αὐτὸν κακοὶ κακῶς  
ἀπώλοντο. *Ejus occisores mali male perie-  
runt.*

*Vs.*

Vs. 42. Ἐν ὀφθαλμοῖς ἡμῶν.) *Themist.*  
orat. 3. p. 51. Ἐν τοῖς αἰπνάντων οφθαλμοῖς  
συμπαραλαμβάνων φιλοσοφίαν. *Ante oculos*  
*omnium philosophiam amplectens.* Et *Dion.*  
*Cass.* l. 52. p. 478. Ἐν τοῖς σοῖς ὀφθαλμοῖς τὸ  
πλεῖστον ἄρχων. *Ante oculos tuos plerumque*  
*magistratum gerens.*

Vs. 45. Ἐγίνωσαν ὅτι περὶ αὐτῶν λέγει.)  
Primo αὐτῶν pro ἑαυτῶν ponitur. Similiter  
*Joann.* c. 13. v. 11. Ἦδει γὰρ τὸν παραδιδόντα  
αὐτον: pro ἑαυτον. Sic & *Libanius* epist.  
104. p. 55. Οὐ τελευτήσιον εἰ κακοὶ σπουδασί,  
νομίζοντες ἐν ταῖς ἐτέρων αἰσχύναις αὐτοὺς (pro ἑαυ-  
τοὺς) συσκιάζειν. *Contraria his improbi sectan-*  
*tur, aliorum probris umbram eis (pro sibi)*  
*parare se posse existimantes.* Similiter *Ei* pro  
*sibi* extat apud *Sueton.* *Ner. Claud.* p. 692.  
*Instituit ut e libertorum defunctorum bonis*  
*pro semisse dodrans ei cogeretur:* ubi cl. *Ou-*  
*dendorpium* vide sis. Confer & doctiss. *Reit-*  
*zium* de *Ambig.* p. 329. Phrasis λέγειν πε-  
ρὶ τίνος, extat apud *Philosrat.* *Icon.* l. 1. p.  
862. Καὶ τί χεὶρ λέγειν περὶ τῶν ἀριζήτως εἰρη-  
μένων ποθοῖς. *Sed quid opus est loqui de rebus,*  
*quæ a multis dilucide dictæ sunt.*

Cap. XXII. v. 2. Ὅσις ἐποίησε γάμους τῷ  
υἱῷ αὐτοῦ.) Grave se exhibent Versiones  
quædam, ut *Anglica*, quæ per γάμους  
*Matrimonium* intelligunt, cum *Festum nu-*  
*ptiale* denotet. Patet ex aliis. *Eratoſthe-*

nes catast. c. 5. "Οπε τούς γάμους οἱ θεοὶ ἐν τῇ  
καλουμένῃ Δια ἐποίησαν. *Cum nuptias ejus* (A-  
riadnes) *Dii in Dia, quæ vocatur, face-*  
*rent.* Et *Xenoph. Epbes.* l. 2. p. 29. "Ο δὲ  
Ἄψυρτος ἐποίησε τῆς θυγατρὸς τούς γάμους. *Apfyrtus autem faciebat filiae nuptias.* Similiter  
apud Latinos *Nuptiae pro Festo nuptiali pro-*  
*stat.* *Petron. Satyric.* c. 25. *Plaudentibus*  
*universis, & posulantibus, nuptias fece-*  
*runt.*

Vf. 4. Τὸ αἰρίδόν μου ἡτοίμασα.) *Achill.*  
*Tat.* l. 5. Κελεύει δὲ δεῖπνον ἐν ἀρέτῃ αὐτὸν ἐτοιμα-  
ζειν, *Fussit igitur splendidissimam canam*  
*parare.*

Vf. 5. Οἱ δὲ ἀμελήσαντες ἀπῆλθεν - - ὁ δὲ  
εἰς τὴν ἐμπόριαν αὐτοῦ.) *Vox Ἐμπόρια semel*  
*tantum extat in N. T. Libanius epist.* 177.  
p. 84. Πλέουσι δὲ κατ' ἐμπόριαν. *Navigant*  
*ad mercaturam faciendam.* *Xenoph. Epbes.*  
l. 2. p. 24. "Ο μὲν Ἄψυρτος εἰς ἐμπόριαν - - ἀ-  
πῆλθεν, *Apfyrtus ad mercaturam faciendam*  
*- - abiit.* Verbum autem Ἀμελεῖν habet  
*Abbianus in Antholog. Gr.* l. 1. c. 37. epigr.  
5. p. 47.

Ἀμελήστων

Ἡμῶν, ἐξαίφνης ἦξει ὁ περὶ φέρος.

*Non eurantibus*

*Nobis subito instabit mors.*

Vf.

Vs. 7. Ἐπέρησε.) - Verbum semel lectum in N. T. *Dionys. Halicarn.* l. 9. p. 594. Ἀρῶντας αὐτῶν ἐμπήρησας. *Arvis eorum incensis.* Et *Palæphat.* p. 50. Τὸν πύργον - ἐπέρησε. *Turrim - - incendit.* Item *Diodor. Sicul.* l. 3. p. 241. Τὴν πόλιν νυκτὸς ἐμπήρησαι. *Noctu urbem incendisse.*

Vs. 9. Καλέσατε εἰς τοὺς γάμους.) *Diodor. Sicul.* l. 4. p. 315. Καλέσαντος εἰς τοὺς γάμους τὸν π. Θηοσα καὶ τοὺς Κενταυροὺς. *Vocante ad nuptias Theseum & Centauros.*

Vs. 15. Ὅπως.) Pro πῶς, *Quomodo.* Ita *Homer. odyss.* l. v. 420. Ἐγὼ βουλευοῦν ὅπως ὅχ' ἄριστα γένοιτο. *Ego deliberabam, quomodo hoc optime fieret.* Item *Sophocl. Aj. fl.* v. 1065. Ὅπως κρυψῆς - - τὸν ἀνδρα. *Quomodo condies, - - virum, ubi Triclinus,* Ὅπως, ἀντ. τοῦ, πῶς.

Vs. 16. Ὅν μέλει σοὶ περὶ οὐδενός.) *Achill. Tat.* l. 5. p. 353. Ἀλλὰ μοὶ μέλει περὶ σοῦ. *Sed tu mihi curæ es.* Ut & *Aristoph. Lyfistr.* p. 868. Τμῷ δὲ πρὸς περὶ τοῦ πολέμου - - ἐμίληται, *Unde vero vobis bellum - - curæ est?*

Vs. 29. Πλανᾷθε.) Sc. τῇ διανοίᾳ, vel πῶς διανοίᾳς. Patet ex *Isocrate de Perunt.* p. 488. Μη πλανᾷται τῇ διανοίᾳ, μὴδ' ἀμφιγνοῖν τοὺς ταληθῆ λέγοντας. *Non errare animo, neque dubitare, utri vera dicant.* Idem *epist.* 6. p. 629. Ἀναγκάων ἴσιν ὑμᾶς ταῖς διανοί-

αις πλανᾶσθαι. *Necesse est vos animis errare.* Elliptice loquitur *Euripides* apud *Stobæum* florileg. tit. 86. p. 353.

- - - Ὅι κενῶν δοξασμάτων

Πληρεῖς πλανᾶσθαι - - -

- - - *Qui vanis cogitationibus*

*Pleni, erratis.* - - -

*Vs.* 33. Ἐξεπλησσοντα ἐπὶ τῇ διδασκῇ) *Palæphat.* de *Incredibil.* p. 63. Ἐκπλαγεῖς ἢ αὐτος ἐπὶ τῇ θείᾳ. *Attonitus ipse adspectu.*

*Vs.* 42. Τί υμῶν δοκεῖ περὶ τοῦ Χριστοῦ) *Hierax* apud *Stobæum* *Serm.* 51. p. 189. Φερε γὰρ ἰδῶμεν, τί τοῖς πολλοῖς δοκεῖ περὶ δικαιοσύνης. *Agedum, videamus, quid plerisque videtur de iustitia.*

*Cap.* XXIII. v. 3, Παντὶ οὖν ὅσα ἂν εἰπωσιν ὑμῶν τηρεῖν, τηρεῖτε ἢ ποιεῖτε. κατὰ δὲ ταῖς ἐργα αὐτῶν μὴ ποιεῖτε. λεγούσι γὰρ, ἢ οὐ ποιεῖσι.) *Verbum* *Εἰπεῖν* hic *Jubendi, Præcipiendi* sensu venit, uti *Marci* c. 5. v. 43. ubi perperam *Hebraïsmum* reperiunt *Vatablus* & alii. *Eratosthenes* c. 3. narrat, *Terra* offerente *Junoni* aurea mala, *Deam* θαυμάσαι ἢ εἰπεῖν καταφυνεῦσαι εἰς τῶν θεῶν κῆπον: *en admiratam fuisse, & jussisse in Deorum horto inferere.* Sic *Aristoph.* *Thesmoph.* p. 786.

- - - Εἶπε Σωσράτη

Ἐκκλησίαν ποιεῖν - - -

*Jus.*



*Iussit Sostrata  
Concionem habere.*

ubi recte Bourdin. Εἶπε.) ἀνηγόρευσε καὶ ἐν-  
νειπεν. Ceterum, optime cum Beatiss. So-  
spitatoris verbis conspirat dictum Diogenis  
Cynici in Oratores apud Diogen. Laërt. l.  
6. c. 2. ubi αἱ τοὺς ῥήτορας τὰ δίκαια μὲν ἱσχυ-  
δακέναι λέγειν, πρᾶττειν δὲ συδαμῶς. *Oratores  
quidem studere recta dicere, non autem ea  
jacere.*

Vs. 4. Δεσμευουσι γὰρ Φορπαβαρέα -- καὶ ἐπιπ-  
θέασιν ἐπὶ τοὺς ὤμους τῶν ἀνθρώπων. τῷ δὲ δακ-  
τυλῷ οὐ θέλουσι κινήσαι αὐτά.) Diodor. Sicul.  
l. 15. p. 7. τὴν εἰρημὴν ὥσπερ βαρὺ φορπὸν οὐχ  
υπέμενον. *Pacem, ut grave onus, non tuler-  
unt. Et Antiphanes apud Stob. Serm. 191.  
p. 650.*

Οὐκ ἐστὶν οὐδὲν βαρυτέρον τῶν φορπῶν  
Ὅντως, γυναικὸς πρόσκα καλὴν φερομένης.  
*Haud minus est gravius onus  
Revera, quam uxor dotem ferens ma-  
gnam.*

Secunda phrasis occurrit apud Polyæn. l. 6.  
p. 587. Locri in Italia fœdus cum Siculis  
facientes, alii capita ἐπὶ τοὺς ὤμους ἐπιθέτες,  
super humeros imponentes, jurarunt se fir-  
mam ipsis rempublicam conservaturos esse,  
quam diu capita in humeris ferrent. Deni-  
que

que Δακτυλῷ κινεῖν. Sc. ἄκρῳ. *digito* (Sc. *Summo*) *movere*. Hanc ellipſin perite ſuppleverunt *Monteſes* N. 1. *Interpretes*, *Beauſobre* & *Lenfant*. Plenius habet *Zeno* bius centur. 1. 61. p. 20. Ἀκρῷ ἀφ' οὗ δ' αὖ δακτυλῷ. *Summo attingere digito*. Eadem ellipſi gaudent *Latini*. *Porcius Licinius* apud *Aull. Gell.* 1. 19. c. 9. p. 850. *Si digito attigerò, incendam ſilvā ſimul omnem: pro digito ſummo*. Integre loquitur *Juſtinian*. *Inſtit.* 1. 4. de publ. iudic. §. ult. *Ut vobis poſſibile ſit ſummo digito & quaſi per indicē tetigiſſe*.

*Vſ.* 8. Ὁ καθηγητής.) Vox hæc tantum hic & v. 10. occurrit. Eam uſurpavit *Eufebius* inter opera *Philoſtrator.* p. 440. Τούτων αὐτὸν διδάσκαλον ἢ καθηγητὴν γεγονέναι. *Eorum ipſum magiſtrum & doctorem extitiſſe*.

*Vſ.* 11. Ἐσαι υἱῶν διακονός.) Ἐσαι προτείνεται, *Fiet*. Sic & *Aeſchyl.* *Prom. vinc.* v. 906.

- - - Καίπερ αὐθαδὲς φρενῶν

Ἐσαι ταπεινός.

- - - *Licet adhuc ſit mentis per-*  
*vicacis*

*Fiet humilis.*

ubi Schol. Ἐσαι) γίνεται.

*Vſ.*

Vs. 14. Καὶ προφάσει.) Primo καὶ pro καὶ ταῦτα, *Idque*, ponitur. Sic *Hom. Il. α. v. 29.* Πρὶν μὲν καὶ γῆρας ἐπισιν. *Idque antequam ipsam senectus adeat: ubi Moschopulus,* Οὐ περιττός ο καὶ, ἀλλ' ἀντί τοῦ καὶ ταῦτα, ἢ καὶ ταῦτα πρῶτον, πρὶν ἐπ' αὐτὴν τὸ γῆρας ελευσεται. Τοιαῦτον καὶ ἐν τῇ Ὀδυσσεΐα τὸ.

Ἡ δὲ ἀλιτροσύνη ἐστί, καὶ οὐκ ἀποφωλεα εἰδώς. ἀντι τοῦ, καὶ ταῦτα οὐκ ἀπαίδευτος ὢν. *Plenius Heliodor. l. 1. p. 33.* Ἐπιδείξω γὰρ σοι τήμερον ἀμὰ τῷ μοιχῷ τὴν Δημαινέτην ἐκ οἰκίας, καὶ ταῦτα ἀδοτρία. *Ostendam enim tibi hodie Demenctam cum adultero in domo, idque aliena.* Item *Aelian. var. hist. l. 2. c. 9.* Οἷα ἐψηφίσαντο Ἀθηναῖοι, καὶ ταῦτα ἐν δημοκρατία. *Qualia decreverunt Athenienses, idque in Democratia.* Deinde προφάσει ponitur pro Ἐπὶ προφάσει. Sic *Polyæn l. 1. p. 48.* Πληθύνουσα οὖσα τῇ προφάσει τῆς ἐρετῆς σπλά συνέξας. *Plurimis armis sub festi prætextu collectis.* *Plenius Longus Pastoral. l. 3. p. 71.* Ἐπὶ προφάσει θήρας ἐξωρμήσεν. *Sub venationis prætextu exierat.* Item *Appian. Alexandr. de bel. Civil. l. 3. p. 892.* Τὸ σῶμα τοῦ Καίσαρος ἐπὶ προφάσει τῆς ταφῆς εἰς τὴν ἀγορὰν ἐκφέρων. *Corpus Cæsaris sub prætextu sepulture in forum proferens.*

Vs. 15. Ὅτι περιάγετε τὴν θάλασσαν καὶ τὴν γῆραν. *Per Mare & Terram intelligitur Tob. Bibl. Brem. Nov. Cl. III. F. III. Hh tus*

*tus terrarum orbis.* Sic 1. *Maccab.* c. 8. v. 32. Πολεμῶμεν σε δια τῆς θαλάσσης ἢ δια τῆς ξηρᾶς. *Bello te persequemur mari terraque:* h. e. *per totum terrarum orbem.* Adde *Libanium* epist. 217. p. 103. Οἶδα ἢ αὐτός, ἢ μετ' ἐμοῦ τοῦτο οἶδε γῆτι ἢ θαλάττῃ. *Et ipse novi, & mecum hoc novit terra & mare* e. *totus terrarum orbis.* Id imitatur *L.* apud Latinos l. 1. v. 80.

*Nascere quai populos terraque nōt que  
lucesses.*

*Vs.* 23. Καὶ το ἀνηθόν.) Vox hæc femel tantum in N. T. legitur. *Suidas* centur. 1. 25. p. 336, Ἰδὼν τ σπιθαμὴν πν βίβη πρὸς ἀνηθόν) ἐπὶ τῶν γλίχρων ἢ μικροφυχων. *Cantans vitæ spithamam ad anethum.) de tenacibus & sordidis.*

*Vs.* 26. Τὸ ἐντὸς τοῦ ἐκτὸς.) Pro ἐκτὸς alii *Codd.* legunt ἐξω. Optima lectio est, quam confirmat *Demophilus* Similitud. p. 613. Τῆς ἀλαζονείας, καθάπερ τῶν κεχρυσωμένων σπλῶν, συχὸμοιαῖσι τὰ ἐντὸς τοῖς ἐκτὸς. *Factantiæ, perinde ut armorum deauratorum, interna externis haudquaquam respondent.*

*Vs.* 29. Ὅτι οἰκοδομεῖτε τοὺς ταφούς τῶν προφητῶν, ἢ κοσμεῖτε ταμνημεῖα τῶν δικαίων.) De sepulchra ornandi more plura protulerunt *Cll.* *Alberti & Elsnerus* ad h. l. quibus adde *Aristid.* 1. 1. orat. funebr. in *Alexandr.* p. 151. Ἀνθ' ὧν δικαίως τόντε ταφὸν κοσμεῖ.

μενι, ὡς ἀρχηγέτην ἢ οἰκιστὴν πρᾶπ. *Quare merito & sepulchrum ejus ornatis; & ipsum ut generis auctorem & urbis conditorem colitis.* Insuper formulam Οἰκοδομὴν παύφον usurpavit *Lucilius* in Anthol. G. l. 2. c. 40. epigr. 9. p. 238.

Μάρκος ο ποιητὴς οἰκοδόμησε παύφον.

*Marcus poëta ædificavit sepulchrum.*

ψ. 30. Ἐν τῷ αἵματι.) *Hic aīma e. Cædes, uti & Matth. 27. v. 24. nec non Hoseæ c. 4. v. 2. Adde Euripid. oreste v. 36.*

- - - Τὸ μητρός δ' αἷμα νιν τροχηλάται  
Μανιασιν - - -

- - - *Cædes enim matris eum ex-  
agitat.*

*Furoribus.* - - -

ubi *Paraphrast.* exponit: Ὁ φόβος γὰρ τῆς μη-  
τρός ἐλαυνει, καὶ παρασσει αὐτὸν ὑπὸ μανίων. Si-  
militer *Propert.* 2. 3. 14.

*Altera vix ipso sanguine mollis erit.*

ψ. 32. Καὶ ὑμεῖς πληρωσατε τὸ μέτρον.)  
Prave procul dubio *Cod.* quidam pro πλη-  
ρωσατε legit ἐπληρωσατε. Est Imperativus pro  
Futuro. Sic *Plato* in *Phæd.* p. 236. τῶν  
δέ λοιπῶν, ἑτέρα πλείω ἢ πλείονος ἀξία εἶπαι τοῦ  
Λυσίου, πρὶν τοῦ Κυψελιδῶν ἀναθῆμα σφυρηλάτος  
H h 2



ἐν Ὀλυμπίᾳ σταθῆναι: pro σταθῆναι. In aliis si plura & digniora Lysiae oratione dixeris, juxta Cypselidas in Olympia de solido metallo sta: pro stabis. Adde Euripid. Oreste v. 1699. ubi postquam Apollo Oresti sua fata describit, scil. quod absolvendus a judicio Areopagitico, & Hermionen esset ducturus, addit. Ἐλθὼν δ' ἀναρστὲ Σπαρτιαδὸς χθονὸς: Rediens autem impera in Spartana terra: pro ἀναρστῆς, imperabis.

Vs. 34. Καὶ διώξετε ἀπὸ πλεως εἰς πόλιν.) Incertus Auctor in Antholog. Gr. l. 2. c. 5. epigr. 11. p. 189.

τῶν δυνατῶν οὐδεὶς σε γαμήσει τοῦτο γὰρ αἰεὶ  
Οἰομένη, πηδᾷς εἰς πόλιν ἐκ πλεως.

Potentiorum te nemo ducet; hoc enim  
semper

Rata, saltas in civitatem ex civitate.

Vs. 36. Ἡξει πάντα πάντα.) Ἡξεν dicuntur, Quae proxime instant, & imminent. Sic. Dionys. Halicarn. l. 9. p. 563. Τοῖς αὐτοῖς οὐ παρὰ τοῦ δαίμονος ἦξει χόλος. Iisdem numinis imminet ira. Nec non Abbianus in Antholog. Gr. l. 1. c. 37. epigr. 7. p. 74.

- - - Ἀμελόντων

ἡμῶν, ἐξαίφνης ἦξει ὁ πρὸς φθόρος,

- - - Non curantibus

Nobis, subito instat purpurea mors.

Vs.

Us. 37. Πρὸς αὐτήν.) Alii *Codd.* legunt.  
 Πρὸς σεαυτήν. Recepta lectio optima est.  
 Sæpius Ἀυτὴ pro Σεαυτὴ occurrit. Sic *Luce*  
*c. i. v. 45.* Τοῖς λελαλημένοις αὐτῇ, Et *Ac-*  
*schyl.* Agamemn. v. 1149.

- - - Ἀμ --  
 Φι δ' αὐτὰς θροαίς  
 Νόμον ἀνομονγε - -  
 - - - Et de  
 Te proferis  
 Cantum infaustum.

ubi *Schol.* Ἀμφὶ δ' αὐτὰς.) Περὶ σεαυτῆς, Idem  
*Chæph. v. 108.*

ΗΛ. Τίνας δὲ τούτους τῶν φίλων προσεννεπῶ;  
 ΧΟ. Πρῶτον μὲν αὐτὴν, ὅσους Αἰγυθὸν  
 συγῆ.

EL. *Quinam vero sunt amici, quos*  
*nominem?*

CHO. *Primum quidem te, & quisquis*  
*Aegyptum odit.*

ubi iterum *Schol.* αὐτὴν) σεαυτὴν δηλονότι.

Cap. XXIV. v. 4. Βλέπετε μὴ τις ὑμᾶς  
 πλανήσῃ.) *Theano* Pythagorica in opusc.  
*Mytholog. p. 740.* Βλέπετε μὴ -- κολῶκευ-  
 ουσης ἔργον ποιήσης. *Vide igitur ne* -- *adu-*  
*lantis partes agas.* Item *Diogen. Laërt. l.*  
*6. p. 610.* Βλέπε μὴ ἐμπίσης. *Vide ne inci-*  
 H h 3 das.

das. Adde *Marcellum* in Corp. Poëtar. Latin. t. 2. p. 1600. v. 12. *Ne fallare vide.*

Vs. 7. Ἐόνται λιμαὶ καὶ λοιμοί, ἢ σεισμοὶ κατὰ πόλεις.) Sc. πινας. Plene *Sallustius Philosophus* in Opusc. Mythol. c. 18. p. 276. Οὐδὲ τὸ ἀθειας περὶ πινας παύει τῆς γῆς - - ἀξίον ταραττεῖν τοὺς ἐμφοροῦσας. *Neque impietas per aliquot loca - - tanti est, ut perturbare possit prudentes.*

Vs. 12. Δία το πλεθύνθηναι τὴν ανομίαν.) *Herodian*. l. 3. p. 147. Οὕτως ἐν αὐτῷ ἐπληθύνε το φιλόχρημάτων. *Sic in eo auxit (Sc. se) pecuniarum cupido.*

Vs. 16. Φευγέτωσαν ἐπὶ τὰ ὄρη.) *Polyæn*. l. 1. p. 55. Ἐπὶ τὰς ἑλκας εφευγον. *Ad naves confugerunt.* Et *Maximus Tyr.* diff. 35. p. 339. Ἐφευγεν ἐπὶ ψιλὸν λόφον. *Profugit ad colliculum.*

Vs. 20. χειμῶνες.) Sc. οντος. *Aelian*. hist. animal. l. 9. c. 7. Χειμῶνος τοῦτο ψυχροτάτον γίνεταί. *Hyeme bice (lapis) frigidissimus fit.* Plene *Aristoph.* Ban. p. 267.

- - - Πρῶτον αὐτὸν γενόμενον  
Χειμῶνος οντος ἐξέθεσαν ἐν αἰσρακῷ.

- - - *Recens ipsum natum*

*Hyems cum esset, exposuerunt in testa.*

Vs. 22. Ἐως τοῦ νῦν.) *Maximus Tyr.* diff. 37. p. 360. Ἐως δὲ νῦν αἰσφανωτος εἶναι ομο-

ομολογῶ ἢ ακήρυκτος. *Huc usque nec coror-  
pam consecutus sum, nec præconis vocem  
audivi.*

*Vs.* 30. τὸ σημεῖον τοῦ υἱοῦ ἀνθρώπου.) E-  
legans Pleonasmus, pro ὁ υἱὸς ἀνθρώπου. Sic  
Τυραννίδος σημεῖα, *Tyrannidis signa*, pro ipsa  
*Tyrannide* dixit *Aeschyl.* Agamemn. v.  
1364.

- - - ὧς

Τυραννίδος σημεῖα πράσσοντες πλεῖ.

*Velut si vellent tyrannidis signa inducere in  
urbem pro tyrannidem.*

*Vs.* 31. ἀπ' ἀκρῶν οὐρανῶν ἕως ἀκρῶν αὐ-  
τῶν.) *Themist.* Orat. i. p. 15. Συνέλκων ἐκ  
γῆς εἰς τὸ ἀκρον τοῦ οὐρανοῦ. *Pertingens a terra  
usque ad culmen cæli.*

*Vs.* 38. & 39. Ὡς περὶ γὰρ ἦσαν - - τρώ-  
γοντες - - ἢ οὐκ ἔγνωσαν.) *Emphasin quærit  
Theodor. Beza* in verbo τρώγειν, qui illud  
de *Brutis* proprie dici aurumat. De *Ho-  
minibus* quoque usurpatur apud *Veteres.*  
*Anaxandrides* apud *Diogen. Laert.* l. 3.  
p. 308. Ὡς τὰς μορίας ἔτρωγεν. *Quando oleas  
edebat.* Item *Palladas* in *Stobæi Florileg.*  
tit. 10. p. 75. Πάντες ἀπαξ τρώγουσιν. *Omnes  
semel edunt.* Nec non *Lucilius* in *Antho-  
log.* Gr. l. 2. epigr. 3. c. 31. p. 226. καὶ  
τρώγεις ὅσα πέντε λύκοι. *Et edis quantum quin-  
que lupi.* Notandum, quod jam adh.

locum observavimus, & varias Versiones fugit, præcedente voce *Similitudinis*, καὶ, pro οὕτω καὶ poni. Sic *Matth.* c. 6. v. 10. *Joann.* c. 6. v. 57. c. 10. v. 15. c. 15. v. 9. c. 17. v. 18. c. 20. v. 21. *Actor.* c. 7. v. 51. & 1 *Joann.* c. 2. v. 18. *Ezech.* c. 16. v. 44. Καθὼς ἡ μήτηρ, ἢ ἡ μήτηρ: pro οὕτω ἢ ἡ μήτηρ. Adde *Athenagoram* p. 54. Ὡς γὰρ ὁ κεραμεύς, καὶ (pro οὕτω καὶ) ὁ θεὸς δημιουργός. *Quemadmodum enim figulus, quoque* (pro sic quoque) *Deus artifex est.* Plene *Libanius* epist. 76. p. 40. Ὡς περὶ γὰρ οἱ γονεῖς τοὺς παῖδας φιλοῦσιν, οἱ ἐγέννησαν, οὕτω καὶ οἱ σώσαντες τοὺς σεσωσμένους, ὅ π' ἴσωσαν. *Quemadmodum enim parentes liberos amant, quod eos genuerint, sic quoque sospites amant medici, quod eos sanaverint.*

Vs. 42. Ποῖα ὥρα.) *Diogenes Laertius* l. 6. p. 600. Ποῖα ὥρα δι' αἰσῶν. *Quanam hora prandere oportet.*

Cap. XXV. v. 1. Αἵτινες λαβούσαι τὰς λαμπάδας αὐτῶν.) Solebant Veteres sponso & sponsæ lampadas præferre. Hinc *Xenophon Ephes.* l. 1. p. 10. Ἦγον τὴν κόρην εἰς τὸ θαλαμὸν μετὰ λαμπάδων τ' ὑμῖναον ἀδόντες. *Duxerunt puellam in thalamium cum lampadibus, hymenæum canentes.* Huc quoque respicit *Theages* res, qui cum *Charicliam* suam igne consumptam putaret, ita loquitur apud *Heliodor.* l. 2. p. 62. Πυρρὸς, οἱ μοι,

γε-



γέγονας ἀναλωμα, τοιαύτας ἐπὶ σοὶ λαμπά-  
δας ἀντὶ τῶν νυμφικῶν τοῦ δαίμονος ἄφαντος. *Igni;  
heu me miserum! consumpta es, cum tibi hu-  
jusmodi lampadas pro nuptialibus numen ac-  
cendisset. Adde Statium Theb. l. 8. v. 234.*

- - - *Illi Cytbereia laudant  
Connubia, & multa deductam lampade  
fratrum  
Harmonien.* - - -

*Vf. 6. Μέσης δὲ νυκτός κραυγὴ γέγονεν.)*  
*Polyæmus l. 4. p. 348. Μέσης δὲ νυκτὸς περιελ-  
θῶν ἐπὶ τῇ τοῖς πελεμίοις. Media vero nocte cir-  
cumiens prope hostes constitit. Item Dionys.  
Halicarn. l. 3. p. 206. Κραυγῆς δὲ γενομένης  
ἐπὶ τῷ πεδίῳ. Clamore suborto post hoc faci-  
mus. Id. l. 4. p. 240. Κραυγὴ ἐξ ἀπαντῶν ἐγένε-  
το. Clamor ab omnibus ortus est.*

*Vf. 9. Μηποτε οὐκ ἀρκέσῃ ἡμῖν ἡ υμῶν.)*  
*Ante vocem Μηποτε deficere verbum βλέ-  
πειν, vel ὀρεῖν, jam ostendimus. Possis &  
τὸ φυλάσσειν αὐτὴν supplere. Patet ex Aeschylō  
Prom. vinc. v. 390. τούτου φυλάσσειν μηποτ'  
ἀχθεσθῇ κέαρ. Hujus cave ne forte exacerbe-  
tur cor.*

*Vf. 16. Ὁ τὰ πέντε ταλάντα λαβὼν - -  
ὃς ἐπίησεν ἄλλα πέντε ταλάντα.) Polyæmus l.  
7. p. 547. Ἐικοσὶν ἀργυρίᾳ ταλάντα λαβὼν μετὰ  
σπουδῆς ἐπὶ τὸ δεῖπνον ἦλθεν. Acceptis viginti  
talentis argenti summo studio ad canam ve-*

nit. Verbum autem Ποιεῖν pro *Lucrari* in aliis quoque locis occurrit. *Lucæ* c. 19. v. 18. Ἡ μὲν σου ἐποίησε πεντε μνᾶς. *Mina tua lucrata est quinque minas.* Sic *Jerem.* c. 17. v. 11. Ποιῶν πλοῦτον. Et *Ezech.* c. 28. v. 4. Ἐποίησας σεαυτῷ δύναμιν. Adde *Aristotel.* apud *Stobæum* Serm. 213. p. 720. Χρηματὰ ποιεῖσθαι - τῶν φίλων ἕνεκα προσήκει. *Pecunie acquirendæ sunt - - - amicorum gratia.*

Vf. 24. Ὅτι σκληρὸς εἰ ἄνθρωπος.) Similiter *Achmetes* *Oneirocrit.* p. 121. Εἰ δὲ ἐσιν ὁ καρπὸς οἰώδης, εὐρησέι ἄνθρωπον σκληρὸν. *Si vero fructus acidus sit, inveniet hominem durum.*

Vf. 46. Ἐἰς κόλασιν αἰώνιον.) Semel tantum *Punitionis* sensu occurrit vox Κόλασις. *Dionys.* *Halicarn.* l. 10. p. 655. Ἐὰν ἄρα διαφύγητε τὴν παρὰ ἀνθρώπων κόλασιν. *Si forte hominum pœnas effugeritis.* Et *Xenophon.* *Ephes.* l. 4. p. 61. Ἐβουλεύετο κατὰ Ἀνθίας μείζονα κόλασιν. *Commentus est contra Anthiam majores pœnas.*

Cap. XXVI. v. 1. Ὅτε ἐτέλεσεν - - τοὺς λόγους.) ἐτέλεσεν, pro ἀπετέλεσεν. *Philostat.* *Heroic.* p. 725. Λοιπὸν δ' ἡμῖν ἴσως τὸν τοῦ Ἀχιλλεύου ἀποτελεῖσαι λόγον, εἰ μὴ ἀπείρηκας πρὸς τὸ μῆκος. *Fam reliquum forte nobis, ut sermonem de Achille pertexamus, nisi tamen orationis prolixitas te deterreat.*

Vf,

Vs. 3, τοῦ λεγομένου καίᾱφα.) Non est Hebraismus cum *Camerone* statuendus in τοῦ λεγομένου, pro τοῦ ὀνομαζομένου. *Aelian.* hist. animal. l. 9. c. 7. Ὁ γυν Φθεῖρ οὕτω λεγόμενος, παρατρώγει τῶν τοῦ διελφίνος θηραμάτων. *Pedunculus* igitur, qui sic vocatur, insumit delphinis capturam. Item *Longus* Pastoral. l. 1. p. 25. Πολλοὶ τῶν τῆς θαλάσσης βόες ποιοὶ λεγόμενοι. *Multa maris loca, quæ Bovis trajectory vocantur.* Et *Palepbat.* p. 19. Εἰς τὸ λεγόμενον ὄρος Σφίγγιον. *In montem, qui vocatur Sphinx.*

Vs. 4. κρατήσωσι δόλω.) Ita quoque loquitur *Aeschyl.* Prom. vinc. v. 213. Δόλω δὲ τοὺς ὑπερέξοντας κρατῖν. *Dolo compotes fieri eorum, qui rerum essent potituri.*

Vs. 5. Ἐλεγον, δέ. Μη ἐν τῇ ἑορτῇ, ἵνα μὴ θόρυβος γενηται.) Ἐν τῇ ἑορτῇ significat *In festi celebratione.* Similiter apud *Philostrat.* vita Apoll l. 2. p. 83. Ἐπιπθέντων σφισιν ἐν ἑορτῇ, καὶ κτείνουσι. *Insidiantur ipsis in festi celebratione, et occidunt.* Deinde in verbis Μη ἐν τῇ ἑορτῇ aliquid deficere merito observarunt docti Interpretes, qui varie ellipsin supplent. Supple ποιῶμεν, *faciamus.* Sic *Xenophon.* hist. Gr. l. 2. p. 332. Μη ὑμεῖς γε. ὦ Ἀθηναῖοι. Sc. ποιῆτε. *Ne vos, o Athenienses, sc. faciatis.* Apud *Chariton.* l. 2. p. 31. Leonas Domino suo, mortem præ amoris æstu oppetere cupido, ait: Μη συγε, ὦ

ὦ δέσποτα. sc. ποιῆς. *Ne tu, o here, sc. facias.* Item *Philippus* in *Antholog. Gr.* l. 4. c. 12. epigr. 41. p. 468.

Κραμβῆς ἄψωμαι, Κυλλήνιε, μὴ παρεδῖται.  
*Brassicam edam, Cyllenie? ne viator.*

Pro μὴ ποιῆς: *ne facias.* Denique ultima formula occurrit apud *Achil.* *Tat.* l. 2. p. 89. Θόρυβος ἐξαίφνης γίνεται *Tumultus repente oritur.* Et *Dionys. Halicarn.* l. 7. p. 437. Θόρυβος ἐν αὐτοῖς ἐγένετο πολὺς. *Usurpavit & Argentarius* in *Anthol. Gr.* l. 1. c. 55. epigr. 12. p. 108.

Καὶ πολὺς ἐξ ἐταρῶν γιγνόμενος θόρυβος.  
*Et magnus inter facios ortus tumultus.*

Vs. 6. Γενομένου ἐν Βηθανίᾳ,) *Philostat.* *Apollon. epist.* 34. p. 393. Ἐγενόμην ἐν Ἀργεῖ. *Veni Argos.* Item *Appian. Alexandrin.* de bel. syr. p. 169. Ἐν Σαρδεσὶ γενομένοι. *Cum ad Sardes venissent.* Et *Dion. Cass.* l. 40. p. 137. Ἐν σκιῷ τόπῳ γενομένος. *Cum in umbrosum locum venisset.*

Vs. 10. τί κόπους παρέχετε τῇ γυναικί; ἔργον γὰρ καλὸν εἰργασατο εἰς ἐμέ.) Pro τῇ *exmera* glossa alii *Codd.* legunt ταύτη. *Lectio optima est, quod exemplis jam confirmavimus.* Adde *Matth.* c. 24. v. 32. Τὴν παραβολὴν; pro ταύτην: ubi frustra *Hebrais-*  
mum

num somniavit *Theodor. Beza.* Adde *Euripid.* Phœnif. v. 426. Ὁ δαίμων μ' ἐκα-  
λεσεν πρὸς τὴν (pro ταύτην) τύχην. *Fatum*  
*me vocavit ad hanc fortunam.* Ultimam  
formulam levi differentia usui pavit *Dionys.*  
*Halicarn.* l. 9. p. 603. Ἐκλιπόντες τὴν ἐαυτῶν  
πατρίδα πρὸς τῆς ἐλευθερίας, καλὸν ἔργον ἐπραΐσα-  
ν. *Relinquentes vestram patriam desiderio*  
*libertatis, egregium opus perperastis.*

*Vs.* 18. Πρὸς τὸν δαίνα.) *Ibanius* epist.  
351. p. 177. Ὁ δαίνα - - κέκληκεν εἰς Παμονί-  
αν. *Ille quidam - - vocavit in Pannoniam.*  
Et *Dion. Cass.* l. 44. p. 256. Ἄν ο δαίνα ἢ  
ὁ δαίνα - - λαβὼν ἔχη. *Si ille quidam, vel il-*  
*le quidam - - acceperit.*

*Vs.* 23 Ἐν τῷ τρυβλίῳ.) *Aelian.* var.  
hist. l. 9. c. 37. Ἐν τρυβλίῳ ροφῆμα πιεῖ ἐλπί-  
δες κενταί. *In patellæ sorbitione spes sitæ*  
*sunt.* Et *Diogen. Laërt.* l. 6. c. 2. Ἐξέ-  
βαλε δὲ καὶ τὸ τρυβλίον. *Projecit & patellam.*  
Occurrit insuper hæc vox *Marci* c. 14.  
v. 20.

*Vs.* 28. Περὶ παλῶν.) Περὶ pro Ἵπρ,  
*Pro*, ut notavit *Schmidius.* Sic *Actor.* c.  
8. v. 15. Πρὸς ἡσαντο περὶ αὐτῶν. *Antonin.*  
*Liberal.* c. 7. p. 58. Μαχομένη περὶ τοῦ παι-  
δός. *Pugnans pro filio.* Et *Simonides* in *An-*  
*tholog. Gr.* l. 3. c. 5. epigr. 26. p. 292.



Οἶπτε - - περί πατρίδος ὠλέσαθ' ἤβην.

*Qui olim - - pro patria amisistis juventutem.*

*Vs. 44.* ἐκ τρίτου.) *Aelian. var. hist. l. 14. c. 46.* Εἴτα ἐκ τρίτου ἐπηύσαν αὐταί. *Ita tertia vice demum ipsi (hostem) invadebant. Et Euripid. orest. v. 1182.*

- - - Ἀὐτὸ τοῦτ' ἔχειν δοκῶ

Σωτηρίαν σοί, τῷδε τ' ἐκ τρίτου ἔμοι.

- - - *Hoc ipsum ferre existimo.*

*Salutem tibi, & huic & tertio mihi!*

*Vs. 47.* Ἰδὼς εἰς τῶν δώδεκα.) *Dionys. Halicarn. l. 8. p. 539.* Εἰς τῶν δημάρχων Γαβῖος Ῥαβυλήιος. *Unus tribunorum Gajus Rauhulejus.* *Et Polyæn. l. 8. p. 814.* Μενεκράτης εἰς τῶν ἡγεμόνων. *Menecrates unus e duobus.*

*Vs. 50.* Ἐφ' ᾧ παρει, ποτε - - ἐπέβαλον τὰς χειρας.) *Primo pro Ἐφ' ᾧ alii Codd. Ἐφ' ὃ legunt. Optima est recepta lectio. Libani epist. 57. p. 28.* Πιστεύω τον νεῖον πράξειν τουτο, ἔφ' ᾧ περ ἐπανήκται. *Confido juvenem facturum id, ob quod revertitur. Id. epist. 134. p. 69.* Ἐφ' ᾧ περ ἦκει. *Ob quod venit. Ut & epist. 351. p. 771.* Ἐφ' ᾧ δέ ἦκει, μάθην ἐθέλων. *Ob quod veniret, scire volens. Recte deinde Vulgatus τὸ παρει verrit Venisti. Sic Planudes in vita Aelopi p. 8. τί τιθορυβημένος πάρει; Ob quid turbatus venisti?*

Item

Item *Euripid. Phœnis. v. 617.* Οὐς (βα-  
μὲς) συ πορθησων παρει. *Quas (aras) vastatu-  
rus venisti. Nec non Sophocl. Aj. Flag. v.*  
*1335. Συλυσαν παρει: Ut solvas venis: ubi*  
*Schol. παρει) αντι τοῦ παρεγίνου. Similiter*  
*Adfuit pro Advenit, usurpavit Avienus fab.*  
*34. v. 34.*

*Confectus senio, postquam gravis ad-  
fuit ætas,*

*Heu! frustra alterius sæpe rogabit  
opem.*

Denique ultima phrasi utitur *Heliodor. l.*  
*1. p. 9. Ἐπιβαλεῖ τῇ κέρῃ τὴν χεῖρα. Injicit*  
*virgini manum. Et Apollonides in Antho-  
log. Gr. l. 1. c. 76. epigr. 2. p. 158 Ἐπι*  
*χεῖρα βαλὼν πολυισορε βιβλῶ. Injiciens manum*  
*multifscio libro.*

*Vs. 55. Ὡς ἐπὶ λῆσιν ἐξηλθετε -- συλλα-  
βειν με.) Pro Δία τὸ συλλαβεῖν με. Parer ex*  
*Palæphato p. 13. Πέμψατος δὲ Μίνως ἢ ἑτε-  
ρον οὐχλον πλειονα δια τὸ συλλαβεῖν αὐτὸν. Mit-*  
*tente Minoe aliam turbam majorem adcom-*  
*prehendendum eum. Prior formula extat*  
*apud Dionys. Halicarn. l. 3. p. 188. Ἐξηλθα*  
*μεν ἐπ' αὐτοὺς. Exiit vero contra eos.*

*Vs. 57. Ἀπιχαγον πρὸς Καϊαφάν.) Diogen.*  
*Laert. l. 6. c. 1. Ποντικοῖς νεανίσκοις -- περιε-  
χων, ἀπιχαγεν αὐτοὺς πρὸς τὸν Ἀνυτὸν. In*  
*Ponti-*

*Ponticos juvenes - - incidens, adduxit eos ad Anytum.*

*Vsf. 58, Ἰδεῖν τὸ τέλος.) Eadem phrasi utitur Theognis v. 594.*

- - - Μητ' ἀγαθοῖσι

Τερφθῆς ἐξαπνης, πρὶν τέλος ἄκρον ἰδεῖν.

- - - Neque bonis

Oblesteris repente, priusquam finem extremum videaris.

*Vsf. 61. Δια τριῶν ἡμερῶν.) Brevis locutio Hellenistarum, inquit magnus Grotius pro Διαγενομένων τριῶν ἡμερῶν. Minimè Græcis quoque optimis frequens est. Idem est ac, Ἐν τρισὶν ἡμέραις, *Intra tres dies*. Testis est elegantissimus *Ælianus* var. hist. l. 14. c. 7. Προσεγγέγραπτο δὲ τῷ νόμῳ, ἢ δια δέκα ἡμερῶν, παντὶ τοῖς ἐφόροις τοὺς ἐφηβους παρίστασθαι γυμνοὺς δημοσίᾳ. *Adscriptum vero erat legi, ut decimo die ephebi omnes ephoris publice senudos exhiberent.**

*Vsf. 62. Σοῦ καταμαρτυροῦσιν.) Pro Σου alii Codd. Σοί legunt. Vice versa Marci c. 15. v. 4. pro καταμαρτυροῦσιν alii Codd. legunt Κατηγοροῦσιν, quod puram putam glossam redoleret. Καταμαρτυρεῖν cum genit. personæ occurrit apud *Planud.* vita *Æsopi* p. 4. Ἄλλ' ἡμεῖς τοῦ Ἀἰσωποῦ καταμαρτυρησομεν ἄμφο. *Nos vero contra Æsopum testabimur ambo.**

Cap.

Cap. XXVII. v. 2. καὶ δὴσαντες αὐτὸν --  
παρέδωκαν αὐτὸν Ποιπῶ Πιλάτῳ.) Hic δῆσαι,  
*Vincire*, dicitur is, qui *vincire* jubet. Sic  
& apud *Polyan.* l. 7. p. 641. Τισαφέρνης  
πυρ μὲν στρατηγούς, δῆσας ἐπέμψεν ὡς βασιλέα.  
*Tisaphernes*, cum duces *vincire* jussisset, eos  
*misit ad regem*. Similiter *Lactant.* de mor-  
tib. Persecutor. c. 14. p. 112. de Diocle-  
tiano loquens, ait: *sedebat ipse, atque in-*  
*nocentes torrebat*: pro *torrere* jubebat. Dein-  
de Παρέδωκαν. sc. κολάσαι. Plene habet *Ae-*  
*lian.* var. hist. l. 13. c. 37. Τὸς ἐπιβουλεύον-  
τας παρέδωσαν αὐτῷ κολάσαι. *Insidiatores tra-*  
*diderunt ipsi puniendos.*

Vs. 9. ἔλαβον -- τὴν πμην.) *Xenoph.*  
*Ephes.* l. 2. 34. Καὶ λαβὼν τὴν ὑπὲρ αὐτῆς τι-  
μην, ἦκεν εἰς τὸν ἄγρον. *Et accepto pro ipsa*  
*pretio, venit in agrum.*

Vs. 10. Καθὰ συνέταξε.) *Aelian.* hist.  
animal. l. 12. c. 36. Καθὰ φησὶ Θεό-  
φραστος. *Quemadmodum dixit Theophrastus.*  
Et *Appian.* *Alexandr.* de bel. civil. l. 2. p.  
803. Καθὰ ἢ Πέρσας ἦν τις ἀγορά. *Quemad-*  
*modum & Persis forum quoddam erat.*

Vs. 11. Σὺ λέγεις.) Sic *Joan.* c. 18.  
v. 37. Σὺ λέγεις, ὅτι βασιλεὺς εἰμι ἐγώ. *Tu*  
*dicis* (sc. recte.) *quod rex sim ego.* Hic  
frustra Hebraismum adinvenit illustriss.

*Bibl. Brem. Nov. Cl. III. F. III. I i Græ-*

*Grotius.* Elegans est formula, quæ, præcedente ratiocinatione, vel interrogatione, subnecti solet, & quidem elliprice, pro Συ εὖ λέγεις. *Tu recte dicis.* Sic apud *Aristoph.* equit. act. 1. Sc. 2. p. 316.

ΧΟ. Ἐχε νυν, ἄλκιφον τὸν τραχηλὸν τούτῳ  
 Ἴν' ἐξολιοθᾷναιεν δυνητὶς διαβολᾶς.

ΑΔΔ. Εὖ λέγεις. - - -

CHO. *Sine collum prius inungas  
 hocce,*

*Ut eludere possis viri calumnias.*

AG. *Recte dicis.* - - -

*Vs.* 12. Οὐδὲν ἀπεκρίνατο.) *Longus*  
*Pastoral.* 1. 2. p. 34. Ὁ δὲ ἀπεκρίνατο οὐδὲν.  
*Ille vero respondit nihil. Et Diogen. Laert.*  
 1. 2. c. 7. Τῷ μὲν κηρυκε οὐδὲν ἀπεκρίναμην.  
*Præconi quidem nihil respondi.*

*Vs.* 14. Καὶ οὐκ ἀπεκρίθη αὐτῷ πρὸς οὐδέ ἓν  
 ῥῆμα. ὥς τε θαυμάζειν τὸν ἡγεμόνα λίαν.) *Primo*  
*καὶ hic pro Ἀλλὰ sed ponitur, uti & c. 13.*  
*v. 22. καὶ ἡ μέριμνα. sed sollicitudo: ubi*  
*Hebraïsmum cudunt Beza, & Lucas Brugen-  
 sis. Vide quæ dedimus supra ad c. 9. v.*  
*13. Adde Aelian. hist. animal. 1. 2. c. 24.*  
*Ἴος μὲν τῶν ἐρπετῶν δεινὸς ἐστὶ, ἢ ὅγε τῆς ἀσπίδος*  
*ἐστὶ μᾶλλον. Venenum quidem serpentium pe-*  
*stiferum est, sed aspidis adhuc magis. Alte-*  
*ræ insuper formulæ apud alios reperiuntur.*

*Dion.*



*Dion. Cass.* l. 51. p. 452. Ὁ μὲν πρὸς ταυ-  
τα οὐδὲν ἀπεκρίνατο. *Ille autem ad hæc nihil  
respondit.* Item *Diogen. Laert.* l. 2. c. 12.  
Κράτητος - - πρὸς μὲν τὸ ἐρωτηθεὶν οὐκ ἀπεκρίναμέ-  
νου, *Cratete - ad rogatum non respondente.*  
Adde *Aristoph. Avib.* p. 595. Ὡσε θαυμά-  
ζειν ἔμε. *Haut mirarer ego.* Nec non *Eu-  
ripid.* Hec. v. 729.

Συ δὲ χολάζεις, ὥσε θαυμάζειν ἔμε.

*Vs.* 18. Δία φθόνον.) *Diodor. Sicul.* l.  
5. p. 376. Ὑπο τῶν ἀδελφῶν δια φθόνον ἀνῆρέθη.  
*A fratribus præ invidia sublatus est.* Et *A-  
naximenes apud Stobæum Serm.* 139<sup>o</sup> p. 405.  
Τὰ καλῶς - - πραχθέντα δια φθόνον οὐκ ἐπαινοῦσι.  
*Bene - - facta præ invidia non laudant.*

*Vs.* 36. καὶ καθημενοί, ἔτηρυν αὐτόν.)  
Puncto sublato post καθημενοί, acciperem  
illud καθημενοί pro Adverbio, cujus vices  
sæpe Participia agunt ante aliud verbum,  
idque pro sedulo, studiose, ut sensus sit.  
*Milites non sedisse ad Christum custodiendum,  
sed, eos sedulo, studiose, summa cura Chri-  
stum custodivisse.* Eodem modo Particip.  
hoc occurrit apud *Libanium* epist. 353. p.  
172. καὶ δέδοικα δὴ μὴ τὴν Αἰγυπτὸν οὗτος ἀφεί-  
ς - - σοί γε καθημενός διαλέγεται. *Vereor equi-  
dem, ne ille, relicta Aegypto, tecum sedulo  
sermones conferat.* Nec non *Dion. Cass.* p.

931. Νῦν δὲ ἐν Περغامῷ καθήμενος - - διαστρατη-  
γει πελεμον. *Nunc Pergami sedulo - - bellum  
gerit imperatoria arte.*

*Vs. 40.* Ἐν τρισὶν ἡμέραις.) *h. e. Intra  
tres dies.* Sic *Isocrat.* de permut. p. 499.  
Ἐν τρισὶν ἡμέραις - - διακόσια ἢ χιλία στάδια διελ-  
θεῖν. *Intra tres dies - - ducenta & mille  
stadia confecisse.* Item *Hippocrat.* apho-  
rism. 7. 10. Ὀκτόσις κελεῖται ὁ ἐγκέφαλος,  
ἐν τρισὶν ἡμέρησιν ἀποθνήσκει. *Quibus cerebrum  
sideratum est, intra tres dies pereunt.*

*Vs. 50.* Ἀφῆκε πνεῦμα.) Eodem mo-  
do ferme loquuntur Veteres. *Aelian.* hist.  
animal. 1. 2. c. 1. Πέσων ἀφίησε τὴν ψυχὴν.  
*Prolapsus emittit animam.* Item *Theætetus*  
in *Antholog.* Gr. 1. 3. c. 22. epigr. 28.  
Ἐν Ἀιγαίῳ θυμὸν ἀφείς πελάγει. *In Aegæo  
animam emittens mari.* Præterea vocem  
Πνεῦμα, pro *Vita*, usurpari, ex aliis patet.  
*Germanicus* ibid. 1. 1. c. 33. epigr. 7. p.  
63. Πνεύματος ἀρραίνισεν. *Vita privavit.* Nec  
non *Crinagoras* ibid. c. 36. epigr. 1. p. 73.  
Πνεῦμα ἀπελυσάτο. *Vita dissoluta est.* Ut  
& *Eutolmius* ibid. 1. 3. c. 12. epigr. 35. p.  
335. Πνεῦμα συνεξέχεεν. *Vitam effudit.*

*Vs. 51.* Καὶ ἡ γῆ ἐσειόθη.) Notat *Polyæ-  
nus* 1. 8. p. 794. Elicen submersam fuisse,  
τῆς μὲν γῆς σεισεως, τοῦ δὲ πελάγους ἐπικλύσαν-  
τος. *Terra concussa, & mari exundante.*

*Vs.*

Vs. 54. Ἀληθῶς Θεὸς υἱὸς ἦν οὗτος.) Eodem modo loquitur *Diogen. Laert.* 1. 2. c. 12. Ἦν δ' ἀληθῶς οὗτος μὲν (Θεόδωρος) θρασυτατός. *Erat autem vere hicce (Theodorus) audacissimus.*

Vs. 57. Τοῦνομα Ἰωσήφ.) Pro κατὰ τοῦνομα; notante *Schmidio.* Sic *Xenoph. Ephes.* 1. 1. p. 1. Ἦν ἐν Ἐφέσῳ ἀνὴρ - - Λυκομήδης ὄνομα: pro κατ' ὄνομα. *Erat in Epheso vir - - Lycomedes nomine.* Plene *Dionys. Halicarn.* 1. 2. p. 120. ubi narrat Senatores post Romuli fata elegisse regem, υἱὸν Πομπιλίῃς Πομπωνος - - κατ' ὄνομα Νομᾶν. *Filium Pompilii Pomponis - - nomine Numam.*

Vs. 60. τῇ θύρᾳ τοῦ μνημεῖου.) *Fores* quoque sepulchro tribuit *Xenoph. Ephes.* 1. 3. p. 49. Ἀναρρηξάντες τοῦ τάφου τὰς θύρας - - τὸν κόσμον ἀνῆρσαντο. *Effractis sepulchri foribus - - ornamentum abstulerunt.* Nec non *Ovid. trist.* 1. 3. eleg. 2. v. 24.

*Hei mihi! quod toties nostri pulsata sepulchri*

*Janua, sed nullo tempore aperta fuit.*

Cap. XXVIII. v. 3. Ἦν δὲ ἡ ἰδίᾳ αὐτοῦ ὡς ῥαπτή.) *Fulgur* quoque oculis tribuitur apud *Diodor. sicul.* 1. 3. 204. ubi serpentes

dicuntur excæcare Elephantos τῶν ὀφθαλμῶν ἀσραπῇ: *Oculorum fulgore.*

Vs. 7. Ἴδον, εἶπον ὑμῖν.) εἶπον, pro προ-  
εἶπον, *Prædixi.* Sic *Appian. Alexandr. de bel. civil.* l. 1. p. 652. narrat, cum septem pulli  
aquilini in gremium Marii incidissent, τοὺς  
μαντεῖς εἰπεῖν, ὅτι ἐπτακίς ἐπὶ τῆς μεγίστης ἀρχῆς  
ἔσοιτο. *Vates prædixisse, quod septies in  
summo imperio futurus esset.* Similiter *Di-  
cere* pro *Prædicere* dixit *Lactant. de mor-  
tib. Persecutor.* c. 2. p. 44. *Sibylla dicen-  
te, matricidam profugum a finibus esse ven-  
turum.*

Vs. 8. Μετὰ φόβου καὶ χαρᾶς.) Sic *Achill. Tatius* l. 2. p. 117. Τρεμῶν τρόμον διπλὴν χα-  
ρᾶς ἅμα καὶ φόβου. *Pavore duplici tremens,  
cum gaudio simul & timore.* Adde *Calpuri-  
nium siculum Ecl.* 1. v. 89. *Mixtus subit  
inter gaudia terror.*

Vs. 12. Καὶ συναχθέντες - - ἀργύρια ἱκανὰ  
ἔδωκαν.) Συναχθέντες. (c. εἰς τὸ βουλευτήριον.  
*Plene habet Dionys. Halicarn.* l. 10. p. 628.  
Ἐπειτὰ συναχθέντες εἰς τὸ βουλευτήριον οἱ συνεδροί --  
ὑπὲρ ἀσφαλείας - - ἐσκόπουν. *Deinde coacti in  
senatum Senatores - - de securitate - - con-  
suluerunt.* Ultimam formulam habet *Achill. Tatius.* l. 8. p. 531. Ἐπεδίδα δὲ καὶ χρημα-  
τὰ ἱκανὰ τῇ πόλει. *Dedit quoque pecunias mil-  
tās civitati.*


Vs.

*Vf. 14. Ἐπὶ τοῦ ἡγεμόνος.) Ἐπὶ, Co-*  
*ram, in conspectu, & in oculis, uti recte*  
*ostendit doctiff. Abresch Annotat. p. 550.*  
*Sic 1. Cor. c. I. v. 6. Καὶ τοῦτο ἐπὶ ἀπίστων.*  
*Idque coram infidelibus. Similiter Aelian.*  
*var. hist. l. 8. c. 2. Ἐπὶ Ἀρεὺς βουλῆς λέγων.*  
*Coram Areopagitico senatu verba faciens.*  
*Adde Thucyd. l. 8. p. 526. Ἄλλως (ξυνθη-*  
*κας) ἐπὶ Θηραμένους -- ἐπίεν. Alia (fœdera)*  
*coram Theramene -} - fecerunt. ubi Schol,*  
*ἐπὶ) ἐνώπιον.*

# TANTUM!







## III.

JOHANNIS MEDHURST,

V. D. M.

ET SOCIETATIS TEUTONICÆ BREM. MEMBRI,  
CONTINUATIO OBSERVATIONUM  
IN

HISTORIAM PASSIONIS  
BENEDICTI SERVATORIS NOSTRI

J. C.

ut

a JOHANN E  
EST TRADITA \*)

## §. I.

Cum priori in dissertatione historiam passionum Christi a JOHANN E traditam lumine aliquo illustrare conati simus, & solum sermonis abrumpendum esset, ne supra modum excresceret dissertatio, nunc reliqua ad eundem scopum: observata subjungere constituimus: Quæ §. 10. sq. p. 18.

\*) v. Cl. I. F. I. d. I.

18. sq. de loco difficiliore Joh. XVIII. 24. notavimus, quod verba Evangelistæ significant Petrum esse testem idoneum deductionis Christi ab Hanna ad Caiapham, illa adhuc majorem accipient veritatis speciem, si reliquos Evangelistas cum *Johanne* conferamus. Illi scilicet de lapſu Petri hunc in modum egerunt, ut sole meridiano clarius appareat, eos imprimis Apostoli illius ad hunc scopum mentionem fecisse ut docerent Petrum attestantem, quod Christus ad Pontificem sit deductus, quod falsi & mercenarii testes contra eum adhibiti sint, fide dignissimum esse. *LUCAS* observavit Christum introductum esse in domum Pontificis, Petrum autem e loquinquo esse secutum. Vidit itaque Christum dictam in domum introiisse; vidit, & audivit etiam, quæ ibi agerentur, namque confedit in conspectu Christi inter servos ad ignem, ita ut Christus ad eum respexerit, cum ipsum abnegaret *Lucæ* XXII. 54-61. Locuples • ur testis est eorum, quæ Christo illo tempore evenerunt. *MATTHÆUS*, & *MARCUS* ita rem narant, ut primo loco ostendant illos, qui Christum prehenderant, Eum abduxisse ad Caiapham Pontificem maximum, & statim subjungant Petrum e loquinquo secutum esse usque in domum Pontificis, eumque hanc ingres-

sum confedisse cum servis, quo finem videret. MATTH. XXVI. 57. 58. MARC. XIV. 53. 54. Statim autem abruptum narrationem de Petro, & ad illa revertuntur quæ de Christo erant memoranda. Nonne Evangelistæ hunc servantes rerum proponendarum ordinem, eo ipso monere voluerunt Petrum respiciendum esse tanquam testem oculatum eorum, quæ hic loci de Christo memoriæ prodiderunt. Dudum observavi Evangelistas non more, nec stylo eorum, qui historiam aliquam scribunt, res gestas enarrare, sed ex iis talia potius excerpere & litteris consecrare, ex quibus probe notatis hæc, vel illa colligere atque ita ad cognoscendam veritatem perducere possimus. Si hoc notemus ordinem præstantissimum poterimus videre iis in locis, quæ alias confusam relationem continere videntur. Verbi gratia, MATTHÆUS & MARCUS primo loco commemorant Christum ad Cajapham deductum esse, dein significant Petrum secutum esse Christum e longinquo, & ædes illum Pontificis M. intrasse, tandem autem subjungunt Cajapham ad sese Pontifices, Scribas, aliosque convocasse. Qui hæc legit & ordinem rerum perscrutatur, huncce non adinveniet, nisi ipsi cognita sit causa, quæ Evangelistas permovit ut hunc in modum scriberent. Ponamus

autem illos non modo lectorem suum voluisse certiorum facere Christo ad Cajapham eundem fuisse, sed & Petrum illud vidisse, ejusque satis firmum esse testimonium, & hostes Christi sanguinem illius adeo firivisse, ut nocte intempesta congregarentur, hoc pacto videbimus omnia loco suo esse posita; cum ille, qui hæc ponderavit, facilius adduci possit, ut credat quæ dicti Evangelistæ porro de falsis testibus adjunxerunt. Et hisce observatis confirmari possunt quæ priori dissertatione §. 13. p. 29. de stylo Evangelistarum affirmavimus. Ut autem e diverticulo in viam redeamus, omnia illa, quæ a nobis hætenus notata sunt, docent Evangelistas imprimis hanc ob causam Petri mentionem injecisse, ut illum testem veritatis constituerent: quare mirandum non est, idem illud & JOHANNEM fecisse.

§. 2.

Ante omnia vero attentionem nostram merentur, quæ Johannes de Pilato memoriæ prodidit. Supremum hunc in causa Christi judicem innocentiae ipsius testem certum, & egregium fuisse quivis facile perspicere poterit, modo debita adhibita attentione.

rentione consideret, quæ de eo *relata* leguntur. Sed merito quæritur quænam causa fuerit, ut illa, quæ Pilatus ratione Christi peregit, adeo inter se pugnent, ut mirum videatur unum, eundemque iudicem tam contraria facere potuisse. Narratur enim illum non modo omni ratione contendisse, ut Christum a morte eriperet, sed eum quoque postea Judæis nimium concessisse. Utrorumque igitur causas indagaturi, & ostensuri sumus.

## §. 3.

Quod ad prius illud attinet, JOHANNES imprimis illa congeffit, & proposuit, quæ Pilatum adducere poterant, ut ipse causam Christi, licet Iudex esset, apud Judæos tamen ageret, & ejus liberationem omni studio & opera quæreret. Hæ autem circumstantiæ imprimis hanc rem illustrare aptæ natæ sunt. Comparebant ante Prætorium viri inter Judæos principes, muneris dignitate conspicui, a Synedrio magno, cujus membra erant, missi, & virum accusantes, qui, si externum respicere habitum velles, e plebe videbatur esse. Venerant illi tempore insolito, primo mane, & illa ipsa die, quæ festi Paschatis, quod Judæis inter Sanctissima fuit, præparatoria existebat. Joh. XVIII. 28. Ingentem omnes  
ani-



animorum ardorem, & odium capitale in illum præ se ferebant, & simul plura summae iniustitiæ dabant documenta. Eo statim impudentiæ, iniquitatis, ac malitiæ progrediebantur, ut a Pilato talem sententiæ executionem exigerent, quæ ipsius auctoritati, & Romanorum legibus erat contraria, postulantes ut Iudex reum inauditum morte mulctaret. Cum Pilatus non sine indignatione se hoc facturum esse negasset, Jesum rebellionis accusabant, hoc usi argumento, quod Regis titulum & auctoritatem sibi arrogaverit. com. 29-33. Observandum quæstionem illam Pilati Christo propositam, *An tu es rex ille Judæorum?* com. 33. supponere Judæos illum accusasse, quod regnum occupare voluerit. Iudex, quo veritatem rei cognosceret & exquireret ex Christo quisnam ipse esset, Eum ad sese in prætorium vocavit, ibique Eum eo colloquium sine Interprete fecit. Christus autem ad quæstiones a Pilato sibi propositas tam nervose, & magnifice respondit, ut animus Judicis insigniter commoveretur & in opinionem adduceretur, Jesum esse magnum illum Regem, quem Judæi expectarent. Jesus, imprimis postquam loris esset cæsus & milites Eum ludibrio habuissent, ita sese tam tacendo, quam respondendo gessit, ut magnum & excelsum animum

osten-

ostendēret. Cum enim ad quæstionem, *unde es tu?* nullum responsum daret, mentem Pilati valde perturbavit, & metum, ipsi accusatione Judæorum, quod semet ipsum Filium Dei fecerit, allatum, vehementer auxit. Verba vero, quæ Pilato porro quærenti regerebat, summam redolebant sapientiam, & maximum acumen habebant, qualia fortem & constantem animum prode solent com. 33. sq. usque ad comma 12. cap. 19. *Fortis enim & constantis est non perturbari in rebus asperis, nec tumultuantem de gradu dejici, ut dicitur, sed presentis animi uti consilio, nec a ratione discedere* CICERO *de Offic. l. 1.* Hæc sane fortitudo in Jesu maxime conspicua & ex omnibus Ejus responsis elucens, quam nec ignominia indignissima, nec intensissimi dolores vincere & comminuere valuerunt, Pilatum etiam in admirationem traducere & eum concitare poterat, ut id omni nisu ageret, quo Christum e manibus & faucibus Judæorum eriperet. Veteres olim tanquam sapientem suspiciebant & venerabantur, in quo gravitatem, patientiam, & rerum humanarum despicientiam, aliasque virtutes, quibus vir bonus ornatus est, cognoscebant, & imprimis eum pro viro perfecte Sapiente habebant, & admirabantur, cujus animus fortuna adversa neque frangi neque

que perturbari potest. Vel ipse EPICURUS, quod mireris, ejusmodi firmam, & inconcussam virtutem a Sapiente exigebat, licet reliqui Philosophi hanc sententiam, ut absurdam in ipsius ore, & ab opinionibus ejus de summo bono abhorrentem viderent & traducerent. CICERO *Tusc. Quæst.* l. 2 Rectius autem Academici, & Stoici illam commendabant virtutem tanquam sapientis propriam, putantes eo perfectiorem eum esse Sapientia, quo perfectior virtus ipsius esset reddita. Haud abs re erit hoc probare verbis CICERONIS & SENECAE, licet instituti nostri ratio non permittat hoc loco examinare, quid de celebrata eorum virtute sit cogitandum, cum sufficiat nobis ostendisse quanti fecerint virum, quem illa præditum esse existimaverint. Audiamus autem primo laudatum illum Oratorem & Philosophum, qui in libro citato *Quæst. Tusc.* auditorem suum ita instruit: *In quo viro erit perfecta Sapientia (quem adhuc nos quidem videmus neminem. Sed philosophorum sententiis, qualis futurus sit, si modo aliquando fuerit, exponitur) Is igitur sive ea ratio, quæ erit in eo perfecta, atque absoluta, sic illi parti, (qua scil. dolores &c. sentimus) imperabit inferiori, ut justus parens probis filiis, nutu, quod volet, conficiet, nullo labore, nulla molestia. Eriget ipse*

ipse se, suscitabit, instruet, armabit, ut tanquam hosti sic obsistat dolori. Quæ sunt ista arma? Contentio, sermoque intimus, cum ipse secum; cave turpe quidquam, languidum, non virile: Obversentur species honestæ animo. Zeno proponatur Eleates, qui perpeffus est omnia potius, quam conscios delendæ tyrannidis indicaret: de Anaxarcho Democrito cogitetur, qui cum in manus Cyprii Nicocreontis regis incidisset, nullum genus supplicii deprecatus est, neque recusavit. Hac in parte SENECA, qui ZENONEM sequebatur, cum CICERONE recentioris Academicæ sectatore conspirat, cum ad LUCILIUM suum hisce verbis usus est. *Epist. 71.* Memini ex duabus partibus illum (Sapientem) esse compositum. Altera est irrationalis (moderni Philosophi dicerent, sensitiva) hæc mordetur, uritur, dolet: altera rationalis, hæc inconcussas opiniones habet intrepida est, & indomita. In hac positum est summum illud hominis bonum, quod antequam impleatur, incerta mentis volutatio est, cum vero perfectum est, immota illa stabilitas est. Itaque inchoatus ad summa procedens, cultorq; virtutis etiamsi appropinquat perfecto bono, sed ei nondum summam manum imposuit, ibi interim cessabit, & remittet aliquid ex intentione mentis, nondum enim incerta transgressus est, etiam  
nunc

nunc versatur in lubrico. Beatus vero, & virtutis exactæ, tunc se maxime amat, cum fortissime expertus est: & metuenda ceteris, si alicujus honesti officii pretia sunt, non tantum fert, sed amplexatur, multoque audire mavult tanto melior, quam felicior. Veteres igitur Philosophi perspiciebant homines ad perfectionem in Sapientia atque virtute ascendere non posse, quemadmodum & ipse SENECA Epist. 75. scripsit se hoc sibi optare magis, quam promittere. Interim videmus hic quanti aestimarint sapientem, & quanti in ipsis animorum motus sint concitati, quando egregia in illo virtutis specimina oculis suis haurirent, & ipse summam perfecto bono manum imposuisse videretur. Mirum itaque non est Pilatum admiratione obstupefactum esse, cum Christi consummatam Sapientiam ejusque virtutem, quam pro exacta reputare poterat, videret, cum nullum genus supplicii deprecaretur, neque recusaret, sed ipsi intrepido vultu, & ut talem decet, qui ad omnia summa natus est, responderet. Pilatus Christo dixit: An tu es rex Judæorum? Ille respondit: A temet ipso hoc dicis, an alii tibi dixerunt de me? Hæc sane verba aculeos in animo Judicis relinquere poterant, cum ipsi in memoriam revocarent, quæ de Jesu, deque miraculis Ejus, quorum fama universo in po-

Bibl. Brem. Nov. Cl. III. F. III. Kk pu-



pulo pervulgata erat, audivisset. Illum autem famam miraculorum Christi auribus accepisse ex ipsis ejus verbis colligi posse videtur, cum Jesum duabus vicibus descripsit tanquam talem, qui *Christus dictus sit* Matth. XXVII. 17. & 22: Jesum enim ita dictum esse non ex Judæorum accusatione, sed potius ex communi rumore rescire poterat. *Ad quæstionem Christi respondit Pilatus: Nunquid ego Judæus sum? Gens tua, & Pontifices tradiderunt te mihi: quid fecisti? Quam sapienter, quam magnifice Christus respondit ad hæc verba, dum dixit? Regnum meum non est de hoc mundo. Si esset ex hoc mundo regnum meum, ministri mei utique decertarent ut non traderer Judæis. Nunc autem regnum meum non est de hinc.* Hic videbat Pilatus egregia signa & documenta magni & excelsi animi, cujus est, ut LACTANTIUS recte judicat, *despicere, & calcare mortalia.* LACT. D. 7. l. 1. c. 9. Hic perspiciebat veritatem dicti, quo CICERO in *Oratione Philippica IV.* usus est: *Quamquam alia omnia incerta sint, caduca, mobilia: Virtus est una altissimis defixa radicibus, quæ nunquam ulla vi labefactari potest, nunquam dimoveri loco.* Conscientia enim bene actæ vitæ, multorumque benefactorum recordatio, in qua potius honestatis fructus, quam in fama reponendus est, si

PLINIUM audias (in *Ep. VIII. lib. I.*) efficiebat ut Christus Pilato tam considerate, & graviter responderet, licet Judæi actionem perduellionis ipsi intenderent, Hoc ipso autem confirmabatur fama miraculorum Christi, quæ sine dubio quoque, ut ex verbis ejus manifestum est, ad aures Judicis pervenerat, & simul opinio, quam de perfecta Ejus ceperat virtute, valde poterat augeri. *Tantus est enim splendor in laude vera, tanta in magnitudine animi & consilii dignitas, ut hæc a virtute donata, cetera a fortuna commodata esse videatur* CICERO *orat. pro M. Marc.* Christus autem tam sapienter respondit, ut accusationem Judæorum simul refutaret, & significaret cæleste regnum esse, cui sit destinatus; atque Pilatus haud obscure ostendit conjecturam suam de Jesu quod sit rex ille Judæorum, sibi probabiliorem esse redditam, dum dixit: *Ergo Rex es tu?* Si quis hic quærat, quo pacto Pilatus in hanc cogitationem potuerit incidere Jesum illum, cujus absolutam & egregiam videbat virtutem, forsitan esse expectandum illum Regem Judæorum, duo observanda sunt; Et quidem primo loco famam de futuro tali Rege, qualem Judæi sperabant, ita percrebuisse, ut spes eorum aliis etiam Gentibus innotuerit. TACITUS hac de re scripsit sequentia,

*Pluribus persuasio inerat antiquis sacerdotum litteris contineri eo ipso tempore fore, ut valeretur Oriens, projectique Judæa rerum potirentur. Histor. l. V. §. 13. Confer. SUTTON. Vesp. IV. & ZORN. Opusc. S. T. I. p. 3. sq. Præterea notandum, ad veritatis speciem proxime accedere, quod Pilatus hanc rem una cum fama de miraculis Jesu Christi auribus perceperit, cum jam per aliquod tempus munere Procuratoris functus esset, & si doctissimum BEERIUM audias in illo saltem annum jam exegerit. vide præstantissimi hujus viri opus Chronologicum germanica lingua exaratum P. I. p. 143. De epistola autem PONTII PILATI ad TIBERIUM circa Jesu Christi res gestas Dissertationem MYSTAGOGUS scripsit.*

Sed ne quis putet habitum Christi minime nitidum ex animo Judicis talem evelere opinionem potuisse, cum ille tenuioris cum ordinis esse ostenderet; sciendum, veteres credidisse, *etiam sub palliolo sordido Sapientiam esse. CICER. Tusc. Quæst. lib. III.* Neque habitum corporis respiciebant prudentiores, de vera judicaturi Sapientia. LUCIANUS plurimis in locis risit illos, qui Sapientiam profitebantur barba, & pallio se tanquam philosophos ab aliis distinguentes, licet alias nihil sapiente dignum

gnum haberent. Inter omiffa LUCIANI  
Epigrammata & hoc adinvenitur :

Εἰ το τρεφὴν παγωνα δοκῇ σοφίαν περιποιεῖν,  
καὶ τραγὸς εὐπωγῶν εὐσελὸς εἰσι Πλάτων.  
*Si promissa potest sapientem reddere  
barba,*

*Barbatus poterit jam caper esse Plato.*

vide LUC. Opp. T. III. p. 690. Edit. REITZ.  
PLINIUS laudaturus TITUM ARISTONEM  
scribit: *Non facile quis quenquam existis,  
qui Sapientie studium habitu corporis præ-  
ferunt, huic viro compararit. Epist. XXII.  
lib. I.* Mirum itaque non est Pilato ma-  
gnam de Christo fuisse opinionem, licet Il-  
le neque *Sapientie studium*, neque regiam  
dignitatem *habitu corporis præferret*.

Nunc sine negotio intelligere possu-  
mus, quo pacto ingens Pilato metus inje-  
ctus, & auctus sit, cum Judæi Eum incu-  
sarent, quod semet ipsum Filium Dei fece-  
rit, cum Ille, licet flagris duriter objurga-  
tus esset, tam tacendo, quam responden-  
do sese sapienter atque fortiter gereret.  
Scilicet magnus hic splendor virtutis Chri-  
sti, Solis instar, atras nubes perrumpentis,  
coruscans efficere poterat, ut Pilatus hario-  
laretur Illum esse Filium Dei humana for-  
ma indutum, imprimis cum Jesus antea ani-  
mo præsentī, & imperterrito dixisset : *ad id*

*ego natus sum, & in mundum veni, quo veritatem testarer* c. XVIII. com. 37. Quodnam pondus sit in hisce verbis, & quæ vis ad commovendum insigniter Iudicis animum postea videbimus; hoc autem loco observamus, illa in mente ejus cogitationem potuisse excitare, quod Jesus sit Filius Dei, qui antequam in mundum venerit, jam sit natus, quique ad detegendam hominibus veritatem cœlitus sit demissus. Sic igitur pater illa, quæ Pilatus de Christo conjectura judicabat, se ipsi maxima probabilitate commendasse, & illum incendiisse, ut omnem navaret operam, quo Christum e vinculis dimitteret. Sed manum de tabula. Quæ sequuntur alteri Fasciculo reservamus, quo in hocce aliis observationibus locus relinquatur.







IV.

JOHANNIS MEDHURST,  
OBSERVATIONES  
MISCELLANÆ.

§. I.

Cum id imprimis hujus sit Bibliothecæ  
ut non modo lectorum scientiam au-  
geat, sed & rerum varietate delectet, huic  
fini convenire & congruere videtur, si  
præcedentibus miscellaneas quasdam sub-  
iungam observationes. Primum autem lo-  
cum occupent, quæ ad Pl. LIX. 5. notavi.  
Eleganter hic loci dicitur עורה לקראתי,  
cujus dictionis vim atque nitorem omni-  
um optime nobis aperuit celeberrimus  
SCHROEDER in *Observ. sel. ad Origines*  
*Hebr.* §. XX. p. 29. sq. Docuit enim ex  
lingua Arabica verba illa sensum hunc fun-  
dere: *Effervesce in occursum mihi*. Proba-  
vit Vir eruditissimus certis allatis testibus  
Arabicum غام, cujus loco Hebræi עור di-  
xerunt, ardorem animi, quo effervesce-  
mus, senare. Ad locum autem allegatum  
sequentia notavit. *Concisor hæc structura*

ex iis est, quas prægnantes Grammatici appellant. Supra vidimus  $\pi$  transferri quoque ad impetum, cursumve agilem, ac velocem. Is nunc simul tenendus, & cum fervente zelo vindicis conjungendus est, hoc sensu: Ad me in præsentissimo discrimine positum, quantocyus liberandum tanquam zelo inflammatus Vindex celerrimo impetu accurre. p. 30. Similis elegantia variis Græcorum inest vocibus, & imprimis verbo  $\sigma\epsilon\upsilon\epsilon\theta\alpha\iota$ , quod proprie commoveri significat, dein autem indigitat etiam citatum gradum, quo talis, cujus animus vehementer commotus est, appropinquat. Sic de Hercule cum spoliis accelerante affirmat SOPHOCLES.

Ο --- διος αλκμηνας κερως

σευταί πασας αρετας

λαφρ' έχων επ' οικας.

*Jam Jovis, & Alcmenæ filius*

*Ruit omnium virtutum*

*Spolia ferens domum.* Trachin: v. 649 sq.

$\sigma\epsilon\upsilon\epsilon\theta\alpha\iota$  proprie movetur, excitatur, id est, spe gloriæ, atque amore mulieris captæ, quam domum jam præmiserat, excitatus accelerat, ita ut & hoc loco adinveniamus verborum constructionem prægnantem. Virtutem igitur dicti verbi non satis expressit Interpres, qui illud reddidit *advenit*.

§. 2.

Medicus imperitus, qui remedio ad leniendum, non ad tollendum morbum utitur, in S. litteris imago est falforum Prophetarum. Jeremias dicit illos *sanare confractionem populi per rem nullius momenti, dicendo, pax, pax!* atque non est pax. Jerem. IV. 14. Haud absimilia sunt, quæ in *Ajace Flagellif.* habet SOPHOCLES. Ajax scilicet, cum significare vellet se cum animo constitutum atque deliberatum habere, ægritudinem mentis suæ morte finire, seque mollibus verbis aures nolle præbere, affirmat:

ὃς πρὸς ἰατρὸν σέφει

ἔρπειν ἐπὶ δακτύλῳ πρὸς τομῶντι πημάτι.

*Non est sapientis medici*

*Incantationes recitare in morbo, qui  
opus habet sectione.*

*Aj. Flag. v. 583. sq.*

Apud CICERONEM autem medicus est imago eorum, qui nobis salutis sunt causa. Ita enim scripsit ad LENTULUM: *Qui me homines quod saluum esse voluerunt, est mihi gratissimum: sed vellem non solum salutis meæ, quemadmodum medici, sed etiam ut aliptæ virium, & coloris rationem habere voluissent. Epist. ad Famil. l. 1. Ep. 9.* Sic quoque apud SOPHOCLEM morbus re-

K k 5

præ-

præsentat miserum rerum statum, arque perditum.

- - - Τα μὲν ἐκ δούμων

νοσθε δὲ - - -

- - - *Res in domo*

*afflictæ sunt* - - - *Electr. v. 173. sq.*

Quocum conferri possunt, quæ in Jesaiæ variciniis cap. I. leguntur. CICERO quoque sibi, universæque civitati morbum tribuit, atque medicinæ vim artibus assignat humanioribus, dicens: *Quamvis - - hæc sint misera, quæ sunt miserrima, tamen artes nostræ, nescio quo modo, nunc uberiores fructus ferre videntur, quam olim ferebant: sive quia nulla nunc in re alia acquiescimus, sive quod gravitas morbi facit, ut medicinæ egeamus, eaque nunc appareat, cujus vim non sentiebamus cum valebamus. Ep. ad Famil. l. IX. ep. 3.*

§. 3.

Vates sacri, quo vanitatem hominis, rerumque, quæ ei externum splendorem addere possunt, coloribus suis pingerent, dicebant illum *in imagine ambulare*. Ps. XXXIX. 7. Hanc ob causam Asaph etiam homini *imaginem* tribuit Ps. LXXIII. 20. Cum hisce conspirant quæ de hominibus affirmavit Ulysses apud SOPHOCLEM. *Miner-*

nerva ei, cum Ajacem ad insaniam redactum conspiceret, dixerat:

Ορας Οδυσσευ την θεων ισχυν οση,  
 Τετρε τις αν σοι 'τανδρος ην προνυσερος,  
 ηδραν αμεινων ευρεθη τα καιρια;  
*Vides Ulyssæ, quanta sit potentia divina?*  
*Hoc viro enim quis prudentior?*  
*Aut ad res præclare gerendas paratior*  
*inventus est?*

Ulysses respondet se neminem scire, tangi autem se ipsius misericordia, & exemplum ejus sese conditionis suæ admonere, & subjungit sequentia:

Ορα γαρ ημας υδεν εντας αλλο πλην  
 Ειδωλ', οσοι περ ζωμεν, η καΦην σκιαν.  
*Video enim nos (homines) nihil aliud*  
*esse,*  
*quam simulachra, quicunque vivimus,*  
*& inanem umbram*  
 Aj. v. 125. sq.

§. 4.

Stella olim imago fuit magnorum virorum, qui virtutis suæ fulgore eximio hostes terrent, & eos copiis suis obterunt. Bileamus hac usus est imagine in vaticinio de rege fortissimo, & hostibus tremendo, quem Davidem fuisse statuendum est. *Orietur*



tur, dixit, *stella ex Jacobo, & surget sceptrum ex Israele, quod conteret angulos Moabi, & destruet omnes filios Schethi. Numer. XXIV. 17.* Sic quoque Orestes in SOPHOCLES *Elect.* v. 64. 65. dixit sperans, fore, ut hostes suos fama mortis suæ deceptos, & imprudentes aggrediretur, & opprimeret:

ὡς καὶ ἐπαυχῶ τῆς δὲ τῆς Φήμης ἀπὸ  
 δεδοκοτ' ἐχθροῖς αἶρον ὡς καμψεῖν ἐτι.  
*Ita ut spero me post hanc famam*  
*Conspectum inimicis ut astrum effulsu-*  
*rum esse.*

§. 5.

Præpositionem *en* in scriptura Sacra Novi Testamenti sæpius significare *per*, & hocce a plerisque pro Hebraismo haberi notum est. At vero hæc significatio non plane exulat ex scriptis Græcorum. Observavi eam apud SOPHOCLEM hisce in verbis:

- - - μυρίας ο μυριος

Χρονος τεκνυται νυκτας ημερας τ' ιων,

Εν αἷς τὰ νυν ζυμφωνα δεξιωματα

Εν δορι διασκεδωσιν εκ σμινερ λογυ.

- - - *Innumeras infinitum*

*Tempus procedens noctes, diesque ad-*  
*ducere potest,*

*In quibus præsentem consensum, & con-*  
*cordiam*

*Bel-*

*Bello (five hasta) dissipaturi sunt ob le-  
vem offensam.*

*Oedip. Col. v. 609. sq.*

§. 6.

Apud Arabes *صديق* veracem denotat, quemadmodum & Hebræis *צדק* tum justitiam, tum veritatem sonat, a primigenia vi recti ac rigidi, ut observavit vir summus SCHULTENSIUS in notis ad *Florileg. sententiarum*, & in lib. *de Defect. explanavit*. Sic etiam apud veteres Græcos *δικαιον* non modo justum, sed & veracem significat. In SOPHOCLES *Philoct.* v. 1136. affirmatur.

*Ἄνδρες το μὲν εὖ δίκαιον εἰπεῖν*  
*Viri boni est verum dicere.*

In *scholiis Veterum* notatum est ad hunc locum: *Ἄνδρες τοις το μὲν εὖ) Ἀγαθὰ μὲν ἄνδρες εἰσι, το ἀληθεὲς ἐν καιρῷ λεγεῖν (δίκαιον γὰρ νυν φησι το ἀληθεῖς)*

§. 7.

Inter loca Scripturæ S. quæ intellectu difficiliora sunt, recensendum est Psalmi XXXVI. comma 2. ubi David ira loquitur: *נַאֲ פֶשַׁע לְרָשָׁע בְּקֶרֶב לִבִּי*. Anglicani Interpretes rejectis Syriaca & Septuaginta-virali versionibus, quarum auctores *לִבִּי* videntur

tur legisse, illa reddenda esse putant: *Prævaricatio impii loquitur in medio cordis mei.* Versio autem nimis longe recedit a genuina verborum significatione; & adhuc longius ab ea abest explicatio hujus dicti, quam dedere laudati interpretes, qua nihil coactius, nec quod menti Davidis magis contrarium sit excogitari potest. Hanc enim putabant esse vim atque sensum verborum, ac si Vates sanctus dixisset: *Prævaricatio, seu pravitas naturalis & innata dicit impio, id est ei persuadet, & ipsum permovet, ut omnem timorem Dei ab oculis suis removeat, in corde meo, i. e. Illud vere, ac non sine bona conscientia credo.* Sed si hanc verba Scripturæ sanctioris explicandi rationem sequi velimus, poterimus quidvis ex quovis elicere, & sensum illis tribuere, quicunque nobis placuerit. ~~Ubi~~ nullibi moralem atque naturalem animi pravitatem sonat, aut illam significare aptum natum est. Sed observavi, id haud insolitum esse Interpretibus doctissimis in Anglia, ut mentionem dictæ pravitatis scriptoribus sacris affingant iis in locis, quæ si recte inspiciantur, ne minimam quidem occasionem præbent de illa cogitandi: ut nuper antesignanus ille Methodistarum, Eruditissimus ROMEINE, in Psalmo 107. de pravitate hominum naturali agi contendit. Sic non tenuerunt illud

lud, quod TERENTIUS observat, *in vita hominum apprime utile est, ne quid nimis.* Sed ut ad dictam interpretationem revertar, David non egit de ulla persuasione, sed affirmat potius timorem Dei non esse ante oculos impii. Alia quoque sunt, quæ interpretationi huic opponi possent, sed non opus est hisce immorari; cum nihil clarius, nec certius esse possit quam iudicium præstantissimi DIETELMAIERI de illa explicatione: per illam scil. verba Davidis obscuriora reddi, cum nemo de prævaricatione peccatoris dicat, quod in corde alterius sermonem faciat. Rectissime Vir ille Doctissimus existimat Davidem indigitare voluisse dolorem animi, quem verbum prævaricationis impii sibi excitaverat, quo factum ut illud ex animo delere non possit. Sane hoc conspirat cum ratione dicendi, sacris aliisque probatis auctoribus usitata. Hebræi dicunt aliquid in corde & ei quasi inscriptum esse, si illud ita animum nostrum commovit, easque notas in eo reliquit, ut illius oblivisci nequeamus. Hoc ipsum significant verba Dei apud Jeremiam cap. XXXI. com. 33. *Dabo legem meam in medio eorum, super cor eorum scribam illam.* Eodem sensu Latini dicunt aliquid scriptum esse in animo. In TERENTII *Andria* A. I. sc. 5. legitur: *O! Myfis, Myfis etiam mihi scripta illa dicta sunt in ani-*

*animo Chrysidis de Glycerio.* In Tragædiis SOPHOCLES dixit Philocteti Neoptolemus. *Και γραφὴ φρεων εσω.* *Atque in animo tuo scribito.* Phil. v. 1317. Alias illa quæ mente servantur, comparant Veteres cum lege in tabula æris sculpta, cui simile quid in allegatis Jeremiæ verbis deprehendimus. Sic enim SOPHOCLES Deioniram loquentem introducit:

*εγω γαρ ο θηρ με κενταυρος πονων  
πλευραν πικρα γλωχινι παρεδιδαξατο,  
παρηκα σεσμων εδεν, αλλ' εσωζομην  
Χαλκης οπως δυσνιππον εκ δελτα γραφην.  
Nam eorum, quæ me Centaurus edo-*  
*cuit*

*Cum dolore, lateris conficeretur sagitta  
vulnerati,*

*Nil prætermisi, sed omnia velut  
sculptam*

*In ærea tabula legem servavi.* Trachin.  
v. 686. sq.

Cum hisce conferri merentur illa ISOCRATIS, quæ egregiam continent sententiam. *Δει δε τας ευ πολιτευομενας & τας σοας εμπιπλαναι γραμματον αλλ' εν ταις ψυχαις εχειν το δικαον.* *Decet enim prudentes magistratus, non porticus implere legibus, sed justum in animis habere.* Areop. p. 288. Sic est in animo, quod in eo quasi est inscriptum, ut sæpius  
no-



nobis in memoriam revocetur, & nosmet illud attenta mente consideremus. Sic quoque in corde Davidis erat verbum illud prævaricationis impii, id est, hominis alicujus ob malitiam insignioris. Quisnam autem fuerit impius ille, id ex nexu sermonis erendum est; sed id nunc non agimus, cum hic sufficiat nobis phrasin Davidis illustrasse. Hoc tamen observandum nobis est, Davidem non modo heic loci, sed & aliis in Psalmis nomen personæ, de qua egit, retinuisse, ita ut illa non nisi ex certis rerum circumstantiis cognosci possit vid. Ps. XVII. 12. LIII. 6. Sic quoque CICERO locutus est in *declamatione Philippica XIV. Ad D. Brutum*, dicit, *liberandum legati missi principes civitatis, qui illi hosti, ac parricidæ denuntiarent, ut a Mutina discederet.* CICERO hostem illum ac parricidam memorando respicit Antonium, sed eum antea nullibi nomine suo appellaverat. Nec quisquam mentem oratoris capere potest, qui non præcedentes legendo Orationes intellexit Antonium Mutinæ Brutum obsedisse, eumque a CICERONE pro hoste, ac parricida declaratum esse.

§. 8.

Septuaginta Interpretes illud דָּוִד, quo David usus est in Psalmo XVI. *oriss*  
*Bibl. Brem. Nov. Cl. III. F. III. L 1 red.*

reddiderunt *αὐτὸς δὲ δῶκεν τοῖς ὁσίοις* | *ὅς ἰδὲν διαφ-*  
*θόραν.* Hoc eo magis attentionem nostram  
 meretur, quod non solum versio hæc in  
 N. T. retinetur, sed & Paulus ad dictum  
 Psalmum respiciens Christum *ὁσίον* appella-  
 vit. Voces Hebraicas *חסר* & *חסיד* expli-  
 cuerunt viri in linguis orientalibus versatissi-  
 mi SCHULTENS *ad Job.* c. VI. 14. VRIE-  
 MOET in *Annot. sel. ad dicta Class.* T. H.  
 p. 300. nec non J. D. MICHAELIS agens  
*de legibus Moſis matrimonialibus* c. IV. § 41.  
 ut & ad Ps. XVI. Illustrarunt verba illa  
 Arabico *حسب* *plenis uberibus fuit*, ita ut  
*חסיד* *naturalem amorem*, *סודיות*, *pietatem*  
 denotare possit. De voce *חסר* alia occasio-  
 ne acturi sumus, nunc autem nonnulla ob-  
 servaturi de versione illa Græca, qua *חסר*  
*ὁσίος* redditum est. Laudatus vir celeberrimus  
 J. D. MICHAELIS ratione vocabuli *ὁσίος*  
 observavit illud non *deo sanctum*, sed po-  
 tius *infantem*, *purum sonare*. Nolo qui-  
 dem viro egregio contradicere, sed dubi-  
 tare tamen non possum, quin ipsi magis  
 placuerit significatio *pietatis*, Hebraicæ vo-  
 cis virtutem clarius exprimentis, si demon-  
 strati possit vocem *ὁσίος* *pium* posse denota-  
 re. Inveni autem in scriptis SOPHOCLES  
 loca, quibus *ὁσίος* hunc sensum fundere vi-  
 detur. Cum Chrysothemis patri suo infe-  
 rias, & libationes minus pias, & a matre,  
 quæ

quæ patrem occiderat, jussas afferre veller,  
dixit ei soror ejus Electra illud *οσιον* non esse,  
& illam his affata est verbis:

Αἰ! ὦ Φίλη, τῶτων μὲν ὧν ἐχθρὸς Χερσὶν  
Τυμβῶ προσάψης μηδὲν & γὰρ σοὶ θεμὶς,  
ἐδ' ὀσίον, ἐχθρὰς ἀπὸ γυναικὸς ἰσχυρὰ  
πτερίσματά, καὶ δὲ λῆτρῳ προσφέρειν πατρί.  
*Sed o chara! horum, quæ manibus*  
*portas,*  
*Nihil sepulchro admoveas, non enim*  
*fas est*  
*Nec PIUM ab inimica muliere afferre*  
*Inferias, aut libationes patri. SOPHOCLE,*  
*Elect. v. 432. 1q.*

Non solum hæc, quæ Electra sorori suæ  
dissuadet, cum pietate in Patrem pugnant,  
sed omnia quoque, quæ adjunxit, ean-  
dem spirant pietatem. Scholia quidem ve-  
tera ira verba illa interpretata sunt: & γὰρ  
σοὶ θεμὶς) — θεμὶς, τὸ εὐνομον; ὀσίον, τὸ  
δικαίον. ὁμῶς ἀμφοτέρω θεῶν, δικαίον δὲ ἐπὶ ἀνδρα-  
πῶ. Sed sine dubio erravit Scholiastes, exi-  
stimans ὀσίον ejusdem esse significationis,  
ac δικαίον. Namque hoc pacto id ὀσίον in  
sermone Electræ ab illo, quod θεμὶς signi-  
ficat, distingui non posset, cum δικαίον ni-  
hil sit aliud quam θεμὶς, sive εὐνομον, quod  
cum lege conspirat. Sententia autem no-  
stra haud parum confirmatur iis, quæ cho-

rus cecinit, cum Electra plurimis argumentis Chrysothemini dehortata esset, ut non faceret mortuo patri, quod non esset  
οσιον. Dicebat enim:

προς ευσεβειαν η κορη λεγει

*Pie loquitur hæc puella: v. 461.*

ευσεβεια alias significat pietatem in Deum, sed hoc loco sine dubio pietatem in Patrem denotat. Namque Electra ne verbulo quidem de officiis Deo persolvendis mentionem fecit, sed quid Chrysothemii ratione patris ab impia matre trucidati faciendum sit docuerat. Cum itaque Chorus affirmet Electram προς ευσεβειαν pie locutam esse, ex hoc verborum nexu sequi videtur, ευσεβειαν hoc loco pietatem in patrem sonare. Hoc etiam adhuc clarius patebit, si consideremus Electram postea legitimos matris suæ liberos ευσεβεις dixisse. Matri enim oggannit sequentia,

και παιδοποιεις. Τη δε προθεν ευσεβεις

Καξ ευσεβων βλαστοντας, εκβαλλας εχεις.

*Et liberos procreas, Et priores illos legitimos*

*Et ex legitime conjunctis prognatos ejcis. Elect. v. 590. sq.*

Manifestum est Electram, filios ευσεβεις illis opposuisse, qui ex illegitimo nati sunt matrimonio, atque adeo illos ευσεβεις esse filios legitimos. At vero nihil verisimilius

&

& probabilius esse potest, quam hosce *εὐσεβεῖς* appellari, quod parentes pie colant, atque venerentur. Cum itaque Electra, sororem suam dehortans ne quid in patrem, quod *οσίον* non sit, committeret, dici possit loqui *πρὸς εὐσεβείαν*, facilis est conclusio illud *οσίον* officia pietatis in patrem indigitare. De hac autem vocis hujus significatione nemo amplius dubitaverit, qui considerat Græcos exequias *τὰ περὶ τῆς θνήσκοντος οσίῳ* appellare, quemadmodum & dicunt *τὰ περὶ τῆς θεῆς εὐσεβεῖν*, & *εὐσεβεῖν περὶ ξένου*. Sed sententiam nostram haud parum illustrare simul & confirmare potest locus in SOPHOCLES *Antigone*, ubi *οσίος* pietatem in fratrem significare videtur. Antigone cum affirmasset se mortuum trucidati fratris corpus esse sepulchrum, licet sibi hanc ob rem moriendum sit, addit sequentia:

Φίλῃ μετ' αὐτῆς κεισόμεναι, Φίλῃ μετὰ  
ΟΣΙΑ πανηγυρήσασθαι.

*Chara cum eo jacebo charo*

*Postquam PIA fecero. V. 72. 73.*

Antigonem respexisse pietatem verosimile etiam redditur, dum fratrem charum & se ipsam charam appellat.

Sed non ignoro opponi nobis posse in carmine tragico illud verbum dicto sensu adhibitum esse, ex quo non sequatur illud



aliis etiam in scriptis Græcorum talem sensum obtinere. At vero observatio nostra viros eruditissimos, qui græcorum libros pervolunt, excitare potest, ut ad usum vocis *οσιος* attendant, & inquirent, annon dicta illius significatio apud alios auctores adinveniat? Præterea notandum septuaginta Interpretes voce illa usos esse, cum carmen elegantissimum & stylo sublimiori conscriptum græce redderent, & scriptores N. T. illos imitatos esse. Christus itaque si vera est sententia nostra, *οσιος* dicitur, & quidem *οσιος* Dei, ut significetur insignis, quæ præditus est, pietas in Patrem Suum cœlestem, quæ impulsus erat ad præstandam Ipsi vel maximis in cruciatibus ad mortem usque obedientiam.





V.

JOH. THEOPHILI ELSNERI,

V. D. M.

ET PASTORIS ECCLESIAE FRATRUM  
BOHEMORUM BEROLINENSIIUM,

C O G I T A T A

SUPER

APOLOGETICO MEPHIBOSETHI

2 S A M. XIX, 27 - 29.

O B V I O.

§. I.

**Q**uotiescunque verba memorati Apolo-  
getici Mephibosethiani lego, videor  
mihi in iis magnum offendiculi lapidem  
reperire. Nam vulgaris eorum Versio  
sic se habet: "qui (Mephibosethus) dixit,  
"Domine mi Rex, Servus meus decepit  
"me; nam dixerat servus tuus, insternam  
"mihi Asinam, ut insidens ei abeam cum  
"Rege, quia claudus est servus tuus. Et  
"traduxit servum tuum apud Dominum  
L 1 4 "me-

“meum Regem; Dominus autem meus Rex  
 “est sicut Angelus Dei &c.,” Quam ver-  
 borum Mephibosethi versionem si rite per-  
 pendero, nullus dubito adfirmare, quod  
 in eisdem injucundus quidamprehenda-  
 tur *Hiatus historicus*, secundum sanos Her-  
 meneurices regulas omnino removendus.

## §. 2.

Hanc proinde ob rationem a) paucis  
 monstrabo, *quis hicce Hiatus historicus sit*, &  
 b) ostendere conabor, *quomodo idem tutis-  
 sime removeri queat*.

## §. 3.

*Hiatus historicus* hic obvius cuius at-  
 tento Lectori haud dubie in oculos incur-  
 rit. Rex David, reportata super Absolo-  
 mo victoria & Hierosolymam reversus, Me-  
 phibosethum (v. 26) interrogaverat: *Quare  
 non proficiscebarris mecum, Mephiboseth?* Ad  
 quæ Davidis verba claudus noster Princeps  
 respondebat: volebam hoc facere, & infi-  
 dens Asinæ cum Rege abire; ast *servus me-  
 us decepit* \*) *me*, & unica causa fuit, quod  
 Do-

\*) Vox hebræa hic obvia רמני descendit a ra-  
 dice רמה jecit deorsum, & in Pihhel רמה  
 idem est ac fortiter dejecit, Hæc Forma  
 hebraica enim intensiorem rei indicat. Meta-  
 phorice ergo hic nihil aliud indicatur quam  
 spe dejecit, vel fecit ut proximus intentio-  
 nem suam assequi non potuerit.

Dominum meum sequi non potuerim. Quibus verbis Mephibosethus noster perspicue indicat, se Regi Davidi adherere proposuisse, & in magno, quod ei imminabat, periculo; Zibam autem se hoc in negotio impedivisse, adeo ut animum suum constanter fidum probumque Regi Davidi demonstrare non potuerit. Id ex sequentibus Mephibosethi verbis luculenter patet: *“Nam dixerat servus tuus, insternam mihi Asinam, ut insidens ei abeam cum Rege, quia claudus est servus tuus.”* Hæc omnia prono suo fluunt alveo. Mephibosethus claudus Regem pedibus sequi non potuit, ac proinde necessario sive curru sive asina vehi debuit, voluitne cum Davide abire. Hic autem deceptio Zibæ quæ unicum impedimentum officii non præstiti adfertur. Quum vero modus hujus deceptionis, secundum vulgarem versionem, perspicue non indicatur, minus jucundus *Hiatus historicus* ex eo subnascitur, ut quis facile cognoscere potest. Nam quis mihi hic quæso verborum Mephibosethianorum sensus est: Decepit me servus meus, ego enim Asinæ insidens cum Rege abire volui, quia claudus sum. Nisi hic aliud quidpiam adhuc addatur, magnus profecto in Mephibosethiano hocce sermone deprehenditur defectus, & nullum sa-

num fundit sensum. Mephibosethus secundum naturalem cogitandi rationem simul monstrare debuit; *qua in re deceptio Zibæ*, servi Mephibosethiani, *constiterit*, ob quam Regem David sequi non potuerit, etsi id facere libentissime voluisset. Id autem invulgari versione præteritur, & totum sermonis Mephibosethiani sensum absonum reddit. Hanc proinde ob rationem.

## §. 4.

b) Suboritur questio: *Quomodo injunctus hicce Hiatus historicus evitari, & sermo Mephibosethianus perspicuus reddi queat?* Etsi Mephibosethus noster corpore debilis atque infirmus fuerit, haudquaquam tamen præsumi potest, eum & anima tam debilem ac miserum fuisse, ut ipse nesciverit, quid dicat, Nec verosimile est, eum memoriam tam labilem & infirmam habuisse, ut in sermone suo id omitteret, quod in eo ad implendum totum sensum summe necessarium fuit. Quinimo ex toto ipsius Apologerico satis luculenter apparet, eum sensa mentis suæ vere pulchre & idonee exprimere potuisse. Vel an forte quispiam Auctorem sacrum secundi Libri Samuelis culpare velit, eum præcipuam sermonis Mephibosethiani partem adferre oblitum fuisse?



isse? Vel an alius quispiam dicer, descri-  
ptorem hujus pericopæ historicæ olim ne-  
gligentem fuisse, & hic quidpiam omisisse?  
Hæc & similia adfirmare, minus pruden-  
ter actum esse mihi videtur, nec ullo com-  
probari posset modo. Ac proinde nullus  
dubito, quin sensus sermonis Mephibose-  
thiani integer sit, & facillimo negotio ex  
ipso verborum contextu monstrari queat.

## §. 5.

Initium versiculi 28vi rite versum hoc  
in negotio magno nobis profecto erit ad-  
jumento. Vulgaris versio eum nobis ita si-  
stet: "*Et traduxit servum tuum apud Do-*  
*minum meum Regem,* „ quod tamen satis  
tutum non est. Nam quomodo mihi quis-  
piam demonstrabit, quod Mephibosethus  
de *traductione* vel *calumnia* Zibæ servi sui  
aliquid inaudiverit, & quod se hic propte-  
rea coram Davide justificare voluerit. Me-  
phibosethus ob infirmum corpus suum do-  
mi sese maxima ex parte continere coactus  
fuit; quod præcipue periculoso hocce belli  
tempore fecisse censendus est; quam proin-  
de ob rationem multa ipsum latuerunt, quæ  
aliis nota esse poterant. Præterea nul-  
lum dubium est, Zibam perfidum omni  
usum fuisse astutia, ne Mephibosethus  
Princeps de calumnia sua quidpiam rescirer,

nec

nec se coram Rege scriptotenus justificare posset. Nec vero simile est, Regem David Mephibosethum publico aliquo decreto qua perfidum condemnasse, atque ita Mephibosetho innotuisse, quid Ziba penes Regem dixerit; nam tales tunc erant belli circumstantiæ, ut David Rex vix quidpiam tale expedire & ad Mephibosethum transmittere potuerit. Atque ita adfirmare ausim, Mephibosethum nostrum de *Calumnia* sive *traductione Zibæ* nihil unquam ante hocce tempus, quo cum Davide Rege loqueretur, rescivisse, ac proinde se hic contra Mephibosethum qua calumpniatorem neutiquam defendisse. Alia mihi hic prorsus videtur fuisse ratio, ob quam Mephibosethus contra servum suum Zibam ad iram concitatus fuerit.

## §. 6.

Ego totam hancce Mephibosethi Historiam sequenti concipio modo: "David, "secundus Israelitarum Rex, in fuga sua "probe nota a Ziba, servo Mephibosethi "(2 Sam. 16, 3.) audiverat, Mephibosethum "anhelare thronum Avi sui Saulis, vel "saltem autumare, populum Israeliticum sibi "redditurum esse Regnum Israeliticum. Ob "varias, quæ tunc agebantur, turbas negotium hocce indagari non poterat. Quum  
"ita-

"itaque Mephibosethus Davidi ex bello in-  
 "restino Hierosolymam redeunti se sisteret,  
 "& cum ea, qua par erat, humilitate salu-  
 "raret, interrogavit ipsum Rex David:  
 "v. 26. *Quare non proficiscebaris mecum, Me-*  
 "*phibosethe?* Quo ipsi David Rex haud du-  
 "bie in memoriam revocare voluit, eum  
 "ante hac (referente Ziba) mala in præcor-  
 "diis suis fovisse & thronum Israeliticum  
 "conscendere voluisse. Mephibosethus au-  
 "tem, qui nullius mali sibi conscius erat,  
 "nec quidpiam de calumnia Zibæ servi sui  
 "audiverat, id unicum Apologetico suo co-  
 "ram Davide habito monstrare sategit, qua-  
 "re cum Rege Davide, Domino suo, profe-  
 "ctus non fuerit, etsi eidem nunquam uon  
 "fidelis manserit. Respondit proinde:  
 "Ego revera apud me constitueram,  
 "Domino cum meo proficisci; quoniam au-  
 "tem pedestre iter instituere nequeo, Asi-  
 "næ insidere & cum Rege Domino meo  
 "abire volui; at Ziba servus meus inique  
 "me deseruit, solus ad Regem Dominum  
 "meum profectus est, & ego domi manere  
 "coactus fui. Ego hocce servi mei factum  
 "pro fraude habeo, nam ego hac ratione fi-  
 "nem meum assequi non potui, & simul  
 "magno expositus sum periculo, quia ego  
 "ab Absalomo, tanquam assecla Domini  
 "mei Regis, facillime comprehendi & ma-  
 "le

“le tractari potuisssem. Meus servus itaque hoc in negotio contra me peccavit  
“&c.,”

## §. 7.

Ex his itaque quivis facile perspicit, quod ego Mephibosethi modum loquendi אֲרִנִי בַעֲבָרָךְ אֶל-אֲדֹנָיִי tanquam *Rasin deceptionis* habeam, qua Ziba Dominum suum Mephibosethum deceperit; ac proinde ita eum verto: *Et ecce* \*) (cum Regem Dominum meum sequi volui) *Zi'ba perperam seu inique abiit a servo tuo ad Dominum meum Regem.* Quo verrendi modo supra dictus *Hiatus historicus* non modo evitatur, verum etiam totus sermonis Mephibosethiani sensus perspicuus redditur.

## §. 8.

- \*) Particula hæcce exhibitiva (*ecce*) videtur mihi in *Vau conversivo futuri* latere. Id nobis præclarus Literaturæ Hebræicæ stator, *Cel. Albertus Schultensius* in *Institutionibus suis ad Fundam. Linguae Hebr.* §. CXLVI seu pag 424. more suo pulchre indigitat, cum dicit: “Hinc (quia *Vau convers. Fut.* “per patach & dageesch forte præfigitur) “conjectura mihi nata, sub hac punctatura “extraordinaria וַאֲלֵי latitare *Hæ* illud, “quod etiam verbis solemniter præfixum “fuit cum *demonstratione* „ Quod Clar. ille meus quondam Gamaliel, æternum a me & nunc in urna sua devenerandus, nonnullis comprobat speciminibus.

## §. 8.

Ego quidem probe scio, quod voces hebraicæ רגל & רגל in Lexicis & Commentariis communiter per *explorare*, *obtrectare*, *obtrectatorem agere* reddantur; ast id quoque scio, significationes hasce tantummodo ex connexionem deduci, & secundarias solummodo exhibere notiones, quibus *Notio primaria* seu *Origo* adhuc deest, utpote quæ in Literatura hebraica maxima ex parte negligatur, etsi summe necessaria sit, & ad demonstrandam in quavis Lingua Pulchritudinem sermonis permultum addat. Restituenda itaque est in nostro hocce verbo רגל primaria notio, quæ *incurvavit* vel *cūrvus* fuit est. Unde quoque *Pes* רגל dicitur ob *curvitatem* seu *incurvationem* sui. Ideo etiam vox hæc nostra in Forma Pihhel רגל crebro per *explorare*, *percontari* redditur, quia *explorationis* negotium cum *nisu incurvationis* & per *curvas ambages* seu *semitas* fieri assolet. Secundaria significatio *obtrectare*, *calumniari*, figurata & improprie sumpta dictio est, & probe indagari meretur. In hac significatione dicitur nostrum רגל bis occurrere, videlicet Psalmo XV. 3. & 2 Sam. XIX. 28. Primo in loco nostrum רגל solum haudquam notionem *obtrectandi* exhibet, sed jun-



junctum cum sequentibus vocibus hebraicis על-לשונו *super Lingua sua* notionem hancce suppeditat, acsi diceretur *curvus fuit super lingua sua vel incurvavit linguam suam, curve vel sinistre cum illa egit* (contra proximum suum). Si hebr. vox רגל sola, secundum vulgarem versionem, notionem *obtrectandi* in se contineret. cui quæso bono hic demum על-לשונו adderetur? Atqui satis notum est, quod *obtrectationis* negotium *lingua*, & non alio aliquo membro corporis fiat. Ex quo luculenter apparet, quod רגל in se spectatum ideam *obtrectationis* non exhibeat, & quod ideo voces *super lingua sua* in hebræo textu addi debuerint, ut *obtrectationis* notio indicari queat. Imo observari meretur, hic Davidem sanctum non tantum *obtrectationem* seu *calumniandi rationem*, verum etiam *quemvis iniquum, falsum & fraudulentum sermonem* indicare voluisse, quo proximo suo quicquam nocere potest vel vult.

## §. 9.

Posteriori loco 2 Sam. XIX. 28. notio *calumniandi*, *obtrectandi* nullum prorsus in voce nostra hebraica רגל reperit locum. Imo in forma *Pihhel*, quæ hic occurrit, deberet potius, secundum vulgarem vertendi rationem *per explorare, per-*  
con-

*contari* reddi, utpote quæ notio in sacro Codice huic nostro רגל multoties addi so-  
leat. Quod tamen nec hic commodè usur-  
pari potest; siquidem alibi hæc vox רגל in  
Forma Pihhel cum vocula את construatur,  
hic autem cum litera ב conjungatur; ut  
cuius rei perito constare debet. Hanc  
proinde ob rationem alia aliqua hujus ver-  
bi nobis quærenda est significatio, quæ  
interiorem primariæ notionis vim adim-  
pleat, & Formæ Pihhel intensius robur in-  
dicet. Hæc itaque ratione nostrum רגל,  
quod hic occurrit, nobis haud dubio indica-  
bit, *valde curve* (moraliter) seu *inique in-*  
*cessit in via sua seu in molimine suo* (Ziba)  
בעכרף *a servo tuo vel contra servum tuum*,  
id est, ad ipsius damnum; siquidem Me-  
phibosethus contra mentem suam domi-  
manere, nec Regi officium suum debitum  
præstare potuit.

§. 10.

Forſitan autem hic quispiam dicet:  
*Quomodo quæſo hæc Apologia Mephiboſethi*  
*& inculpationis Zibæ Regi Davidi placere potuit,*  
*cum Ziba unice propterea ad Regem David*  
*iviſſet, ut Regem & affeclas ejus refocilla-*  
*ret?* Regero adhæc, quod Mephiboſethus  
id ſervo ſuo Zibæ haudquaquam virio ver-

M m

teris

terit quod ad Regem iverit, & eum cum  
 affectis ejus refocillaverit; sed quod *absque*  
*Principe suo* claudo abiverit, & eum eo  
 ipso permagno exposuerit vitæ periculo.  
 Quapropter etiam Rex David Mephibose-  
 tho nostro Apologeticon ejus & incusatio-  
 nem Zibæ nequaquam in malam interpre-  
 tatus est partem; quin imo eundem refocil-  
 lare conatus est, eo quod Zibæ tantummo-  
 do Medietatem Bonorum Mephibose-  
 thianorum reliquerit, alteram Medietatem  
 eorum autem Mephibosetho clementer re-  
 stituerit. \*)

## S. II.

- \*) *Triples* mihi videtur in Historia Mephibose-  
 thi *dispositio* Davidis circa memorata Bona  
 occurrere. *Prima* facta est secundum 2  
 Sam. IX, 9. 10. ubi Rex David Mephibo-  
 setho omnia & singula Bona donasse dici-  
 tur. *Secunda* 2 Sam. XVI, 4. occurrat,  
 ubi Zibæ, servo Mephibosethiano, dicta Bo-  
 na adjudicata fuere. *Tertia* 2 Sam. XIX,  
 30. extat, & medietatem horum Bonorum  
 Zibæ attribuit. Inficiari nequeo, & mihi  
 postremam hancce Davidis sententiam cir-  
 ca paterna Mephibosethi Bona minus ido-  
 neam videri, eo quod innocens Princeps  
 haudquaquam mererit, ut Medietatem Bo-  
 norum suorum paternorum amitteret; ast  
 simul perpendo, Davidem Regem hoc uni-  
 ce ideo fecisse, ne astutus Ziba in turbu-  
 lentis illis, quæ tunc temporis erant,

§. II.

Quod si autem quispiam hac occasione & notionem *obtrectandi*, *calumniandi* libenter conservare velit, & ex rationibus mihi ignotis adfirmer, Mephibosethum omnino aliquid de *obtrectatione Zibæ* coram Rege David inaudivisse; is suo abundet judicio. Id tamen idem observare debet, ut supra memoratus *Hiatus historicus* evitetur, & primaria notio *incurvandi* minime negligatur. Sic proinde initium versus 28vi verti posset, (servus meus Ziba me decepit) “*Et non tantum astute (curve* “*sinistre, inique) a me (absque me) ad Do-* “*minum meum Regem abiit, verum etiam* “*curve (sinistre, inique) contra me ad Do-* “*minum meum locutus est.*,” Si tamen hac de versione sincere loqui debeam, adfirmo, eam mihi coactam esse videri, nec tam bene ad præcedentia verba, *volui ad Regem pro-*

M m 2

*ficif-*

circumstantiis Regni Israelitici novas forsitan excitaret turbas, si pro magna sua erga Regem David fidelitate nullum prorsus acciperet præmium. Et minus sinceris hominibus nonnunquam ob rationes politicas connivendum est. Mephibosethus autem in Medietate Bonorum sibi donatorum facile acquiescere potuit, quandoquidem Gratia Regis ei omnia omnia optime compensare valuit. Quæ hic Cl. Delany de *Colono partiaro Zibæ* adfert, non placent mihi.

*ficiſci, ſed non potui, quadrat; quandoquidem ea non tam calumniam, quam aſtutum Zibæ abitum, quo ſimul omnes \*\*) Aſinæ Me-*

\*\*) Miror proſecto, quomodo vulgaris verſio 2 Sam. XVI, 1, occurrens adfirmare poſſit, Zibam tantummodo *par Aſinorum* ſecum ad Davidem adduxiſſe, cum tamen & vox hebræa hic extans, & ingens, quod ad Davidem ferebatur, onus eſculentorum contrarium ſuadeat. Vox hebræa hic extans eſt צמר חמרים, quod per *Jugum Aſinorum* vèrtil debet, eo quod צמר *ungere, copulare* ſignificat, atque ita non *par Aſinorum* ſed *copula ſeu Jugum Aſinorum* intelligitur. Si Auctor ſacer *duos Aſinos* indicare voluiſſet, Duali Numero חמרים hand dubie uſus fuiſſet, quod tamen non fecit; atque ideo plures, quam duos Aſinos nobis ob oculos ponere voluit, eſſi numerum ipſum non indicaverit. Idem nobis & onus illud eſculentorum, quod ad Davidem apportabatur, ſuadet; nam *ducenti panes, & centum uvæ paſſæ, centumque poma & uter vini* vix a duobus portari potuiſſent aſinis; plures aſini proſecto ad tale quid portandum requirebantur. Ne dicam, quod hi adducti Aſini ſecundum v. 2. dicti Capitis *pro Familia Regis ad inſidendum* deſtinati fuerint, ac proinde plures eſſe debuerunt. Non male itaque judicanti, qui Zibam Mephiboſetho Domino ſuo omnes abduxiffe Aſinos autumant; quam ob cauſam etiam Mephiboſethus Regem David ſequi non potuit.



Mephibosethi ademtæ fuerant, præsupponit.

§. 12.

Postremo adhuc indicandum restat, quid de verbis Davidicis sentiendum sit, quæ v. 30. extant, & finito Apologetico Mephibosethiano sententiam Regis manifestant. Dicit ibi David ad Mephibosethum: *Quare eloquereris ultra verba tua? Edixeram, ut tu & Ziba partiamini agrum.* Posterior sententiæ hujus Regiæ pars supra (§. 10.) paucis enucleata est. Ob periculosas Regni Davidici circumstantias Zibæ dimidium Bonorum Mephibosethianorum donatum fuit. Prior vero sermonis hujus Davidicis pars non impatientiam aliquam Regis, sed clementiam ejus erga Mephibosethum indicat, ac si diceret Rex ad Mephibosethum: non opus est multis verbis, facile comprehendere possum innocentiam tuam & vafritiem Zibæam; ast in in hisce rerum turbulentarum circumstantiis prudentiæ est, partem Bonorum tuorum servo tuo Zibæ dono dare; acquiesce tu modo in hacce Regia mea dispositione, & firmiter

M m 3

ter

tuit, eo quod ipsi nullus amplius ad insidendum superfuerit Asinus vel Asina.

ter persuasus esto, me curam tui perenniter  
esse habiturum \*)

## F I N I S.

- \*) *Cel. Delany* autumat *lib. cit.*, Davidem Regem hac occasione concepisse Psalmum suum XXXVII, eoque Mephibosethum contristatum pie erigere, & ad constantem in Deum Fiduciam excitare voluisse, quinimo prædixisse de vafro Mephibosethi ser-vo, eum felicitate sua diu gavisurum non esse. Ea, quæ *Rev. David Elsnerus*, V. D. M. Borussicus, de Innocentia Zibæ & de Mephibosethi crimine læsæ Majestatis Davidicæ an. 1758. in lucem edidit, peculiari Ao- 1759 Dissertatiuncula Historico-philologica de *vindicata Integritate Mephibosethica* confutata fuere; ubi & cogitata supra allata vernacula lingua prosunt.





## VI.

JOH. PHIL. CASSELI,II,

PROF. BREM.

O R I G I N E S

L I B Y A E V E T E R I S ,

EX

ANTIQUA PHOENICIORUM LINGUA  
ERUTAE. \*)

## I. M E L I T T A .

## ARGUMENTUM.

§. 1. *Melitta* & *Malta* non a מלטה *melata*,  
calx vel cæmentum, sed a מליטה *Melita*,  
refugium. §. 2. Num a *melle* & *apibus* quasi  
מליטה dicta, ut *Melita*, pagus Atticus, *Me-*  
*lissa* oppidum Phrygiæ, *Miletus* & *Melite*  
Jonæ urbes.

## §. 1.

**M**ELITTA quartum est oppidum, (de  
prioribus enim tribus *Caricon* *Tei-*  
*chos*, *Gitte*, *Acra*, loco infra citato plu-  
ribus

M m 4

\*) Tria ejusmodi generis specimina ante aliquot  
annos a me inserta sunt *Diario Tigurino*,  
quod

ribus egimus,) quod ab Hannone & Carthaginensibus ad mare in Libya exstructum est. Urbem hanc, una cum insula *Melite* in mari mediterraneo sitam \*) a מליטה *Melata*, vel *Malta*, calcem & cæmentum denotante vocabulo, appellatam esse vult Cel. BOCHARTUS, *Can. L. I. c. 26. p. 500.* ubi pluribus de hac voce agit. Sed cum & ibidem loci Vir summus observet, מליטה *Melita* Pœnorum lingua fuisse *refugium*, a radice מליט *Millet*, eripere, effugere, liberare, qualem insulam *Meliten* fuisse

quod *Satura Dissertatt. Oratt. &c.* inscribitur, cujus tantum volumen I, quatuor partibus constans prodiit, & postea sub titulo *Musei Helvetici* aliis legibus circumscripti renovatum & continuatum est. Nobis titulum Observationum nostrarum ad alios usus destinatarum itidem mutare, & a generali denominatione regionis inscribere placuit

\*) Pluribus in originem vocis *Malta* inquisivit J. F. WANDALINUS, *diff. de Melita Pauli*, c. 1. p. 17. sq. Hafniæ 1707. & quam plurimi alii, qui de hac insula in scriptis suis datâ cura egerunt, quorum nomina coacervare nolo. Cæterum *Wandalini* *diff.* una cum J. G. ERLMANNIDE eadem insula junctim insertæ sunt *Thesauro Dissertatt. Theolog. Philol. Menthenii*, T. II. p. 497. sq. Conf. & MAJUS de lingua *Punica*. p. 3-15.

isse docet expressis testimonii *Diodori Siculi* verbis: quidni & hæc Pœnorum urbs *munita*, quæ heic loci pariter *Pœnis* præstabat refugium contra insultus Libyæ populorum barbarorum, qui *Phœnicos* interne-  
cino odio prosequabantur, teste eodem  
DIODORO L. XX. p. 791. poruit a refugio  
nomen *Melittis* accepisse, si Phœnicium  
est vocabulum?

§. 2.

Qui vero Phœnicium nomen heic lo-  
ci non agnoscent, quod tamen antiquissi-  
mi temporis ratione habita non negandum,  
dubio procul a *melle* & *apibus* dictam *Me-  
λιττιν* contendunt, quemadmodum pagus  
Atticus *Melita* hinc dictus est apud PLINI-  
UM, L. IV. 7. erat enim vicinus *Hymetto*  
celeberrimo mellis copia. Item *Μελισση*  
*Melisse*, oppidum Phrygiæ, ubi Alcibiades  
sepultus est, teste ATHENÆO L. XIII. 4.  
Verum & *Melite* fuit insula Illyrico vicina,  
de qua *ibidem loci* BOCHARTUS, quæ Græ-  
cam originem respuere viderur, uti & *Mi-  
letus* \*) antiqua & celeberrima Joniæ urbs

M m 5 &

\*) Quam urbem etiam ab eadem radice *μῆλις*  
qua *liberare*, *servare*, denotat, dictam  
vult Cel. MOYNE Var. S. T. II, p. 134.  
Conf. de hac civitate coloniarum multitu-  
dine



& *Melite*, antiqua pariter ejusdem regionis civitas, & ab incolis Joniæ quondam deleta, a VITRUVIO L. IV. 1. inter urbes Joniæ memorata. His enim vetustis urbibus videtur ex Orientis lingua, quale etiam sit, nomen adhæsisse, ut forte *Bocharti* conjecturæ de *Melite* insula, & ad hæc loca extendi mereantur. Alia quamplurima locorum & urbium ejusdem soni nomina occurrunt, quæ apud Veteres & recentiores Geographos evolvi, & quæ commode ad triplicem hanc radicem referri possunt.

## II. A R A M B Y S.

### ARGUMENTUM.

- §. 1. *Arambys* non dicta ab הר-ענבין *Har-ambyn*, monta uvarum, sed a ערב *arab*, vel a *multitudine*, vel a *nigritie* hominum, unde etiam *Arabes* dicti, item *Kedareni*, a קדר *Kadar* nigrescere, unde ערב *Ereb* vespera &c. *Mem* inferitur, Cl. *Gronovii* laudatus.
- §. 2. Arabia dicitur etiam *Ereb*, *Arabes*, *Erebim*, unde *Erembi* iidem sunt, qui *Troglodytae* & *Arabes*.
- §. 3. Lis circa verbum *Homeri*. *Erembi* non dicti ab ἑρως βρυσην, quod sub terra habitent. *Cant.* 1. 5. illustr.

§. 1.

dine incluta PITISCUS in *Curt.* p. 117. MARSHAMI *Cant. Chron.* p. 552. J. de WILDE *sel. Numism. ant.* p. 74. BISSELI *Illustr. Ruinar. Dec. III. Ru. XXVII.* p. 772. sq.

§. I.

ARAMBYS vel *Αραμβυς* ultima a Phœniciis ad Oceanum Atlanticum extructa urbs. Nomen hoc cum BOCHARTO l. c. p. 641. non deducere ab *הר-ענבין* *Har-anbin*, monte uuarum, vel *הר-ענבי* *Har-anbi*, monte racemifero: sed potius a *ערב* *arab*, ut locus vel a miscellanea hominum turba variarum *Libyæ* & *Phœnicum* & *Libyphœnicum* gentium, vel ab incolarum *nigritie* dictus sit. Utrumque enim vox Hebræa denotat. Unde & Arabes \*) dicti sunt, vel a colluvie hominum se in Arabia latrocinii causa congregantium, vel a populorum *nigredine*, unde & *Kedureni* \*\*) secundum quosdam appellati plurimi *Arabum* a *קדר* *Kadar*, *nigrescere*, *atrum*

\*) Alia lege apud CL. SIMONIS in *Onomast. Vet. Test.* p. 107. MOYNE Var. S. T. II. p. 469. BETULEJUM in *Ladant. Carmen de Phœnice* v. 80. edit. c. not. Var.

\*\*) Rever. GRONAU V. D. Min. Berolin. mavult *Kedarenorum* vocem ex propria ipsorum lingua illustrare, & ex divite Arabum thesauro adducit duplicem radicem, quarum prima *קדר* *Kathara*, concernit *vitæ rationem*, altera potentiam Arabum a *קדר* *Kadara*, *prævalere*, *potens esse*, in *diff. de Tentoriis Kedar* p. 6. Præf. Cel. Lampe. Bre-

*trum esse. Hinc ערב & Ereb vocatur vespera, & ערב Oreb corvus a nigredine. In plurali est ערבים & Syriaca dialecto ערבין Arabin, unde Nun finali in Σ mutato, ut in Νιμβיס a נסיבין & mem epenthetico inserto Arambis vel Arambys. Mem enim frequentissime interponi, toties viris doctis observatum est, vid. Clar. LAMPE de Cymbalis L. I. c. 1.*

## §. 2.

Atque ut hoc magis illustremus, sciendum, quod, quemadmodum *Arabia* sæpe dicitur ערב *Arab*, sic & juxta punctationem Masorethicam ערב *Ereb* dicatur, ut I REG. X. 15. מלכי הערב *Malche beereb*, id est, *Reges Arabiae*. Atque hi ערבים *Arabim* vel *Erebim*, ut 2 CHRON. XXI. 16. & alibi vocantur, sunt HOMERI *Erembi*, seu *Arabes Troglodytæ*. Docet hoc clare & expresse STRABO p. 2. memorans *Homerum* meminisse Ερεμβες, addit ες εικος λεγουντας Τρωγλοδυτας ΑΡΑΒΑΣ, quos *Troglodytas Arabes recte dixeris* vid. RHODIGINUS *Ant. L. p. 1033.* sed *Erembos* ad littus Arabici sinus juxta *Aethiopas Orientales*

Bremæ 1728. Conf. HOTTINGERI *Histor. Orient.* p. 48. BERNARDUS ad *Josephi Antiquitt. Jud.* p. 49.

tales locat DIONYSIUS PERIEGETES v. 180. & in hac re accedimus *Dionysio*, quia *Arabes* in hanc *Æthiopiam* sæpius deduxisse colonias, certissime novimus. Vid. PLINIUS L. VI. 29. Imo & *Strabonem* hos ipsos *Troglodytas* intelligere, dum *Erembos* esse *Troglodytas Arabas* exponit, videtur vero simile. Nam *Troglodytice*, & ab aliis *Æthiopia*, ab aliis quoque *Arabia* dicta est, Consulatur ILL. SALMASIUS in *Solinum* p. 561. Pariter & *Arabia* *Felici* versus *Occidentem* opponit solum *Eremborum* DIONYSIUS PERIEGETES v. 961. sq.

§. 3.

*Homeri* versus, quem STRABO citat, hic est,

Αἰθιοπας δ' ἰκομεν καὶ Σιδονίης, καὶ ΕΡΕΜ-  
ΒΟΥΣ,

Veni ad *Æthiopas*, & *Sidonios*, &  
EREMBOS.

Plurimum de hoc loco *Homeri* disputat *Strabo* L. 1. p. 28. & L. XVI. p. 539. docens eum vocatum dudum fuisse sub incudem veterum Criticorum. Nam *Zenonem* Auctorem *Stoicæ* sectæ ita locum correxisse,

- - καὶ Σιδωνίης Ἀραβίας τε

sed intempestivam hanc Zenonis Criticam, qui major fuit Philosophus, quam Criticus, ipse *Strabo* rejicit, quod locus mendocareat, atque in omnibus veterum Mfrs extet *Ἐρεμβες*. Unde rectissime accedit *Possidonio*, utrobique locorum, qui *Ἐρεμβες* dici ab Homero scripsit, quos nunc *Αραβίας* levi inmutacione vocamus. Conf. STEPH. BYZANT: in *Ἐρεμβοι*, & EUSTATHIUS *ad l. c. Homeri*, p. 61. BOCHARTUS hic nobiscum consentit T. I. p. 216. & 283. Originem nominis loci exposuimus, nam quod Græci tradant apud STRABONEM L. I. p. 29. ita dictos ab *ἐρεμ βαίνειν*, quod sub terra habitent, cui EUSTATHIUS *ad Dionys. Perieg.* v. 180. IS. TZETZES MOX citandus, & AUCTOR *Etymologici Magni* accedunt, nugæ sunt Græculorum. Vid. CL. HASÆUS *Bibl. Brem.* T. II. p. 482. Melius foret, quod quasi *Ἐρεμνοί* vel *Ἐρεβεννοί* dicti sint, hoc est *nigri*, nam & omnia illa nomina *Ἐρεμνος*, *Ἐρεβεννος*, & *Ἐρεβος* nigritiem quandam involvunt, quibus *infernus* & *infernus homines* utpote denotantur, sunt ex eadem radice *ערב ereb*, & ita *infernus* dictus est a *nigrore*, quo eum conspicuum esse, & olim & hodie credebatur, & creditur. Eam quidem etymologiam respuit STRABO L. XVI.



XVI. p. 540. quod id Æthopibus magis conveniat, sed ex ea causa perperam, quia non solum Aethiopes sed & Arabes nigri erant, quorum referunt illud Salomonis regum sapientissimi, CANTIC. I. 5. NIGRum, ut tentoria Kedar. Nescio an & inde lux accedat voci *Aramibus*, quod vicina sit urbs *Nomadibus*, & *Aethiopiis*, HANNONE teste. Nam inter varias explicationes vocis Ερεμβος etiam Νομαδων & Αιθιοπων meminit HESYCHIUS: Ερεμβοι, ΝΟΜΑΔΕΣ, ΑΙΘΙΟΠΕΣ. Αραβες, Ινδοι, Αραβιοι. *Eremborum* etiam ad Nilum habitantium meminit LYCOPHRON *Alex* v. 827.

Και τις Ερεμβων ναυαταις ηχθιμενας  
Προβλητας ακτας.

*Et EREMBORUM nautis piscata  
Prominentia littora.*

Ad quæ verba IS. TZETZIS explicatio notanda: Ελληνικος Φησι, τις Ερεμβος περι τις της Νειλως ροας οικειν, γένος δε Αραβων εισιν οι Ερεμβοι οι καὶ Τρωγλοδυται, καὶ Ιχθυοφαγοι καλεμενοι, ων τον βιον πλαπως ο Διοδωρος γραφει. Ερεμβοι δε λεγονται, οτι εν τη ερα, ητοι τη γη βαυνεσιν, υπαρ γην καὶ τρωγλας οικεσιν. *Hellanicus dicit, Erembos circa Nilum fluvium habitare; Erembi vero sunt gens Arabica, qui & Troglodytæ & Ichthyophagi, vel piscivori dicti, quorum vitam pluribus Diodorus descripsit.*  
Erem-

terit quod ad Regem iverit, & eum cum affeculis ejus refocillaverit; sed quod *absque Principe suo* claudo abiverit, & eum eo ipso permagno exposuerit vitæ periculo. Quapropter etiam Rex David Mephibosetho nostro Apologeticon ejus & incusationem Zibæ nequaquam in malam interpretatus est partem; quin imo eundem refocillare conatus est, eo quod Zibæ tantummodo Medietatem Bonorum Mephibosethianorum reliquerit, alteram Medietatem eorum autem Mephibosetho clementer restituerit. \*)

## §. II.

- \*) *Triplex* mihi videtur in Historia Mephibosethi *dispositio Davidis* circa memorata Bona occurrere. *Prima* facta est secundum 2 Sam. IX, 9. 10. ubi Rex David Mephibosetho omnia & singula Bona donasse dicitur. *Secunda* 2 Sam. XVI, 4. occurrat, ubi Zibæ, servo Mephibosethiano, dicta Bona adjudicata fuere. *Tertia* 2 Sam. XIX, 30. extat, & medietatem horum Bonorum Zibæ adtribuit. Inficiari nequeo, & mihi postremam hancce Davidis sententiam circa paterna Mephibosethi Bona minus idoneam videri, eo quod innocens Princeps haudquaquam mererit, ut Medietatem Bonorum suorum paternorum amitteret; ast simul perpendo, Davidem Regem hoc unice ideo fecisse, ne astutus Ziba in turbulentis illis, quæ tunc temporis erant,

## §. II.

Quod si autem quispiam hac occasione & notionem *obtreſtandi*, *calumniandi* libenter conſervare velit, & ex rationibus mihi ignotis adfirmer, Mephiboſethum omnino aliquid de *obtreſtatione Zibæ* coram Rege David inaudiviſſe; is ſuo abundet iudicio. Id tamen idem obſervare debet, ut ſupra memoratus *Hiatus hiſtoricus* evitetur, & primaria notio *incurvandi* minime negligatur. Sic proinde initium verſus 28vi verti poſſet, (ſervus meus Ziba me decepit) “*Et non tantum aſtute (curve* “*ſiniſtre, inique) a me (absque me) ad Do-* “*minum meum Regem abiit, verum etiam* “*curve (ſiniſtre, inique) contra me ad Do-* “*minum meum locutus eſt.*” Si tamen hac de verſione ſincere loqui debeam, adfirmo, eam mihi coactam eſſe videri, nec tam bene ad præcedentia verba, *volui ad Regem pro-*

M m 2

ficiſ-

circumſtantiis Regni Iſraelitici novas forſitan excitaret turbas, ſi pro magna ſua erga Regem David fidelitate nullum prorsus acciperet præmium. Et minus ſinceris hominibus nonnunquam ob rationes politicas connivendum eſt. Mephiboſethus autem in Medietate Bonorum ſibi donatorum facile acquieſcere potuit, quandoquidem Gratia Regis ei omnia omiſſa optime compenſare valuit. Quæ hic Cl. Delany de *Colono partiaro Zibæ* adfert, non placent mihi.

*fici/ci, sed non potui*, quadrat; quandoquidem ea non tam *calumniam*, quam *astutum Zibæ abitum*, quo simul omnes \*\*) Asinæ Me-

\*\*) Miror profecto, quomodo vulgaris versio 2 Sam. XVI, 1, occurrens adfirmare possit, Zibam tantummodo *par Asinorum* secum ad Davidem adduxisse, cum tamen & vox hebræa hic extans, & ingens, quod ad Davidem ferebatur, onus esculentorum contrarium suadeat. Vox hebræa hic extans est **חמרים צמר**, quod per *Jugum Asinorum* verti debet, eo quod **צמר** *ungere, copulare* significat, atque ita non *par Asinorum* sed *copula seu Jugum Asinorum* intelligitur. Si Auctor sacer *duos Asinos* indicare voluisset, Duali Numero **חמרים** haud dubie usus fuisset, quod tamen non fecit; atque ideo plures, quam duos Asinos nobis ob oculos ponere voluit, etsi numerum ipsum non indicaverit. Idem nobis & onus illud esculentorum, quod ad Davidem apportabatur, suadet; nam *ducenti panes, & centum uvæ passæ, centumque poma & uter vini* vix a duobus portari potuissent asinis; plures asini profecto ad tale quid portandum requirebantur. Ne dicam, quod hi adducti Asini secundum v. 2. dicti Capitis *pro Familia Regis ad insidendum* destinati fuerint, ac proinde plures esse debuerunt. Non male itaque judicantii, qui Zibam Mephibosetho Domino suo omnes abduxisse Asinos autumant; quam ob causam etiam Mephibosethus Regem David sequi non potuit.

Mephibosethi ademtae fuerant, praesupponit.

§. 12.

Postremo adhuc indicandum restat, quid de verbis Davidicis sentiendum sit, quae v. 30. extant, & finito Apologetico Mephibosethiano sententiam Regis manifestant. Dicit ibi David ad Mephibosethum: *Quare eloquereris ultra verba tua? Edixeram, ut tu & Ziba partiamini agrum.* Posterior sententiae hujus Regiae pars supra (§. 10.) paucis enucleata est. Ob periculosas Regni Davidici circumstantias Zibae dimidium Bonorum Mephibosethianorum donatum fuit. Prior vero sermonis hujus Davidicis pars non impatientiam aliquam Regis, sed clementiam ejus erga Mephibosethum indicat, ac si diceret Rex ad Mephibosethum: non opus est multis verbis, facile comprehendere possum innocentiam tuam & varietatem Zibaeam; ast in in hisce rerum turbulentarum circumstantiis prudentiae est, partem Bonorum tuorum servo tuo Zibae dono dare; acquiesce tu modo in hacce Regia mea dispositione, & firmiter

M m 3

ter

tuit, eo quod ipsi nullus amplius ad infidendum superfuerit Afinus vel Afina.



ter persuasus esto, me curam tui perenniter  
esse habiturum \*)

## F I N I S.

- \*) *Cel. Delany* autumat *lib. cit.*, Davidem Regem hac occasione concepisse Psalmum suum XXXVII, eoque Mephibosethum contristatum pie erigere, & ad constantem in Deum Fiduciam excitare voluisse, quinimo prædixisse de vafro Mephibosethi servo, eum felicitate sua diu gavifurum non esse. Ea, quæ *Rev. David Elsnerus*, V. D. M. Borussicus, de Innocentia Zibæ & de Mephibosethi crimine læsæ Majestatis Davidicæ an. 1758. in lucem edidit, peculiari Ao- 1759 Dissertatiuncula Historico-philologica de *vindicata Integritate Mephibosethica* confutata fuere; ubi & cogitata supra allata vernacula lingua prostant.





## VI.

JOH. PHIL. CASSELI,.

PROF. BREM.

O R I G I N E S

L I B Y A E V E T E R I S ,

E X

ANTIQUA PHOENICIORUM LINGUA  
ERUTAE. \*)

## I. M E L I T T A .

## ARGUMENTUM.

§. 1. *Melitta* & *Malta* non a מלטא *melata*, calx vel cæmentum, sed a מליטה *Melita*, refugium. §. 2. Num a *melle* & *apibus* quasi ΜΕΛΙΤΤΗ dicta, ut *Melita*, pagus Atticus, *Melissa* oppidum Phrygiæ, *Miletus* & *Melite* Joniæ urbes.

## §. 1.

**M**ELITTA quartum est oppidum, (de prioribus enim tribus *Caricon Teichos*, *Gitte*, *Acra*, loco infra citato pluribus

M m 4

\*) Tria ejusmodi generis specimina ante aliquot annos a me inserta sunt *Diario Tigurino*, quod

ribus egimus,) quod ab Hannone & Carthaginensibus ad mare in Libya exstructum est. Urbem hanc, una cum insula *Melite* in mari mediterraneo sitam \*) a מלטה *Melata*, vel *Malta*, *calcem* & *cæmentum* denotante vocabulo, appellatam esse vult Cel. BOCHARTUS. *Can. L. 1. c. 26. p. 500.* ubi pluribus de hac voce agit. Sed cum & ibidem loci Vir summus observet, מלטה *Melita* Pœnorum lingua fuisse *refugium*, a radice מלט *Millet*, *eripere*, *effugere*, *liberare*, qualem insulam *Meliten* fuisse

quod *Satura Dissertatt. Oratt. &c.* inscribitur, cujus tantum volumen I, quatuor partibus constans prodiit, & postea sub titulo *Musei Helvetici* aliis legibus circumscripti renovatum & continuatum est. Nobis titulum Observationum nostrarum ad alios usus destinatarum itidem mutare, & a generali denominatione regionis inscribere placuit

- \*) Pluribus in originem vocis *Malta* inquisivit J. F. WANDALINUS, *diff. de Melita Pauli*, c. 1. p. 17. sq. Hafniæ 1707. & quam plurimi alii, qui de hac insula in scriptis suis data cura egerunt, quorum nomina coacervare nolo. Cæterum *Wandalini* diss. una cum J. G. ERLMANNI de eadem insula junctim insertæ sunt *Thesauro Dissertatt. Theolog. Philol. Menthenii*, T. II. p. 497. sq. Conf. & MAJUS de lingua *Punica*. p. 3-15.

isse docet expressis testimonii *Diodori Siculi* verbis: quidni & hæc Pœnorum urbs *munita*, quæ heic loci pariter *Pœnis* præstabat refugium contra insultus Libyæ populorum barbarorum, qui *Phœnicos* interne-  
cino odio prosequabantur, teste eodem  
DIDORO L. XX. p. 791. potuit a refugio  
nomen *Melittis* accepisse, si Phœnicium  
est vocabulum?

§. 2.

Qui vero Phœnicium nomen heic lo-  
ci non agnoscent, quod tamen antiquissi-  
mi temporis ratione habita non negandum,  
dubio procul a *melle* & *apibus* dictam *Me-  
λιττην* contendunt, quemadmodum pagus  
Atticus *Melita* hinc dictus est apud PLINI-  
UM, L. IV. 7. erat enim vicinus *Hymetto*  
celeberrimo mellis copia. Item *Μελισση*  
*Melisse*, oppidum Phrygiæ, ubi Alcibiades  
sepultus est, teste ATHENÆO L. XIII. 4.  
Verum & *Melite* fuit insula Illyrico vicina,  
de qua *ibidem* loci BOCHARTUS, quæ Græ-  
cam originem respuere viderur, uti & *Mi-  
letus* \*) antiqua & celeberrima Joniæ urbs

M m 5

&

\*) Quam urbem etiam ab eadem radice מלח  
qua liberare, servare, denotat, dictam  
vult Cel. MOYNE Var. S. T. II, p. 134.  
Conf. de hac civitate coloniarum multitu-  
dine

& *Melite*, antiqua pariter ejusdem regionis civitas, & ab incolis Joniæ quondam deleta, a VITRUVIO L. IV. 1. inter urbes Joniæ memorata. His enim vetustis urbibus videtur ex Orientis lingua, quale etiam sit, nomen adhæsisse, ut forte *Bocharti* conjecturæ de *Melite* insula, & ad hæc loca extendi mereantur. Alia quamplurima locorum & urbium ejusdem soni nomina occurrunt, quæ apud Veteres & recentiores Geographos evolvi, & quæ commode ad triplicem hanc radicem referri possunt.

## II. A R A M B Y S.

### ARGUMENTUM.

- §. 1. *Arambys* non dicta ab הר-עמבין *Har-ambyn*, monte uvarum, sed a ערב *arab*, vel a *multitudine*, vel a *nigritie* hominum, unde etiam *Arabes* dicti, item *Kedareni*, a קדר *Kadar* nigrescere, unde ערב *Ereb* vespera &c. *Mem* inferitur, Cl. *Gronovii* laudatus.
- §. 2. Arabia dicitur etiam *Ereb*, Arabes, *Erehim*, unde *Erembi* iidem sunt, qui *Troglodytæ* & *Arabes*.
- §. 3. Lis circa versum *Homeri*. *Erembi* non dicti ab ἑρμῆς βρυον, quod sub terra habitent. *Cant.* 1. 5. illustr.

§. I.

dine incluta PITISCUS in *Curt.* p. 117. MARSHAM *Cant. Chron.* p. 552. J. de WILDE *sel. Numism. ant.* p. 74. BISSELI *Illustr. Ruinar. Dec. III. Ru. XXVII.* p. 772. sq.



§. I.

ARAMBYS, vel Ἀραμῦς ultima a Phœniciis ad Oceanum Atlanticum extructa urbs. Nomen hoc cum BOCHARTO l. c. p. 641. non deducere ab הר-ענבין *Har-anbin*, monte uvarum, vel הר-ענבי *Har-anbi*, monte racemifero: sed potius a ערב *arab*, ut locus vel a miscellanea hominum turba variarum *Libyæ & Phœnicum & Libyphœnicum* gentium, vel ab incolarum *nigritie* dictus sit. Utrumque enim vox Hebræa denotat. Unde & Arabes \*) dicti sunt, vel a colluvie hominum se in Arabia latrocinii causa congregantium, vel a populorum *nigredine*, unde & *Kedareni* \*\*) secundum quosdam appellari plurimi *Arabum* a קדר *Kadar*, *nigrescere, atrum*

\*) Alia lege apud CL. SIMONIS in *Onomast. Vet. Test.* p. 107. MOYNE *Var. S.* T. II. p. 469. BETULEJUM in *Lactant. Carmen de Phœnice* v. 80. edit. c. not. *Var.*

\*\*) Rever. GRONAU V. D. *Min. Berolin.* mavult *Kedarenorum* vocem ex propria ipsorum lingua illustrare, & ex divite Arabum thesauro adducit duplicem radicem, quarum prima

קתר *Kathara*, concernit *vitæ rationem*, altera potentiam Arabum a קדר *Kadara*,

*prævalere, potens esse*, in *diff. de Tentoriis Kedar* p. 6. Præf. Cel. Lampe. Bre-

*trum esse. Hinc* ערב *Ereb vocatur vespera,*  
 & ערב *Oreb corvus a nigredine. In plurali*  
 est ערבים & Syriaca dialecto ערבין *Ar-*  
*abin, unde Nun finali in Σ mutato, ut in Νι-*  
*σβις a נסיבין & mem epenthetico inserto*  
*Arambis vel Arambys. Mem enim frequen-*  
*tissime interponi, toties viris doctis obser-*  
*vatum est, vid. Clar. LAMPE de Cymbalis*  
*L. I. c. 1.*

## §. 2.

Atque ut hoc magis illustremus, scien-  
 dum, quod, quemadmodum *Arabia* sæpe  
 dicitur ערב *Arab*, sic & juxta punctatio-  
 nem Masorethicam ערב *Ereb* dicatur, ut 1  
 REG. X. 15. מלכי הערב *Malche beereb*, id  
 est, *Reges Arabiae. Atque hi ערבים*  
*Arabim vel Erebm*, ut 2 CHRON. XXI.  
 16. & alibi vocantur, sunt HOMERI *Erem-*  
*bi, seu Arabes Troglodytæ. Docet hoc*  
*clare & expresse STRABO p. 2. memorans*  
*Homerum meminisse Ερεμβας, addit ες εικας*  
*λεγειν τας Τρωγλοδυτας ΑΡΑΒΑΣ, quos Tro-*  
*glodytas Arabes recte dixeris vid. RHODI-*  
*GINUS Ant. L. p. 1033. sed Erembos ad*  
*littus Arabici sinus juxta Aethiopas Orien-*  
*tales*

Bremæ 1728. Conf. HOTTINGERI *Histor.*  
*Orient.* p. 48. BERNARDUS ad *Josephi*  
*Antiquitt. Jud.* p. 49.

tales locat DIONYSIUS PERIEGETES v. 180. & in hac re accedimus *Dionysio*, quia *Arabes* in hanc *Æthiopiam* sæpius deduxisse colonias, certissime novimus. Vid. PLINIUS L. VI. 29. Imo & *Strabonem* hos ipsos *Troglodytas* intelligere, dum *Erembos* esse *Troglodytas Arabas* exponit, videtur vero simile. Nam *Troglodytice*, & ab aliis *Æthiopia*, ab aliis quoque *Arabia* dicta est, Consulatur ILL. SALMASIUS in *Solinum* p. 561. Pariter & *Arabia* *Felici* versus *Occidentem* opponit solum *Eremborum* DIONYSIUS PERIEGETES v. 961. sq.

§. 3.

*Homeri* versus, quem STRABO citat, hic est,

Αἰθιοπας δ' ἰκομεν καὶ Σιδονίης, καὶ ΕΡΕΜ-  
ΒΟΥΣ,

Veni ad *Æthiopas*, & *Sidonios*, &  
EREMBOS.

Plurimum de hoc loco *Homeri* disputat *Strabo* L. 1. p. 28. & L. XVI. p. 539. docens eum vocatum dudum fuisse sub incudem veterum Criticorum. Nam *Zenonem* Auctorem *Stoicæ* sectæ ita locum correxisse,

- - καὶ Σιδωνίῳ Ἀραβίας τε

sed intempestivam hanc Zenonis Criticam, qui major fuit Philosophus, quam Criticus, ipse *Strabo* rejicit, quod locus mendo careat, atque in omnibus veterum Mssis extet *Ἐρεμβίης*. Unde rectissime accedit *Possidonio*, utrobique locorum, qui *Ἐρεμβίης* dici ab Homero scripsit, quos nunc *Ἀραβίας* levi inmutatione vocamus. Conf. STEPH. BYZANT: in *Ἐρεμβίῳ*, & EUSTATHIUS *ad l. c. Homeri*, p. 61. BOCHARTUS hic nobiscum consentit T. I. p. 216. & 283. Originem nominis loci exposuimus, nam quod Græci tradant apud STRABONEM L. I. p. 29. ita dictos ab *ἐρεμ βαίνειν*, quod sub terra habitent, cui EUSTATHIUS *ad Dionys. Perieg.* v. 180. IS. TZETZES mox citandus, & AUCTOR *Etymologici Magni* accedunt, nugæ sunt Græculorum. Vid. CL. HASÆUS *Bibl. Brem.* T. II. p. 482. Melius foret, quod quasi *Ἐρεμνοί* vel *Ἐρεβννοί* dicti sint, hoc est *nigri*, nam & omnia illa nomina *Ἐρεμνος*, *Ἐρεβννος*, & *Ἐρεβος* nigritiem quandam involvunt, quibus *infernus* & *inferi homines* utpote denotantur, sunt ex eadem radice *עֶרֶב* *ereb*, & ita *infernus* dictus est a *nigrore*, quo eum conspicuum esse, & olim & hodie credebatur, & creditur. Eam quidem etymologiam respuit STRABO L. XVI.

XVI. p. 540. quod id Æthopibus magis conveniat, sed ex ea causa perperam, quia non solum Aethiopes sed & Arabes nigri erant, quorum referunt illud Salomonis regum sapientissimi, CANTIC. I. 5. NIGRum sum, ut tentoria Kedar. Nescio an & inde lux accedat voci *Aranibus*, quod vicina sit urbs *Nomadibus*, & *Aethiopiis*, HANNONE teste. Nam inter varias explanationes vocis Ερεμβος etiam Νομαδων & Αιθιοπων meminit HESYCHIUS: Ερεμβοι, ΝΟΜΑΔΕΣ, ΑΙΘΙΟΠΕΣ. Αραβες, Ινδοι, Αραβιοι. *Eremborum* etiam ad Nilum habitantium meminit LYCOPHRON *Alex* v. 827.

Και τις Ερεμβων ναυαταις ηχθημενας  
Προβλητας ακτας.

*Et EREMBORUM nautis piscata  
Prominentia littora.*

Ad quæ verba IS. TZETZIS explicatio notanda: Ελληνικος Φησι, τις Ερεμβος περι τις της Νειλως οας οικειν, γένος δε Αραβων εισιν οι Ερεμβοι αι καὶ Τρωγλοδυται, καὶ Ιχθυοφαγοι καλεσμενοι, ων τον βιον πλαπως ο Διοδαρος γραφει. Ερεμβοι δε λεγονται, οτι εν τη ερα, ητοι τη γη βαυνουσιν, υπαρ γην καὶ τρωγλας οικουσιν. *Hellanicus dicit, Erembos circa Nilum fluvium habitare; Erembi vero sunt gens Arabica, qui & Troglodytæ & Ichthyophagi, vel piscivori dicti, quorum vitam pluribus Diodorus descripsit.*  
*Erem-*



*Erembi vero dicuntur, quoniam תנחם id est, sub terra, & speluncas inhabitant. Plura de his populis collegi in singulari Observatione de Troglodytis & Nomadibus 1739. Magdeburgi edita.*

### III. TINGIS & SAGUTI.

#### ARGUMENTUM.

§. 1. *Tingis* urbs alia est quam *Tingis* hodie *Tanger*, dicta a תגר *tagger*, negotiari. §. 2. *Saguti* apud alios *Sinus Emporicus* vocata, nomen habet a סחור *sachur*, mercator, & שכר *schachar*, permutare merces, &c.

In descriptione oræ Africæ, quæ ad mediterraneum mare sita est, occupatus STRABO, varia notatu digna de Mauro-rum populo, regionem incolente, urbibusque ibidem exstructis profert, quorum pleraque alibi excussimus, & quæ restant, porro excutiemus. Pergimus itaque cum Geographo nostro. Hic pag. 1181. tradit. Πλησιον δε πολυχνιον μικρον υπερ της θαλασσης οπερ ΤΙΓΓΑ καλεσιν οι ΒΑΡΒΑΡΟΙ, Λιγνα δε Αρ-πιμιδωρος προσηγορευτα, Ερατοσθενης δε Λιξον. *Pone (Cotes) est etiam oppidulum supra mare, id Barbari (sive Mauri) vocant TINGA, Artemidorus Linga, Eratosthenes Lixum.* Videtur hæc urbs distinguenda esse omnino a *Tingi* quæ hodie *Tanger*, piraticam  
exer-

exercens, dicitur, quæque *Lingi* huic vicina dein ponitur a STRABONE, p. 1183. Id quod etiam observarunt CASAUBONUS ad l. c. *Strab.* & VOSSIUS ad *Pompon. Melam.* p: 315. Attamen voces fortasse sunt ejusdem originis. Ut itaque *Τίγγις* in accusandi casu habet *Τίγα*, ut ibidem loci apud *Strabonem*, ita quoque ejus casus rectus æque potest esse *Τίγγις*, unde *Τίγγις*. Est autem illud nomen generalius, & quodvis potest *emporium* denotare a Syriaca voce תגר *Tagger* vel *Tigger*, *negotiari*, unde תגר *mercator*, quod de urbe *Tingitana* recte observavit *Cel. BOCHARTUS* l. c. *Can. cap. cap. XXIV*, p, 477. Alias nomen urbis Λιγξ, *Linx* vel *Lixos* deducit a ליש *Laisch*, *leo*, L. I, c. XXXVII. putatque *Strabonem* λιγγα heic loci cum *Τίγγα* confudisse, quod diserte affirmare non audeo, cum postea *Tingis* sub nomine *Tigys* p. 1183. meminit. Attamen verosimilius videtur *Τίγγα* in primo apud *Strabonem* loco esse calum nominandi. Interea tamen nihilominus potest nomen a תגר *tagger* descendere, & finali eliso, ut ex בקר *bakar* fit *vacca*, זמר *Zamar* est *Zama*, Jubæ quondam regia, & מוסר *Musar*, *Musa*.

§. 2.

Sequitur apud STRABONEM l. c. *Lixos* & *Cotibus* ad austrum sinus adjacet ο  
*Bibl. Brem. Nov. Cl. III. F. III.* N n EM-

ΕΜΠΟΡΙΚΟΣ καλεσµένος ἔχων ΦΟΙΝΙΚΙΚΑΣ ἐµπορικὰς καποικίας, qui *Emporicus* (seu mercatorius) *sinus vocatur, qui varia habet commorandi loca* PHOENICIIS mercatoribus destinata. Situs ostendit hunc *sinum emporicum* eundem esse cum *sinu Saguti*, quem prope Lixum ponit æque PLINIUS L. V. c. I. Atqui hoc nomen est a סחור, *Sachur* mercator, Εµπορος, quæ est a radice שׁכר *schachar* vel *Sachar*, *permutare merces*, unde hodierna frequens Judæorum vox *Schachern*. Idem δὲ πανν BOCHARTUS L. I. Can. c. XXXVII, p. 644. propter hanc originem pro *saguti* legendum censet *Saguri*. Verum nihil fortasse mutandum est, quia R & T. & S. in fine literarum Orientalium sæpe invicem permutantur. Est proinde *sinus Sagut* idem & significatione, qui *Emporicus*. Adde quod lectio *saguti* adhuc dubia, cum in Codice MSS to Regis Christianiss. legatur *Saguci*, teste HARDUINO ad *Plinii* l. c. p. m. 241.

#### IV. SEPTEM FRATRUM MONUMENTA.

##### ARGUMENTUM,

§. 1. Septem fratrum Monumenta sunt *septem montes*, eorum situs, §. 2. de denominatione metaphorica *fratrum* & *sorum* apud *Hebraeos*, §. 3. apud *Graecos* & *Latinos*.

Post-

Postquam dein de Mauretaniæ fertilitate, aliisque rebus varia commemorasset STRABO, redit p. 1181. ad Geographica ejus regionis, & post *Tingin* dicit esse τῶν ἑπτὰ ἀδελφῶν μνημεῖα, *septem fratrum monumenta*. Hæc non sunt a septem fratribus posita quædam monumenta, sed *septem montes*, qui ob affinitatem situs & similitudinem ita sunt nominati. *Plinii & Melæ* testimoniis de his montibus a cel. CEL- LARIO in descriptione *Africæ*, p. 207. adductis addimus SOLINUM *Polyh. cap. XXV. e Provinciis Mauritanis Tingitana exsurgit montibus septem, qui a similitudine FRATRES appellati, freto imminet*. ISIDORUS L. XV. *Orig. c. 1. Septa oppidum a montibus septem*, (hæc etymologia est ridicula) *qui a similitudine vocati FRATRES imminet freto*. MARMOLIUS hos montes nunc ab incolis *Africæ Beni Aroz*, haud longe ab *Alcazar quivis*, dici affirmat. *L'Afrique de Marmol* T. II. p. 246. Conf. J. VOSSIUS *ad P. Melam.* p. 19. Sic etiam tres rupes ad sinum maris vicinæ & sui similes, haud procul a freto *le Maire* in *America*, a nautis *tres fratres* dicuntur. \*)

§. 2.

Appellationem hanc *fraternitatis* ob *similitudinem* norandum est, esse procul du-

N. n. 2

bio

\*) *Reisen und Begebenheiten des Englischen Capitains Robert Boyle*, p. 301. Halberst. 1735. 8.

bio Phœniciaë originis. Hebræis enim cæterisque Orientis populis res *similis* ejusæpe *frater* vel *soror* dicitur אח, אחה, או אחות. Hinc Punice & Mauritanice hi *montes* dicti videntur שבעה אחים *Schibea achim*, id est, *septem fratres*. Ita in tabernaculi Mosaici asseribus junctim ponendis erant in unoquoque eorum duo ירות quam vocem SYMMACHUS κατοχας, ALEXANDRINI ἀγκωνισκας reddunt, & plerumque eminentiis asseribus in utroque latere junctis, & ad instar *manuum* se habentibus, capiuntur. Nam יד *jad* Hebræis *manum* denotare tyronibus est notissimum. Altera vero harum ירות *manuum*, alteriùs dicitur אחות *achoth*, *soror*, ob similitudinem EXOD. XXVI, 17. & facies duas ירות *eminentias unicuique asseri* משלבר אשה אל-אחותה *respondentem alteram ad SOROREM suam*, hoc est, ad alteram, & sui similem. Unde & Alexandrini reddidere δυο ἀγκωνισκας τῷ σὺλῳ τῷ ἐνὶ ἀντιπῑπλόντας ἑτέρῳ τῷ ἑτέρῳ. Ita & PLAUTUS in *Pænulo*, in quo varii sunt Hebraismi & Phœniciorum locutiones, *manum sinistram* dextræ *sororem* appellat. *Act. 1. scen. 3. Nunc obsecro, Te, Milpbio, hanc per dextram, perque hanc SOROREM lævam.* TERTULLIANO quoque id adhæsit Phœnicismi, quibus scater totus in *Pallio*, cap. 1. ubi *Uticam* æque ac *Carthaginem*



*nem* Tyriorum coloniam, vocat ejus civitatis sororem: sic, inquit, in proximo SOROR CIVITAS vestiebat, & sicubi alibi in Africa Tyros. Punice soror civitas est קרתא אחות Kartha achoth, & manus soror est יד אחות Fad achoth. Sic & Judæorum tribus vocantur ratione alterius altera frater vel soror. JEREM. III. 7. EZECH. XXIII. II. collatis JUDIC. I. 17. XX. 13. 23. JOSUE. XVII. 4. & passim. Regnum Samariæ & Judæ, ceu duæ magnæ meretrices EZECH. XVII. considerantur & sorores nominantur. Ita & Civitates fœdere unitæ sorores appellatæ, Conf. LOESCHERI Stromat. p. 164.

§. 3.

Verum nec Latinis, neque Græcis ejus modi loquendi modus prorsus inusitatus fuit, ut res *inanimis* alteri similis ejus ἀδελφός *frater*, vel ἀδελφή *soror* nuncupata sit. AU-  
SONIUS de *Rheno* & *Mosella*, cognatis fluminibus, ita scribit in *Mosella*, v. 420.

FRATERNIS *cumulandus aquis.*

Pariter apud PETRONIUM cap. XLIV, *Paupertas* dicitur *bonæ mentis* SOROR. Proverbium fuisse apud Græcos πτωχίας πενίαν εἶναι ἀδελφὴν discimus ex ARISTOPHANIS *Pluto* v. 549.

Οὐκ ἐν τῇ πτωχείᾳ πέναν φάμεν εἶναι

ΑΔΕΛΦΗΝ,

*Nonne paupertatem mendicitatis dicimus  
esse SOROREM.*

Conf. de hac re *Celeb. STANLEJI notas ad Aeschyli Agamemn. v. 503.* Neque praetermittenda heic loci *PLINII Observatio, L. III. c. 4. notantis, Palmas* ob similitudinem cum *Caryotis & saporem* affinem dictas esse earum *SORORES & ADELPHIDAS.* Nam cum *Palmis* praecipue abundet *Phaenicia* atque *Palæstina*, ut mille veterum scriptorum locis erudimur, vix dubitarem, quin palmis hoc *sororum & ἀδελφῶν* nomen datum sit, a *Phaeniciis* primum, quibus *חיות* *achothe* dicebantur, atque inde Graecorum *Adelphides* & Romanorum *sorores* descendat. Ejusmodi alia affert cel. *apud Lubecenses quondam Verbi divini Præco,* HENRICUS SCHARBAU, *Observatt. sacr. P. I. p. 197. sq. Ill. CUPERUS in Lactant. de Mort. Persecut: cap. VIII.*

## V. MOLOCHAT.

### ARGUMENTUM.

Nomen *Molochat* est Phaenicium a מלך *Melech* Rex, נהר מלכה *Nahar Malca* est fluvius regius. fluvii ejusdem nominis in Babylonia, *Malachat* Getulorum urbs. &c.

In-

Inter Columnas Herculis & fines Massæfylorum plurima oppida interesse scribit in Mauretania STRABO *l. c.* sed nullum nominat præter *Metagonium*. Mentionem tamen facit fluminis *Molochat*, *μολοχαδ*, termini Mauretaniæ & Massæfylorum gentis. Idem & in sequenti pagina repetit, ubi de Massæfylis agit. Massæfylorum enim regio maximam partem nomen postea Mauretaniæ Cæsariensis accepit. Quod vero hic fluvius *Molochat* ponatur in finibus Mauretaniæ & Numidiæ Massæfylorum, indicat eum non diversum esse a *Mulucha* fluvio, qui erat Bocchi regis Maurorum, & Iugurthæ regis Numidarum finis, ut probe observat CELLARIUS *l. c.* p. 188. Conf. Jo. VOSSIUS ad *P. Melam.* p. 22. edit. 1658. *Hagæ Com.* 4. Alter itaque fluvius *Molochath*, cui urbem ejusdem nominis jungit, æque tamen in Mauretania situs, sed prope *Metagonium*, ut locat *Ptolomæus*, ab eo diversus est.

Quicquid sit, nomen hoc *Molochath* & *Mulucha* Phœnicium est, & subintellecta voce נהר *Nabar*, fluvium denotante, indicat *Fluvium regium*. Est enim מלך *Melech*, rex, cujus loco Pœni & Afri dicunt מולך *Moloch* aut *Muluch*, variante pro dialecto pronuntiatione unde מולוכא *Mulucha*, aut מולכת *Molochath*. Sic &

*Hippo* urbs Numidiæ dicitur *Hippo regius*, a PLINIO L. V. 3. & MELA L. I. 7. aliisque, hoc est עִבְּוּ מַלְכָּה *Ubbo Malcha*. Huic vero flumini plane simillimi sunt *Naar Malcha* dicti, fluvii Babylonie prope Euphratem, cujus nominis duo fuere, vetus & recentior. Est enim Phœnicia lingua נַהַר-מַלְכָּה, hoc est *flumen regium*. AMMIANUS MARCELLINUS L. XXIV. c. XXI. *ventum est ad fossile flumen NAAR MALCHA nomine, quod AMNIS REGUM interpretatur, & cap. 2. alia NAAR MALCHA, quod FLUVIUS REGUM interpretatur.* PLINIUS L. VI. cap. 26. *Ab Assyriis vero universis appellatum ARMALCHAR (Naar malcha \*) quod significat REGIUM FLUMEN.* AMMIANUS L. XXIII. 21. non addito nomine Assyriaco hinc intelligendus: *Perfluunt easdem terras & Marfis & FLUMEN REGIUM, & Euphrates cunctis excellens, itemque PTOLEMÆUS, qui istic locorum ponit βασιλεον ποταμον flumen regium.* Ejusdem originis est urbs *Malachat*, quam in interiore Libya & Gætulia esse memorat

PTOLE-

\*) Ita lectionem restituit HARDUINUS *ad h. l. no. 92.* cel. RELANDUS deducit a Perfica voce نَہَر nahar fluvius, & ملو Melca rex, *Dissertatt. Miscell. T. II. p. 251.* Conf. BURTONI *Leips. l. Perf. p. 58.* & Cl. v. SEELEN *in nott. 16. p. 59. & 60.*

**PTOLEMÆUS.** Neque dubito, quin dæ insulæ, Arabiæ Felici adjacentes, huc referendæ sint, quas Νησις Μαλιχα vocat idem *Ptolemæus*, notat enim *regias insulas*. Varie enim pronuntiari מלך *Melech*, ut *Matlach*, *Melich*, *Moloch*, *Muluch*, *Milichus*, *Malchus*, *Melc*, &c. nemo, qui Orientis linguas & varias locorum inde dictorum denominationes paululum delibavit, ignorabit.

## VI. METAGONIUM.


### ARGUMENTUM.

*Metagonium* est nomen Græcum, & denotat tractum terræ, γωνια sunt *Anguli*, *extremitates*, *promontoria*, &c.

**METAGONII**, *Μεταγωνίη*, qui sequitur, celebris loci apud **STRABONEM** aliosque prope hunc modo nominatum fluvium, est nomen *Græcum*, cujus loco incolæ sua lingua alio procul dubio nomine usi sunt. Notat autem *tractum terrarum* prope *promontorium*. Hinc & habet nomen *Metagonium*, quod prope *Amplaga* fluvium locat **MELA**. Nam & ibi ad *ostia* fluminis est, & confinis *promontorio*. Inde & *Metagonitis* terræ pars *Numidicæ* nomen est, & aliorum fortasse locorum, quia siti essent *μετα το Γωνιον*. Conf. **IS. VOSSIUS** ad *P. Melam* p. 27. **CELLARIUS** p. 168. sq.



& p. 205. *γωνίαι* enim dicuntur non solum *anguli*, sed & aliæ rerum variarum *extremitates* & *prominentiæ*; sic *γωνίαι πλατειῶν* sunt *anguli platearum*, MATTH. VI. 5. ita & *ἀκρογωνιαίος λίθος*, *lapis domus angularis*, I PET. II. 6. sic *anguli* terræ seu *promontoria* sunt *γωνίαι*, quas Hebræi aliique vicini populi alias קרן *Keren* seu *extremitatem* (proprie *Cornu*), aut לשון *Laschon*, *linguam*, aut שפה *Saphan*, *labium*, vocant. Hinc & Μεταγωνίον nostrum est *ἀκρον promontorium*, docente *Ptolemæo*, atque ab hoc nomine *Metagonitæ* apud eundem populi sunt *Mauretaniæ*. *Metagonium* vetus, quale promontorium in *Africæ* ora nunc fortean sit, & nomen ejus apud hodiernos incolas inquit *Cel. SHAW in Itiner. cit. p. 12. & 46.*





## VII.

J O. C A R. B O N N E T,

BREVIS DISSERTATIO,

DE

FICTA MIRABILI AD TURRIM  
BABELICAM LINGUARUM  
CONFUSIONE,

AD

G E N. X I, I. seqq. \*)

§. I.

**V**ulgarem de variarum linguarum ortu  
sententiam subleſtò niti fundamento,  
dudum monſtravit cel. CAMP. VITRINGA  
in diſſ. de. *confuſione linguarum*, quæ in  
*ſacris*

\*) Commendat ſe hæc ex parte nova, quantum mihi  
conſtat, hypotheſis Viri Doctiſſimi J O. C A R O L I  
B O N N E T T I, de ficta mirabili lingua-  
rum confuſione, & inde populorum vel pri-  
marum familiarum novi orbis diſperſione ſu-  
per univerſam terram, veriſimilitudinis  
haud contemnenda ſpecie, & adtentionem  
Lectō-

*sacris ipsius Observationibus* exstat, lib. I. Diff. I. Gravissimis illis rationibus, quibus eam destruit Vir doctissimus, addere liceat: 1) præter necessitatem sic multiplicari miracula. Humanum genus Deus cupiebat dispersum, quo universus coleretur terrarum orbis, non agri tantum Euphratem adiacentes. Ego verò id alia ratione obtineri potuisse autumaverim, quæ miraculum haud sapit, sicut mirabilis illa, quam vul-

Lectorum eruditorum merebitur. Recentissime qui hanc materiam peroravit, neminem novi præter Celèberrimum Groningæ Academiæ Philologum, NICOLAUM GUILIELMUM SCHROEDERUM in elegantissima Oratione *de confusione sermonis Babelica*, Groningæ, quum Magistratu Academico abiret, habita a. 1752. Animus est hujus Orationis contenta sequenti aliquo Fasciculo D. v. inferere, ut sciant Lectores, quid & ab altera parte ab Uno ex præcipuis Orientalis eruditionis statioribus ea de re dictum sit, & ut utraque sententia inter se conferri possit. Forte Epicrisin quoque aliquam addam modestissimam, qua quid objici possit Cl. Bonnetti sententiæ expositurus. Ceterum inficias ire nolo, Cl. Bonnetum tam judicii acumine quam brevitate dictionis mihi non minimam excitasse voluptatem, quin desiderium, plura ejusmodi eruditionis haud vulgaris specimina Bibliothecæ huic inferendi, quod ut benevole adimpleat, impense rogo. N. B.

vulgo credunt, linguarum confusio. Undis, igne, bello, animorum diffensione, insectorum multitudine, illud Deum efficere potuisse, quis negabit? 2) Nequeo mihi persuadere, ejusmodi confusionem linguarum adsequendo Dei fini adeo aptam fuisse. Fingas enim, vel singulos homines alia aliaque locutos esse lingua, vel singulas familias; certe non erat, quod digrederentur. Nam si singulos homines cogitata sua diversis protulisse dialectis, propterea a se invicem discessisse statuas; vel maritos uxores suas relinquere oportuisset. Tali vero ratione humanum genus propagari potuisse putes? Quodsi vero familiis tale quid accidisse videatur; quidnam, quaeso, causae fuisse dices, cur altera ab altera sese divulserit? Pascua ibi locorum suppetebant exoptatissima, qualia vix alibi inventuri erant. Tanta enim erat ubertas, ut a pastu repelli pecora dicantur, ne satietas perimat. Vid. *Curtius* l. V. Quin imo anxia, me iudice, expectatio, quo res tandem evasura sit, ceu arctissimum eos vinculum colligatura fuisset. Quis enim nostrum, tam insolitam suae suorumve linguae commutationem expertus, procul secedere audeat? 3) An una cum lingua illa primæva interiit quoque immutabilis iste atque ab ipsa natura omnium animis indi-

inditus sermo, quo ea, quæ cogitamus, nictationibus, nec non capitis, manuum, totiusque corporis gestibus exprimere solemus? Neque enim sola dialecti diversitas quodvis hominum turbat commercium. Quot inter nos dantur institores nonnisi Gallicam Italianive linguam edocti? Quot numerantur urbes, quarum cives partim Germani sunt, partim Galli? Tandem 4) perridiculum tale spectaculum, summoque adeo Numine indignissimum videtur.

## §. 2.

Has aliasque ob causas omnino laudandi videntur Viri doctissimi, qui de commodiore hujus loci explicatione cogitarunt. Quem supra allegavi, cel. VITRINGA duas quidem interpretationes reliquit, quarum altera nobis persuadere vult, unanimem omnium consensum exstitisse in ædificanda urbe turrique, dissociatis autem postea divinitus animis, diversas illos terræ plagas petiisse. Altera confusionem linguarum in pronuntiationis vitium vertit, omnesque, quotquot negotio interfuerunt, facit balbutientes.

## §. 3.

Habet utraque, doctissime licet exposita, quod me adhuc impedit, quo minus alte-



alterutri calculum adiiciam. In priori enim, fatente ipso Auctore, constructio *שם* *שם* *שם* commate VII. insolens est. Tum vero ipse phrasin *confundere sermonem* exprimendo illi dissensui, quem cœlitus vult hominum mentibus immissum, non satis congruam esse sentiens, historiam allegorice scriptam esse a Mose, statuere viderur. Sed vix in narranda historia Mosen allegorice scripsisse, alicui persuasum erit. Quod denique ex *Hesiodi* Opp. & dier. v. CLV. seqq. pro sententia sua adfert Vir celeberrimus, ad Noachi tempora omnino referri nequit, siquidem sole meridiano clarius apparet, sermonem esse Poetæ de belli Trojani temporibus, quæ quidem multo sunt recentiora, quam ut illustrandæ nostræ historiæ inservire possint.

#### §. 4.

In posteriori autem explicatione, si vel maxime concedam, *בללית שפה* de titubantia oris accipi posse, cujus tamen rei argumenta aliquis requirat potiora iis, quæ VITRINGA ex Latio atque Græcia, nec non ex *Colbo*, attulit: nequeo reperire, quam ratione, *דברים אחרים & שפה אחת* *יד* v. I. apte reddere possis. Num linguam fluxu verborum insignem, sermonem eleganter pronuntiatum, voces sine hæsitantia pro-

prolatas? Sed unde probabis? Si vero unam eamque omnibus communem intelligas linguam; non erat, quod hoc loco Moses id observaret. Nihil enim ad rhombum. Ceterum ea, quæ supra contra vulgarem sententiam monuimus, pleraque & huic tenent adversum. Miraculum inducit absque necessitate, idque fini Dei obtinendo haud satis aptum: ne dicam, quod Deo indignius atque indecentius videatur, quam quod vulgo statuunt. Quæ quidem pace manium Viri adhuc venerabilis dicta sunt.

## §. 5.

Alia igitur ratione huic loco mederi conabor. Quod si vero & mihi res præter spem ceciderit; facile, puto, veniam dabis, Lector, ubi eam tanto Viro sudorem excipasse vides. Paucis dicam, quid egomet sentiam. Et *confusionem linguarum*, & *gentium dispersionem* textum tradere, dubio caret. Hanc illius effectum esse, tantum non omnes textum probare clamitant. At dispersionem familiarum ordine inverso produxisse varietatem linguarum, pluribus l. c. demonstravit VITRINGA. Atque idem nos e textu sacro apparere probatum ibimus.

## §. 6.

Quod igitur pertinet ad *primum comma*, illud cum plerisque de una, quæ omni-  
um

um communis erat, lingua interpretatur, quam Moſes, ab Adamo ad hoc Noachidarum ævum, incorruptam manſiſſe, innuit. Quæ vero ſubſequentibus tribus verbis leguntur, ita ſunt comparata, ut nulum in brevi hac diſſertatione locum habeant; quippe quæ ad exſtruendam magis, quam deſtruendam turrim pertinent. Quare adeamus iam *quintum verſum*. En eum

e fonte adſcriptum: וירד יהוה לראות

את-העיר ואת המגדל אשר בנו בני האדם

*Et descendit Iehova ad videndum urbem &*

*turrim, quam ædificarunt filii hominis.* De

radice ירר hic notare iuvat, quod cel.

SCHULTENSIUS ſcripſit in *Orig. hebr.* 1.

I. c. VI. eam *descendere aquatum, in pro-*

*fundos aquarum gurgites immergi,* apud Ara-

bes proprie ſignificare. Hinc deſcendiſſe

gladium Iehovæ Ef. XXXIV. 5. aves rapa-

ces Gen. XV, 11. eo ſcopo, ut ſatientur

ſanguine, lacerent & evertant cuncta. Hæc

ille. Neque hic prætereundum eſt, quod

*Auguſtinus* de C. D. ſcripſit: “non loco,

“inquiens, movetur Deus, qui ſemper ubi-

“que eſt totus: ſed deſcendere dicitur, cum

“aliquid facit in terra, quod præter uſita-

“tum naturæ curſum mirabiliter factum

“præſentiam quodammodo ejus oſtendat.”

Hic quoque velim obſerves, radicem ראה

de Deo dictam, interdum *iram ac vindictam*

innuere; quod pluribus adstruxit exemplis maxime venerandus meus Præceptor, Cel. SIMONIS, in *Lexico man. hebr.*; quibus addere lubet, quod Cel. VENEMA Comment. in Malachiam. p. 393. scripsit, potestatem huius radice in *vibratione radiante* sitam esse, ideoque claram, splendidam ac fulgidissimam dicere manifestationem, cum signis maiestatis divinæ & certissimis veritatis indiciis coniunctam. Quidni hæc verba & nostro loco has suas potestates tueri affirmemus? Mihi quidem dubium non est, quin Moses hoc versu horrendam Babelis eversionem describat. *Descendit Iehova* horrendis instructus fulguribus, densisque stipatus nubium caliginibus, grandine atque nimbis, (qualis fere descendisse prædicatur Ps. XVIII, 10. seqq.) *ad videndum* cum ira ac vindicta, fulmina iaciens, diruensque non modo cellam graviore casu decidentem turrim, sed etiam universam reliquam urbem.

## §. 7.

Non erit alienum, conferre, quæ Gen. XVIII, 21. Iehova, urbes Sodomam Gomorram, reliquas, fulgure deleturus, Abrahamo comiti dixit, ubi textus habet: ארדה-נא ואראה הכזעקתה הבאה אלי עשו  
:ארדה-נא כלל ואם-ל ארעה:  
ita

ita intelligendum esse existimo: Gravissima sunt Sodomorum peccata. *Descendam* igitur, ut funditus eos perdam; & cum vindicta fulmina vibrans mea, *videbo, utrum secundum clamorem eius ad me perlatum, consummationem fecerint*, i. e. penitus omnia perdiderint, omniaque ad perniciem sint profligata. *Quodsi vero minus* eo vesanix processere, *cognoscam* cum approbatione atque amore, ideoque parcam illis. Radicem ירע enim ita sumi posse, inter omnes pervulgatum est. Cf. imprimis cel. VENE-MAE aureus *Commentarius ad Psalmos*, & quidem ad Pl. I. 6. Insuper observandum est, Iehovam hic humano more descendisse minime dici posse, textu non nisi descendentium duorum angelorum mentionem faciente. Adhæc unde noverat Abrahamus, Deum has urbes delendum fuisse, tot Eum pro istis precibus adiens, nisi ex hoc Dei sermone cognosset.

## §. 8.

Everfis igitur & turri & urbe, conma-  
te sexto Iehova, Ecce, ait, עם אחד ושפה  
אחת לכלם וזה החלם לעשות ועתה  
לא-יבצר מהם כל אשר יזמן לעשות:  
*Populus unus est & lingua eadem omnibus,*  
*atque hoc ab ipsis facere coeptum est, neque*  
*cobibebitur ab ipsis quidquam, quod facere*  
O o 2 cogi-



*eogitarunt.* Tanta sua claritate radiant hæc verba, ut vix fufius ea exprimere opus fit. Viderat Summum Numen, intentum eſſe omnium hominum animum in unica adeoque univerſali conſtituenda republica, ea-que propter eos aliquantum poſt, mutui amoris vinculo conſtrictos opus eſſe reſum-turos, dirutaque reſtauratuſos ædificia.

## §. 9.

Cui rei ſoccurrendæ hoc Deus con-filii cepit: **חכה נדרה ונבלה שם שפחה** *Age, deſcen-damus: & confundamus ibi labium eorum,* ut non intelligat unus labium alterius. His quod immoremur verbis, non eſſet, niſi ſcripſiſſet VITRINGA: "Explicent nobis Auctores, quomodo *una* lingua dici poſſit *eſſe confuſa*? Explicent etiam illi, qui He-brææ linguæ antiquitatem, dignitatem & præſtantiam tuentur, quomodo Hebræa lingua dici poſſit *confuſa* eſſe, quando con-ſtat, eam poſt id tempus apud poſteros ho-rum populorum, qui *Babylonicam turrin* ſtruxerunt, integram permanniſſe? „ Ego vero, hic laborem eſſe, hic opus, non exiſtimo. Quis quæſo linguam Latinam con-fuſam eſſe dicere addubitet, quando hinc ortam eſſe Italicam, Gallicam, alias, con-ſiderat? Quis etiam illam non confuſam eſ-

le dixerit, eo quod adhuc integra perman-  
ferit apud Eruditos? Adhæc confusis rei  
partibus rem ipsam non confundi quis asse-  
rat? Non ergo confunderetur exercitus, con-  
fusis singulis ordinibus, nec librum confun-  
det bibliopecta, alteram licet cum altera con-  
fundat plagulam

## §. 10.

Sed quam ratione, ais, Deus pri-  
mævam confudit linguam? En tibi respon-  
det Moses versu octavo: ויפץ יהוה אתם  
משם על פני כל הארץ ויחרלו לבנות העיר:  
*Et dispersit eos Jehova inde super facies  
universiorbis. Et ita cessarunt ædificare ur-  
bem.* Priori hemistichio medium contine-  
ri, quo Deus ad confundendam linguam  
usus est, luce clarius apparet. Quodsi  
enim hæc verba effectum confusionis lin-  
guæ proderent, utique scriptum fuisset:  
וּנְפַץ אֹתָם *atque ita dispergamus eos &c.*  
ut Dei esset sermo, non Moses. Præterea  
non adeo concinne scripsisset Moses, Divi-  
num de confundendis labiis consilium |qui-  
dem tradens, neque tamen illud in effectum  
esse deductum docens. Quæ enim versu  
nono habentur, ad nominis *Babel* rationem  
reddendam pertinent. Accedit radicis  
פּוּץ minus apte in rem quadrans potestas.  
Hanc videlicet, in malam partem ubi adhi-

betur, sicuti hic, *fugam* signare & *interitum*, simili ab aquis dilabentibus sumto, Auctor est Cel. VENEMA ad Gen. XLIX, quocum conferatur Cel. Bibliothecæ huius Editoris, NICOLAI BARKEY, *Diff. inaug. in Psalmum XVIII.* p. 32. seq. Verum tanta putes celeritate, tantoque disiectos esse homines meru, si ob solam linguæ confusionem digressi essent. Quomodo autem, dices, homines Deus disiecit? Facilis ad hæc est responsio ex commate antecedente, ubi Deus, *descendamus*, ait, & *confundamus* cet. Quid autem significet radix ירר supra docuimus. In quam nos hic conjecturam inciderimus, infra dicemus. Restat alterum versus hemistichium, quo Moses Deum ita scopum suum attigisse demonstrat, idque maiorem lucem non desiderat.

## §. II.

Supereft *ultimum* historiæ comma, quod *nomum* est: על-כן קרא שמה: בבל כי-שם בלל יהוה שפת כל-הארץ ומשם הפיצם יהוה על פני כל-הארץ: Propterea vocavit nomen ejus Babel, quia ibi confundere cepit Iehova labium universæ terræ, siquidem exinde dispersit eos Iehova super facies universæ terræ. Duo sunt, quorum hic rationem reddere debeo. Prius ad vocem בלל pertinet, ubi GLASSII canonem

nem legas velim: verba actionem s. effectum notantia de occasione eius interdum intelligenda esse; ut adeo *confudit* idem sit, ac *occasionem dedit confusionis* s. *confundere cepit*. Posterius particulam *1* attinet, quam *siquidem* reddidi. Sed hunc ejus significatum vel Lexica demonstrant. Atque eundem hic obtinere oportet, cum ea, quæ subsequuntur, declarando Babelis nomini, quam quæ minime, subserviant, qui tamen scribentis scopus fuit. Conficitur hinc, ad proxime præcedentia esse referenda, quibuscum facillime ac verissime coniungi possunt. Quin imo prævidisse videtur scriptor haud difficulter subitanam linguæ confusionem intelligi posse: quare denuo causam confusæ linguæ dispersionem fuisse innuit, ut adeo & *ταυτολογίας* vitii Moses plane reus agi nequeat. Nisi vero magis arriserit, alterum hoc hemistichium ita explicare, ut ad totam potius historiam respiciat, quam ad ea, quæ proxime illud præcedunt. Modo ne effectum putes esse prioris. Quid enim illud hic addere opus erat?

## §. 12.

Quænam illa sit coniectura, in quam ratione hominum dispersionis nos incidisse, supra (§. 10.) indicavimus, paucis his adiungere mens est. Cum radicis *רר*, tum vis radicis *פר*, quæ quidem in describenda illa

adhibentur, nos de *aquis* cogitare iubent; Catarractarum ope atque nimborum Deum puto campos undavisse Babylonicos, intermixtis etiam tonitrubus adeo territas mortales, ut quaquaversum fugerent meticulosi, suisque pecoribus alias aliasque quaererent valles, neque in perdita atque desolata loca unquam redire cuperent. Hæcce confirmare videtur nomen Pelegi, quod ipsi ob hanc hominum dispersionem elatum fuisse, constat inter omnes. פֶּלֶג enim *torrentes* sunt ac *rivi*. Hinc etiam cel. LOESCHERUS in tractatu, quem inscripsit: *Aelteste Geschichte der Welt*, *Pe- lagum* orram esse putat ex effusione Ponti Euxini, cuiusmodi ortum prodidit DIONORUS Sic. l. IV. *Biblioth.* Dignum etiam est memoria, plurium veteres Auctores diluviorum mentionem facere. XENOPHON de æquivocis: "Inundationes, scribit, plures fuere. Prima novimestris inundatio terrarum sub prisco Ogyge. Secunda Niliaca menstrua sub Aegyptiis, Hercule & Prometheo. Bimestris autem sub Ogyge Arico in Achaia,, cet. Conf. DION. GODOFREDI *antiq. Hist.* l. p. 47. Accessere forsan liquatæ lugorum Armenicorum nives, quibus adeo accrevit Euphrates fluvius, cuius ibi fontes reperiri, neminem præterit, ut tota illa regio inundaretur. Hic



audias velim *Curtium* l. V. c. 1. ita narran-  
tem: "Euphrates magnæ molis crepidini-  
bus coërcetur. Sed omnium operum  
magnitudinem circumveniunt cavernæ in-  
gentes, in altitudinem pressæ ad accipien-  
dum impetum fluminis: quod ubi apposi-  
tæ crepidinis fastigium excessit, urbis te-  
ta corripere, nisi essent specus, lacus-  
que, qui exciperent." Si verum esset,  
quod *Iosephus* scripsit, eos, qui turrim  
struxere, hunc habuisse finem, ut in altero  
diluvio haberent, quo se tuto reciperent;  
memoratu dignum foret, vana sic sua ho-  
minibus consilia demonstrasse Deum. O. M.  
Sed hæc hæctenus.

## §. 13.

Obiicienti, admissa hac nostra expli-  
catione, difficile esse comprehensu, unde  
tanta, quantam hodie observamus, oriri  
potuerit linguarum varietas, illa nempe  
non nisi diversas inferente dialectos: ita  
puto responderi posse. Primum observes ve-  
lim, dispersorum illorum alios aliis rudio-  
res, adeoque & vocum phrasiumque ma-  
gis fuisse incurios, quorum posterius itaque  
coacti fuerunt, ut novas sibi formarent vo-  
ces atque phrasas, quæ quidem novæ lin-  
guæ elementa sunt. Tum vero notandum  
est, quam minime copiosam fuisse linguam

primævam, nemine infitias eunte, eo magis linguas pauperulas esse consuescere, quo maior rerum, & quod inde conficitur, conceptuum locum habet paucitas, quæ vero, nemine non largiente, tunc temporis exstitit maxima. Iisdem postea rebus, artibus, scientiisque ab aliis aliisque inventis, fieri non potuit, quin eidem significandæ rei plures eæque diversæ orirentur voces. Accedit, unius eiusdemque linguæ tantam, temporis successu, & hodie solere esse variationem, at vix avorum scripta sine nausea legant nepotes. Quid igitur, tot iam elaplis post Babylonis destructionem sæculis, linguas hodie adeo differre mire ris, unius quamlibet omnes enunciem filias? Præterea maiorem linguarum omnium harmoniam observarunt quidam haud in celebres viri.

## §. 14.

Quod reliquum est, coronidis loco brevem huius historiæ circumscriptionem annexere lubet.

v. 1. *Primis generis humani temporibus in toto terrarum orbe nonnisi una erat lingua, ita ut eadem omnibus & voces & locutiones essent.*

2-4. *Cumque homines forte in amænissimam regionem Sinear pervenissent, hæc ipsis adeo*

adeo placuit, ut ibi urbem ac turrim ædificare constituerent, insimulque inducerent animum, coniunctos ibi permanere, atque rempublicam aut societatem universalem erigere.

5. Verum hoc Deo, qui totum terrarum orbem incolæ volebat, adeo displicuit, ut manifestissimis iræ suæ signis de cælo descenderet: urbemque ac turrim, quam filii hominis ædificaverant, iracundo oculo adspiceret, ventis, terræ motibus, fulguribus, procellis opus eorum inceptum horrendum in modum subvertens. \*)

6. En vero populus iste, inquiebat Iehova, diutius hic uno loco habitavit, eademque est lingua omnibus: semel quoque in hac sæcunda regione coniuncti habitare constituerunt, neque hac quidem subversione coacti  
ab


\*) Plane cum his convenit hoc Sibyllæ testimonium, apud Iosephum l. I. Antiq. c. V. πάντων ὁμοφωνῶν ὄντων τῶν ἀνθρώπων, πύργον ἀκοδομήσαν τινες ὑψηλοτάτον. -- οἱ δὲ Θεοὶ ἀνεμῶς ἐπιπεψάντες ἀνέστρεψαν τὸν πύργον, καὶ ἰδίαν ἑκάστη φωνὴν ἔδωκαν, κ. τ. λ. Coincidit quoque testimonium Abydeni apud Eusebium, quod una cum priori plenius habet Cel. HOLLMANNUS in Uebersetzendern Vortrag von Gott und der Schrift, p. 331. seq. Qui etiam, quæ de Titanomachia traduntur, huc respicere putat. Ast quem fugit, quo ventorum atque tonitruum sonitu illa describatur?


*ab incepto suo desistent, sed potius opus resumpturi, quo unum usque constituent populum, denuo turrin & urbem ædificare incipient.*

7. *Age igitur, horrendis iterum tempestatibus & vi irruentis undæ eos territos persequar, ut in omnes terræ plagas vitæ suæ consulturi confugiant. Atque sic progressu temporis linguam ipsorum confundam, ut, si iterum convenire vellent, alter alterum haud intelligat.*

8. *Itaque maximo terrore perculsos in latum, qua patet, orbem quam celerrime homines dissipavit Iehova, atque hac ratione finem suum obtinuit, quo eos unam eamque universalem rempublicam constituere nolebat.*

9. *Hinc ortum est nomen BABEL. Hac enim ipsa hominum dispersione effecit Deus, ut lingua primæva paulatim confusa atque immutata sit.*





## VIII.

## HENRICI KOOKEN

V. D. M.

IN VALKENSWAERD ET DOMMELEN

## OBSERVATIO

AD

I A C. II, v. 18.

## §. I.

**C**onstat omnibus, qui tantum fugitivo oculo inspexerunt variantes lectiones epistolæ Jacobi, eas etiam reperiri in v. 18. cap. secundi : loco enim lectionis vulgaris *δείξον μοι τὴν πίστιν σου ἐκ τῶν ἔργων σου* dantur Codices, qui legunt *χωρὶς τῶν ἔργων σου*. Lectio hæc primo intuitu egregiam veri speciem præ se fert. Nam si verum est, quod is, quem Apostolus in hoc & antecedentibus commatibus sibi adversarium constituit, concedat se *fidem habere sine operibus*, vix aut ne vix quidem intelligi potest, quomodo Apostolus ab adversario exigere queat, ut is fidem suam demonstret ex suis operibus.

Quare



Quare *Clarissimus* I. D. MICHAELIS inquit :  
 „ accedit, quod connexioni sermonis illud  
 „ *ex τῶν ἐργῶν σου* satis ineptum sit. Con-  
 „ cesserat Apostolus adversario suo, ut fidem  
 „ se solam habere iactaret. Quomodo er-  
 „ go ab eodem exigere poterat, ut fidem  
 „ ex operibus demonstraret? Nobis vi-  
 „ derur *ex*, quod vulgares habent codices,  
 „ ex sequente commate ab incauto scriba  
 „ translatum. „ citante hæc Cl. MICHA-  
 „ ELIS verba, *Viro*, dum viveret, *summo*,  
 J. S. BAUMGARTENIO, in *examine vari-*  
*antium lectionum in epistola Jacobi obviarum*  
*pag. 24. subiuncto commentario in hanc epi-*  
*stolam.* Sed ego aut totus fallor, aut, præ-  
 fiscine dixerim, planum faciam, receptam  
 & in plurimis editionibus occurrentem le-  
 ctionem se recte habere. Sed res paulo al-  
 tius reperenda est.

## §. 2.

Ordior igitur a commate 14. cap. se-  
 cundi, ubi Apostolus dicit: „ Quæ utili-  
 „ tas, Fratres mei ! si quis dicat fidem ha-  
 „ bere ; opera vero non habeat. Num  
 „ potest fides illa cum servare. „ Ex his  
 verbis liquidum est, quod is, quem Apo-  
 stolus heic respicit, iactaret, se fidem habe-  
 re, & per eam fidem se æternam salutem

consecuturum. Dum vero additur: *opera vero non habeat*: non adeo liquidum videtur, quomodo hæc verba capienda sint; an capienda tanquam verba adversarii, quibus ipsemet concedit, se quidem fidem, sed non opera habere, adeoque se fidem habere sine operibus? An vero capienda tanquam verba ab Apostolo addita, ut electis, quibus hæc epistola scripta est, constaret, iactatam illam fidem vanam esse? Si Apostolus indicare voluisset hæc adversarii verba esse, adeoque adversarium ipsummet concederè, fidem suam sine operibus esse: Apostolus non dixisset *εαν πισιν λεγει τις εχειν, εργα δε μη εχη*, sed dixisset *εργα δε λεγει μη εχειν*, sive *εργα δε μη εχειν*: unde sequitur, verba, *opera vero non habeat*, ab Apostolo adiecta esse ad vanitatem illius iactatæ fidei omnium oculis exponendam. Quod vero per *opera* heic intelligenda sint eiusmodi opera, quæ cum salvifica fide indivulso nexu adeo cohærent, ut tanquam genuini fidei fructus ab ea abesse non possint, id extra omnem dubitationis aleam esse arbitror.

### §. 3.

Ut vero certius constet, verba, *opera vero non habeat*, eo, quo dixi sensu, capienda esse, progredior ad comma 18, ubi dici-

## 566 Henrici Kooken Observatio

citur. „ Sed dicet aliquis, tu fidem habes & ego opera habeo. „ In confesso est, quod heic adversarius Apostolum alloquens introducat, & quidem ita, ut tela, quæ Apostolus in adversarium vibravit, adversarius iam in Apostolum retorquere conetur. Apostolus enim adversario attribuerat *fidem sine operibus* : hoc telum adversarius in Apostolum retorsurus, ad Apostolum se convertens dicit : *Tu habes fidem*, id est, non ego, sed tu habes talem fidem, qualem v. 14. mihi adscripsisti, id est, fidem, a qua opera, genuini salvificæ fidei fructus, plane absunt, adeoque fidem sine operibus. Sed ego habeo opera, id est, vi oppositionis, ego habeo fidem, quæ efficax est eiusmodi operibus, quæ sunt indubii fructus veræ & salvificæ fidei, adeoque demonstrant, meam fidem esse veram ac salvificam fidem. Adversarius igitur tam confidenter affirmans, se habere fidem operibus efficacem, eo ipso concedebat, ex suis operibus, tanquam indubiis signis, demonstrari posse fidem suam esse veram & salvificam fidem.

### §. 4.

Hisce ita constitutis iam Apostolus adversario responder, dicendo : „ ostende „ mihi fidem tuam ex operibus tuis, & ego „ ostendam tibi ex operibus meis fidem me- „ am. „

„ am. „ Nervose admodum his verbis fiduciam, quam in causa sua collocat, exprimit Vir sanctus, & indicat, se certissime convictum esse, hac demonstratione fidei ex operibus utrimque suscepta, non tantum ex operibus adversarii statim appariturum, ipsius fidem mortuam, ideoque salvificam fidem non esse, sed & ex suis operibus appariturum, suam fidem esse vivam & salvificam fidem, Quæ cum ita sint, quis non videt, quam pulchre heic omnia cohærent. Adversarius enim tacite, uti vidimus, concesserat, fidem suam ex operibus suis demonstrari posse. Ex his concessis iam Apostolus argumentatur, adeoque summo iure exigit, ut adversarius fidem suam ex operibus suis ostendat non solum, sed ad Adversarium de æquitate huius postulati magis convincendum Apostolus vicissim se promptum paratumque demonstrat, ad fidem suam etiam ex operibus suis ostendendam. Qui vero idem, quod ab adversario suo exigit, etiam vicissim adversario in se ipsum concedit, ipse cum adversario æquissimo modo procedit, atqui ergo. Quis igitur non ex ipsa rei indole & Apostoli ratiocinio perspicit, vulgarem lectionem *ἐκ τῶν ἔργων* necessario heic requiri, adeoque genuinam esse? cum altera lectio *χωρὶς τῶν ἔργων* heic locum habere non possit. Quomodo

*Bibl. Brem. Nov. Cl. III. F. III. P p* enim

enim Apostolus ab adversario exigere potuisset, ut demonstraret fidem suam sine operibus, id est, fidem quæ est sine operibus? cum adversarius non tantum neget & perneget suam fidem esse sine operibus, sed & plane contrarium adseveret, id est, se habere fidem efficacem operibus.

§. 5.

Si porro cum iis, quæ hætenus disputavimus, comparemus, comma 19. huius cap. & Deut. VI, 4. sat perspicuum fore arbitror, adversarium Apostoli fuisse Judaizantem. Iam vero cum norante ad com. 14. huj. cap. Illustri GROTIO, hæc opinio olim valde fuerit frequens apud Iudæos: omnem, nimirum, Israelitam, qui modo professionem Iudaismi non abieciisset, partem tandem habiturum in altero sæculo, id est, in vita æterna: non improbable videbitur, fidem huius adversarii saltem magna ex parte constituisse in professione Iudaismi, & ipsius opera in observatione legis Mosaicæ ceremonialis, & traditionum veterum; quæ opera cum adversarius non observaret in Apostolo Jacobo, hinc ipsi exprobatat fidem sine operibus.







IX.

CAROLI BUTTINGHAUSEN,

HIST. ECCLES. ET ELOQ. PROF. P.O.

ET V. D. M. APUD HEI-

DELBERGENSES

OBSERVATIONES MISCELLANEA.

I.

IN VITI

LUDOVICI a SECKENDORF

HIST. LUTHERANISMI LIB. I. SECT. 35.

§. LXXXII. ADDIT. I. QUÆ AGIT

DE

JOHANNE SCHWEBELIO.

§. I.

**I**llustris SECKENDORFIUS ex ipsissimis quidem fontibus hausit, & ferme ubique ad genuina documenta provocavit; sed & nonnunquam bonus hic dormitat Homerus. Illis saltem quæ lib. I. Sect. 35. §. LXXXII. Addit. I. p. m. 131. de JOHANNE SCHWEBELIO occurrunt, limam addere licebit.

## §. 2.

Missis illis, quæ ex J. H. MAJO de *Schwebelii* Epistolarum aut Scriptorum corruptione & interpolatione profert, moneo tantum, *Seckendorffium* id infirma consequentia ex ALTINGIO confirmare voluisse.

## §. 3.

Videamus jam ordine, quæ ulterius de *Johanne Schwebelio* narrat:

“Scripta ejus Germanica, quæ hodie rarissime inveniuntur, excusa sunt forma octava Biponti anno 1605. Insertæ ibi leguntur epistolæ ad eum *Melanchthonis*, *Buceri* & aliorum.

*Observationes.*

I.) Doct. GERDESIUS florileg. librar. p. m. 256. hæc SECKENDORFFII verba quidem allegat & calculo suo approbat, sed, quod pace virorum Doctissimorum dixerim, varia hec emendanda veniunt.

II.) Nam annus a SECKENDORFFIO laudatus mihi non satis videtur determinatus. Opera enim Germanica Tom. II. prodierunt 1598.

III.) Epistolæ vero *Melanchthonis* & *Buceri* non inveniuntur in istis operibus Germanicis, sed potius in centuria Epistolarum,

larum. Opera igitur Germanica & Epistolæ minus recte inter sese confunduntur. Id quod ex sequentibus clarius adhuc patebit.

§. 4.

“Inter alia Melanchthon ad eum anno 1519. scribit: *Multo major, multo admirabilior est Lutherus, quam quem verbis possim adumbrare.*

*Observatio.*

Ista Melanchthonis verba minime extant in operibus Germanicis, sed in Centuria Epist. p. 8. & scripta sunt A. 1520.

§. 5.

“Ipsius vero Schwebelii insignes extant epistolæ. Ex iis percipitur, vocatum eum anno 1523. fuisse Heidelbergam a Ludovico Electore Palatino, satisfacturo scilicet mandato Imperiali &c.

*Observatio.*

Nimis celeriter & iusta minime adhibita diligentia hæc legit Seckendorfius in Operibus Germ. p. 84. seqq. Non enim vocatus est ab Electore Palatino Heidelbergam, sed a Bipontino Duce Bipontum.

§. 6.

In sequentibus Opera Germanica & Epistolæ ubique inter sese confundit illust. Seckendorfius. Sed hæc speciminis loco sufficiant.



## II.

## MEDITATIONES

## IN APOC. XV, 3.

## SECT. I.

## DE CANTICO MOSIS ET AGNI.

**N**uper admodum felicioris ingenii amicus suam in hunc locum conjecturam mecum communicavit, dubiaque varia mihi solvenda obtulit.

I.) Dubitabat, an canticum *Mosis*, *servi Dei*, primum occupare possit locum, cum agnus sit ipsissimus Deus.

II.) Duplicem & diversum hujus loci urgebat sensum. Canticum enim *Mosis* esse tale canticum, cujus auctor vel cantor sit *Moses*; Canticum autem agni enarrare laudes atque gloriam agni, cum *Apocalypsis* nunquam nobis exhibeat agnum canentem.

III.) *Apoc. V. 6-9.* aliud plane Cantici argumentum occurrere.

IV.) Observabat, totam nostram pericopam alludere ad canticum *Mosis & Mirjam*, *Exod. XV.* laudatum; Adeoque heic legendum esse: *Canticum Mosis, servi Dei & Canticum Mirjam.* Quam ultimam

vocem, cum non satis intelligerent descri-  
ptores, eo facilius in *canticum agni* mutare  
potuerunt, quo major sit convenientia in-  
ter *μαριαν & αγιον*.

V.) An vero jam varians hoc loco  
observata sit lectio, aliis examinandum re-  
linquebat.

Ad hæc breviter respondebam:

I.) MILLIUM saltem nullam heic le-  
ctionem variantem observasse. Adeoque  
plane temerarium esse contra omnium  
omnino codicum auctoritatem novam ex in-  
genio fingere lectionem.

II.) Concedebam allusionem ad Can-  
ticum Moſis Exod. XV. quam jam alii ad-  
miserant. vid. cel. WOLFII Cur. Crit. ad  
h. l. Sed addebam, Johannem variarum re-  
rum ideas in unico emblemate nonnunquam  
conjungere, vel locum nostrum simul re-  
spicere agnum paschalem, quo egreden-  
tes ex Aegypto Israelitæ urebantur.

III.) Non valet argumentatio: Apoc.  
V. 6-9. in Cantico agni aliud occurrit ar-  
gumentum, ergo lectio hætenus recepta  
est falsa. Canticum enim agni, pro diver-  
ſitate temporis atque circumſtantiarum, di-  
verſæ etiam est materiæ. En Exemplum  
in Cap. XIV. 1-9. ubi etiam in cantico agni  
aliud utiquè erat argumentum, & plane  
diverſum a Cap. V. 9.

IV.)



IV.) Denique observabam, ordinem verborum: *canticum Moſis atque agni*, explicandum eſſe ex oëconomia temporum, non vero ex dignitate personarum.

Alii forſitan ſolidiora adverſus amici conjecturam in medium proferre non dubitabunt.

## SECT. II.

### DE REGE SANCTORUM.

Deus dicitur βασιλεὺς τῶν ἁγίων. Hanc lectionem novo argumento impugnavit WOLFIIUS ad h. l. p. m. 564. *Deus*, inquit; *alias nusquam, si recte memini, ita appellatur.* Verum enim vero, si ambabus, ut ajunt, manibus istam concederem consequentiam, falsum tamen eſſet ſuppoſitum. LXX. Dan. VII. 18, ita: καὶ παραλαμβάνονται τὴν βασιλείαν ἅγιοι ὕψις. Heic ſubditi *Regis* dicuntur *ſancti*. En *Regum Sanctorum*! Cumque Johannes hoc noſtro capite respiciat tempora Moſaica, & egreſſum ex Egypto per mare rubrum, utique regem τῶν ἁγίων ex eadem historia illustrare liceat. Jehova enim Iſraelitas Exod. XIX. 6. ita alloquitur: ὕμεις δὲ ἑστέ μοι ἔθνος ἅγιον. Quin

Quin imo, Moses in ipsissimo suo Cantico Exod. XV. loquitur *de monte Sanctitatis* &c. Nec etiam obstat, quod v. 4. *μῶνός ὁσῖος* nuncupetur Deus, & axioma tamen istud: *βασιλεὺς ἁγίων*, plures indicet sanctos. Isto enim argumento pugnantibus sanio-rem in rebus Theologicis apprecamur mentem.

## ERRATA

### IN CLASSE SECUNDA.

Pag. 523. l. ult. *lege* usum, p. 524. l. 16. eum, l. 17. placare, p. 535. l. 8. l. longanimitatis, p. 548. l. 13. l. adaptari, l. 16. l. prae-  
fixæ fut, p. 555. l. 28. l. alloquitur, p. 565. l. 30. l. Ipsi, p. 567. l. 7. l. amatores.

### IN CLASSE TERTIA.


Pag. 12. l. 12. l. ringentibus hostibus, p. 13. l. 15. l. finitimos, p. 14. l. 4. l. *hicce*, p. 15. l. 7. l. alienissima, p. 17. l. 24. l. improbabilis opinio, p. 18. l. 20. l. prae-  
dictio, p. 19. l. 12. l. extera, p. 23. l. 14. l. illum, p. 32. l. 23. l. restringatur, p. 35. l. 6. l. inclusam, p. 40. l. 9. l. designari, p. 52. l. ult. l. Familiari-  
ter, p. 60. l. 11. l. §. 2. l. 13. l. *Bethomam*, p. 61. l. 24. l. suppleverit, p. 64. l. 9. l. supere-  
rant, p. 66. l. 5. l. penitus, p. 69. l. 10. l. in-  
genium, p. 71. l. 19. l. toti, l. 72. l. praeterea, p. 73. l. 20. l. falsis, p. 77. l. 11. l. rursus, l. 25. l. *fiet tibi, confotum*, p. 79. l. 14. l. sufficiant, p. 80. l. 19. l. gratissima sit, p. 93. l. 11. *dele*  
ad, p. 115. l. 11. l. oeconomicæ, p. 119. l. 22. l. quo-

l. quorum, p. 120. l. 24. l. adest, p. 123. l. 1. l. *μια-  
 νιτα*, p. 135. l. 7. l. *π*, p. 173. l. 25. l. LOSTBOHM,  
 p. 174. l. 7. l. WOHLIN, p. 175. l. 15. l. WORLIN,  
 p. 176. l. 24. l. WALLENIUS l. 29. l. NOUF, p.  
 195. l. 3. l. v. 28, p. 205. l. 15. l. *οχλοι*, p.  
 207. l. 27. l. *επισυμων*, p. 211. l. 27. l. coëgerunt,  
 p. 219. l. 29. l. *πυλαι*, p. 226. l. 25. l.  
*μεγεθυν*, p. 234. l. 15. l. *διξιμ*, p. 237. l. 23.  
 l. filium, p. 266. l. 6. l. exponuntur, p. 267.  
 l. 16. l. hieroglyphica, semel statuta fervarent, p.  
 272. l. 4. l. revelasset, p. 287. l. 17. l. *αρχιεπισ*,  
 p. 302. l. 14. l. dicturi, p. 308. l. 5. l. libris, p.  
 312. l. 25. l. regulas, p. 356. l. 2. l. remoram,  
 p. 390. l. 33. l. Catalogus, l. 35. l. etiam, p. 391. l.  
 2. l. ab ihre, p. 409. l. 13. l. illatum, p. 440. l. 16. l. du-  
 dum, l. 23. adnotationibus, l. 24. plantarum. p. 448.  
 l. 6. l. *ισον*, p. 452. l. 8. l. *διδαχη*, p. 468. l. 21. l. *ισον*,  
 p. 476. l. 17. l. Calpurnium, p. 483. l. 20. l. cum  
 Eo, p. 490. l. 15. l. PILATI, p. 509. l. 15. l. Ver-  
 fio, p. 515. l. 16. l. non, p. 520. l. 28. l. me-  
 ruerit.



VA 11527039

l. 44  
STOHN,  
OSLIN,  
F, p.  
u, p.  
erunt,  
35. l.  
l. 23,  
267.  
it. p.  
agios,  
i, p.  
ram,  
91. l.  
du-  
448.  
ior,  
cum  
Ter-  
me-





189  
a  
32



